





C1-1-

3/68



جزء ثانی مکتوباتك خطا صواب جدولی

صحیفہ	سطر	دیریشی	صحیفی
۷.....	۱۵.....	ایدیدیلن	ایدیلن
۱۰.....	۲۰.....	وروحانیتی	روحانیتی
۶۷.....	۱۷.....	عریضہ	تحریرات عمومیہ
۸۰.....	۱۸.....	برخریطہ مشمعہ یہ	برخریطہ ایلہ برابر مشمعہ یہ

عن ايدى التعرض عتيقه. فاشاوركم، ولا احاوركم واخلطكم فى المجاملة
وامتاز عنكم حين المعاملة. ومع هذا لا اقتحم فيما منعه، ولا اعترى الى
ماقدعته واعترف ما فى وظائفكم من الامر الاهم واجتنب عن التزام
مالا يلزم.

ايها السادات. ان السياسة، من اركان الرياسة، فانا ان شاء الله تعالى
أُنْجِي مَقَامَكُمْ، واحرس مَقَامَكُمْ واقم العدل والاحسان، واقوم قواعد
السلطان. واقدر لكل صادق صدقه، واعطى كل ذى حق حقه، واخفض
جناح الرأفة على المظلوم، واجيب السائل والمحروم. واعمر بلادكم،
واورق عيونكم وفؤادكم واشرع لكم من السياسة منهاجاً، واوقد لكم
من الحراسة سراجاً وهاجاً. فسترون بلدتكم هذه روضة بانوار النباهة
تَزَيَّنَتْ، واخذت من الحاسن زخرفها وَازْيَنْت. وشموس الرفاهية بازغة
فى ذراها، وزهور السرور نايبة على رُباها. وَلَكَجِدَنِي ارفق على الرعية،
واسفق على الضعفاء فى الخفية والجلية، واصدق الولاية فكراً واطوعها
للسلطان علانية وسراً. ولتدعن بدوام عمره على توالى انعامه وليشكرته
كل منكم بِالنسيته واقلامه. فاطال الله عمره واجلاله وبسط على الورى
عدله وظلاله ولا زالت سرادقات امانه على البرايا منشورة والوية حماسه
فى الافاق منصوبة ومنصورة آمين وارجو من الرفقاء الكرام والاعيان،
المعونة الكاملة فى كل حين وزمان، والله الموفق لسبيل السداد ومنه
الغاية والاستمداد.



البحين تبرا، والعقيق درآ، فها انا اقيم بواجب الوظائف تصديقاً لخطته،
واريد التوفيق لادامة لطفه ومثله،

اعلموا ان الوالى لاعباء الرعية حامل وهى حمل عظيم ثَقِيل الكاهل،
والولاية امانة، مكفولة بالحفظ والصيانة، ومن شعباتها دفع المظالم وجلب
المغانم وتعمير البلاد، وترفيه العباد، فهذه قباب غالية ذات ابواب، تنقطع
قبل نيلها الاسباب، ومراحل كثيرة نائية الاقطار، تنقضى دون وصولها
حبال الاعمار، فلئن استعنا بحول الله وقوته، وتوسلنا برسول الله وعترته
واطعنا سلطاننا، وشفنا باوامره اذنانا. واعتصمنا بالشرع المبين، والجليل
المتين. وقومنا نيّاتنا، واخلصنا طيّاتنا. فعسى الله ان يرفع عنا اصراراً،
ويسهل لنا امراً ويعطينا توفيقاً وما احسن رفيقاً.

واعلموا ان الشرع والقانون توّمان، بل هما فى الحقيقة مثل كفتى
الميزان. فمن تحلّى بحليتهما فقد خلص من شين العدل ومن عدل عنهما
فقد برى من العدل. ولا يستقيم بدونه صلاح، وهل تقوم اجساد بلا
ارواح فاذا صلحتم تناولون بصلاح عُثمانيكم، فانهم بمنزلة اعمالكم. وانا
لا آمن من عثراتي، وزلاتي وهفواتي واتي صارم لا ينبو، واتي جواد
لا يَكْبُو فان رأيتم مني قصورا فاخبروني، او غفلة او ذهولا فاخطروني،
فاني اتجنب بالانصاف عن الاعتساف. واتوقى عن الاصرار بعد الاخطار
واتهيج محجة الحق ولا ادع، فان الحق احق ان يتبع. والتفحص الموارد
والمناهل، واطمح نظري الى القول لا الى القائل. فكم للسحاب دُرّة
وفى الذرة دُرّة. وللخامل مزايا، وفى الزوايا خبايا. بيندأنى اصون شأنى
وازرى، ولا اشرك احداً فى امرى. فان وظيفة المرء له عشيقه، متسونة

ايها السادات، ابشروا بمُعظم الفوز والتعادات. لقد بسط الله عليكم
ايدى نعمه، ونشر عليكم صحائف منته وكرمه، وشرفكم بمتابعة السلطان
الجليل، واطلكم بظله الظليل. وامتدكم بعوارف عدله واحسانه فجعلكم
اخياراً، ونظمكم فى سلك عبيده فترككم احراراً.

ملك يدين بستة وشريعة ورع يفوق على الملوك جليل
فهو الذى عمم البرايا عدله ان الزمان بمثله لخيّل
فاشكروا الله على مادعائكم، وهديكُم ووقاكم. واشكروا اله على
ما انعم عليكم ظلاً ممدوداً، وخضكم بجلائل الطافه فصرتُم للخلائق
محسوداً.

ملك يلوذ اليه كل خليفة، هادٍ الى سُبُل الرشاد دليل
فن اقتدى بهداه فهو سابق، بصلاح دينٍ والصالح جميل
فاستمعوا الى طاعته وانيبوا، واصغوا الى اوامره واجيبوا. فعليكم
بمتابعة الامر قال الله تعالى [أَطِيعُوا اللَّهَ وَأَطِيعُوا الرَّسُولَ وَأُولَى الْأَمْرِ]
فطوبى لمن نال هذا الفلاح والصلاح، وَرَقَى مَرَاتِقِ ذَلِكَ الْفَوْزِ وَالنَّجَاحِ
ايها السادات اعلّموا ان السلطان الاعظم وخليفة رسول الله على
العالم، صاحب الجِندَةِ والجلالة ووارث السلطنة العظمى لاعتن كلاله، لحظنى
بعين عنايته ومدّ على ظِلِّ رِغَائِيهِ، ورفع قدرى وشرح صدرى وميّزنى
باجل الخلاق، وقلدنى صارم ولاية العراق، وهو اعظم الولايات موضعاً
واهمها موقعاً، وادقها سياسةً، واشقها رياسةً. واعلاها منارا ووضحها
شعاراً، واحسنها ارضاءً وايمينها طولاً وعرضاً، وما انا وعروج هذه السماء
واين الخضيض من السماء الاعزل الاسمى، ولكن اكسير نظره يجعل

واستوجب ممنونیتی قدر تفصیله واجماله فلا زلتم للمکارم اهلاء، والفضل
والفضائل محلاء، والسلام علیکم ورحمة الله وبرکاته.

تحریرات

حسبکم قرابة المصطفی فخرا فهو خیر وصف جلیل، یغنیکم عن کل
وصف جمیل، ولذلك اقتصرت علی افادة المرام فاقول ایها الامام الهمام
ان من المعلوم ان امورنا مربوطة بحبل القانون فالجائی ما یراه القانون
انه جان، وان زعم الناس کمال نجاته، والناجی ما یرأه القانون وان تکلم
الحلق فی فسادہ وسیئاته، هذا والذي تکرهون لقاءه وتمنعون وجوده
فی بلدکم بل تحبون فناه قد یرأه القانون مما نسب الیه، وصار ذلك سبباً
لرد ما تکلم علیہ، ولم نروجهاً للسؤال والجواب، فضلاً عن التنکیل والعقاب
ومن یرأه القانون دام علی عمله وآمن فی حله ومرتحله ووالی الولاية
وان تولی امر العموم لكن لیس له التصرف فی الامور القانونیه بل علیہ
ان یمضی القرار الصادر من مرجعه ومعتمده، وان کان خلاف معتقده،
ومع ذلك فلنیزید مالی معکم من الخلوص، سئلت المتصرف عن هذا الخصوص،
فان اجاب بما یمکن معه التعدیل ویهدیه الی سوء السبیل امضیت ذلك
الامر، ورفعت عنکم وعنه الضرر هذا منتهی جهدی رعایة لکم وللدین
واخر دعوانا ان الحمد لله رب العالمین والسلام علیکم اهل البیت.

بغداد نطقنک ترجمه سیدرکه بالاده بیان اولندیغی وجهله اظنه
علماسندن قزاز زاده فضیلتلو الحاج محمد نوری افندی طرفندن زورا
غزته سنه ارسال واهدا بیورلمشدی.

بما حكيم من تأوّه المرأة العلويّة، وعلى نجلها النجيب المستحق للتربية والتأديب، على ما فرط منه فى حقّ خاله العالم الجليل الارب .
وكأنى كما تعلمون قد أُلْهِمْتُ من قبل بما مرّتم به، واشترتم اليه، فاصدرت امرا بتخلية سبيله، بشرط أنّ يوثق بالحكومة بارائة كفيله، يتعهد بحسن ادبه مع خاله فى استقباله وحاله، واعطيت ذلك الامر الى السيّد الاعزّ كيلانى زاده عبدالرحمن افدى يواصله اليكم ويقدمه لديكم هذا ولا يخفى على جناب المستطاب انه من كان ولى الامر يراعى حقوق الام والابن والحال، متساويا على مقتضى الحال، فيفعل بما يجب وتقتضيه الحكمة، فيما فيه صلاح الامة فأتى للمصلحة هكذا رأيتم، فأمل ان لا اعاب من قبل هذا على ما فعلتم، والسلام عليكم اهل البيت.

تحريرات

لله دُرّك ايها الفاضل الذى امتلأ صدره الرحيب من الفضل والادب، فتفجرت على لسانه ينابيع الحكم، والكامل الذى حاز من الفضائل ما يوجب الحب، فلذا فاق اقرانه وتقدم، فلقد ابهرنى تحريرك المنتظمة سطورده من فرائد عقود نحور الحور، وحيرنى تقريرك الذى ترك بفصاحته سحبان وائل فى دثور، فوالذى انزل نون والقلم وما يسطرون، ان كتابك هذا لحرى ان يجعل رقية سليم، وشمعة فطيم، ولا بدع فانت سمي الحيدر الكرار، والمقتبس من علوم ذلك الامام الذى لم ترمثه فى العلم عين الليل والنهار. وكتاب مقاتل الطالبين الذى تفضلتم بارساله قد وقع موقع القبول

يراعكم وذكرتموه، والى نحونا ارسلتموه. من الحادثة الواقعة يوم عاشوراء، بالغري على ساكنه افضل الثناء. فوالله لما رمتها المحارر، واطلعت عليها النواظر، كاد العقل يطير، وتطيش الحواس فلا ادرى الى اين تصير وسيرى المعتدى شدتي وباسي، وستجول في ميدان العدالة افراسي، ونحن امس قبل غروب الشمس حررنا لصاحب العادة جلال پاشا متصرف كربلا بان يرتب لجنة من ذى العقول، واصحاب الراى الذى لهم الى المطالب وصول، لتحقيق هذا الامر الخطير، وجبرالكسير، واتم ان شاء الله آمنون مطمئنون؛ وسيعلم الذين ظلموا اى منقلب ينقلبون.

واعلموا ان سوط الدولة العلية معد لجازات المجرمين لابر حتم مستظلين بظل امير المؤمنين هذا وسلامى على العلماء والسادات المقيمين بالغري الناطرين، ماتفعل الحكومة فى الظالمين، وما يلزم لنا من جزاء المعتدين وسيجزى كل امرئ بما عمل، وتداوى بكأس العقوبة علة من جهل، وليكن هذا الكتاب جوابا لجنابك العلى ولاخينا الشيخ على افدى واقتصرت على اليسور لقلّة البضاعة، فى مثل هذه الصناعة، ولفرط الاسف ومزید الحجاب، من وقوع هذه الحادثة ايام ولايتى فى مرقد ابى تراب ودمتم سالمين.

تحريرات

لما تشرفت بوصول كتاب الحضرة العلية العلوية، وطرّاز العصابة الفاطمية، وامتلا قلبي بالانوار السنية الحسينية والحسينية، فاعتزنى الرأفة

نترك البديع الحمدانى، لنجمل من مقاماته وقال للحريرى يا جامع اشتات
 البديع والمعانى، أزعمّ انت بانك المفرد فى جمع ماتشت من كلا العرب
 وليس لك مدانى؛ لاوحق البيان، ان هذا الرجل العظيم الشأن، كما ترى
 أتى كل ما أتى فى كتابه هذا باحسن تبيان، حيث تعجز عن اتيان مثله البلغاء
 ولو كانوا فى الفصاحة امثال سحبان وانجال يعرب بن قحطان، هذا هو الحق
 وان كنت عاجزا عن تقرير مزاياه، بل عن ادراك مغناه، لسبق العجمة
 فى لسانى فاعذرني ايها السيد الاملى، واقنع فى تقريرك كلامك بما معى،
 واما ما قلدت به جيد تفسير سر الفرقان من اللؤلؤ المنشور فبا لنسبة
 الى المفسّر لا المفسّر لحرى بان يكتب بما اذهب اوبالنور، على صفحات
 الحور، وانا قاصر عن اداء شكره الواجب الاداء، فلذلك اقتصرت بهذا
 الدعاء، اجلك الله اجللت العلم، وحزت رتبتي الفضل والحلم هذا.
 ورجأت منك يا قرة عيني ان كان عندك شرح عقائد النسفى للسعد
 فارسله الىّ مع حاشية الخيالى، حتى بمراجعتي اليهما يتقوى ما فى خيالى،
 وانا معيدهما مع من اتى بهما فورا، حفظكم الله اهل الحلة من ان اصبح
 ماؤكم غورا والسلام.

تحريرات

اعز الله الفاضل التبيل التبيه، حيث تلطف على محبته واخيه، بارسال
 رسالة منبئة عن كامل المحبة وخالص الوداد، مؤكدة بالوفاق والاتحاد،
 وانا لازال شاكر تلك الهمة العالية الى يوم التناد. مما جرى به

مكتوب

الحمد لله الذى اعز راقم الحروف بعز خطابكم الشريف حيث اراح قلبه المستهام، وازاح عنه علل الحسرات والاسقام، حفظ الله سبحانه بدر فضلكم من الحسوف وحى شمس افضالكم من ان يعثرها الكسوف، ٣٨ اما بعد فلما تزينت حدقة الناظر، بشرف تلاوة ذلك الكتاب الباهر، الوارد من همام كريم، جناب الشيخ الاجل الواجب التجيل والتكريم، عطف طرفه نحو سواده، فكحل جفنه بائمد مداده، فاشرق منه نوراً يتلألاً تلاً لاء الهدى، على من استهدى، فكان هذه السطور، ارتسخت من سواد عين الحور، حاكية بانتظامها قلادة النور فى النحور فسارعت قدماء فى المسعى واحسن الله مسعاها، واقتبس منه قبساً يضاهى فى اشراقه الشمس ونحيها. «ان هو الا نور على نور يهدى الله لنوره من يشاء» هذا واما ما امر بسرعة انفاذه واكد، فامر يسير ليس له الرد، ولكن لو علم الموصى ما فعل الموصى له بشيعة الوصى فى الغرى من تقصير فى التحقيق، لما رآه للوصية بحقيق، ومع ذلك انا باذل جهدى فى انفاذ ذاك الامر المطاع، اللازم الاتباع، دتمت سالمين مستريحين فى اطيب زمان واحسن مكان.

تحريرات

اخص بمزيد السلام، يامن بفضائله فاق الانام، كتابك الذى فُزت بمطالعه مُعرب عما كان عندى مُعجماً بعد تلاوته من غزارة علمك وكمالك، لاسيما من فصاحة مقالك فالآن حصص الحق، وتقيّد ما هو المطلق، لورأى

فحسبى الناظر لما تناولته مغشيا علىّ، لابل ظن انى غريق به من شدة اشتياقى حين تلقيته بيدى فوالذى ارسل رسوله بالهدى ودين الحق، لانطق عن الهوى وقولنا الصدق، ان هذا الاكتاب كريم، اتى من سيد كريم، كيف لا وقد اعرب عن خالص المحبة والوداد، وكامل الالفة والاتحاد، فاقر الناظر، وسر الخاطر، واطرب قلبا لا يزال يشتاقي لجمال كمالككم، فها هو المرأت المنطبع بها جميل جمالكم، حارت العقول بما فيها حين غدى طرفى اليها ناظر، مشاهدا بها غصن دوحة مجدكم الناضر، مع انه لا يرى فيها سوى الصور والاشباح، لكن الارواح لشدة غرامها اليها ترتاح، فأتى لى اذا تشرفت بلقىاكم، ابقاكم الله وحيّاكم، ومن على الواله المشتاق بنظرة محيّاكم،

هذا وانى قد تأملت فى الفضائل التى خصها الله بذاتكم الشريفة، انها وان كانت عزيزة فرأيتها على سائر الفضائل منيفة، وهى فيكم غريزة جبّاتية، وفرعية فى سواكم وفيكم اصلية، وما حصلت الا ببركة القرب وشرف الجوار، من سيدنا حضرت حيدر الكرار، وصهر النبي المختار، والقاصم فقار الكفرة بسيفه ذى الققار، رزقنا الله شفاعته وشفاعة اولاده الطيبين الاطهار، واسعدنا بمشاهدة مشهد ذلك الامام الاطهر، واحلنى بفناء محل مرقدہ الازهر، وآسنى بلقاء مواليه لا المغالين فيه، والمفاوضة بطيب الاحاديث مع مجاوريه، لى افوز فوزا عظيما واعده مغنا جسيما والحمد لله رب العالمين

نَعَمْ جَاءَ فِي الْآثِرِ (إِنَّ الدِّينَ النَّصِيحَةُ) وَلَا يُعْرِضُ عَنْهَا سِوَى الضَّالِّ
نَعُوذُ بِاللَّهِ مِنْ سُوءِ الْحَالِ فَالْمَرْجُو مِنَ اللَّهِ الْعَلِيِّ الْمُتَعَالِ، أَنْ يُوقِفَنِي لِحَسَنِ
الْإِمْتِثَالِ، فِيمَا أَمَرْتُمُونِي فِي الْحَالِ وَالِاسْتِقْبَالِ،

وَأَتِمَّ أَلْأَلُوِيَّتِي فَوَاللَّهِ هُمْ خَيْرُ أَلٍّ، أَمْرُ الْفَضْلِ وَالشَّقِي فِي الزُّورِ آ
مِنْ قَبْلُ وَمِنْ بَعْدُ إِلَيْهِمْ قَدْ آلَ. لَا سِيَّامَا إِنْهُمْ مِنْ مُجْتَبِكُمْ وَمُنْتَجَبِكُمْ فَلَوْلَا لَهُمْ
غَيْرُ هَذِهِ الْفَضِيلَةِ لَكَفَّثْتُهُمْ، وَبِهَذِهِ الْوَسِيلَةِ الْإِثْلِيَّةِ لَأَشْكُ إِنْ وُلَاةَ الْأَمْرِ
لَا كَتَفْتُهُمْ. وَكَفَى بِهَذَا الْإِفْصَاحِ تَأْمِيناً لِصَحَابَتِي أَيَّاهُمْ، مَا دُمْتُ مُتَشَرِّفاً
بِلُقْيَاهُمْ، أَحْيَاهُمْ اللَّهُ وَحَيَّاهُمْ.

أَيْهَا الْقَلَمُ إِلَى مَتَى التَّجُودُ فِي مُحْرَابِ بَسَاطَةِ الْقِرْطَاسِ، قِبَالَةَ قِبَلَةِ الْعُلَمَاءِ
وَخَيْرِ النَّاسِ، أَرْفَعُ رَأْسَكَ وَتُمْ وَأَخْجِدُ الَّذِي شَرَّفَكَ بِتَحْرِيرِ جَوَابِ شَافٍ
كَافٍ، لِذَلِكَ الْفَهَامَةِ الْأَلْمَحِيَّتِي مَنِيْعِ الْجَنَابِ عَنْ زَلَلِ مِثْلِكَ عَافٍ وَ أَوْجِزُ
كُلَّ الْإِيجَازِ، وَأَخْتَرُ مِنَ الْإِطْنَابِ لِأَنَّهُ غَيْرُ مُجَازٍ. وَالتَّطْوِيلُ، لَا يَنْبَغِي
لَدَى الْحَبْرِ الْجَلِيلِ وَ أَكْتَفِ بِالْقَلِيلِ، كَمَا قَدْ قِيلَ: «خَيْرُ الْكَلَامِ مَا قَلَّ وَدَلَّ»
وَبِهِ الْكَفَايَةُ سَلَامٌ عَلَيْكُمْ أَهْلَ الْبَيْتِ.

تحریرات

الحمد لله الذي شرفني بوصول كتاب ابي كتاب، واعزني ببدیع
خطاب مستطاب، فوربّ نوح ان سطورہ کا نها امواج فوق امواج، او
کنجوم سماء انا افکارکم السامیة ابراج، او نسیم قبول حمل متن مہمہ
غالیات اللطائم، او فرائد درر قذفها یم الفضل من بحر علمکم المتلاطم،

[وَكَيْفَ يُنْكَرُ فَضْلُ بَعْدَ مَا شَهِدْتَ، آيُ الْكِتَابِ بِهِ وَالْعَقْلُ وَالْأَثَرُ]
 أَلَيْسَ قَالَ اللَّهُ تَعَالَى فِي كِتَابِهِ الْعَزِيزِ «وَإِنَّكَ لَعَلَى خُلُقٍ عَظِيمٍ»
 وَمَنْ أَلْمَخَاطَبَ بِهَذَا الْخُطَابِ الْكَرِيمِ أَلَيْسَ جَدُّ ذَلِكَ الرَّجُلِ الْعَظِيمِ وَأَلَيْسَ
 قَالَ النَّبِيُّ عَلَيْهِ وَعَلَى آلِهِ السَّلَامُ (أَنَا سَيِّدُ وَنَدِ آدَمَ) وَمَنْ حَازَ هَذَا السُّودَ
 بِالْأَرْثِ وَالِاسْتَحْقَاقِ سِوَاهُ وَالْحَقُّ كَمَا قُلْتُ مُرْتَجِلًا فِي وَصْفِهِ وَشَنَاهُ :

شعر

علا فوق العلى مجداً وقدرأ	ادام الله	مولانا علاه
فهمي يفهم الاسرار طراً	عليم فاق	علماء من سواه
فيه منهل عذب فراث	من استمع الحديث	كذا رواه
هو الغوث الغياث أو ان جرب	يغاث الناس فيه	من نداه
توارت بالتحاب غداة يوم	كان الشمس	تخجل من سناه

فَمَا أَنَا أَشْرَعُ فِي جَوَابِ كِتَابِهِ الْمُنِيفِ جَلِيلِ الشَّانِ، عَظِيمِ الْبِرْهَانِ،
 النَّاطِقِ بِالْحَقِّ وَالصَّوَابِ، وَكُلِّ مَا حَوَاهُ عَيْنُ الْحِكْمَةِ وَفَصْلُ الْخُطَابِ
 الْحَمْدُ لِلَّهِ الَّذِي مَنَّ عَلَيَّ بِإِمَالَةِ قَلْبٍ سَلِيمٍ إِلَى هُوَ أَصْفَى مِنْ الْيَاقُوتِ
 وَزَيْنِ لِسَانِي وَجَنَانِي بِدُرِّ جَمِيلٍ ذِكْرِهِ وَذِكْرِهِ وَجَعَلَهُ لِي غَدَاءَ الرُّوحِ
 وَالْقُوَّةِ وَالصَّلَوةِ وَالسَّلَامِ عَلَى عَالَةِ الْوُجُودِ وَخِلَاصَةِ الْمَوْجُودِ صَاحِبِ
 الْحَوْضِ الْمُرُودِ وَالْكِتَابِ الْمَوْقُوتِ

أَمَّا بَعْدُ، فَقَدْ يُعْرَضُ الْحُبُّ إِلَى حَبِيبِهِ وَحَبَّةِ قَلْبِهِ أَنَّهُ لَا فَخْرَ أَفْخَرُ
 مِنْ فَخْرِهِ يَنَالُهُ الْمَخَاطَبُ بَعْدَ خِطَابِكُمُ اللَّطِيفُ أَهْلَ الْبَيْتِ، بَلَّغُوا تَفَضُّلُوهَا
 وَتَأْمُرُوا عَلَى مَنْ يَحْتَاجُ إِلَى نَصَحَتِكُمُ الشَّرِيفِ بِكَيْتٍ وَكَيْتٍ،

افضاله ، حفظه الله مع اخيه وآله من صروف الدهور ، مادار القمر
المنير فى بروجہ و طلعت البدور فى السماء و طَوَّلَ الله عمرهم و رفع
قدرهم بالنبي وآله . و اُقَدِّم و اَوْفِ واجبات الحَيَّةِ و التسليم الى ذاك
الاخ الكريم خلاصة سلالۃ القادرية الحسينية و غصن رطيب للدوحة
العلوية . و السلام عليكم اهل البيت . حرَّ فى اليوم السابع من رمضان
لسنة ١٣٠٧ .

تحريرات

بعداء ما وَجَبَ اَقُولُ الْحَقَّ وَلَا عَجَبَ كَيْفَ يَقُومُ زُورًا زَكِ الْوُزَرَآ
وَاَنْتَ يَا زُورًا مِّنْذُ خُلِقْتَ لَا زِلْتَ زُورًا و كيف يمكن تأليف قلوب شتى
للأمراء و عَيْنُ أَعْيَانِكَ مُنْذُ انْتَمَحَتْ لَا زِلْتَ عُورًا لابل يمكن بتوفيق
موفق الامور و يَمْدَدِ مَنْ كَانَ مِدَادُ اقلامه مَرْكَبًا مِنْ سَوَادِ عَيُونِ الْحُورِ
نَعَمْ وَمَنْ مِدَادُ اقلامه بِذَلِكَ التَّرَكِيبِ الْعَجِيبِ مَرْكَبٌ لَا شَكَّ اَنْ يَحْمِرَ
كلامه يُسَخِّرُ فِي هَذِهِ الْبَسِيطَةِ الْغُبْرَاءِ افئدة كُلِّ بَسِيطٍ و مَرْكَبٍ . بَدِيعُ
الْجَمَالِ رَفِيعُ الْكَمَالِ الَّذِى وَسَّعَ كُرْسِىَ قَلْبِهِ الشَّرِيفِ سَمَوَاتِ الْعُلَى فَوْرَبِ
الَّذِى كَانَ عَرْشُهُ عَلَى الْمَاءِ اِنْ هُوَ الْاَسِيدُ سَادَاتِ النُّقَبَاءِ حَضْرَةُ الْفَاضِلِ
السَّمْحِ التَّيْلُ التَّبِيهِ ابوالهْدَى و اَحَدُكُمْ لِي وَرَثَةُ الْاَنْبِيَاءِ و ارثُ فَنَاءِ الْمَكَارِمِ
و الْفَضَائِلِ و الْعَلَامِ مِنْ اَبَائِهِ الْبَرَّةِ الْكِرَامِ النُّجَبَاءِ

وَ اَيْنَ هَذَا وَاَجْلَافُ الْعُرْيَانِ فَوْحِ الْقِرَانِ لَوْ صَحِبَهُ سَحَابٌ وَاَثَلُ
لَبِقَى عَنْده مَتَحَيَّرًا اَغْنَى مِنْ بَاقِلٍ و لُورَا حُسْنِ لَاسْتَحْسَنِهِ احْسَنُ
الاسْتِحْسَانِ « اَجَل »

التي امرنا الله بآدابها كل سنة الى بيت مال المسلمين فان تفعل ما وصيتك به من امر الله وامر نبيه وامر السلطان تفوز فوزاً عظيماً والعاقبة للمتقين لا زلت في امان بظال السلطان مستظلين ادام الله دولته واعلى كلمته الى يوم الدين.

مکتوب

اعز الله السيد الجليل التبييه النبيل ؛ لقد زبر وافاد وحرر واجاد، بالفاظ راقية معانيها فائقة مبانيها، واتى بكتاب وائى كتاب عنوانه منبثى عن شأن كاتبه بأنه ممن اوتى جوامع الكلم وفصل الخطاب . شرح الله صدره للاسلام فجاء بعونه تعالى بأنوار ساطعة برهانها، مفوضاً فيض الاشراف على قلوب الاصحاب بلب الباب، من فنون الحكم والاداب التي خصت بها ذاته الشريفة من بين الاتراب، فوعزة العلم وحرمة الادب. انه لحقيق بأن يقال فيه : « هذا افصح العرب وهو خري بلوغ الارب في البلاغة بفضل الرب » حارت العقول في فيفاء فيحاء مضامينه ونكاته، فلو قيل في شأنه انه نبى الایجاز، لكنت اول مصدق به لان كتابه هذا احدى معجزاته، فها انا اقيم بالله وآياته ، اني لما امعت النظر في لطائف مطوياته، فهمت ما فهمت من دلائل اعجاز بيناته، وكلما سبحت عناي في تيسار كراماته، لا زلت مستغرقاً بأنوار المسار من سبحات لطفه والتفاتة . هذا

وانا الفقير اول من آمن بفضله واقتر بكماله، ونال مانال من عميم

فأرفق بها واثق الله البصير السميع وامنع عشيرتك عن الاذارة حيثما
تستطيع فان من حولكم من الاعراب اخوانكم فلا تقطعوا الرحم الموصول
لديكم وان حدث بينكم حادثة فاصلحوا بين اخويكم لان المؤمنين
اخوة فلتأخذك عليهم الغيرة والنخوة كما قال الله سبحانه (وان طأفتان
من المؤمنين اقتتلوا فاصلحوا بينهما) كما امرنا الله به واياك وحليته الاشياء
المحرمة واحذرک وقومك عن قتل النفوس المحترمة. لقوله جل شأنه
في كتابه العزيز (ولا تقتلوا النفس التي حرم الله الابالحق) وقوله عز من قائل
(من قتل نفسا بغير نفس او فساد في الارض فكانما قتل الناس جميعاً
ومن احياها فكانما احيا الناس جميعاً) فاختر ماشئت من القتل والاحياء
وعذاب الله او الجزاء

وما اظنك ايها الرجل البصير والحازم الخبير تؤثر القتل على الحياة
والحجيم على نعيم الجنات وتخلقوا باخلاق اولياء الله الكرام واقتفوا اثار
النبي والصحابة عليه وعليهم السلام وكونوا اشداء على الكفار رحماء
بينكم ولا تنازعوا فتفشلوا وتذهب ريحكم ولازموا طاعة السطان لانه
ظل الله في الارض والطاعة له في رقابكم فرض كما قال الله تعالى (اطيعوا الله
واطيعوا الرسول واولى الامر منكم)

فعليك وعلى عشيرتك بالسمع والطاعة فان في طاعتكم لامير المؤمنين
سعادة الدارين وسارعوا الى الخيرات واجتنبوا الفواحش ماظهر منها
وما بطن وادوا فرائض الله سيما الصلوات لان الصلوة تنهى عن الفحشاء
ولا تهملوا اداء ما فرض عليكم وتعهدتم من رسوم الودى فانه زكوة مالكم

وهم خير فريق لا يمكن بعد هذا ان يرحل منهم احدا وينزل تحت امر من كان رئيساً لكم من قبل فالتحستك فجت طايعا ولامثال امرنا مسارعاً. فوجدتك حرياً بالرئاسة عارفا بامور السياسة فنظرتك بنظر الرأفة والعناية وارسلتك الى مركز الولاية. فواجهت فيه اركانها وشافهت اعيانها فرجعت الى بكتاب ينبي عن القرار الذى تقرر بعدما جرت المذاكرة والمشاورة حسبا يقتضيه القانون بمجلس الادارة وهو مرجع امور الولاية بانه اجتمع رأى اهل المشورة على اقامتك مقام ابيك وتوليتك امر عشيرتك واقربيك وانت اعطيت المواثيق بانك تؤدى كل عام فى شهر ايلول الى الخزانة الجليلة ستين الف غرش صاغ عوض ما كان يؤخذ من عشيرتكم ايام رئاسة فهد بن هذال فيها اناذا امضيت ذلك القرار وتلك الكتابة لما رأيت فى سماء وجهك من اثر النجاة ولاشك انك الذى استجار بالحكومة السنّية فاجارته وبسيف حمايتها حتمه بعدما كان ابن عمك قد جار عليك ووجه سهام بغضائه اليك.

فاوصيك ان لا تنقض العهد ولا تتبّع غير سبيل الرشد كما هو الظن بك والمتوسّم من حسبك ونسبك فان استقممت كما امرت تنال البر وترتع وتستريح تحت ظل حماية الساطان فى البر وان بدلت وغيّرت سيرة الامراء المطيعين لامور المؤمنين واتبعت سبيل المفسدين فاذن انت لست بحرّ وحرّى ان ينزل بك منا الضر ان الينا اياك ثم ان علينا حسابك.

ثم اعلم يا اخا العرب انك وان وليت امر عشيرتك على وفق القوانين النظاميّة لكنك لست عليهم بمسيطر بل انك راع ومسئول عن الرعيّة

ان شاء الله عهد اقدس هایون حضرت عبد الحمید خان غازیده
 دستیاری همت مغنویه دین پرورانه لريله سراسر، حضرت قرآنه بو
 طرزده برتفسیر تحریريله ترکی زبان اولان اخوان دینه بریادکار عمر
 اهداسیچون جناب مُنزل القرآنیدن امیدوار عون وتوفیقم. باقی: حسن
 نظر کلمات پروریلرینک حق عاجزانه مده بقای فیض انعطافی اخص
 آمال اولمغله اولباده .



من والی ولایة بغداد المنصوب من قبل ظلّ الله على العباد
 خادم امیر المؤمنین خلد الله خلافته وادام لنا عنايته ورعايته الى
 الشيخ النبیل ابن راكان عجل رئیس الدھامشة الذی سهام حزمه
 غیرطائشه من عشيرة عنزه

الحمد لله الذی جعل آدم خلفه فی الارض والصلوة علی نبیه المبعوث
 الى كافة الناس المنتشرین فی هذه الساحة الغبراء بالطول والعرض
 والسلام علی الهه الاطهار واصحابه الاخیار.

اما بعد فلما تبین عندی ما فعل بابیک المرحوم الذی قتل وهو
 مظلوم قلت انا لله ان هذا من عمل الشیطان . فسیجعل علی فاعل هذه
 الفعلة المنكرة غضب الرحمن فانه تعالی قال فی محکم کتابه وعزیز
 خطابه ومن یقتل مؤمنا متعمدا فجزاؤه جهنم خالدا فیها وغضب الله
 علیه ولعنه واعد له عذابا عظیما

و بعد ماجری ماجری بینکم ثبت عندی بالتحقیق ان الدھامشة

هربری شرفوارد اولدجه کوزم، کوکم نورسرور ایله طولارق وَاو
نور سرور، مداد مشکین قامه انقلاب ایله درحال میزاب خامه‌دن
ساحه قرطاس بیانه دوکوله‌رک عرض ماجرای دل زاره ترجمان
اولمغه کیتش در.

اما بعض عوائق سببیه عریضه‌لم حائر عزّ وصول اوله‌مامش
ایسه آنک‌ده مسئولیتی البته بنده‌کزه عائد دکلدر .
هرحاله صدق و اخلاص عاجزانه مک الی الابد تغیر ناپذیر اولدیغنه
امنیّت و اعتماد بیورلمسنی رجا ایدرم، باقی . .



مکتوب

روح البیانی رَوْحِ بخش دل و جان اولان نامه بلاغت نشان
فضائل‌پناهیلری مَالِشْکَاءِ نِکَاهِ ایقان اولدی .

بصر حسی، هنوز مشاهده جمال جمیل بی‌مثیلرله منور اوله‌مامش
ایسه‌ده بصر بصیرت، بزم اَلَسْتَدْنِ بری سُلَاقَة الصَّهْبای اُنس و شهود
ایله مُسْتَدِر .

جناب حق، راحت ابدان ایچون انسانه تخصیص و احسان بیوردیغی
اویقو زمانندن تصرف صورتیه‌له خدمت مقدسه حضرت قرآن‌ده
اختلاس وقت ایدن برعبد عاجزک سعی، نزد ناقد نظران اولی الابصارده
مظهر تقدیر اولدیغنی شو مکتوب مرغوب دولتلری تبشیر ایتکله
سجده بر شکر یزدان اولدم.

ولی نعمت بی ممتاز، نفائس پرور و مراحمکستر افدمز حضرتلرینک
 بدایع موفقیات و جملة مبرات سنیة شاهانه لرندن اولدیغیچون مناسب
 کوریلورسه مشمول لحاظه حکمت افاضه جناب خلافتناهیله بیورلمق
 اوزره عرض عتبه علیا بیورلمسنی و بو عملیات نافعه و جسیهده حسن
 خدمتلی سبب ایدن، ملفوف پوصلهده محرر الاسامی بندگان صداقت
 نشانک اسملری بالاسنده اشارت ایدیلم رتبه و نشانلرله تلطیفی خصوصه
 اراده مکارم افاده حضرت ظل اللهینک استحصانهده مساعدت سامیه
 آصفانه لرینک بی دریغ طوتلسی صورت مخصوصهده نیاز واسترحام
 اولور، باقی . .

مکتوب

مفتون اهلیت واستقامت اولدیغنی ذات دولترینی سومکله اثبات
 و بوسوگی ایله عالم انسانیته قارشى اعلان مباهات ایدن عبد راقم الحروفک
 طریق اخلاصدن انحرافنه امکان، تصور بیوریلورسه حقیقه ای
 شامل معناسیله تأسف ایدرم .

تعارف ازلی مقتضاسی اولان شو محبت خالصه بی لوح اعجاز نمای
 دلدن سیلکه پنجه سختگیر ملک الموت بیله مقتدر اوله ماز. او بر رکذار
 لاهوتیدرکه هویتیم باقی اولدقجه ثابت و پایدار اولسه کرکدر.

شوراسنی ده علاوه مقال اتمه بی وجیبه دن عد ایلدم که شمدی یه
 قدر نائلیتیله مقننر اولدیغ غایتنامه لرینک هیچ بری جوابسز براغلامش.

عریضه

اخلاق فاضله نك مُتَمِّی دینكه شایان اولان دلشكارلق خصلت مقبوله سیله ده آتصاف دولترینه بیوك بر دلیل وَبَندهٔ مستدیملرینی باعث اغراز و تجیل اولان ۲۴ شوال ۹۶ تاریخی کرمنامهٔ نامی کرامیلری هامه پیرای تعظیم و موجب من و فخر عظیم اولدی.

ذات دولتری کی بر وجود کمالک مخاطبات علیهٔ ادیبانه و ملاطفات بهیهٔ بنده پرورانه سنی استجلاب ایده جک هر درلو و سائلدن استفاده چاشمق بنده کزجه عادتاً مجبوری اولدیغیچون کرمنامهٔ دولترلنده مجحوت عنه اولان مسئلهٔ توسط، فائده سی ینه بنده کزده عائد بر وظیفهٔ متحتمه حکمنده بولمقدن ناشی تشکره دکل، تذکره بیله دکرز طبیعی برحال، و دوام حسن نظر کریم رحیمانه لری اخص ما رب ما فی البال اولغله اولبابده

۲۰ تشرین اول ۹۵

عریضه

نام اقدس هایون حضرت خلافتنهایینی الی الابد زیور السنهٔ تجیل و تقدیس ایده جک مآثر بدیعهٔ جلیله دن اوله رق کچنده عملیات و تحکیماتنک ختامیله رسم کشادی اجرا قلنان حلهٔ قنالتنک و تفرعاتنک مخصوصاً فوطوغرافله آدیریلان متعدد رسملری، هانکی نقطه لری ارانه ایلدکلرینی مبین یاپیلان اوفاق برخریطه، مشعیه صاریلی اولدیغی حالده پوستیه تودیعاً پیشگاه سامی نظارت پناهیلرینه تقدیم قلدی.

[سرّ قرآن] ک در دست طبع و تمثیل اولان جزء نایسنی ده،
ثالثی ده، اخیراً یازدیغم [آراء الملل] ی ده ان شاء الله قریباً تقدیم ایله کسب
شرف ایلرم .

ذائقه جان، مخاطبات ادیبانه لرینک مشتاقی، وجدان و جنان ایسه
حسرتکش تلاقی در . مع مافیه خیال بی مثالکز بزم الستدن بری دیدۀ
رّده منطبع و باقی در .

مکتوب

رتبه متینّه جدیده لرندن طولانی اخر صدیقکزجه حاصل اولان
مسرّت، پک بدیهی و طبعی برحالت اولدیغندن آنی عرض و بیان تصدی،
یالکز تصدیعی مؤدّی اوله بیلیر . تبریک و تهنیت ککنجه بنده کز او
وظیفه متحمّسه یی ایفا ایچون ده رونق و بهجتی بوندن چوق زیاده دیگر
بر زمان مسعودک حلولنه ترّقب و انتظار ایده کلدیکم جهتله اوأمّیه
سنیهنک حصولنه، و وقت منتظرک حلولنه مقدّمه نتیجه الخیر اولان
بو توجیه و جیهی فقط تجدید روابط اختصاص، و استزاده توجیه و محبت
حقانیه لر یچون عرض مراسم اخلاصه نعم الوسیله اتخاذ ایله بالاستبشار
اشبو ورقاره ناچیزی ترقیم و تقدیمه اجتسار ایلدم .

باقی بویله بر طرز لا اُبالیانده اداره مقاله باعث جرأت اولان
اخوّت و محبّتک دوام و ازدیادندن بشقه امل و آرزوی عاجزانه
اولماغله اولبابده

۲۰ آشرین اول ۹۵

مکتوب

کچنده قان پدرکزک ودها صکره سزک بقای توچه و محبتکزی مشعر
اولان ایکی قطعه مکتوبی آلوب لذتله مطالعه ایلدم. حقوقه اولان
رعایتکزی و دوستلقده ثبات کبی انسانیتکزی کوردکجه حقکرده
حرمت و محبتم افزون اولمق طبیعیدر. سزک کبی محاسن شناس، احباب
حمیتک وجودی هر یرده عزیز و نادر در. ایشته مجرب و معلومکز
اولان بونجه مشاغل عظیمه آردسندده بویله هر مکتوبکزه جواب
یازمق کبی بر غیرت موالات پرورانهده بولمق دخی محضا بوسجیه
رضیه کزی کمال تقدیردن ایلری کلیور. قان پدرکردهده بورالری
تفهیم ایله برابر سلام مخصوصمک تبلیغی موجودر.
ایکیکزدده عیدکز سعید، عمرکز مدید اولسون اوغلم!

مکتوب

کلمات طیبه کزله جسم علیه افاضه روح ثانی بیوردیگزمی،
یوقسه [سر قرآن] ی تقریض ایله ایفای حرمت سبع امثانی بیور-
دیگزمی؟ الحاصل شو بنی متدار ایدن الطاف علیه کزدن اول باؤل
هانکیسنه شکرکذار اوله جغمی تعیینده متحیرم. ایشته اوبدایع مشحون،
نامه کرامیلری بنده کزی بویله بروله وحیرت ایچنده براقشدر!
جلب فیض و فتوح حضرت سبوح امیدیه یازدیغم رساله روح
دخی تعلق نظر کالات اثرلریله شرفیاب اولمغه کیدیور!

توجیهی خصوصنه استیصال مساعده سنییه عنایت جلیله اهلپروری
 داور اعظمیلرینک شایان و سزاوار بیورلمسنی نیاز و استرحامه اجتسار
 ایلرم. باقی... ۲۹ تشرین اول ۹۵

مکتوب

اضطراب حالکزی مصور اولان ۲۰ تموز ۳۰۵ تاریخی تحریرات
 علیه لرینی آمازدن اول، در سعادتن عودت ایدن... اقدی برادر مزك
 ویرمش اولدینی معلومات، خیرخواه قدیمکزی دوچار انواع کدورات
 ایتمش ایدی. «هر ایشك باشی، صاغلقدر» مثل مشهورینی تخطر ایدرك
 تسلیت بخش خاطر اولمی، جناب حقمدن دائماً تحت و عافیت طلبنده
 بولمخی یز.

ذات سعادتلری، هنوز متقاعد اوله جق چاغه رسیده اولمامشکزر.
 دولت و مملکته دها پك چوق خدمت ایدرجك بر سن و سالده
 بولنیورسکزر. مع مافیه اقدم مطالب اولان کوکل راحتنی متقاعد
 اولمقده بوله جفکزی جزم ایتمش ایه کز، بوخیرلی تشبکزی تعقیب
 ایدیکز. شو قدرکه اصلا اندیشه و مراق ایتیموب دائماً کوکلکزی
 معقاد قدیمکز وجهله شن طوتکزر.

آطنه نك صیجاقلرینی صوریورسکز؛ حقیقت جای سؤالدر! یالکز
 شوراسی بزم ایچون مدار تسلیتدرکه آطنه نك اگر چه صیجاقلری تحمکداز
 در؛ فقط عقر بلری همان یوق دنیله جك قدر آزدر! الباقی هو الله.

ظلّ اللہیہ درکار اولان صدق و عبودیتلرینک ازدیادینی موجب
اولمق اوزره اجرای ایجابی خصوصنه مساعدۀ لطفعادۀ جناب نظا-
رتپناهیالرینک بی دریغ و سزاوار بیورلمسینی بالخاصہ نیاز و استرحام
ایلرم. باقی، ہر حالہ

۱۷ کانون ثانی ۹۵

عریضہ

مأمورین ولایت ایچندہ خالصانہ و مُقَدِّمانہ ایفای حق و وظیفہ
ایدنلرک شوق و غیرتلرینی تزیید ایچون مکافات سنّیہ مظهریتلرینہ
دلالت ایتمکی حسب الصّداقہ بر دین واجب الادا حکمنده بیلدیکمدن
وایکی آیدن بریدر رفاقت چا کرانہملہ ملحقّات ولایتی طولاشہرق کرک
کندی امور مأمورہ لرینہ متفرّع خصوصاتک حسن تمشیتی، کرک یکرمی
سنہیہ قریب زماندن بری کورلیان محاسبات مالینک تدقیق ورؤیتلہ
محالرنجہ عادتاً متعسر الحصول عدایدیلان بونجہ حقوق مشروعه
خزینہنک کمال یُسّر و سہولتہ یرلورندن تحصیل کی ایشلرچہ ہممات
حیتکارانہ و خدمات حسنہ لری مشہود اولان ولایت اعشار مفتشی
رتبہ ثانیہ اصحابندن عزتلو مختار افندی ایلہ ولایت تحریراملاک ممیزی
مدرسیندن مکرمتلو سلیمان رشدی افندی بندہ لرینی صحیحاً او مکافاتہ
لایق کوردیکمدن سایہ فیضوایہ حضرت پادشاہیدہ بونلر دخی ولی نعمت
بی منتز افندمزک چراغ مخصوصلری عدادندہ بولمق اوزره احمد مختار
افدینک رتبہ سنک ممتاز لغہ ترفیعی و سلیمان رشدی افدینک دخی رتبہ
علیہ سنی ملکیتہ تحویل ایلہ عہدہ سنہ رتبہ ثانیہ صنف ثانیسنک

اوج جزء اوزرینه مرتّب اولوب [احسن القصص] نامیه توسیم قلن سوره یوسف علیه السلام برنجی، ایکنجی جزء لری بوکره سایه معارف سرمایه حضرت خلافتناهیده طبع و تمیل اولمش و جزء ثالثی ده دردست طبع بولمش اولمغه شمدیلک جزئین مطبوعینک ایکی نسخه مجلده سی بالواسطه حضور سامی آصفانه لرینه تقدیم قلندی.

بونلردن بر نسخه سی وساطت جلیله دین پرورانه لریله بالعرض مستول نظر کالات اثر حضرت ظل الهی بیوریلورسه شواثر عاجزانه مک اجر جزیل دنیویسنه نائلیتله حقیقه کامیاب اولمش اولورم. ینه هر حالده امر وفرمان حضرت ولی الامر کدر.

۲۵ ربیع الاول ۱۳۱۰

عریضه

حکومه متعلق ایشلرده دائماً حسن خدمت لری، دولت و مملکت حقنده مآثر صدق و حمیت لری مشهود اولمقدن ناشی مکافاة سنییه استحقاق لری درکار اولان بعض بندکانک اسامیسنی مبین پوصله لفاً تقدیم قلندی. بندکان مومی الیه مک استملری بالاسنده اشارت اولندیجی وجهله تلطیف و تسریر لری انواع لطف و احسان بی پایانی، عموم تبعه صادق سی حقنده مبذول و رایکان بیوریلان ولی نعمت بختتمز شوکتلو پادشاهمز افندمز حضرتلرینک علو شان مکارم نشان ملوکانه لری اقتضای عالیسندن اولسنه نظراً مجرد خاکپای معالی احتوای حضرت

چونکه انسان، قصد رؤیتله مرآت ته باقینجه کندی هیولاسندن غیرى
برشى کوردیمیه جکی آجلاى بدیپیتادن اولوب ایکیگزده نده ایسه بویه
برر سَجَنجَل مُصَيَّقَل، موجود وهمه آن، آنده صُور و تماثیل بدا یغ
نکار امانی مشهوددر.

ایشته بومشاهدات مغویّه، اثبات روابط قلبیه بنده کزجه عدل
شهوددر.

بناءً علیه بحث تَحَابّ، علی وجه الاستحباب، قصر وایجاز ایله
اولبابده خلاصه کلام، بو وجهله مسکی الحُتام قلندی. باقی، اخوّت
و محبّت، مستزاد و مستدام باد بالتّی وآله الامجاد.

۳۰ تشرین اول ۱۲۹۵

عریضه

جناب حقك مجرّد احیای دین و دولت ایچون بو امت مرحومه
محمدیه الك بیوك لطف و احسانی اولان ولی نعمت بی منتزاع امیر المؤمنین
خلیفه رسول رب العالمین افندمن حضرتلرینك نام اقدس هایونلرینی
الی الابد خیر دعا ایله یاد ایتدیرمکه بشقهجه بر وسیله جمیله اولمق
اوزره حسب البشریّه استراحت بدنه مخصوص اولان اویقو زمانندن
تصرف صورتیله اختلاس ایدیلن اوقات چا کرانه می قرآن عظیم الشّانه
ترکجه بر تفسیر تحریرینه حصر ایدرک، مقدما سوره کریمه فاتحه تفسیری
یازیلوب طبع ایدلدیکی کبی اخیراً سوره شریفه یوسف علیه السّلام
ایله سوره فرقانه، سوره هل آتی یه برر تفسیر تحریرینی جناب مُنزل
القرآن تیسیر بیورمش ایدی.

آره مزده کی بُغْدِ صوری، شرفِ قُرْبِ معنوی به حائل اوله میه جغندن
فیض همتکزدن همیشه مستفید اوله رق دعای دوام عمر وعافیت
استادانه لرینه دوام ایلرم.

ترویجی اراده بیوریلان پوصله مندرجاتندن عاجز لرینک تکرار
خبردار بیورلمسی مرجودر. باقی، امر واراده افندم حضر تلرینکدر.
فی ۳۰ اغستوس سنه ۳۰۵

مکتوب

اخ فی الله، یار حقایق آکاه عرفان پناهم افندم!

نه وقت کوکلکزه مراجعت بیورسه کزه، هیولای و لای بیریمی
آنده منعکس کوره جککزدن امین اولسمه، بنده کزده بحث طویل
الذیل تَوَدُّدی هیچ دکلسه افندم قدر اوزاته رق مقاله شوق انکیز محبت،
مستقل برکتاب، فقرات حسرت آمیز مودت، اوکتابه بشقه بشقه برر
فصل و باب اولوردی.

مراتب صوریه نك منتهاسی غندمه رواتب حقیقیه نك قَدَمه اُولاسی
اولان حُبِّ فی الله یولنده نیم نگاه تعارفه بیله مُعادل دکلکه، حتّی
مدار سعادت دارین بیلدیکم محبت حقایقه مزه شو بولندیغم حالت - که
حقیقته بر جزئی تقصیر ایله جالب سخط رب الغزدر - ایراث خلل
ایده بیلسین!

مراسله لطیفه کرموریلرنده کی مقدمات مبسوطه نك الجاسیله بویله
برخیالی تصویره، یعنی: شو مقالی تحریره بیله کوکلم راضی دکلدی.

از دیاد فیض و رفعتکزی خالصانه آرزو ایلین بواقبالخواه بی اشتباه
هکیزک حرمت و محبتی ذات والای حقوق پروریلرندن هیچ بر وقت
مُنْفَک اولمیه جقدر برادرم افندم.

مکتوب

استاد مکارم خصلت افندمز!

مستفیدان کمالکزدن اولدیغ جهنله عَزَّ خطابکزه نائلیت کبی بر
عاطفتک قدرینی بحق تقدیر ایلرم. بوجهتله شرفنامه فضائل پیرالینی
جوابسز براقق کبی قیمت ناشناسانه بر حرکتک بنده کزدن صدورینه
امکان تصوؤراتمک، بیهوده وباله کیرمک دیمک اوله جغندن استاد فضائل
منقبتم افندمی آندن اسیرکه مک ایسترم.

... افندی پدرمزه اولان مکتوبمده ذات فضائلناهیالینه عائد
بروجیبه نی ایفا ایدیشمدن دولای تنزلاً بیان بیوریلان ممنونیت، محضا
علو حال و کمال عالیلری اثری اوله رق متقابلاً عرض کمال شکران
و محمدت ایلرم.

ضم معاش امرینک شرفورودی، مخدوم نجات موسوم فاضلانہ۔
لرینک توظیفی کبی طبیعی الحصول اولان شیرلر ایچون بو عبد عاجزه
هیچ بر منتکزی یوق ایکن اولبابده ده بیان تشکره اجاله کیمتِ همت
بیورلمسی، مجرد خیر خواه بی اشتباهلرینی تلطیف مقصدینه مبتنی
اوله جغندن بوده علو جنابکزه دلالت ایدر بر بیوکلکدرکه جداً
سزاوار تقدیردر.

ایلدی. لکن مأل اشعار سامیلرندن مستبان اولدیغنه کوره برطاقم
توهّات بیهوده ایله اتعاب فکر ایتمکده بولندیغکنز آکلاشلغله تأسف
ایلرم. بومثللو اوهام باطلهیه وجود ویرمک، ذات حکمت سماتلری کبی
برکامل خرد کاردن جدّاً استبعاد اولنور.

شو توهّات خرد فرسانک دفعیچون دواء برؤالسّاعه اولمق اوزره
همان عربّه سوار اقبال اوله رق آطنهیی تشریف ایله برمدت بوراده
خیرخواه قدیمکزه برلکده امرار اوقات بیورمکزی توصیه ایلرم.
مفتون صحبت والتفاتکز اولان بنده کز کبی بر محبّ صادق شو
لطفدن محروم ایتمکه مرؤت عالیجنابانه کز قائل اولمسه کرکدر. ینه
لطف واراده افندمکدر.

مکتوب

برادر محترم افندم!

مؤمنلر، یکدیگرک مرآت اولدیغنی بیلدیرن مخبر صادق افندمره
هزاران صلاّه وسلام اولسون! هر شیئه فیض افشان شمول اولان
بو حکمت نبویهیی ایکی قلب صفوت مأبک تعا کس حسیاتنده تطبیق
ایله تصدیق ایده بیایرز. بناءً علیه فی ۱۸ تموز سنه ۳۰۵ تاریخلی کرمنه
مه کز یالکز سزک دکل، مخلص خالص الجنانکزده حسیّات قلبیه سنه
ترجمان بیان اوله حق کلمات حقایق بیّناتی متضمّن اولمسیله شو اتحاد
فکر وحسدن دولایی ایکنیزده شایان تبریک اولدیغمزی بیانده
تردد ایلرم.

اولمادیغندن بروجہ محرر سریعاً اینشای مقتضاسنه همت بیوریلہ جنی
قویاً مأمول ومنتظر در . وَاللّٰهُ التَّوْفِیْق .

۱۶ کانون اول ۳۰۷

مکتوب

نه موطلو سزك كې نورسیدكان معرفته كه سایه پدردہ تحصیل علم
و هنرہ سعی و ورزشلر ایدہ! نه قوطلو ایمش پدرکزكه ثمره فوآدینه
ایللر بیله بویله نوازشلر ایدہ!

سزك امرنامه لطیفكزكه هر حرف رنگینی بیله بر کتاب حکمت،
هر فقره دلنشینی آکلایانه بر درس عبرت ایدی.

خامه سحر آفرینلرینه هزاران آفرین اوقوتدی. حقا كه نساچ
قدرت، بالای استحقاقكزه حریری نامنی، بدیع همدانی ایامنی آکدیردہ.
جق بر پرنیان بیان طوقوتدی.

همان مولای متعال، ذات معارف سماتکزی اصابت عین الکمالدن
مصون؛ فیوض نامتناهیسنه مقرون بیورسون برادرم افندم.
فی ۲۲ تشرین اول سنه ۹۵

مکتوب

حکیم حکمت شناسم افندم!

چوقدن بری مهجور التفاتکز اولدیغم خالدہ کچنده برقطعه کرمنامه
کرامیلرینک شرفورودی، ذهمنده دوران ایدن اندیشه لری ازاله

وَمَكْتَب وَاِمَام وَمَعْلَم موجود، هَانَكِي كُوِيلَرْدِه مَفْقُود اولديغني وَمَفْقُود اولان كُوِيلَرْدِن هَانَكِيلَرْنِدِه مَسْجِد وَمَكْتَب اِنْشَاسِي قَرَارلَشْدِيرْلَدِيغني وَبُو كُوِيلَرِك اِمَامَت وَمَعْلَمَك وَظِيْفَه لَرِيْنِي اَيْضَا اِيچُون نَه قَدْر عَائِدَات اَيْلَه كِيْلَرِك اِنْتِخَاب وَتَعْيِيْن قَانْدِيغني مِيْن هَر نَاحِيَه وَهَر قِضَا اِيچُون بِشَقَه بِشَقَه بَرر قَطْعَه دَفْتَرَك تَنْظِيم وَارْسَالِي ضَمْنَنْدِه اِهَالِي يَه سَوَز آ كَلَامَقَه وَبُو ايشلري بجرمكه مقتدر علما وَمَشَايَحْدِن مَنَاسِب اولانلري مدير وَقَامْمَقَامَلَر رِفَاقْتَلَرِيْنَه آلُوب بِالذَات كُوِيلَرَه چِيْقَمَلَرِي وَبَوَايِشِي طُول مدت اوزاتمايُوب كانون ثانی اِيچْنْدِه بَهْمَه حَال حد خْتَامَه اِيصال اَيْلَه دَفَاتَر مَطْلُوبُهُ مَذْكُورَه يِي يَابُوب كُونْدَرْمَلَرِي لَازِم كَلِير. چُونَكِه شُو مَصْلَحَت مَهْمَه دَوْلَتِجِه فَوْق الغايه نَظَر دَقْت وَاَعْتِنَايَه اَلْمَشْ اُولُوب حَتِي وِلَايَت، مَلْفُوف تَحْرِيرَاتِي مَلْحَقَاتَه تَبْلِيغ اِيْتَمَكْسَزِيْن نَتِيْجَه اَجْرَا آت تَلْغَرَا ف اَيْلَه اسْتِعْلَام وَاسْتِجْمَال بِيُورْلَمَش اولديغْنِدِن هَر هَانَكِي مَدِير وَقَامْمَقَام مَسَاجِد وَمَكَاتِب لَازِمَه نَك اِنْشَاسَنَه وَخَوَاجَه لَرِك تَعْيِيْنَه مَوْفُق اولُورسَه نَزْد عَالِيْدَه بَغَايَت مَمْدُوح، مَوْفُق اولْمِيَانلَرِك دَخِي بِالْعَكْس مَقْدُوح اولْمَالَرِي طَبِيعِيْدَر.

كِرِك مَأْمُورِيْنِدِن، كِرِك تَشْوِيق وَاقْنَاع اِيچُون بَرلَكْدِه كُوتُورَه- جَكَلَرِي مَشَايَحْ وَعِلْمَادِن بُوْبَادَه اِبْرَاز آثَار مَوْفَقِيْتَه مَسَارَعَت كُوسْتَرْنَلَرِك مَنَاسِب رَتْبَه وَنَشَانلَرْلَه تَلْظِيْفَلَرِيْنَه دَخِي وِلَايَتِجِه تَوْسُطْ اولْنَه جَنِي صُورَت صَحِيْحَه دَه وَعَد اولُور.

دَنِيُوي، اَخْرُوي بَاعْث اَجْر جَزِيل اولان شُوَامِر خَيْرِك حَبِيْب حُصُولَه كَلْمَسِيچُون دَرِيغ هِمَت وَمَعَاوَنَت اِيْدَه جَك بَر كِيْسَه نَك وَجُودِي مَتَّصُور

بناءً علیه بوامرک سائر وصایای عادیہ کی اہمیتسز تاقی ایدلمہ مسنی
 اخطاردن صکرہ صور اجرائیہ سنہ دائر خاطرہ کان بعض شیلر بروجه
 آتی بیان اولنور.

شویله کہ: جملہ نک معلومی اولدینی اوزرہ قرای مسلمہ نک اکثرندہ
 مکتب و مسجد مفقود اولدینی کی اطفال اہالی یہ عقائد دینیہ لرینی
 اوکرتہ جک و اوقات خمسہ دہ ادای صلوٰۃ ایله برابر اجملری کلوبدہ
 وفات ایدنلرک جنازہ نمازلرینی قیلدیرہ جق اہل علمدن کیسہ دخی
 بولندینی جہتہ اہالینک چونغی عقائد دینیہ سنی بیلاہ اوکرنمکسزین
 بیویوب کشکدہ و جنازہ لری و قوغندہ غسل و تکفیننی اجرا و نمازینی
 ادا ایچون محال بعیدہ دن خواجہ جلبنہ مجبوریت کورمکدہ در . بو
 جہالت سببیلاہ ایسہ حسابہ کمر نیچہ فناقلر تولد ایلمکدہ بولندیغندن
 شو امردن بالاستفادہ حالی متحمل اولان و مکتب و مسجد لری اولیان
 کویلردہ مختصر برر بنا انشاسیلاہ مسجد و مکتب اتخاذا قنمنی و اجرتی
 اہالینک صدقہ فطر و نذورات کی دائما مشایخ و علمایہ و یرمکدہ اولدقلری
 صدقاتدن و کویجہ تعہد ایدیلاہ جک ذخیرہ و پکمز کی سائر عینیاتدن
 تسویہ ایدلمک اوزرہ هرکویہ امامتہ و تدریسہ مقتدر برخواجہ انتخاب
 و تعیین اولغنی لابد و لازم ایدوکنی اہالی قرانک سوز آکلارلرینہ
 بالاطراف تفہیم ایددرک بووجہلہ بالاقضاع موافقتلری استحصال قلنان
 کویلرہ بلا تأخیر معلک و اماملق وظیفہ لرینی برلکدہ ایفایہ مقتدر
 خواجہ لرک تدارک و تعیینیلہ برابر موسم مساعد حلولندہ مسجد
 و مکتبلرک ینہ کویایلر معرفتلیلاہ انشاسی و الیوم ہانکی کویلردہ مسجد

وَقَبُولِ بیوره جقلری امیدیه تسلیت قلب حزین ایلرم . باقی نه دیهم
کاولیه معلوم شریفک . ۲۰ تشرین اول ۹۵



مکتوب

بودفعه دخی کتاب نفیس افضالانه لری - که سَرّا و ضَرّاده انیس
دل و جان و مدار سکون جاندر - انمله زیب تکریم و تقدیس اولدی .
حقوق پرورا ! مخاطبات غمزدارلندن مستلذّ و مستفید اولورسه مده
اسکی بر ترک شاعرینک :


فراوان اودینه نیدر؟ کفتکوی وصل حبیب
صدای آب روان قاندر می عطشان؟

دیدیکی کبی نه ممکن که نائرّه حسرت و اشتیاق ایله یانمش اولان قلب
حزینه بر مراسله کریمه رشاشه پاش تسلیت اوله بیلسین! یعنی: لهیب
دوزخ شرار فرقتی ممکنیدر که برضامله صو سوندرسون ؟
بونکله برابر مفتخرم که حقیقه :

لقد زاد الهوى فى البعد بينى
وبين البين بعد المشرقين

۲۲ تشرین اول ۱۲۹۵

باقی . . .



عریضه

معارف نظارت جلیله سنک، صورتی ملفوف تحریرات مذیله سندده
مبحوث عنه اولان قری مکاتبی مسئله سی دیناً و سیاستاً غایتله مهم اولوب

کرمنامہ رشادت پناہی لرندن استبشار اولنغله موجب مزید ممنونیت اولمشدر .

ولوکه لمحۃ البصر قدر اولسون، دیار بکردن اثنای مرور مستلزم الجبور عالی لرنده صحت روح پرورانه لرندن ایدیلن استفاضه نك، دل محبت مائه القا ایلدیکی ذوق روحانی، قابل زوال دکلدر . او آینه معنوی یه عطف نظر اولندجه، مشاهده جمال بی مثال فضیلت پروریلرله استفاده واستلذاذ ایدلمکده اولدیغی مع التشکر عرض ایلرم .

نکاه معالی پناه مرشدانه لرینک حق عاجزانه مده بقای فیض انعطافی اخص آمالدر . الباقی هو الله

مکتوب

مأثر مفاخری عصر من تاریخک اک پارلاق صحیفه لرینی تزیین ایده جک بر ادیب کاملک شرف خطابنه وبوسیدله دوات انتسابنه نائلیت عاجزانه مه باعث اولدیغیچون . . . افندی حقنده قرداشجه دن زیاده قیویولداشجه معامله نی بر دین واجب الادا بیلهرک و هیچ بر غرض ذیوی تحتنده اولماق شرطیله چوقدنبری هوسکار اولدیغم معارفه جمیله لرندن — ولوکه غائبانه اولسون — بووجهله مشتاقانه استفاده ایدرک کندیمی افندی مومی الیه قدر اوله مرسته ده آنک بر منسوبی نسبتنده افندمه سودیرمکه چالیشه جغمی قول صادقانه تأمین وبوعاجزی قرداشلغه دکلسه ده سزجه مقدس اولان قرداشلغک مقتونلری زمره سنه قید

متوکلاً ایفای وظیفه دوام بیوریلور ایسه، ار کج مظهر عاطفت
حضرت پادشاهی و بین الامثل نائل شرف امتیاز ایله مفتخر و مباهی
اوله جغکزی، عدل واحسان الهی ضامن و کافدر اوغلم!

مکتوب

غرهٔ ربیع الاول ۳۰۹ تاریخلی لطفنامهٔ عالی کرامیلری، مخاص
خالص الجنانلرینی حائز نصاب مباهات، و علو جناب مکارم مآب
نجیبانهلرینی برقات دها اعلا و اثبات ایلدی.

بنغزده جایگیر رسوخ واستقرار اولان موالات صمیمیه ایجابجه
اخبار سلامت مواصلت، واستفسار حال و خاطر و عافیت ایچون
عریضه تقدیمی، بنده کزه عائد بر دین واجب الادا ایدی؛ لیکن نه چاره که
بوراده تفصیلی نامناسب اولان بعض اسباب، بنده کزی او وظیفه یی ده
ایفادن منع اتمکله بو بایده ده ذات دولتلی حائز شرف مسابقت
اولدیکز.

مع مافیه، خصال مکارم اشتغال نجیبانهلری، بوقصور مزکده معفو
ومعذور طوتیله جغنه الده بربرات امنیت واعتماد اولمغله مجتث اعتذارده
اختیار اختصار و رجای افزایش حسن توجه و محبت عالیلهلرینه ابتدار
قلندی. الباقی هو الله والامر لولیه

مکتوب

سالماً سلیمانیه مواصات علیهلری، ۱۳ کانون ثانی ۳۰۷ تاریخلی

حسّیات محبتی یکیدن او یاندرمش وعلو قدرکزی برقات دهاتقدیر
ایتدیرمشدر .

خطه عراقیه اهالیسی ایچنده پک نادر بولنان ذات مرؤتسماتلری
کبی وفاکار، حقوقپرور برمحّمده بولندیغنه حقیقه منون و متشکرم .
بغدادده ایکن خدمت سعادتلرینی تقدیر ایتمش و فیض و رفعت
کریمانه لرینه ده دلالت ایتک ایسته مش ایسه مده قدر، حصول امله
حیولت ایتمش ایدی؛ آنکچون قلباً حالا متأثرم .

مع مافیه ذات والای رویتکاریلری کبی اصدقای بندکان سلطنت
سنیه نک خدمات صادقانه لری، سایه حضرت ولی نعمته هیچ بروقت
ضایع اولماز. ان شاء الله تعالی برکون کلیرکه استحقاقکز اولان مکافات
سنیه یه ده نائلیتله کامیاب اولورسکز. باقی ازدیاد محبت قلبیه لری اخص
آمالدر .

۱۶ تشرین اول ۳۰۷

مکتوب

۲۳ تشرین ثانی ۳۰۷ تاریخلی وارد اولان تحریرات والالری،
مع الممنونیه اخذ و مطالعه اولندی. جناب حقک، ذات مرؤتسماتلرینه
بر احسان مخصوصی اولان ذکا و استعداد فطری، دائماً رهبر نجات
و مدار جلب فیوضات اوله جغنده اشتباه یوقدر. صدق واستقامت
ایسه شعارکزدرد .

همان حامی راست روشن راه صواب اولان جناب ملک وهابه

مکتوب

۵ تشرین ثانی سنه ۳۰۷ تاریخلی تحریرات بهیه لری مع الممنونیه اخذ و مطالعه اولندی. صدق و استقامت، وفا و مروءت، انسانک یکانه زینتی در. بونجه رفقا کز ایچنده شو صفات ممدوحه ایله تمیز کز، سزک ایچون حقیقه بر بیوک شرفدر. ایشته بوشرفه نائلیت کزدن دولایی سزی تبریک ایدرم. بومسلك مستقیمدن انحراف ایتمزسه کز سزی هرکس سؤر، سزه هرکس ابراز امنیت و محبت ایدر. بر خوردار اول اوغلم.

۲۰ تشرین ثانی سنه ۳۰۷

مکتوب

پیاده . . . آلیک میر آلائی . . . بک افندی، بوکره بالورود ۱۷ ایلول سنه ۳۰۷ تاریخلی تحریرات علیه کریمانه لرینی اعطا ایله فرق مباهاثمی تزیین ایلدی. میر مومی الیهک ناصیه حالنده دخی آثار نزاهت و حصافت نمایان اولمغله آرقداش اغنی جانیه منت بیلهرک ان شاء الله تعالی استحصال رضای عالی ولی نعمت بی منت خصوصنده همدست وفاق و دعای بی ریای دولترندهده متحدالقول اتفاق اوله جغمزی عرض ایلرم. باقی ازدیاد توجهات جلیله لری اخص آمال عاجزانه مدر.

مکتوب

بوکره کمال ممنونیتله اخذ و مطالعه ایلدیکم کرمنامه لری، قلبده کی

مخلصپروری، بنده کزی ادای حق تشکرندن حقیقه عاجز براقه حق درجه ده اولوب شو فیض سارینک دوامنی استمدعا ایلمرم.

ماردینه مخصوص فواکه لذیذدن احسان وارسال بیوریلان [مُأَبَس]، حقیقه غایبه انفس برشیدر. تناول ایتدجکه یاد جمیل بی عدیلر، برقاندها حالوتبخش ذائقه جان اولمقددر. اوتدن بری سزاوار بیوریلان حسن نظر رشادتپناهیلرینک حق عاجزانه مده دوام فیض انعطافی اخص تمنیات اولمغله اولبابده...

مکتوب

همشهریمز یوزباشی قوتلو علی افندی بنده لری واسطه سیله ده برقطعه تلطیفنامه کرامیلری بالورود مسرتبخش فواد صدق معتاد اولدی.

تحویل مأموریت مناسبیه اولجده ده تبریکات و تلطیفات محالصتیر- وریلرینی حاوی دیگر برقطعه کرمنامه دولترلی، پیرایه دست افتخار اولمشدی. بعد سورینک قرب معنوییه دخل و تأثیری اوله میه جفی مسلماتدن ایسه ده مسافه جه مقاربت، بعونه تعالی حصول مقارنته مقدمه اوله بیله جکی دخی غیرمنکر بولغاسیله شوتحویلدن حقیقه نمون اولدم.

همان «رئمز، جمله مزی رضای عالی هایون حضرت ولی النعمت بی منته موافق خدمات حسنه ابرازینه موفق بیورسون» دعوات خیریه سنه دعای اعتلای قدر و منزلت دولترلی تردیف قیلنه رق و مبارک کوزلرکزدن اوپهرک عرض اخلاص صدق اختصاصه مسارعت ایلمرم باقی.

الاول ۳۰۹ تاریخلی لطفنامه مرؤت علامه لری، اُدبای اَمِد میاننده الدن اله کرمش، وَا کر چه اشارات خفیه و دلالات لفظیه سنه و قوف، بیوک بر عرفانه موقوف ایسه ده ینه هر کس عقل و ادراکی قدر فصل بر ناثِر دُز نثارِ سحر آفرینک اثر بدیعی اولدیغنی سزمشدر.

موسمک برودتندن قریحه مزه جُود عارض اولماش اولیدی بالمقابله لغت شریفه عربیه ایله تحریر جوابه جرأت و او مبارک لسان ایله تفصیل ماجرای محبّت ایتک ایستردم؛ لکن نه چاره که شمعی قریحه قریحه او قووت مفقود، خامه شکسته زبانه اسکی جسارت نابود اولغله ینه بزم معهود اسکی ترکجه دن استمداده مجبوریت الویر- مشدر.

حله متصرفلغنه تحویل مأموریتی ایشیدیلن سعادتلو انیس افندی حضرتلری، حقیقه خیر الجلیس، برکتاب نفیس فضائل دینمکه لایق اولغله حله فینحایی، آنک مقارنت وجود مبارکیه تبریک ایلرم. الباقی هو الله والامر لولیه

مکتوب

بوکرده اخذ و مطالعه سیله تشرف اولنان ۱۱ ربیع الاخر سنه ۳۰۹ تاریخلی عربی العبارة مکتوب بلاغت اسلوبلرینی کتیرن کیسه ی کورمک نصیب اولمادیغیچون شو جوابمز بوکونه قدر تأخر ایتمشدر. اوّل و آخر، حق عاجزانه مزده سزاوار بیوریلان حسن نظر

اولان بلاغتنامه نامی کرامیلری، رسیده دست توقیر و شو و جهله ده
ابراز بیوریلان مآثر جمیله دلشکاری و موّدت، موجب منّ و حظّ
و فیر اوله رق دعای اعتلای قدر و منزلت سعادتلری خلوص قلب ایله
زیور زبان مخالست قلندی .

آرالقده ارسال رسائل ایله قاعده مرغوبه مخادنت و موالاته
رعایت و اوصورتله ده جام دل محبت مائلك لبریز سلافة الصهبای مسرت
بیورماسی متنادر. باقی. . .
۱۶ تشرین اول ۳۰۷

مکتوب

کچن سنه شدت حرارت زمانلرنده چکدیککز زحمتک و کوردیککز
خدمتک مکافاتی اولمق اوزره عواطف سنیّه حضرت پادشاهیدن
عهده کزه توجیه بیوریلان رتبه دن دولایی بیان تشکری حاوی مکتوب-
بکزی ممنونیتله آلوب مطالعه ایلدم.

سزک کبی محاسن شناس اولانلرک استقبالی امیندر .
بومسلك مستقیمده ثابتقدم اولدقجه، ان شاء الله سایه حضرت ولی نعمت
بی مننده دها چوق ترقی ایدرسکز. همان تبریکات خالصانه مزک قبولیله
بزی خیر دعادن اونوتماکزی رجا ایدرم اوغلم . ۲۰ تشرین ثانی ۳۰۸

مکتوب

بوکرده ذوق بلاغت عربیه دن ذائقه جانی مستفید ایدن ۵ ربیع

قیقی تأمین و تبشیر ایتسندن طولای حاصل اولان فخر و مباهات
 وجدانیه می فی الجمله شرح و تفسیر ایله عرض لوازم شکرانیه جرات
 ایلدم. هر حالده. ۱۰ ایلول ۳۰۷

مکتوب

دیار بکره مواصات عاجزانه می بیلدیرمک و موصلدن کچرکن حق
 عاجزانه مدده کوسترینان مأثر جمیله مهماننوازانهدن طولای قلماً دخی
 بیان تشکرا ایتمک، انسانیت اقتضاسندن ایکن، کایر کلز مشاغل طاقتفرسای
 حکومت طاله رق شمدی یه قدر اومقدس وظیفه یی ایفا ایدمه مدیکم ایچون
 بحق محجوب و شرمسار ایدم.

بودفعه کرمنامه سعادتلرینک شرفورودی، حجابی آرتیرمش
 و بنده کزی، جناب مرؤتمأبلرینه ایکی قات اوله رق بیان تشکره مجبور
 ایتمشدر.

شو تأخر ضروری الصدوردن عبارت اولان قصورمک مظهر
 عفو و صفح جمیل اوله جغنی، الطاف علیه لرندن امید و انتظار و شو
 وسیله ایله رجای بقای توجهات قلبیه لرینه ده ابتمدار ایلرم، برادر
 اکرم اقدام. ۱۶ تشرین اول ۳۰۸

مکتوب

بالسلامه مدینه السلامه وقوع حسن مواصات سعادتلرینی مبشر

عقبات عالیاته یوز سورمک شرفه نائل اولدجه بومحب خیرخوا-
 هکزی ده دعادن فراموش اتمه مگری رجا ایدهرم .
 سده نک احواله دائر آراقده معلومات ویرسه کر اوده بشقه جه
 موجب منونیت اولور . ۲۱ تشرین ثانی ۳۰۷

مکتوب

ذات والای رویتکاریلریله برلکده کچیریلن ایام مسعوده نک یاد
 جیلانی متضمن اولان ۲ ایلول ۳۰۷ تاریخلی لطفنامه والای کرامیلری
 صحیحاً موجب سرور و انبساط اوله رق مکرراً تلاوت و مطالعه ایله
 استفاده و استلذاذ قلندیغنی کمال منونیتله بیان و اشعار و حسن توجه
 و محبت قلبیه لرینک دوام و استقراری رجاه ایتدار ایلرم . باقی لطف
 و اراده برادریم افندمکدر . ۹ ایلول ۳۰۷

مکتوب

ماردین جزا رئیس افندی داعیلرینک توصیه سی
 وسیله سیله دودست اشتیاق و افتخاره آلدیغ و مطالعه سیله حقیقه
 مفتخر و مباحی اولدیغ لطفنامه قدرشناسیلرینک مندرجات بدیهه سی،
 مخلص بی ریالرینی مادام الحیاة خاطر عنایت مظاهردن چیقارمامق
 و هرکون بوصورتله یاد و دلشاد بیورمق کی برشرف و مزیت جهان

مکتوب

واقعا بنسیده کر قصورمی معترفم ! دیاربکره کلنجیه بر مواصلتنامه یازوب یوللامق بورجم ایدی؛ چونکه موصلده کرک ذات سعادتلرندن، کرک سائر ارکان ولایت و معتبران مملکتدن کوردیکم حسن معامله و رعایت، سزاوار شکر و محمدت اولمغله بو وظیفه منتداری نی تحریراً دخی ایفا ایتمک لازمه دن ایدی .

لکن عریضه تقدیمه مسارعت ایتمش اولیدم، شمدیکی کبی شرف مسابقتی ذات عالیکز قازانه ماز ایدیکز . ایشته بنده کرک تنبللکم، سزه بویله بر شرفی ده قازاندرمش اولدیغندن بو بایده کی قصورمزدنده استفاده بیورمش اولدیکز .

کرمنامه کری غایت لذتله او قودم . موصلده کچیردیکم شرفلی ساعتلی تخضر ایده رک کوزلرمدن سرشک تحسر آتدم . جامع المشتاقین اولان الله، بزی ینه خیرلوسیله قاوشدیرمغه قادردر .

... افندی و بزیم خانه صاحبی بک افندی برادرلر مزه احترا-
مات فائقه مزک تبلیغی مرجودر، باقی . . .

مکتوب

۳ تشرین ثانی ۳۰۷ تاریخلی تحریرات بهیه لری آندی . حقوقه رعایتکر موجب ممنونیت اولدی .

سزک کبی محاسن شناس اولانلری، الله تعالی بر خوردار ایدر .

ذات سامیٰ جناب نظارتیناهیدن بحق امید و انتظار اولنان مکافاتک، ان شاء الله قریباً شرفظهور یلده ایفای لازمه تبریک و تهنیتہ موافقتی، الطاف الہیہدن امید ایلرم؛ فقط معلوم عالیلری درکہ ہرشی وقت مرہونندہ حیر آرای حصول اولور.

بناءً علیہ امید و انتظارک خلاقی اولہرق شاہد مہجمال امل، شاید برآز کججہ عرض دیدار ایتسہ بیلہ ینہ نومید و مایوس اولمایوب وقت مرہوننک حلولنہ انتظار ایدلمک لازم کلہجکی بیان و اخطاردن مستغنی در برادرم افندم.

مکتوب

مأموریتلہ تکرار دیاربکرہ کلک مقدر ایمش؛ کلدک . بو عاطفت جلیلہ حضرت ولی نعمت بی منستہدہ عرض شکران فراوان ایلرم . تبریکات واقعہ مخلصپروریلری دخی بو نقطہ نظردن واقع اولمش اولماسنہ بناءً شولطف و التفات دلشکاریلرینہدہ عرض تشکر و محمدت و منتداری اولدیغم توجہ و محبت قلبیہ لرینک ازدیادینی نیاز و رجایہ مبادرت ایلرم .

یوزغاد، پک سودیکم، غایت دلنشین بر مملکت؛ اہالیسی دہ علی الاکثر جمیل الصورہ، حمید السیرۃ اولغلہ اکابری، اصاغری حقارندہ حسن نظر کریمانہ لرینک انعطافی دہ بشقہجہ رجا ایدرم باقی ...

محجوب و شرمسار ایدیورسکیز. بیوکلکک اک بیوک شانی ده بودر.
همان جناب کردکار، عمر و عافیت و اقبال عالیکزی دائم و پایدار
بیورسون. بنده نوزاد (محمد علی کامران) مبارک اللرکزدن اوپر.
نجابتلو ناظم الشریعه حضرتلرینه عرض تعظیبات ایدهرم. باقی اوله سین
همیشه باقی.

مکتوب

۵ ایلول سنه ۳۰۷ تاریخلی لطفنامه والای کرامیلری کمال منونیتله
اخذ و مطالعه اولندی. اربیلدن اثنای مرور مزده جناب سعادتلرندن
مشاهده سیله مستدار اولدیغم آثار جمیه مهمانوازی و مرؤت، کولکده
اوله برحس شکرگذاری و محبت او یاندر مشدرکه جسمده حس حیات
باقی اولدجه آنی تقدیردن، نام سعادتلرینی خیر ایله یاد و تذکیردن
کری قالمیه جغمی تأمین ایلرم.

شو لطف والالری ایسه اوحس احترامی تزید ایدهرک افزایش
محبت سبب اولمغله بالخاصه بیان تشکرله ختمن مقاله اخلاص و مودت
اولورم. باقی....

مکتوب

۱۹ تشرین اول سنه ۳۰۷ تاریخلی مکتوب وفا اسلوب عالیرندن
دخی مستفاد اولان مائر حقوق پروری، موجب مزید منونیت
عاجزی اولدی.

۳۰۷ تاریخلی تحریرات کرم بینات رشادتپناهیلری - ملفوفی بولسان
ایکی قطعه استدعانامه ایله برابر - رسیده دست تکریم اولدی. مذکور
استدعانامه لر اوزرینه ماردین متصرفلغنه یازیلان ایکی قطعه تحریرات،
لفاً ارسال قلندی.

جهت جامعه اسلامیة و اخوت دینیة حسبیلہ بینزده جایگیر رسوخ
و استقرار اولان محبت حقانیة، تائیدات رسوم عادیة دن مستغنی
اولمقله برابر آرائق آرائق مخاطبات علیہ رُوح افزالریله مطیب اولدقجه،
نائل فیض روحانی اولمشجه سنه مستغرق انوار سرور اولدیغم ایچون
بو خطاب مستطاب ایله دائماً حصه یاب اولمقلغمی تمی ایلرم.

در سعادت ایچون طلب بیوریلان توصیه نامه لر دخی حین عزیمت
علیه لرنده ان شاء الله تحریر و تقدیم اولمور. باقی، بقای فیض نظر
سامیلری، اخص متمنیاتدر. الباقی هو الله والامر لولیه.

۱۸ اینول سنه ۳۰۷

مکتوب

بوکرده جوابی و انواع نوازش و التفات بی حسابی حاوی احسان
بیوریلان فارسی عبارت بر قطعه لطفنامه و فاعلامه نجیبانه لری، راحه
زیب ورود و مستلزم مسار نامعدود اوله رق ذکر جمیل بی عدیل
مرؤتپناهیلری زیور لسان مصادقت بیان قلندی.

حقا که مقتضای اصالت و نجاتی اجرا بیوریورسکز. ابراز
خلوص و محبتده دائماً احراز شرف تقدّمه بوخیرخواه بی اشتباهکزی

نهایتسز، اهمیتلی مشغولیتکز آراسنده سزی شویله بر موازنه اعطاسنه دعوت ایتمک، مناسبتسز کی ایسه ده ولایتی سزدن بویله بر موازنه ایسته مکه مجبور ایدن بعض سبیلر واردرکه بوسبیلری، باخصوص مسبیلر نی بیاسه کز، حسب الانسانیه هم غایتله متأسف اولوردیکز، همده ولایتی بوخصوصده کرچکدن معذور کوروردیکز.

اوسبیلردن بریسی ده، بغداددن (طاهر) امضای مستعاریه درسعادتنه طع اولنان غزته لردن (ترجمان حقیقت) غزته سنه کوندریلوب درج ایدیلان ساخته بر مکتوبدر.

ایشته شو استیضاحاته سبب، بومکتوبدر.

سزی دهها زیاده اشغال ایتمش اولماق ایچون او ساخته مکتوبک معلل بالاغراض اولان محتویاتی ترجمه و نقل ایتکدن صرف نظر ایلدم. شوقدر وارکه: بروجه بالا سزدن طلب اولنان ایضاحاتی، صورت مکملده اعطایه خامه زن همت اولورسه کز مکتوب مذکورک کافه محتویاتنه ردی ناقابل بر جواب مُسکت ویرمش بولنورسکز.

معلوم اولان مشغولیت مهمه کز آرسنده سزی شویله بر زحمته قوشدیغمدن دولای تکرار بیان معذرت ایلرم. حرمت و محبت مخصوصه مزک تلقی توثیقاتی مرجودر.

مکتوب

توجهات قدسیت آیات فاضلانله لرینک بقاسنی مبشر اولان ۹ ایلول

طرز انشائی، ایجابات و مقتضیات فدن اولمق اوزره طرفکزدن قسماً تبدیل ایدلدیکی جهتله سزك و بزم بغداده وقوع مأموریت و مواصلتمزدن اول، مثلاً: احطاب، طوغله، طاش و سائره کبی تدارک ایدلمش اولان لوازم انشاییه دن نه قدر استفاده ایدلمشدر؟ یعنی: بونلردن نه قدری بو انشاآنده استعمال اولنمشدر؟ یوقسه بونلردن، یعنی شو مقدما تدارک ایدلمش اولان لوازم انشاییه دن موفقیت حاضره بی حصوله کترین عملیات مهمه ده هیچ برشی استعمال اولنماشدر؟

برده، اسکیدن «عمر پاشاجدولی» نامنی آلمش اولان و شمدی «حله» جدولی نامیه یاد ایدلمکده بولنان ۱۲۰۰ مترو طولنده کی قتالی، سز بورایه مأمور اولوب کلدیگکزرده نه حالده بولمشدیکز؟ و بوقال، اول و آخر قاچ بیسک مترو مکعب طور اراق حفریله وجوده کتیرلمشدر؟ فصل تحکیم ایدلمشدر؟ و بو حفریاتک نه مقداری سزك — بزم بغداده وصولمزدن مقدم — نه مقداری سزك بزم ورودمزدن صکره اجرا اولنمشدر؟ کذلک همت مهارتکارانه کزله یاییلان سدک انشاسیچون طلبکزرله بزم زمان مأموریتمزده حکومت محلیه، طاش، طوغله، عسیه، کراسته و سائره کبی نه قدر اشیا تدارک ایتمش؟ و بوتدارک اولنان اشیا بی حکومت محلیه نره لردن؟ فصل واسطه لرله؟ و نه قدر مدت ظرفنده وجوده کتیریلمشدر؟ و شو عملیات جسیه نک هیئت مجموعه سی اعتباریله، نه قدری بزدن اولکی؟ و نه قدری بزدن صکره کی زمانلره عائد بولنمشدر؟ بورالرینی ممکن اولدینی قدر سرعتله، حسابی، مفرداتی غایت واضح اوله رق طرفزه بیلایره سز .

تقدیر رب العالمین، امر امیر المؤمنین ایله نہر فراتک بویله مجرای
 قدیمہ طوغری جریان وَعین ماء الحیاة کبی بر ملک جسیمک احیاسنہ
 شتابان اولمسی، محض کرامات سنیہ وموفقیات جسیئہ حضرت خلافت-
 پناہیدن اولہرق دعوات مفروضہ حضرت شہنشاہی، بیکلر جہ آخر لردن
 کمال خلوص ورققلہ مرفوع بارکاه اقدس الہی قیاندینی وَسَدک دخی
 بر آہ قدر اتمامی، الطاف الہیہ دن مأمول وَمستدعا بولندینی مع التکرار
 عرض وتبشیر اولنور . ۱۳ تشرین اول ۳۰۶

مکتوب

موسیو!

سزی عن صمیم القلب تبریک ایدرم.

ہندیہ سدیئک انشاسندہ ہم سزی، ہم سوکیلی وطنکزی
 شرفلندیرہ جک بیوک بر مہارت کوستردیگز.

اگرچہ وسائط لازمہ نک عدم مکملیتی جہتیہ بومہم عمایاتک
 اجراسندہ چوق زحمت چکدیگز؛ لکن حکومت محلہ نک دہ ممکن
 اولدینی قدر تدارک مالزہ وایضای وظیفہ خصوصندہ سزی بحق
 شکایتہ مجبور ایتدیکنی حسب الانصاف اعتراف ایدرسکز صانیرم.

بو فقرہ نی یازمقدن مقصودم، نقصان وسائط جہتیہ چکدیگز
 زحمتدن دولایی حکومت محلہ نی ممنور کورمکزی رجا ایتمکدر.

شوراسنی دہ علاوہ رجا ایدرم کہ: بوجسیم عمایات مہمہ نک اخیراً

للمشقه هراون بش کونده بر دیکشتمک اوزره علی طریق المناوبه اعضای
کرامدن بر ذاتک، رفاقت عاجزانه مده بولمسنی وایلك نوبت هرکيه
اصابت ایلرسه یوم مذکورده بزمه برابر کیتسنی آرزو ایلرم .
همان جمله نك حضورنده قرعه کشیده سیله نوبت ایام نك تعیین
وآشبو ورقه عاجزی یه ذیلاً بامضبطه تبیین بیورلمسی مرجودر .
والله الموفق . بغداد ۷ تموز ۳۰۶

تلگرام [°]

بعض ترینات و ترصیناتی اکمال ایچون، سرمهندس، حله قنالك
رسم کشادینی بوکونه تعلیق ایتشیدی .
هنده سده سنك طبقه تختانیه سی کاملاً ختام بولوب الیوم طبقه
فوقانیه سنك اکمالیه اشتغال اولدینی کی یوز بو قدر مترو عرضنده
وبیک ایکی یوز مترو طولنده آچیلان قنالك حیرت بخش عقول اولان
اوجسیم حفریاتی، له الحمد سایه عمرانوایه حضرت خلافتناهیده تیسر
نمای حسن حصول اولمشدر. ارکان ولایتدن، امرای عسکریه دن،
ولایتک الویه ثلاثه سی علماسندن، ساداتندن، معتبرانندن خیلی ذوات
ایله بغدادده مقیم دول متحابه قونسولوساری و بشبیک قدر عمله و بر
باندو موسیقه حاضر بولندینی حالد بوکون ساعت اوچ بحق راده لرند
رسم افتتاح اجرا اولنه رق تخمین سابق وجهله قنالك صدرندن بر مترو
ارتفاعنده صولر حله جهتنه سیل منحدر کی جریانه باشلامشدر.

شو آراق کال کرمی ایله بدأ و مباشرت اولنان (هنديه) سد عملیاتندن
ولایتجه دها مهم بر مشغولیتیز یوقدر. حیات مملکتته تعلق اولان بویله
برایشه ایسه نه قدر اهمیت ویرلسه سزادر!

بناءً علیه هیئت محترمه کزک قرار وتنسیبیه عملیات مذکورہ نك
مفردات معاملاتنه نظارت ایتک اوزره مخصوصاً بر قومیسون تشکیل
قیلنمش ایسده مصلحتک حائر اولدینی اهمیت فوق العاده حسبیله و عملیات
مهمه مذکورہ نك بمنه تعالی بوسنه اکمالی دویتجه آرزو اولنقده بولنسی
سببیله تسریع اعمالات و منع سوء استعمالات ایچون والی و لایتک
دخی ارکان مملکتدن و احتساب شرف و حیثیتدن بر ذات ایله برابر صورت
دائمده موقع اعمالاتده حاضر بولنسی الزمدر.

حتی بغداده یکی کلدیکمده ینه بومسئله مهمه موضوع بحث اوله رق
هیئت محترمه کز طرفدن «موسم اعمالات حلولنده جمله من سزکله برابر
موقع عملیاته کیدر، اوراده چادرلر منی قورار، ختام انشا آتده قدر
سزکله برابر اقامت وایشه نظارت ایدرز» بیورمشدکز.

ینه سزلردن مسموع عاجزانهم اولدیغنه کوره اسلافز زمانلرنده
انشا اولنان سائر عادی سده لک بیلہ اثنای انشا آتنده ارکان کرام
مملکتدن برر، ایکشر ذات والیرله برلکده موقع انشا آتده حاضر
بولنشلر ایدی.

دیمک که بوء فائده سی مجرب برقاعده حکمنه کیرمشدر.

ایمدی مخلصکز دخی بمنه تعالی او کمزده کی بازار ایرتسی کونی
مذکور سدک انشاآت موقعنه عزیمت ایتک اوزره اولدیغمدن، تخفیفاً

عریضه

... خاندانندن ... پاشانك مخدومی ... بكي توصیه وسیله-
سیله و مجرد چا کرلرینی احیا مقصدیله بوکره شرفستطیر و تسیر بیو-
ریلان ۲۶ تشرین ثانی ۳۰۷ تاریخی امرنامه عالی ولی نعمیلری هامه-
پیرای تعظیم و مبارک خط و خاتم اصفانه لرینک مشاهده سی، موجب
من و فخر عظیم اوله رق من القدیم مواظبی بولندیغم دعوات خیریة
مرحمتناهیلی زیور لسان مصادقت قیلندی.

پاشای مومی ایه بنده لری حقیقه ... نك اسکی خاندانندن
اولوب كرك کندیسی، كرك عالمه سی خلقی، شایان احترام ذواتدن
بولندقلری جهته طبق امر و فرمان داور اکر میلری وجهله دائماً
ایفای لازمه حرمت و صحابتده تجویز قصور اولنیه جغنی عرض ایه
کسب شرف ایلمرم. باقی، بقاسندن امین اولدیغم توجهات مستلزم
الفیوضات داور اکر میلرینک ازدیادی و بالخاصه عمر و عافیت و اجلال
آصفانه لرینک امتدادی، اخص آمال اولمغه اولبابده امر و فرمان ...
۱۸ کانون اول ۳۰۷

تذکره [۰]

جناب حق، دستیاری توجهات مقدسه حضرت پادشاهی ایه
اکالنه موفق بیورسون.

[۰] بغداد مجلس اداره ولایت هیأتنه خطاباً یازمیشدر.

امثال اولور. مکرکه فیض انفس روح پرورانه لری، مدد رسم اوله!
 شو وسیله جمیله دن ده بالاستفاده پک قدیم برنسبت و خصوصیتیه ترتب
 ایدن وظیفه یی ایفایه مسارعتله زینتساز صحیفهٔ مفخرت اولورم. باقی ...

مکتوب

برماضی مسعودک خاطرات مسرت غایاتی احتواسی جهتیله عند
 عاجزیده غایتله قیتدار، نوادر آثار دن معدود اولان کرمنامه کرامیلری که
 هر جملة جمیله سی، علوجناب عالیلرینه بر دلیل ناطقدیر؛ بوکره رُوح افزای
 روح روان و حلاوت مندرجاتی لذتبخش ذائقه وجدان اوله رق دعای
 اعتلای قدر و منزلت سعادتلری تکرار قیلندی. باقی افزایش محبت
 قلبیه لری اخص تمنیات اولمغله اولبابده ... ۹ ایلول ۳۰۷

مکتوب

بر زمان لسان عذب البیان تازی ایله مظهر آثار دلنوازی اولوردم.
 بوکره ده او شاهد کلچهرهٔ التفات، آشنای قدیمی اولدیغمز قبای زیبای
 ترکیه بورونه رک جلوه ریز بزم مباهات اولدی.
 حقا که شو معامله دلشکاری و خاطر سازی، جناب حقک، حضرت
 مخدوم نجات موسومه مخصوص برنشانه امتیازی در. بناءً علیه عرض
 شکران فراوان ایله افزایش توجهات مخلص پروریلری نیازیینه شتابان
 اولدم. باقی نماند هر که نخواهد بقای تو.

سیر و سیاحت ایتمک هوسنه دوشهرک صامسون، سیواس، ملاطیه،
خرپوت طرفارینی طولاشمش و ارباب کرمک بخش قلندرانه یولنده کی
اغانه لرله کچینه بیلش اولدینی آکلاشلشدرد.

مع مافیه سوء فکر و حاله دلالت ایدر برشی ایشیدلیوب کندوسنی
سیاحت نامیله کربت غربته دوشورن دخی محضا سائقه ضرورت
مفرطه اولمسیله و خدمت کتابتده قوللانیله جق اولسه قلندن استفاده
مأمول بولمسه سیله ایلک آچیله جق برلوا تحریرات مدیرلکنه تعینی
خصوصی؛ مرجع مخصوصه امر و فرمان بیوریلورسه سایه قدر توایه
حضرت پادشاهیده بر بی وایه و بی چاره نک حال واستقبالنی تأمین ایله
سفالتدن خلاصه دلالت و عنایت بیورلمش اوله جغنی عرض ایلم.
باقی. دیاربکر ۲۰ تشرین اول سنه ۱۳۰۷

عریضه

عزّ خطاب مستطاب دولت لرله شرفیاب اولمق، بنده کز ایچون
حقیقه نه بیوک شرفدر. هله کائناتک برنجی جلدیله برلکده نشری
مقرر اولان دفتر معاونتده نام کترانه مک بولمسنده مساعده بیورلمسی،
احسان علی الاحسان قبیلندن اوله رق دیکر بر شرفدرکه هرایکیسی
ایچونده عرض شکران فراوان ایلم.

ایکنجی جلد ایچون بر مقاله تقدیمی دخی فرمان بیوریلور. هر
امرلری مطاعدر؛ لکن بضاعه سزک، قورقارم که بوا امر شرفاله مانع

آراقده ارسال رسائل ایله نصف المواصله نشووه سنی اولسون اشراب
بیورمز میسکنز؟ الباقی هو الله.

عریضه

ارغنی محکمہ ہدایت باش کاتبی عبداللہ خلوصی افندی زادہ مسعود
افدینک خلاصہ مالی، بیان ضرورت و برما موریتہ تعینی ایچون
استدعای عاطفتدن عبارت اولان عریضہ متقدمہ سنک و مطویاتنک
لفیلہ شرف قسطنطیر بیوریلان ۲۴ ایلول سنہ ۳۰۷ تاریخلی و ۹ نومرولو
امرنامہ سامی جناب فحامتپناہیلری، هامہ پیرای تعظیم و ابجال اولدی.
افندی مومی الیہ، - عریضہ سندہ دہ بیان ایلدیکی وجہلہ - عن اصل
زیلہ قصبہ سی اہالیسندن مومی الیہ عبداللہ خلوصی افدینک اوغلی در.
چاکر کینہ لریلہ برنجی دفعہ اولہ رق ملاقاتی، یکرمی کون مقدم دیار بکرده
وقوع بولمشدر. شویله کہ: معمورۃ العزیز ولایتنک برقطہ توصیه نامہ سنی
مستحباً دیار بکرہ کلوب بر قاق کون قالدقندن صکرہ تکرار خرپوتہ
عودت ایتمش و آلان اورادہ بولنمش اولغلہ حکم ارادہ جلیلہ جناب
صدارتپناہیلرینک کندوسنہ تبلیغی، امرنامہ سامی مذکور صورت
جلیلہ سنہ ذیلاً ولایت مشارالہایہ یازلمشدر.

روش حال و قالندن آکلاش - لدیغنه کورہ افندی مومی الیہ، فن
کتابتدن بہر، دار ایسہ دہ شمعیہ قدر معیشتنی تأمین ایدہ بیلہ جک
برما موریت استحصالنہ موفق اولہ مدیغندن اخیراً آناطولی قطعہ سنی

وضوح ایله دلالت ایلدیکندن او یله برنقیصه دن نزا هتمی مطلقا وجدان
باهر العرفانکز تصدیق ایلردی .

مع هذا عریضه متقدمه عاجزانه مك از دیاد اطمئنان قلبه مدار
اولدینی، بوکرده دولتخواه بی اشتباهکزی شرفلندیرن ۲۳ تشرین اول
سنه ۳۰۷ تاریخلی کرمنامه کرامیلرندن استبباط اولنه رق مضطرب قلبم
کسب سکون و راحت، قلم شو وادیده حسجال ایله اساله مداد شکر
و محمدته مسارعت ایتشدر. بعد صوری، قرب معنوی یه حائل اوله -
مازسه ده، امتداد ایام فراقه ده شو فانی دنیانک تحمیلی اولدیغدن «ربم
قرباً مظهر حسن تلاق بیورسون» دعاسیله تصدیعانه نهایت ویررم.

مکتوب

غالبا اشتیاقیزی آر تیرمق ایچون لطف خطابکزی محب مشفق کزدن
اسیر که مک ایستورسکز! سزی سونلری، مخاطبات روح پرورانه کزدن
متلذذ اولانلری بویله اوزدیرمک روامیدر؟

۲۹ تشرین اول ۳۰۷ تاریخلی کرمنامه کزی، مشتاقانه برحس ایله
متحسس اولدیغم حالده اخذ و مطالعه ایدرک سزکله کوروشمش، قونوشمش
قدن مستفید و مستلذ اولدم .

موسم، مساعد اولیدی؛ صیت فضل و عرفانی تاموصلدن بری
ایشیده ایشیده قولاقدن عاشقی اولدیغم فضیلتلو نائب افسدی ایله
برلکده تشریفکزی رجا ایدم جکدم. بو، هربار ممکن اوله مازسه، باری

بر حس ایله متحسّس اولدیغم حالدّه سَوّه سَوّه مطالعه ایلدم . صد بارک
الله ! معلم ناجیمز، سزک کبی «خارقه ادب» اطلاقه سزاوار اولان ذکی
طالبلر یتشدرمکده اولمسیله افراد ملتز ایچنده ناقابل نسیان بر یاد
جیل براقه جقدر. وار اولسون !

پدر محترمکز حقنده کی توصیه یی حسن تلقی ابدرک اعتلای قدر
ومنزلتنه چالیشه جغمندن امین اولکمز. سزک کبی عثمانلیلرجه مدار فخر
وشرف اوله جق اولاد یتشدرن بر پدر، حقیقت ! شایان تبریک وتقیدسدر.
میرآلای جمال بک ایله الفت ومناسبتکزده حسن خصالککزک
علامّ باهره وظاهره سندنذر؛ چونکه «لانسأل عن المرأ...» قضیه سی
معلومکزدر اقدام . ۵ تشرین ثانی ۳۰۴ دیاربکر

مکتوب

مبارک آیینّه خاطر دولترینی ژنکدار ایلین خبر کاذب، بنده کزی ده
جِدّاً متأثر و مضطرب ایتمشیدی. جناب حقّه شکر وسپاس ایلرم که
مرأت خاطر دن او پاسی کیدرمش؛ آنی اسکیزی کبی صورت حال
ومأل عاجزانه مه جلوه گاه ایتشدر .

- ولو بر لسان واثقن اولسون - خبر واحده قناعتله بر محب
مجرّب الاطواری حقنده سوء ظن ایتک، کامللره کوره بر نقیصه در.
بنده کز ایسه اگرچه اونسبتده حائز کمال دکله مده پیر واهل کمال
اولدیغمه، از جمله جناب مروتما بلریله عقد ایدیلن روابط محبّت، کمال

عزیزم! نقش دلارای محبتکزه، یورکمک آت لوحه سی اوزرینه قلم قدرت و دست مشیت جناب رب العزتله یازلمش اولدیغندن امین اولکزرکه آنی امواج دریای حوادث، سیمکه مقتدر اوله ماز. هویتم باقی اولدجه اوده دایم و پایدار اولور. ظاهرده کی تنائی بلدانه، تباعد جثانه باقوب ده قُرب معنوی بی نفی و انکار ایتک، کُوتَه یینلرک کاریدرکه ایکنزده له الحمد او زمردن دکلز. بز:

— در راه عشق، مرحله قُرب وبعد نیست —

دین سرائر شناسانِ بزمِ قدیم اَلستدز، دکلّی؟ بنده کزه کندم کبی سزی ده بویله بیلورم. شو عریضه مه بر تحفه دیکرده علاوه ایلدم. اوده [سر فرقان] نامیله سوره جلیله فرقانه یازدیغم مفصل تفسیردن مُفرز اولق اوزره آریجه طبع ایتدیردیکم «استوا» رساله سیدر. بورساله شریفه، آچیقدن پوسته یه تودیع قیلندی. بمنه تعالی حائر عز و صل اولدیغنه دائر بر خطاب مستطابریله تشرّف ایلرسم بنده کز ایچون نه بیوک بختیارلقدیر. صحائفک عددی، آلتیوزه قُرب ایتسی مأمول اولان سر فرقانک ده طبعی، قُرب ختامدر. ان شاء الله هدیّه عیدیه اولق اوزره آنک ده بر نسخه سنی تقدیم ایلرم

مکتوب

او غلم!

ایکی مقدس نامی محتوی اولمسندن طولانی مکتوبکزی اِکِ عالی

عریضه

نام عاجزانه مک نقش افکن خاطر عرفان پیرالری اولسی کبی
 هراهل تقدیره کوره زُتبِ رستمیه نک، حیثیات اضافیه نک کافه سندن
 بالاتر بر شرف عظیمه نائلیتدن دولایی متدارانه عرض واجبات محمدت
 وشکرانه اجتسار ایلرم .

خیر مایه طینتلی، برخاک فیضناکه اضافتله علاقه دار اختصاص
 اولان ایکی نیکخواهک حسیات قلبیه لری ده یکو جودانه بر اتحاد معنوی
 تشکیل ایتسی طبیعی در. دیمک که مشتاق شرف دیدار لری اولان کوکلی
 مالامال سرور وافخار ایدن تبریکات وتلطیفات دولترلندن قلباً نه درجه
 متحسس اولدیغمی عرض و بیان ایچون وساطت خامه ترزبانه مراجعت
 احتیاجندن مستغنی یم . بومثللو تلذذات روحانیه ومعاملات قلبیه یه
 ذاتاً حرف وصوت، ترجمان اولمقدن عاجز در. بناءً علیه شرح وتفصیل
 ماجرا، تقدیر وجدان باهرالعرفان دولترینه بالحواله نقد جان، جائزه
 شعر ابدار حسان، استحسانلری اولمق اوزره نثار خاکبای کرم پیا
 قینور.

۱۵ شباط ۳۰۵

مکتوب


جناب فضیلت ما بلیله برلکده کچیردیکم ایامی - که عهد شبامک
 اک سعادتی، اک فیضلی کونلریدر - نه قدر اختیار اولسه، حتی آزدل
 عمره ده وارسه، اونوتورمی یم صانیرسکز؟ حاشا!

مکتوب

بیوکلکک الک بیوک شانی، علو جنابک عظمتی نشانی، دأماً اصدقای
بندگان حقتده «معامله بالجماله» ایله لطف واحسانی ارزانی قیلتدرکه
قدرت فاطردنک بو اخلاق فاضله جهده ذات بیهمتای اکملانه لرنده
کوستردیکی آثار کمال، صحیحاً سزاوار اعزاز و ابجالدز.

چاکرلری دار الخلافهده شرفیاب صحبت بزرگواران امت اولدیغم
مدتجه، یک چوق لطف والتفاتلرینه مظهریتله کسب شرف ایتدیکم
برخاندان جلیل الشانه لایق، تعضیات واحتراماتک حسن ایفا سندن
عاجز، و بو عجزم، نیاز عفو دهده حاجز ایکن افدمن، عالجنابانه بر صورتده
جرائم گذشته یه کشیده قلم عفو ایله برابر بزرگوارانه بر مکتوب بدیع-
الاسلوب ارسالیله ده بو ذرّه خاکی، اعتلای قدر و منزلتده همسر افلاک
بیوردیکز.

ایشته بو، ادای شکری واجب بر نعمت عظمادر، که بنده کزی
حقیقه فخر و شرفله دلیر، و یکیدن باب احسانکزه اسیر ایتشدز.
بناءً علیه غدای روح روان و زیور زبان صدقیانم اولان شای
جمیل واجب التجیللری، دأماً مجالس انس والفتده ثقل طبقه تقدیس،
اوقات تنهاییدهده خیال بی مثال عالیلری، بنده مستدیملرینه نعم الانیس
اوله جغنی لسان تعظیم و سرور عظیم ایله عرض ایلرم باقی . . .



برده بودار امتحان جهانہ کلیشتر، مجرد اللہی بیلک ایچوندر. امام
المفسرین، فخر رازی ایسه دیمشدرکه: «هرهانی قندن اولورسه اولسون
«مثلاً طبدن، تشریحدن برمسئله زیاده بیان کیسه، معرفت ربوبیت
«جناب رب العالمینہ بردرجه دها زیاده تقرب ایتمش اولور.»
بوندن آکلاشیلیرکه: علم نامنه هرنه وارسه انسانک دنیا سنهده،
عقباسنهده یارار.

اولیه ایسه اوغللرم! تحصیل علمه چالیشکز!
چالیشقندن اصلاً قنور کتیرمیه رک زیاده چالیشکزکه حقکده،
خلقکده نظرندہ مرغوب و ممتاز اوله سکز.
محصول تحصیلکزی، وطنکزک مسعودیتنه، پادشاهکزک اعلای
شان وشوکتنه صرف ایتک اوزره جانکزله، وجدانکزله، شمدیدن
عهد و میثاق ایدیکزکه اللہکده، ظل اللہکده عندندہ مقبول و سر
فراز اوله سکز.

ینه تکرار ایدرم که صحیحاً بختیار سکز!
زیرا بویله بر دور مسعود ترقی ایچنده و بر پادشاه شفیق و رحیمک
سایه لطفنده پرورشیا ب فیض عرفان اولیور سکز.
همان جناب حق، ولی نعمت بی منتز، پادشاهمز بیوک عبدالحمید خان
افدمنز حضرتلرینی، سریر سلطنتده دائم و برقرار بیورسون دعاسنه
بر آغزدن [آمین] دیهلم.

آطنه ۷ ایلول سنه ۳۰۵

مرتبۀ اقصیٰ الکمال وارد درکۀ ایشته بن آکا واصل اولمکزی آرزو ایدرم.
سزکده همتکز عالی اولسون! علمک پک آزینه قناعت ایتیمکز؛ زیرا
واهب حقیق، انسانلره علمدن ذاتاً آز برشی احسان بیورمشدر.
[وما اوتیم من العلم الا قليلاً]

تناهی ناپذیر اولان علوم و معارفک، دائماً بیلدیکمکردن، اوکرنده
یکمکردن دهها زیاده سنی استحصاله چالیشکز. کورمز میسکزکه اعلم الانبیاء
افسدمز، وارث علوم اولین و آخرین ایکن جناب مقدس لری بیلده،
ازدیاد علمی طلبله مأمور اولمشدر. [وقل رب زدنی علماً]
اوغللرم!

علم نه در بیلیمسکز؟
علم، بر نورانی منهادرکه - سالک لرنی مهالکۀ اوغرا تمق سزین -
واصل سر منزل مقصود ایلر. انسانی حیوانات سارهدن ممتاز ایدن
خاصۀ جلیله ده، علمه استعداددن عبارتدر. آنک بر تعبیر دیکری ده عقل
طبیعی در، که بوکا: «عقل غریزی» ده دیرلر. عقل طبیعی ایسه عقل سمعی
درجه سنه وارمدقچه صاحبنه ثمره بخش منفعت اوله ماز.

عقل سمعی، افواه رجالدن اخذ علوم و کثرت تجارب ایله تنور
ایلدن عقل درکۀ ارباب عرفانک عقول سلیمه سندن کنایه در.

ایشته لسان شرعده [امانت] تسمیه اولنان بو عرفان وادرا کدرکه
نیجه مخلوقات آره سنده انسانه مدار تکریم اولمشدر.

حاصلی اعتبارات اضافیه دن تجرید نفس ایدیلنجه کوریلورکه، هر
کس، آنجق علمی نسبتنده حائز شرف امتیاز اولور.

نطق [۰]

افندیار! سزی تبریک ایدرم.

بختیارسکز. ابوینکزده بختیار درلر!

سز بختیارسکز؛ چونکه برپارلاق استقبالك امید مشخصیسکز.

ابوینکز بختیار درلر؛ چونکه شوکتلی پادشاهمزده، سوکیلی و طنزده

خدمت ایده جک ذکی، مستعد بویله اولادلر یتشدرمشلردر.

بزده بختیارزکه سزک کبی بختیاران امتک توزیع مکافاتی رسمنده

حاضر بولنیورر.

اوغللرم!

ایشته بو بر نعمت عظمادر. بو نعمتک قدرینی بیلی؛ شکرینی

اوده ملیسکز!

قدرینی بیلک، سالک اولدیغکز مسلک ترقیده دوام ایله نقطه

منتهای کاله ایرمکله اولور. شکرینی اوده مک، شوکتلی پادشاهکز،

سوکیلی وطنکز قارشی اولان مقدس بورجلرکزی ایفا اتمکله اولور.

اوغللرم!

بونیده بیلکزکه اگرچه بختیارسکز؛ اما بختیارلغکزک ثمره سنی

اقتطاف ایده بیلکز ایچون دهها چوق چالشمکز لازمدر!

شمدیکی معلومات مکتسبه کزده کرچه شایان تقدیردر؛ لکن بـم

حقکزده مهم عالیدر. سزی و وطنکززی جداً شرفلندیره جک بر

عاجزیده قدرت نابود، استطاعت مفقود اولمغله اوبابده طلب عفو ایله خاتمه کش تصدیعات اولدم .

عندمده گرانقیمت اولان محبت صحیحه لرینک دوامندن، بلکهده ازدیادندن امینم. باقی لطف و اراده، برادر صاحب افاده افندمکدر.
۱۶ تشرین اول ۱۳۰۷

مکتوب

... افندی کلدی. اراده نامه عالی فضاءلپناهیلرینی کتیردی؛ کمال تعظیم ایله آلدیم، او قودم. بو وسیله جمیله ایلهده شرف خطاب منعمانه لرینه نائلیتدن طولایی درجه نهایدهده متهج و مباهی اولدم.

حسن شهادت علیه قدر دانیلرینه مظهر اولان افندی مومی الیهک ناصیه حائنده اقتدار و اهلیت اثری نمایان اولمسیله ان شاءالله ترقی فیض و اقباله دلالتده و دأما حمایه و صحابته قصور اولنیه جغنی تأمین ایلرم. بزم [احسن القصص] حقنده سعادتلو ... بک افندی حضرتلری

ذات سامی شیخ الاسلامینک بر درجه یه قدر موافقتلرینی استحصال ایتمش کی اولدینی صورت اشعارندن آکلا شلغله طرف اشرف دولترلندن دخی تعقیب کیفیته مساعد جلیله لرینک سزاوار بیورلمسی مسترحدر.

۲۶ تشرین اول ۳۰۷

... باقی

ایشته شو حال و طبیعتده یارادلمش بر مخلص مشفقکز اولدیفم حالد
بنه ادامه مخبریه چالشقده قصور ایدیشم، بیوک بر صایغیسزلق صایله-
بیلیر؛ لکن بوکاده بنده کزی مجبور ایدن، محبتک نقصانی، یا خود حقوق
قدیمه نك نسیانی مثلی عوارض اولمایوب محضا کثرت غوائل و مشاغل
کبی مجبرلردر، که بو حقیقت، نزد والای عرفان پیرالرنده البتّه خفی
دکلدرد. بناءً علیه مسامحه طلبنده حاجت کورمکسزین الطاف مخلص-
پرورانلرینه قارشی لازمه تشکری ایفا ایله اکتفا ایلرم.

هرسطری بر اینجی دیزیسندن زیاده حائز قیمت و اعتبار اولان او
نظرربا، او شوق افزا نامه کزی، سائر برچوق امثالی کبی محفظه پیرای
احترام ایلدیکمی ده شوراجقده بیان ایله خاتمه کش افاده مرام اولورم
او غلم افندم.

مکتوب

اخوت اسلامییه لایق تلطیفات بی نهایتی حاوی اولان کرمنامه
بلاغت پیرالری، مالشکام نکام ایقان و حقیقه مسرتبخش دل و جان
اوله رق شو وسیله ایلده ذکر جمیل سعادتلری یاد و تذکار قیلندی.
اسالیب کلامک هر درلوسنی حسن اداده، قلم معجز نمای عرفانپیرا-
لرینک اقتدار بی نهایت سنه نامه نامی مذکورک هر فقره دلاراسی، بلکه
هر حرف محاسن آراسی، برر دلیل ناطق، برر شاهد صادقدر.
بویله برانمودج بلاغته جواب لایق تسطیرینه ایسه، خامه کمبضاعه

تعمیر بلاد، ترفیه عباد کبی قضایای اصلیه، اقامت مراسم عدل و داد ایله قائمدرکه بوده: استحصالیله مکلف اولدیغمز رضای همایون حضرت خلایقیناهی تحتنده مندرجدر.

ایشته بنم هریرده طوتدیغم مسلك اداره بودرکه شو عرض ایتدیکم فهرستِ نُجْمُکْ تفصیل وانبساطی مراد اولسه هر حرفی بر کتاب اولور. بوبابده جناب حقدن، نائل توفیقات، رفقای کرامدن، ارکان مملکتدن مظهر تأییدات اوله جغمی قویاً امید ایدرم. صلاح عامیه متعلق مسائلده ایسه روحانیت جلیله حضرت پیغمبری، دائماً یکانه مدار توستلزدرد.

همان جناب حق، عمر و شوکت شاهانه بی مزداد و توفیقات سبحانیه سنی جمله مزه دلیل راه سداد بیورسون آمین.

مکتوب

سعادتلو پرتو پاشایه تشکر ایدرم که سزکله فتح باب مخابرهیه وسیله اولمشدر؛ چونکه مخابره مزه، همان انقطاع کلی حاله کلهشدی. واقعا بونک سببی ده سز دکلسکز. بوسیدن ناشی سرزنشه حقم یوقدر؛ فقط سزی اولادی قدر، بلکه ده آندن زیاده سَور بر محبّ خالصکز اولدیغم ایچون دائماً ترقیات مادیه و معنویه کزه دائر اخبار سارّه استماعندن لذتیاب، بناءً علیه انقطاع مخابره دن دوچار اسف واضطراب اولمقلغم طبعی در.

معدوم انسجام اولسہدہ قرین عفو و صفتح جمیل داور اکرمیلری اولہ۔
جغنی امید و بو وسیلہ ایلہ رابطہ عبودیتی تشدید ایلرم باقی۔

نطق رسمی [*]

جناب حق، وجود مسعود ہایونلرینی الی الابد سریر سلطنتدہ دائم
و برقرار بیورسون۔

ولی نعمت بی منتز، پادشاہ عالم پناہ افندمن حضرتلری کبی عُثمان
عرفان، منورالوجدان، بر خاقان خلافت عنوانک عہد سعید عدلنہ
یتشمک، سایہ عاطفتندہ یاشامق شرفنہ نائل اولان بختیاران انامدن
اولدینمزمز جہتلہ ارواح سعدای اسلاف، بالای عرفات جناندن بزہ
ننگہ انداز غبطہ و اشتیاق اولسہ کرکدر۔

ایمدی جہان قیمت اولان بونعمت جلیلہنک ادای حق تشکری،
آنحق او پادشاہ رحیم و عادلک رضای ہایون شاہانلرینی استحصانہ
حصر مساعی اشککہ تمشیت پذیر حصول اولور۔

باخصوص، عالم اسلام و انسانیتی شرفلندیرن ذات اقدس ہایونلری،
بو ملک و ملتک اکمال سعادت و سلامتی ایچون جناب حقک بر عطیہ
نادرہ الہیہ سی اولغلہ دعای دوام عمر و دولتی، دیناً و سیاستاً جملہ مزہ
واجب و لازمدر۔

بناءً علیہ ایفای وجائب ذمتلہ اولیلہ بر حکمدار حکمت شعارک
شرف عبودیتنہ لیاقتیزی اثباتہ چالیشہ لم۔

[*] آٹنہدہ اراد اولنشدور۔

عسریضه

جناب رب العالمین، ولی نعمت بی منتز خلیفه سید المرسلین افندمن
حضر تلرینی دائماً مظهر نصرمبین، ذات معالی صفات داورا کر میلرینی ده
او پادشاه دین پناهه مقارنتله همیشه کامران و کامبین بیورسون.

دنیا به مثلی کلمه مش اولان اولیه بر بیوک پادشاهی جناب معلاً
القاب فحامتپناهیلری کبی بیوکلکک شانتی بحق اعلا ایلین بر قرین
امینه موفق بیوران جناب موفق الاموره عرض شکران ایلرم که بو
عبد عاجزی ده او درگاه مراحم پناهه کسب عبودیت و منسوبیتله
مفتخر ایتشدر.

بونجه سعادات دنیویه نائلیت کمترا نه مه سبب ظاهری اولان او
وجود مسعود مقدسی خدای بیچون، آسیب روزکاردن مصون
بیورسون. لسان صداقت بیانم شو دعای خیری ایفایه مقصوردر.
او دعای واجب الادادن بر آن خالی قالمق، نعمدیدکان بندکان ایچون
حقیقه عین قصوردر.

رضای عالی که احسن المعالی در، واللہ العظیم بو عبد صادق اخص
آمالی در. نیل امل ایسه، وابسته توفیق خدای عز و جل در. صدق
نیت، خلوص طویتله ایفای وظیفه چالیشانلری ده الله، محروم ایتمز؛
زیرا شان الوهیتی بخل و امسا کدن عالی و اجل در.

الحاصل مخاطبات مرحمت پرورانه لری بنده کینه لرینی مرک شادی به
او غراته حق برحاله دوش ایتمکله معروضات چا کرانه محروم انتظام،

دل آکاهدن ماعدا هیچ بر معین ونصیری، هیچ بردستگیری اولیان بو
عبد صادق حقننده محض سنجایای عالیّه دینداری و بیکس پروری
اثری اوله رق لطفاً ابراز بیوریلان صحابت جلیله نك قدروشکرینی بیلیرم.
چا کر کمتلری کبی کیسه سز لری مجرد رضای باری ایچون صحابت
وَحمایه تنزل بیوران افایم واکبری ده کیسه سز لک کیسه سی اولان
الله عظیم الشان دارینده مظهر توفیق و احسان بیوره جنی بی ریب
و بی کاندِر.

بندّه دیرینه لری، ایشته بویله هیچ کیسه سز اولدیغم حالدّه صلاح
دین و دنیایی، آنجق ولی نعمت بی منتزه صداقت، دولت و مملکت مزه
حسن خدمتله عفت و استقامت یولنده تحرّی ایدرک له الحمد وَالْمَنّه
دلالت توفیق رب شفیع ایله بو مقصد اقصایه رهیاب وصول اولمغه
جد و جهد ایلرم.

شو مسلک راستی و استقامتن آیرماسنی جناب و اهب العطایادن
طلب و تمنی ایتدکجه اوفیاض عمیم الاحسان ده بندّه بی مقدار لرینه ابواب
فیوضاتی فتح ایدرک از جمله جناب معلا القاب اصداقا پناهیلری کبی
برحمی حسی ده احسان ایله کامبین و کامران ایشدر.

همان اول مسبب الاسباب اولان خدای بیچون، عمر و شوکت
واجلال حضرت ولی نعمتی افزون، ذات علیای بهمتالرینی دخی جناب
غازی عظیم المغازی ایله برابر همیشه خدمت مقدسه هایونلرینه
مقرون بیورسون. باقی...



ولی نعمت بی منتز شو کتآب افندمن حضرتلرینه دأما خیر دعا آلدیرمغه
وسيله اوله بيله حك بریاد جمیل براققدن عبارتدر.

بو امل و آرزوی عاجزانه مك تسهیل حصولیچون مقدما معاونت
وطنپرورانه لرینی بزدن دریغ ایتیمان ارباب همت و حمیت ایسه، ینه
او ارباب همت و حمیتدر.

ایمدی جناب اللّٰهك حَوْل و قُوَّتی، حضرت رسول اللّٰهك مدد
روحانیتی، بالجمله مأمورین و اهلایزك انضمام همت و معاونتی ایله سایه
حضرت امیرالمؤمنینده امور مأموره مزجه مظهر توفیق اوله جغمزی
الطاف الهیه دن امید ایلرم.

همان ربم ولی نعمت بی منتز شوکتلو پادشاهمز افندمن حضرتلرینی
الی الابد اریکه پیرای شوکت و شان بیورسون آمین.

۲۰ آغستوس سنه ۳۰۷

عریضه

تشکرات متقدمه کترانهم لدى العرض موجب محظوظیت سنیه
حضرت ولی نعمت بی منت اولدیغنی تبشیرایلین امرنامه عالی فخیمانه لری،
حق نامستحق بندگانده مدده ده برچوق تلطیفات مکارم بیناتی حاوی
اولمسیله چاکر شاكر الاحسانلرینی ناقابل تعریف بر صورتده حائز
نصاب فخر و مباهات ایلدی.

بو عالمده جناب اللّٰه دن وَ خلیفه رسول الله اولان حضرت پادشاه

نطق [۰]

افندیلر!

مأموریت امر عالیسنک رسم قرائتی عقبنده بر نطق مختصر
ایرادیه طوتیه جق مسلك ادارهیه دائر بعض ایضاحات اعطاسی دأب
دیرین ولایة اولمسهیدی، شو موقف خطیرده دعای واجب الادای
حضرت پادشاهیدن ماعدا برکلام ایچون شق شفه ایتکه بیه لزوم
گورمزد.

چونکه شمدی اوقونان امر عالیده ولی نعمت بی متمیز ولی نعمت
عالم افندمن حضرتلری رعایا اوزرینه بسط جناح رأفته طرف مستجمع
المجد والشرف حضرت خلافتپناهیلرینه هرکسدن دعوات خیریّه
استجلا بنه دقت اولغسنی فرمان بیورمیورلرمی؟

ایشته بزم اصل واساس وظیفه مأموریتیز بودر. معاملات سائر
هپ او اصلک فرعیدرلر. بو خط حرکتدن ایسه قیل قدر انحرافه
امکان یوقدر. بوحالده ایضاح زائد، زائد دکلیدر؟

باخصوص بنم مسلك متخدم، سزک مجهولکزده دکلدر. مأموریت
سابقه من بوبابده سزک ایچون ترده محل بر اقامشدر. مجربکز اولمق
لازم کلن حسن نیستمه، شوق و غیرتمده اصلا تغیر وقفور عارض
اولمامشدر.

اقدم آمال وافکارم، مملکتک تزید عمران و سامانه خدمتله

[*] دفعه ثانیه دیاربکر والیلکنده ایراد اولغمشدر.

ایمدی دائماً دولت و ملتکِ اعلای شانی نخبهٔ آمال ایدینن عدالتی،
مرحمتی پادشاهمز افندمز حضرتلرینک رضای هایون ملوکانه لرینه
مغایر اوله رق حقمزده مُضر حکملر ویردیرمکه سبب اولمقدن زیاده سیله
اجتناب ایتلی یز.

حال و وقتک اهمیتنی، ولی نعمتک علوهمتنی تقدیر ایدن افکار
منوره اصحابی، عین حقیقت اولان بوسوزمی جان قولاغیله اصغا ایدر.
ان شاء الله صلاح حالکزی کورمکله برمدتدنبری اذهان عامه یی
اشغال ایدن یا کلش ذهابلری تصحیح ایدنلرک برنجیسی بن اولورم.
افندیلر!

هرشیئک میزانی عقلدر. سزده مادام که عاقاسکز؛ البتّه طوغری یه
اکری، اکری یه طوغری دیمکه تنزل ایتیه جککزدن اومارام که
ترقیات صحیحهٔ مملکته خدمت و طرف اشرف حضرت خلافتپناهی یه
هرکسدن دعوات خیریّه استجلابنه مسارعت خصوصنده جمله کز بنمله
یکدل ویکجهت اولورسکز.

همان ربم شوکتآب افندمزک ایام عمر و شوکت شاهانه لرینی بی حد
و بی حساب، توفیقات الهیه سنی جمله مزه دلیل راه صواب بیورسون.
آمین.

کندیمزه دلیل ورهبر ایدرک هدف الحركات اولان نقطه نجات بخشای
سعادت وسلامتی طومتغه نصب نفس اهتمام ایده جکز. بو عزم ونیتله
ایسه باشلایانلره ایسه توفیق باری رفیق اوله جغنده شبهه یوقدر.
افندیلر!

بویله بریوم مشهودده سویلنن سوزک تأثیر بلینی انکار اولنه ماز.
بناء علیه سزه بررئیس عالمه صفتیله و برلسان صفوتله شونی ده سویله مک
ایسترم که علم ومعرفت، اگرچه حامل وصاحبی عزیز ایدر؛ اما باعث
سعادت دارین اولان فضیلت صحیحه، یالکیز علم ایله دکل، علمه مقارن
اولان عمل صالح ایله اکتساب اولنور. بوراده عمل صالح دن مقصد
حسن اخلاقدر. دیمک که تحصیل علمه سعیمز نسبتنده تهذیب اخلاقده
چالشمامن لازم کلیر.

انسان، مألوف عجز ونقصاندر؛ ناقصده ایسه کمال آرانمز.
یترکه انسانک محاسنی مساویسنه غالب اولسون؛ یوقسه بو عالم نقائصده
قصورسز آدم آرامق، انسانده ملکیت، نقصانده مکملیت تحریمی کبی
برعبث جستجو، بریبهوده آرزودر.

بتون جهان مدنیتک انظار دقتی ایسه بزه منعظدر. هر حالزی،
هر قالمزی انتقاددن خالی قالمیان یارواغیار، محاسن و مساوی ملتی،
دائما سنجیده میزان اعتبار ایدرک یا ائمزده، یا علیهمزده البته بر حکم
ویریرلر. افکار عمومیه نامنه اولان محکمه کبرادن ایسه، او یله بر حکم
صادر اولدیمی؟ آرتق آنک استیناف وتمیزی یوقدر. او آنده قطیت
حالی کسب ایلر. ضرر ایسه هیئت اجتماعیه عانددر.

ایله مأمورین حکومت و اهالی مملکتک انضمام معاونت همکاریلرینه وابسته در .

علوهمته مقرون اولان خلوص نیت صاحبی ایسه، تشبثات خیریه سنده جناب موفق الامور، خائب وخاسر ایتمز .
ماده تعاونه کلنجه: بوبدیهدرکه بنم امور مأموره محه حسن موفقیته مظهریم، کندمدن زیاده مملکتی بختیار ایدهبیله جکندن اولا: جناب رب العزتک، ثانیاً: همیتکاران مملکتک هر امر خیرده معین و ظهیرم اوله جقلرینی قویاً امید ایدهبیایرم .

رفقای کرام ایسه بکا معاونته قانوناً مکلف اولدقلری جهته آنلرده بومکلفیت قانونیه لرینی ان شاء الله حسن ایفا ایدرلر .
ایشته بوصورتله مقاصدعالیه حضرت ولی نعمته خدمت و حکومتلرک علت غائیة تأسسی اولان عدل واحسان قواعدینه رعایت ایدلش اولور .

اعلای شان دولت، احیای ملک و ملت حقنیده کی اقدامات واجتهادات سنیة حضرت پادشاهی جلهنک معلوم و مسلمی اولمسیله اول خلیفه مؤید و مقدس افدمنر حضرتلرینک کافه آمال و نیات سلامت بیئتات ملوکانه لرنده مظهر توفیقات سبحانیه اولملرینه عن صمیم القلب دعا ایتملیز !

امتنک سعادت حالنه جدّاً خدمت ایتمک ایستین ارباب حمیت دخی ائرباک حضرت خلافتپناهییه اقتفا ایله نائل امل اوله بیلیرلر .
آنک ایچون بزده دائماً امر و فرمان حکمت بیان جناب پادشاهی بی

نطق [*]

جناب حق عمرو شوکت شاهانه لرینی مزداد بیورسون. ولی نعمت
بی منتز شوکتآب افندمز حضرتلری بلاد مهمه شاهانه لرندن (دیاربکر)
کبی مجمع اذکیا اولان بر ولایت جسیه نک والیلکنی بو عبد صادق لرینه
توجیه بیورملرندن طولای قلباً حس ایتدیکم ممنونیت و مفخرت
عظیمه بی، شو جمعیّت محترمه حضورنده ده علناً بیان ایله اوزرمده مقدس
بر بورج اولان وظیفه تشکری ایفا ایلرم .

فیاض مطلقك قطعات ارضیه تجلیسی صُورِ مختلفه ده واقع
اولغله بر یرك استعداد و احتیاجی، دیکرینه اصلا مقیس اوله ماز.
طرف اشرف حضرت خلافتنا هیدن اداره امور مملکت اللرینه
تودیع بیوریلان دولت آدم لرینک ایسه، مساعی مصروفه لری نتیجه
بخش حسن موفقیت و مطابق رضای ولی نعمت بی منت اوله بیلک
ایچون استعدادات و احتیاجات ممالکه و قوفلری لابد درکه بومقصد
مقدسک حصولی ده بصیرت اوزره دُور بلاد ایله استکمال تجاربه
موقوفدر .

ان شاء الله بومأموریت عاجزانه مده ده اللّٰه، پادشاهه قارشی مکلف
اولدیم وظائف مهمه بی علی قدر الاستطاعه حسن ایفا ایله هم او، اولو
اللّٰه مزك، همده شوکتلو پادشاهم زك رضالرینی تحصیله موفق اولورم .
جهانقیمت اولان شوسعادته نائیم، مجرد دستیاری توفیق باری

[*] ایملک والیلکلرنده دیاربکرده ایراد ایملشدردر .

بندہ کزہ غایت برکوشکلک، بر تنبلک عارض اولمغله نصلسه بو کونه قدر او مقدس وظیفه یی ایفایه موفق اوله مامشدم.

ینه جناب مرؤتماً بکزه عرض شکران ایلرم که اخطار و ایقاظ عالیری اوزرینه بوکون ایفای وظیفه یه شتاب ایله کامیاب اولیورم. جوابنامه عجزانه می، مومی الیه ارسال ایچون مجرد امرلرینه امتثالاً شو عریضه جغمه لف ایدیورم.

یورغون، طورغون وجوددن پارلاق فکرلر امید و انتظارنده بولنجه جغکزی بیلدیکم ایچون کلیشی کوزل اولق اوزره شو عریضه. جغمی املا ایلدم. عفو دولتری مرجودر. اقدام حضرتلری.



مکتوب

ذات والای بی مدانیلری کبی فطرةً محبوب القلوب یارادلمش بروجود کاملک مفتون خصائل حمیده سی اولماق انسان ایچون ممکنیدر؟ بناءً غایه بوکره انواع مائر جمیله دلشکاری بی حاوی احسان بیوریلان تحریرات بدیعة النکات سعادتلرینی ید احترام و کمال شوق و غرام ایله اخذ و مطالعه ایدنجه مفتونیم دوبالا، حرمت و محبتم واصل مرتبه علی الاعلی اولمشدر.

همان مولای متعال حضرتلری نیل آمال ایله مسند آرای عز و اقبال بیورسون دعا سیله رابطه بند مقاله اخلاص و اختصاص اولورم باقی

پرورانده متحد بولورم. ایفای حق وظیفه ایله طرف اشرف ولی نعمت
ایچون استجلاب دعوات خیریهیه موفق اوله بیلیرسم بنم ایچون نه بیوک
بختیارلق، نه بیوک شرف واقفخاردر!

همان جناب حق عمر وشوکت شاهانهیی مزداد وتوفیقات الهیه سنی
جمله مزه دلیل سبیل سداد بیورسون امین.

۲ آغستوس ۳۰۲

مکتوب

سعادتلو پرتو پاشا حضرتلرینی سومکده افند مزه تفوق ادعا
ایده مزسه مده پیرو مسلك محبتکیز اولدیغمه ده دیه جک یوقیا! حقیقت،
طربزونده سومک ایچون بر انسان کامل انتخاب ایتمک لازم کلسه ده
اوسویملی مملکتک اکابری بربرر کوزدن کچیرلسه پاشای مومی الیه دن
بشقه سی نظر دفته ایلشمز دیه بیایرم. ایشته شو حسن انتخابکزدن
طولانی افند مزیه ده تبریک ایلرم. پیرو لکده اصابتدن ناشی کنیدی ده
تقدیر ایده بیایرم.

بحق مظهر اولدیغی عاطفت سنیه دن طولانی پاشای مومی الیه یی
تبریکده بو قدر تأخر ایلدیکم تعییب اولمسون! تاریخ توجیهده بنده کز
بغداد چوللرنده یووارلانوب کلیوردم. دیار بکره موصلتمدن صکره
اکرچه آغزدن آغزه اولیه بر مسرتلی خبر بزده ده واصل اولمامش
دکل؛ فقط صحتنی آکلایه مامشدم. برده یول غائله سی اوستنه بشقه
غائله لرده ظهور ایتمکله؛ ده ها طوغرابسی خصوصی مکتوبلر تحریرنده

بناءً علیه بوبابدهده ذمت حکومتہ ترتب ایدن وظیفہ نی بعون الله تعالی حسن ایفایہ چالیشہ جغم. اگر چه بووظائفک حائر اولدینی اهمیت عظیمہ نی تقدیر ایلرم؛ لکن علو همتہ مقارن اولان خلوص نیتلہ ایشہ باشلایانہ جناب حقدہ توفیقی رفیق ایدر.

بنمده یکانہ نقطه استنادم بودر. ان شاء الله معیار عدالتی الدن بر اقام. شاید بعض امور مده اثر غفلت حس ایدر سه کز بنی ایقاظ ایدیکز! حقیقتہ مفتونم — کیمک لساندن صادر اولور سه اولسون — حق سوزی حسن تلقی ایله قبول ایدرم. اما حقکولقدہ بنده لوم لائمڈن حذر وتوقی ایتم. امر سیاست ووظیفه ریاستده اصلاً ضعف وفتور کوستر. میه جکمدن امین اولکزر!

منع مظالم خصوصنده اجرا آتمک مؤثر ایسهده عادلانهدر. بوتأثیرہ محمل اوله میانلره تبدیل مسلکله تعدیل حرکتی توصیه ایدرم. تلذذم، وظیفه مله اشتغاله منحصر در. کیمسه نک وظیفه خصوصیه سه مداخله ایتمه حکم کبی کندی وظیفه مقدسه مدهده کیمسه نی تشریک ایتم. رهبر حرکتیم، شرع وقانوندر. عدل وحقدن آیرلمایان، سعادت عمومیه نی عدالتده آرایان برپادشاه بنده سنی سوده جککزدن امینم. تحصیل رضای ولی نعمت ایچون حسن خدمت، صداقت، استقامت کبی لوازم عبو. دیتکاری یه رعایت ایدنلره، بنم ده رعایت، حرمت، محبت ایتمککم طبعیدر. ایشته امور اداره جه هر یرده متخدم اولان مسلکک پروغرامی بودر.

ان شاء الله رفقای کرامله عقلای مملکتی ده بوفکر و نیت تعالی

آفاق اولان سعی و غیرت و طنپورانه کزده اعتماد برکالدر .
 اسلاف کرامتک وظائف مهمه سنی تسهیل ایدن معاونات حمیتند -
 نه کزی البته بواقبالخواه کزدن ده دریغ ایتمزسکز . اومارم که توفیق
 باری و تأثیر نفوذ شهریاری ایله استکمال و سائط بختیاری ایچون
 بنمدهده همدست وفاق اولورسکز . ایشته بن شمدیدن سزه عرض دست
 تعاون ایدیورم . احیای وطن اوغرندده شایان بیوریلان عنایات
 و مساعدات سنیه حضرت خلافتپناهیدن تمامیه مستفید اولمق ایسترسه کز
 بواله یاشمغه مسارعت ایدیکز! مسارعت ایدیکز! زیرا وقت، نقد در .
 مسارعت ایدیکز! زیرا کافه ترقیات مدنی، اتحاد مساعی و تعاون
 عمومی ایله حصول پذیر اولور .

افندیلر!

مسعود اولمق ایسترمیسکز؟ هرشیده نقطه اعتدال دن آیرلایکز .
 زیرا عدالت که روح الروح انتظامدر پرتونشار انتشار اولدینی ممالک
 و بلدان معمور و آبادان اولور . حتی شمعی کمال تعظیم ایله اوقونان
 امر عالیده ولی نعمت بی منتز شوکتلو پادشاهمز افدمز حضرتلری
 شرع و قانون احکامنه توفیق معاملات ائتمه مزی محضا بو حکمته مبنی
 امرو فرمان بیوریورلر . دیمک که بزمده هر فعل و حرکتزده قواعد
 عدل و احسانی کوزتمه مز لازم کلیر .

زیرا اهلینک مسعودیتی ملکک معموریتنه، ملکک معموریتی
 نشر عدالت و وابسته در، که بوده سایه شاهانه ده استقرار آسایش و بین الاقوام
 تشدید روابط حسن آمیزشله افزایش پذیر اولور .

واپسینہ دک ذائقہ دل و جان، درود مسعدت نمود ولی النعمیلر یلہ
استلذاذن خالی قالیہ جغنی کال تعظیم ایلہ عرض ایلرم. باقی
آظنہ ۱۷ ایلول سنہ ۳۰۵

نطق [۶]

افدیلر!

شہنشاہ اعظم وارحم افندمرن حضرتلری کہ عدالت الہیہ نک
یریوزندہ مثال مشخصی در. هیچ شبہہ یوق کہ بو عالمده برقارنجه نک بیلہ
بغیر حق اینجیندیکنی ایستہ مز.

عموم تبعہ وزیر دستانک حضور وراحتی نخبہ آمال ہایون ملوکا۔
نہ لریدر. بزمده اک مهم وظیفہ مز شو مقصد مقدس حضرت ولی نعمتہ
خدمتدن عبارتدر. همان بز چالیشہ لمده جناب حق ایسترسہ توفیقنی
رفیق ایدر.

افدیلر!

مجارئ ثروت و تجارتی آچغہ چالیشیرسہ کز مستعد ترقی اولان
وطنکز سزی بختیار ایدہ بیلیر. واقعا ولایتک اعمارینہ مصروف
اولان مساعئ جمیلہ کزی ممنونیتلہ مشاہدہ ایدیورم. مع مافیہ معلو۔
مکزدرکہ احتیاجات مدنیہ تنہا ہی پذیر اولماز. مملکتی جدأ مسعود
ایدہ بیلک ایچون دھا چوق شیلرہ محتاجز. شو قدرکہ سزک او مشہور

عاجزه کوره، کشف و حلاندن متبحرین علمایی بیله بحق عاجز براقان
او قدر حقائق و دقائق جمع و تلفیق ایله بویله برکتاب کیری وجوده
کثیرمکده کی صعوبتی تقدیر ایدن اهل انصاف، حسب البشریه هیچ
کیسه نك ادعای برائت ایده میه جکی سهو و خطادن مصون اولسه
دخی او بایده معذرت عاجزانه می تصدیق و اعتراف ایدر.

وَمَنِ الذِّیْ مَأْسَاءَ قَطْ

وَمَنْ لَهُ الْحُسْنٰی فَقَطْ

بناءً علیه هیئت مشارالیه اجه کوریله جک سهو و خطالک اصلاحیه
تعمیم فائده ایچون طبع و نشرینه مساعدده بیوریله جفی قویاً مأمولدر.
مع هذا الك بیوک امید و انتظار کمترانهم، حیت مجسمه اسلامی
اطلاقه سزاوار اولان جناب مُعلّا القاب دین پرورانلرینک صحابت
جلیله ولی النعمیلرینه منحصر اولوب بعض مسموعات و مستبشرات
بندکانهم دخی بو امیده برقات دها قوت و یرمش و بوده حقا که روحا
نیت حضرت یوسف صدیقی خشنود ایلشدر. خدمت ترجمه و تألیفده
بولنش اولمق شرف اضافیسندن طولای بو بعد عاجزی ده درجه نهایده
حائز نصاب فخر و مساز ایدن بو لطف عال العال اوزرینه [خیری
الدُنْیَا وَالْآخِرَةِ] کی ایکی فوز فاخره نائلیت سنیه جناب ولی النعمیلری
دعاسی مرفوع بارکاه مؤلای متعال قلندی.

الحاصل بولطف و عاطفت سنیه جناب مشیختپناهیلرینک شکر
وسپاسیله لسان و جنانم فوق العاده ذوقیاب استیناس اوله رق نفس

صکرده، بوکتاب مترجم ومطبوعی [نقدالکلام فی عقائد الاسلام] سر۔
لوحہ سی آئندہ ده بالتخصیص کذلک سایہ عرفان سرمایہ حضرت ولی۔
النعتمده طبع ونشره موفق اولمشدم۔

شوایکی اثرک قیمت شناسان امت بینده نائل اولدیغی رغبتدن،
باخصوص نقدالکلامک مصادف نظرکالات اثر حضرت ولی النعمت
عرفان منقبت اولسی اوزرینه مظهریتیه حالا مباحی اولدیغ سلام
والتفات جهاتقیمتدن فوق العاده شوقه کله رک مستنداً بتوفیق الله تعالی
سراسر، قرآن مبینہ مکمل برترکجه تفسیر یازمغه عزم ونیت ایلدم۔
اگرچه بو برامر خطیر ايسه ده علو همته خلوص نیت مقارن
اولنجه جناب حقدده توفیقنی رفیق ایدر۔

ایشته بو امید ایلہ روحانیت جلیلہ حضرت پیغمبری یه متوسلاً
اول باؤل سورہ کریمہ فاتحه الکتاب ایچون حضرت امام فخر رازینک
[مفاتیح الغیب] ندن اخذ واقباس صورتیه بلطفه تعالی [سر قرآن] نامی
آئنده بیوجک بر تفسیر تحریر و نشریله مشرف اولدیغم کبی سور
جلیلہ قرآنیہ ایچنده اشتمال حقائق، احتوای دقائق جهتیله بالخاصه
شهرت شعار اولان [سورہ کریمہ یوسف] علیه السلام ایچون دخی
معتبرات کتب تفاسیردن کذلک اخذ واقباس صورتیه سکزیوز
بو قدر صحیفه بی حاوی بر مفصل تفسیر قله آلوب [احسن القصص]
تسمیه و [تدقیق مؤلفات دینیّه] جمعیت محترمه سنجه لاجل التدقیق کچنده
حضور عالی جناب مشیختینا هیلرینه تقدیم ایلدم۔

بندۀ مینه لری کبی مشاغل حکومتله مستوعب الاوقات بولنان بر

مرور زمان ایلہ نور دین مبین، ضیای نظر ربای شفق کبی، آقطار
عالمه منتشر اوله رق، دائرة مُنجیة اسلامه دخول ایدن اقوام مختلفه ایچنده
لسان عربک تعلّی، بناءً علیه تفسیر وحیث کبی کُتب محترمه دینیّه نک
تفهّمی، ارباب اختصاصه انحصار ایدهرک اکثریتی تشکیل ایدن جماعت
مسلمینک کندی لسانلرنده یازلامش اولان آناردن استفادہ لری غایتله
محدود قالمشدر.

احکام دین اسلامده ایسه، کیزلی برشی یوقدرکه ارباب اختصاصه
خاص اولسونده لسان عربی تعلم ایتمینلردن ستر و اخفاسی واجب
اولسون؛ بالعکس طبقه سفلاده بولنان آحاد امّته وارنجیه قدر تعلیم
حکمت دین، واجبه ذمت علماء مسلمین در.

زیرا قضایای مسلمّه دندرکه: [دین اسلام، جهل ایلہ پایدار اولماز]
حتی فقه شریف حنفینک معاملات قسمتی لسان عثمانیّه بالترجمه [مجلّه]
عنوانیلہ طبع ونشره اراده سنیه امام المسلمین، شرفصدوری ده بولزوم
مجزومه منبی اولدیغنه شبهه یوقدر. [مجلّه جلیله نک ترتیب و تحریری
ایسه، دولتجه برهیئت مخصوصه علیه تودیع ایدیلوب، فقط کلام و تفسیر کبی
عقائد دینیّه و علوم قرآنیّه دائر کتب محترمه نک ترجمه سی حقدنه هنوز
اویله برتثبت رسمی وقوع بولمادیغدن بوعبد عاجز، مع قلة البضاعة
مجرد ترکی زبان اولان إخوان دیننه عاجزانه بر خدمت جالب المغفرة
اولمق اوزره اولّا طلبه علوم آردمسنده تداول ایلہ فوق العاده حائر
شهرت و اعتبار اولان مولانا [سعدالدین تفتازانی] نک [عقائد نسقی] یه
یازدیغی شرح شهریری اکثر حاشیه لریله برابر ترجمه و نشر ایلدکدن

چاکرلری من غیر حدّ طرزونده ایراد ایله دیکم بر نطق رسیده:
 «انسان ایچون اویقوسز یاشامق قابل اولایدی، اویقو زمانی دخی
 «عباد اللّٰهک ایشنی کورمکه حصر ایدردم» دیمشدم. مکر انسان مراد
 ایدرسه اویقو زمانی ده قصر ایده بیلیرمش !!

ایشته بو عبد عاجز، استراحت وجوده مخصوص اولان اویقو
 زمانی قصر صورتیه اختلاس ایده بیلدیکی اوقات خالیه یی حضرت
 پادشاه اسلامه استجلاب دعوات خیریه مدار اوله بیلک اوزره بعض
 کتب محترمه دینه یی ترجمه و تألیفه حصر ایدرک له الحمد مددکاری
 روحانیت حضرت رسالتپناهی ایله ایکی اوچ بیک صحیفه لک آثار مفیده
 وجوده کتیرمکه موفق اولمشدرکه جمله سی اهل ایمان آرہ سنده متداول
 یادی اعتباردر. بوسوزک زبان خامه دن صدور ی، حاشا مباهات ایچون
 دکل، بلکه [وَأَمَّا بِنِعْمَةِ رَبِّكَ فَحَدِّثْ] فرمان آلہ یسنه امتثال ایچوندر.
 إِنَّا أَنْزَلْنَاهُ قُرْآنًا عَرَبِيًّا لَعَلَّكُمْ تَعْقِلُونَ

نص بلیغجه حضرت قرآن - که کافه ناسه رُشد و هدی اولمق
 اوزره حضرت اعلم الرسل افدمزه نازل اولمشدر - مجرد ماده الاسلام
 اولان قوم نجیب عرب، معانی منیفه سنی، احکام شریفه سنی تعقل
 و تفهّم ایده بیلسونلر دیه متکلم اولدقلری لغت عرب اوزره نازل
 اولدیفی کی صدر اسلامده بین المسلمین لسان عمومی، لسان عذب البیان
 عرب اولدیغیچون اَجَلِّهٖ علماء دین طرفندن یازیلان تفاسیر شریفه دخی
 او لسان حکمت بیانده یازلمشدی. مقتضای حالده او ایدی. آنجق

تلغرام

وقتیله بوخاکه صالدیغکز حسن نظرك فیض العطافی، بوکون
اشراقات توجوهات جناب امیرالمؤمنین ایله پرتوساز تاریکخانه دل مستمند
اولغله خاکپاکزه یوز سورهرک ایفای وظیفه نعمتشناسی یه جرأت ایلرم.
۲۰ تشرین ثانی ۳۰۵

§

خاندانکزه اولان نسبت قدیمه مک اک قیتدار ثمره سنی ده بوکون
اقتطاف ایله دیکمدن . . . پاشا نام مقدسنی رحمتله یاد؛ وآن شاءالله خلف
ذیشاتی ده قریباً بورتبه ده کورمک تمنیات خالصانه سیله عزم بغداد ایلرم.
فی ۲۰ تشرین ثانی ۳۰۵

§

ذات حکمتسمات اصفانه لری کبی بر حکیم کاردانه خلف سلف
اولمق شرف جهان بهاسنه نائلیتدن دولایی اعلان بختیاری ایدر،
و مقارنت وجود بهبودلریله آظنه یی تبریک ایلرم . . .
فی ۲۰ تشرین ثانی ۳۰۵

عریضه

عمر عزیز انسان - که حقیقتده بر نفسدن عبارتدر - مظهر سیر
قبض و بسط اولدیغندن ارباب جد و سعه کوره هم وظیفه دیتیه
ورسمیه یی ایفاء هم ده معاصرین و اخلافه آره صیره برر یادکار عمر اهدا
ایدم بیه جک قدر وقت بولمق، دائره امکان خارچنده دکلدور.

افشانلرینی انواع فوز و ظفر و فتوحه مقرون بیورسون، آمین. باقی
امر و فرمان حضرت ولی الامر کدر. فی ۱۹ تشرین ثانی ۳۰۵

تلگرام

عواطف سنیہ حضرت ولی نعمت بی منتدن احسان علی الاحسان
اوله رق بوکره لطفاً رتبہ سامیہ وزارتله ده کامیاب اولدینمی تبشیر
ایله یین امر تلغرافینک شرف ورودنده کافه حواس و قوای بنسداکنهم،
برر لسان ناطق کسلیه رک متوجه محراب ملکوت اولدینم حالده
منّ القدیم زینت زبان صدقیانم، غدای روح روانم اولان ادعیه خیریه
حضرت خلافتناهی، کمال اخلاص ایله مرفوع بارگاه جناب رب عزت
و بوالطاف متابعه ولی نعمت اعظمینک تشکرات واجب الاداسنی ممما
امکن ایفایه مسارعت قیلندی.

مدت حیاتمه صداقت و عبودیت مقتضاسی اولان طریقه ناجیه دن
سرمو انحراف ایتیه جکمه؛ رضای حضرت پادشاهی هر نه نقطه ده
ایسه آنده ثبات و دوام ایله اغور هایونلرنده فدای سر و جان ایده.
جکمه عالم الشر و الخفیات اولان الله، شاهد اولسون.

همان «جناب حق، عمر و شوکت و اجلال حضرت ولی نعمت بی منتی
مزداد بیورسون» دعاسنی تکرار ایله رابطه بند مقاله مملوکیت اولورم.
باقی فرمان ... فی ۲۰ تشرین ثانی ۳۰۵

تلگرام

جناب مالک الملک شکر فراوان اولسون که دارینده باعث سعادت و سلامت اولان عبودیت فاخره ولی نعمت حمید الخصال ایله بوبنده ناجیزده فرق مباحاتی حسیض خاکدن ذروه افلاکه اصعاد و اعلا بیورمشدر .

طمر لرمده کی دم سیال بیله - که ماده الاصل حیاتدر - حضرت پادشاه عمیم الافضالک ما حصل نو الیدر . اول پادشاه جهان پناه کریمک که - ربم زوالی کوسترمه سون - دائماً شانی متعالی ، احسانی متوالیدر . بنده کز - که برکتر قوی یم - ذره قدر دکریم و مکافات لایق ائرم اولما . مقله برابر هر بار تجدد لطف لطیف خلافتناهیارینه امیدوار ایدم . چونکه خاکی کیما ایتک خاصیت خارق العاده سنه مالک اولان حسن نظرهایونلرینک یک لحظه انعطافی ، محققدر که بنده کز کی اک عاجز لرمده فیض بخش تعالی اولمغه کافی در .

ایمدی مجرد فضل و احسان خداوند جهان اولمق اوزره بوکرده نائلیتیه مباحی بیورلدیغم عاطفت جهاتقیمه قارشنی ذمت عبودیتیه ترتب ایله ین وظیفه مقدسه ینی ، نفیس و آپسینه دک کمال دقت و صداقتله ایفا ایدرک حسن انتخاب و عنایات بی حساب جناب ولی نعمته ذره جه اولسون لیاقت کترانه می اثباته چالشمق اوزره جانمله ، وجدانمله عهد و میثاق ایلدم .

همان ربم ، عمر و شوکت شاهانه لرینی روز افزون ، هر آن فیض

طوغری سوز - کیمک لسانندن صادر اولورسه اولسون -
التفاتہ سزادر.

شوقدرکه دنیاده اقمقدس طانیدیغم شیلردن بریسی ده وظیفه مدر.
هرحیتلی انسان ایسه وظیفه سنی معشوقه سی کبی سوز؛ معشوقه سی
کبی قیصقانیر. او سونکی، او قیصقناج بالطبع بن دده واردر.
مع هذا سائر هرکسک وظیفه سنده کی قدسیتی ده اعترافله برابر،
التزام مالایلزمندن بغایت اجتناب ایلرم.

افندیلر!

سیاستسز، ریاست اولماز. بناءً علیه شرع وقانونک تعیین ایتدیکی
حد داخلنده نام نامی حضرت پادشاهی به اوله رق اجرای سیاستده
انشاءالله ضعف وفقور کوسترم.

هر یرده اولدیغی کبی بو ولایت مهمه دده ولی نعمت بی متّز، ولی
نعمت عالم، شهنشاه منصور العلم اقدمز حضرتلرینک اک صادق، اک
مطیع، اک رضا جو بر بنده اخلصی اولدیغمی یالکر قولاً دکل، فعلاً
دخی اثباته چاشمق و طرف اشرف ملوکانه لرینه جمله دن دعوات خیریه
استیجابنه بذل ماحصل مقدرت ایلک اوزره ولی التوفیق اولان الله
ذوالجلال ایله عهد وميثاق ایلدم.

بوخصوصده رفقای کرامدن، آعیان اهالیدن مظهر معاونت
کامله اوله جغمی قویاً امید ایلرم.

همان جناب رب العباد، عمر وشوکت شاهانه لرینی مزداد، توفیقات
سبحانیّه سنی جمله مزه دلیل سبیل سداد بیورسون آمین.

اومارم که او امر علیه آلهیه اطاعت، سُننِ سنیه نبویه متابعتله
خاندان جلیل الشان رسول الله حرمت و محبت، سوکیلی، شوکتلی
پادشاهمزه صداقت و عبودیت، بلطفه تعالی بکا هر مشکلی آسان ایلر.

توفیق الهی، علوهتمه، خلوص نیته عاشقدر! همتمز عالی، نیتمز
خالص اولنجه جناب الله ده بزه توفیقی رفیق ایدر.

شریعت مطهره - که حبل الله المتین در - یکانه مدار اعتصامز
اولورسه حاملزده، استقبالمزده امین در. قانون، شرع شریفدن آیرماز؛
شرع وقانون، دُوکفّه میزان اعتدالدر.

عدلدن عدول ایدنلر ایچون فلاح متصور دکدر. عدلسز، صلاح
میسر دکدر.

سز صلاحه ملازم اولدقجه، عُمالکزدنده امید وار صلاح
اولورسکیز؛ زیرا عُمالکیز، اَعْمَالکزددر.
قصورسز انسان اولماز.

کمال مطلق، الله، عصمت، انبیاء الله مخصوصدر.
ادای واجباتده غفلت ایدرسه، بی ایقاظ ایدیکز! قصور ایدرسه،
بی اخطار ایدیکز.

انساندن خطا صدوری، عیب دکدر.
عیب، او خطاده اصرار کوسترمکدر.
ان شاء الله بوعبد عاجزده او اصراری کورمزسکز.
حق، اِتِّباعه احقدر.

ایمدی شکر ایتلیسکز؛ شکر ایتلیسکز او الله اکبرده که سری شو
نعمت جلیله به نائلیته ده محسود جهانیان بیورمشدر .

امیر المؤمنینک - که ذات اقدس هایونی روی زمینده اتجاگاه
مظلومین اولان سایه خدادار - هر برامر جهان مُطاعی، رهنمای رُشد
وهدادر؛ آنکچون واجب الامثالدر .

بندۀ فرمانبری اولانلر ایچون صلاح دین و دنیا مقرردر؛ زیرا
الله، رسول الله اطاعتدن صکره اولوالامرده اطاعتله مأمورز .
ایشته شو صلاح مستلزم الفلاحه نائل اولانلر، حقیقه بختیاردرلر .
افندیلر!

خطه وسیعه عراقیه نك ملكاً و سیاستاً حائز اولدینی اهمیت عظیمه یی
بحق تقدیر بیوران ملکک صاحب و وارث مشروعی، عموم عثمانیلرک
مقدس، معزز متبوعی، او پادشاه خیر و آگاهدرکه بو عبد صادقی
ترفعاً و تلطیفاً ولایتکزه والی تعیین بیوردیلر .

ذره قدر استحقاق اولمدینی حالده بنی شوفضل عظیمه نائلیته کامکار
ایلین، مجرد لطف الهی، حسن نظر پادشاهی در . ان شاء الله بن ده حسن
سلوکه بو لطف ونظری ادامه یه موفق اولورم .

والی، «متحمل اعباء اهالی» دیمکدر . بوا یسه بر آغریو کدر . لکن
اللهک حول و قوتی، رسول اللهک و اهل بیت رسول اللهک مدد
وروحانیتی، ظل اللهک لطف وعاطفتی، ان شاء الله بزه اویوکک آغریغنی
حسن ایتدیرمز .

ایچون بوشرف و مفتخرت کافیدر. زیرا مؤسسک شرفی، او یله بر شرفدرکه آنجق مؤسس اولقله قازانیایر.

بوشرفک اک بیوک بر حصّه سی ده دردنجی اردوی هایون مشیر بی نظیری، پادشاهمژک بندۀ خاص مصیب التدییری، دولتو محمدزکی پاشا حضرتلرینه عانددرکه آمال مقدسه حضرت پادشاهی بی حیر حصوله کتیرمکه الحق قصور ائمه مشلردر.

بو عبد عاجزده، محض عاطفت حضرت شہریاری اوله رق بوکون دیاربکر والیسی و اصدقای دولتک طبعی محب و موالیسی بولندیغم جهته پاشای مشارالیه حضرتلرینی شو موفقیت جلیله لرندن طولانی حکومت سنیه نامنه اوله رق علناً تبریک ایلرم. هان جناب حق، جمله مزی آمال هایون حضرت پادشاهی یه موافق خدمات حسنیه موفق بیورسون. آمین.

نطق [۰]

افندیلر!

فوز عظیم ایله مبشر سکز.

الله عظیم الشان، حبیب اکرمک سبت و سیرت سنیه لرینه متابعت خصوصنده نادرۀ زمان، سرفراز سلاطین جهان اولان امیر المؤمنین، خلیفۀ جناب سید المرسلین افندمز حضرتلرینک ظل ظلیل عدل و احسانتی اوزرکزه سایبان بیورمشدر.

ابرازیله ذات هایونلرینی عالمه سؤدیرن بویوک پادشاهه بندۀ خاص اولوق، بیوک بختیارلقدرد.

ای عثمانی دلاورلری! بوبختیارلغک قدرینی بیلکز.

خاکی آلتون ایتک شانندن اولان فیض نظر پادشاهی، باقکز
نصل حسن تأثیر کوستریبور!

شورایت اقبالی، ایادی حماسکزه تودیع ایدن بیوک سلطان
﴿عبد الحمید﴾ خانک بیوککلکنی ایشته کوریورسکز. بویله بر پادشاه
معالی پناهک اغور هایونلرنده جان فدا ایتک، سزک کی آرسلان اوغلی
آرسلانلره کوره بر ایشیدر؟

سزده او بیوک آدملرک اولاد واحفادی دکلیسکزکه وقیله صؤلت
شیرانه لرندن قلوب اعداء لرزه ناک دهشت اولوردی.

بوکون بیله جهانی حیران ایدن او حماستک وارث صحیحی اولدیغیزی
منظور نظر استحسانمز اولان شو انتظام عسکر یکز اثبات ایدر.

بوده سزک ایچون بر بیوک شرفدر. باباسنک وارث فضائی اولدیغنی
اثبات ایتمین ناخلفدر.

سلطنت سنیه ابد مدتک قوای عسکریه سنی تزید، شوکتی تشید
ایدن شو حمیدیه آلایلرینک تشکیلاتی، ولی نعمت بی منتز شوکت ماب
اقدامز حضرتلرینک سائر مائر موفقیات کی عثمانی تارینخنک اک پارلاق
صحیفه لرینی تزیین ایده جکدر.

سزده، مادام که بو آلایلرک مؤسسسلرندنسکز، سزکده ابقای نامکز



نطق [۱]

افدیلر !

صنوف تبعه شاهانه بی بویه بر رایت اتحاد آلتنه جمع ایلین [عثمانلی]
نام و عنوان جلیلی کمال فخر و مباهات ایله تقدیس ایلرم .
بین الملل، مسالمت عمومیه نك تأمین استقرار یچون ید مؤید هایونیه
بولواء النصری عقد ایدن متبوع مشروع مضممز، ولی نعمت بی منتز،
امیر المؤمنین اقدمز حضرتلرینی ربم طول عمر ایله معمر، رایات
مبارکه لرینی دائماً منصور و مظفر بیورسون .
شو مؤکب عظمی تشکیل ایدن نجباء امت حقیقه بختیار ایمشالر !
زده بختیارز که بویه بر جمعیت متیمنه آراسنده بولنیورز .
نور فراستیه حکمت سیاستی کشف ایدرک هر کون بریده خارقه

[۱] ۱۳۰۹ سنه سی شوال المکرم نك برنجی کونی یاوران حضرت شهریاریدن میرآلای
عزتلو وهبی نك افندی صحابته دیاربکره واصل اولان لوی ظفر احتوانک حمیدیه آلاپرینه
رسم تسلیم و تسلنده ایراد ایدییلن نطقدر .

فضل وکالنه دائر سوز سويله مک بنم کبی برعاجزک حدی
دکدر. بناءً عليه اوبخشدن صرف نظرله يالکز منتسبان ادبه
بر خدمت ناچيزده بولتمق اوزره مقدا مشاراليهک بعض
مستفيدان کمالی طرفندن جمع ايديلوب «مکتوبات سری
پاشا» ناميله طبع ونشر اولنان مجموعهٔ معتبره يه برجزء ثانی
علاوه سيله هوسکاران ادب ومعرفته عاجزانه بر خدمت
ایتمک ایستدم.

ایادی ارباب قلمده وشوراده بوراده پراکنده صورتيله
موجود اولان آثار خامهٔ بلیغانه لرندن طوپلایه بیایدیکم
پارچه لرله ایشته شو مجموعه وجوده کلدی.

مشاراليهک بو مثالی آثار خامه لری ایسه لاتعد
ولا تحصادر. بناءً عليه بوندن صکره برجزء ثالثده وجوده
کتیرلمسی ایچون مساعده لريله آثار قلمیه لرینی جمعه تشبث
ایلدم. ان شاءالله سایهٔ جد واهتمامده آکاده موفق اولورم.

دیاربکر ولایتی مطبعه مدیری

آمد ۳ تشرین اول ۳۰۸

عبدالعزیز طلعت



❦ افادهٔ مرام ❦

سائر فیوضات مدنیہ کی، ادبیاتمذک تر قیسنی ده جناب
حق بودور مسعود حضرت ❦ عبدالحمید ❦ خانی یہ صاقلہ
مشدی .

سبب بودرکہ، عالم انسانیت ایچون پک شرفلی برکون
عد اولنان روز جلوس همایوندن بری لسان عثمانی دخی
ثروت فوق العادہ سندن افراد ملتی مستفید ایدہ جک
صور تده احتشامنمای تہذیب اولغہ باشلامشدر .

بومدعانک صدقنی اثبات ایچون خلف و سلفک کتبخانہ
امتہ اهدا ایلدک لری بدایع آثار ادبیہ، برر شاهد عدلدر .

دواتلو { سرّی } پاشا حضرت لری ایسہ ادبای معاصرین
میانندہ حسن تحریر جہ تمیز ایدن لک افاضلندن اولدقلرینی
الیوم ایادی ارباب تقدیرده متداول اولان ادبی، دینی،
سیاسی نیجہ آثار قیمتدار لر لیلہ اثبات بیور مشلدردر .

ایمدی بتون عرقای امتک مسلمی اولان اوزات عالیقدرک

تعمم ایدنجه یه قدر وساطت عاجزی ایله نشر ایدیله جك آئارده استعمال اولونه جنی
کچی اشبو محطره ده او اثرلرک باشلرند. بولونه جقدر .

مثال : انسان، کامل، فاضل، عاقل، منصف، خیرخواه اولمالیدر .

بومثالده «انسان» لفظی «مبتدا» وَ «مُسْنَدُ اِلَیْه» در . «کامل»، «فاضل»
وَ سائر صفتلرده «خبر» وَ «مُسْنَدُ» درلر . بوراده مذکور اشارتک یرینه
«ویرگول» قونولسه، هم «مسند الیه» ایله «مسند» بربرینه قارشمش اولور،
همده طوراق حق قسماً غائب ایدلمش بولونور. اشارتسر گچیلسه، اوحالده ده «کامل»
لفظی، «انسان» لفظنک صفتی ظن اولونه رق «انسان کامل» اوقونمق وَ بناءً علیه
«کامل ایلان» آکلاشلیق احتمالی وارددر .

مثال دیکر : جناب حق، سبزه لری، میوه لری، مباح حیواناتی وَ هرنوع
ارزاق انسانه نفقه اولمق اوزره خلق بیورمشدر .

بومثالده ده «جناب حق» تعبیرنک اوکنده کی یکی اشارتک یرینه «ویرگول»
قونولسه، گرچه ذهنی جوقاق تشویش وَ معنایی اخلاص اینمز. لکن طوراق حق
قسماً غائب ایدلمش اولور. اشارتسر براقلسه هم طوراق حق کاملاً غائب
ایدلمش اولور . همده «جناب حق» تعبیرله «سبزه لری» لفظی بربرینک مضاف
وَ مضاف الیه ظن اولونه رق اوپولده آکلاشلیق احتمالی وارددر .

«خلقت عالم نه در؟» سؤالنک جوابی اولان شو آتیده کی مثالده دخی
مذکور اشارتک درجه لزومی دها زیاده گوروله جکدر :

جناب حقک، یری، گوگی، اسانلری، حیوانلری، اوتلری، آغاجلری، الحاصل
عالمده گورولن وَ گوروله مین سائر شیلری یوقدن وار ایتیه سیدر .

بومثالده جمله اصلیه ک برقسمی اولان «جناب حقک» اوکنه ویرگول اشارتی
قونولسه متممات جمله دن بری بولونان «یری» لفظیه سائر متممات آره سننده کی
ارتباط بورولور، جمله اصلیه یه قاریشیر. بوندن باشقه طوراق درجه سی ده حقیله
ادا ایدلمش اولماز. اشارتسر براقلسه، اوحالده ده «جناب حقک یری» تعبیرندن
ایلك اوکجه اصافت معناسی ذهنه تبادر ایدر .

کتابچی آراکل

اجزای کلامی تفریق و طوراق محللیہ درجہ لینی تعیین ایچون السنہ سائرہ دم شودرت اشارت استعمال اولونور. بری: (ء) درکہ «ویرگول»، ایکنجیسی: (؛) درکہ «پوآن ویرگول»، اوچنجیسی: (:) درکہ «دوپوآن»، دردنجیسی: (.) درکہ «پوآن» ناملریہ معروفدر. بواشارتله، لسان عثمانی ایچون دخی قبول اولونوب اکثر آثار جدیدہ استعمال ایدلمکده در.

بواشارتله، خدمتترینہ و مقام استعمالترینہ گورہ بعض ارباب قلم طرفندن سائر بعض مناسب اسملرده ویرلمش ایسده بزبورادہ اکثر محررلر مزله حروفات دوکہ جیلری، کتابجیلر، مرتبلر و مطبعہلرک سائر عملہلرنجہ اڭ زیادہ مستعمل و معروف اولان اسملری استعمال ایتدک.

«ویرگول» ایله «دوپوآن»ک طوراق درجہ لری پک جزئی یعنی برگوز آچوب قاپایہ جق قدردر. «پوآن ویرگول»ک طوراخی دها زیادہ جہدر. «پوآن»ک کی دم بوندن زیادہ جہدر. آتجق لسان عثمانیدہ ایله بر طوراق و تفریق محلی دها وارددرکہ بونلرک هیچ بری او خدمتی ادا ایدہ مز. اوگی محللر، یا ویرگول ایله گچشدیرلمکده، یا خود بتون بتون اشارتسز براقلقدہدر. بوایسہ زیردہ ایراد اولنان مثاللردن مستبان اولہ جفی وجہ ایله او قویانک ذهنی تشویش، معنایی اخلال، طوراق حقنی قسماً و یا کاملاً غائب ایتک گبی محذورلردن خالی دگلدر. بناءً علیہ اوگی محللر ایچون آیری بر اشارتک لزومی حس ایدلمشدر.

واقعا او یولده عبارہلرک سیاق و سباقندن درحال معنایہ انتقال ایدہ ییلن ارباب وقوف، بونک لزومندن مستثنی اولہ ییلرلر؛ لکن او قومغہ و معنی چیقارمغہ یگی باشلایان اطفال عثمانیہ و سائر مبتدیلر ایچون حال بتون بتون باشقہدر. آنلر، درست او قومق، طوراق محللرینی طانیق ایچون یاردیمہ، واسطہ یہ محتاجدرلر. ایشته اوگی محللر ایچون آیری بر اشارتک احداثہ اڭ زیادہ بزی سوق ایدن سبب، بو خصوص اولمشدر.

بو بابده معلین و محررین کرامزدن چوغینک رأیلرینہ دخی مراجعتزده بوفکرمن تصویب بیورلمشدر. احداث اولونان اشارت ایسہ «پوآنتہ ویرگول»ک عکسی دیمک اولان شو(ء) شکلدن عبارتدر. بونک نقطہ سی بالعکس اوستندہ اولماسنہ گورہ اسمی ده «ویرگول پوآن» تسمیہ سی مناسب گورلمشدر.


بونک طوراق درجہ سی ایسہ صانکہ «پوآن ویرگول» قدردر. بواشارت،

مکتوبیں سیرِ استیلا

دربارِ بکر ولایتی و ایسی

جلد ثانی

معارف عمومیہ نظارت جایہ سنک رخصتیہ



استانبول

نشان بربریان مطبعہ سی - اسکی ضبطیہ جادہ سی نومرو ۶۱

۱۳۱۰

صاحب و ناشری : کنایچی آراکل

مکتوبات سری پاشا - خطا صواب

صحیفه سطر	یازلمشی	صحیفی	صحیفه سطر	یازلمشی	صحیفی
۹۳	۱۶	قبصه لرده	قبصه لرده	۱۵۴	۹
۹۹	۶	حالدن	حالدان	۱۵۵	۷
۱۰۳	۱۴	آه آور	آه آلور	۱۵۶	۹
۱۱۳	۹	افاده	اعاده	۱۶۰	۱
۱۱۴	۱۵	تخصیص	تخصیصی	۱۶۸	۶
۱۱۶	۱۴	اولدیف	اولدیفی	۱۷۷	۱
۱۱۸	۷	بالاخر	بالاخره	۱۸۱	۳
۱۳۱	۱۲	بولنان	بوندن		
۱۳۱	۱۷	دردستیجه	درستیجه	۱۸۲	۱۷
۱۳۲	۸	وبرلشدر	وبرلش،	۱۸	
۱۳۳	۱۴	آکلاما	آکلاما مقدن	۱۸۴	۱۷
		مقده		۱۸۴	۰
۱۳۳	۱۶	بومر کردن	بومر کردن		
۱۳۵	۱۷	تکلیفات	تکلیفات	۱۸۵	۱۵
۱۳۷	۱۰	آراینجه قدر	آراینجه قدر	۱۸۶	۴
۱۲۷	۱۶	ایدر	ایدردی	۱۸۶	۵
۱۳۸	۲	تاریخ مذ	تاریخ مذ کورده	۱۸۸	۱۹
		کوره ده		۱۹۰	۸
۱۳۸	۱۰	مصبطه سیله	مصبطه سیله	۱۹۱	۸
		وقوع بولان		۱۹۲	۹
		انها اوزرینه			



خطا صواب

صحیفه	سطر	یازلمشی	صحیفی	صحیفه	سطر	یازلمشی	صحیفی
۵	۱۳	سوئیت	سوئیت	۵۱	۱	تغافلکه	تیر تغافلکه
۸	۱۰	معادلت	معادلت	۵۲	۸	کعبته	کعبه
۹	۱۹	روئیتله	روئیتله	۵۶	۸	مادرخک	ماه رخک
۱۳	۴	مذکورک	مذکورک	۶۲	۱۱	علی تبارک	عالی تبارک
۱۳	۱۴	برفضلک	بر فاضلک	۶۲	۱۷	ومعابر	، معابر
۱۴	۱۸	طر بزونه	طر بزوند	۶۳	۴	حبیب اکرم	حبیب اکرمی
۱۵	۹	معارف	معارف	۶۴	۱	ونه ده	، نه ده
۱۶	۱۳	کونشک	کونشنک	۶۵	۶	ایدلمشدر	ایدلمشدری
۱۷	۱۰	دارالتعلیه	دارالتعالیه	۶۶	۷	کندیسی	ینه کنیدیسی
۱۹	۱۷	تقریر	تقدیر	۶۶	۱۲	الویه ملحق	الویه ملحقه
۲۰	۱۰	ایتمکده	ایتمکده	۶۹	۸	طاشلری	طاشلرک
۲۵	۱۴	برطریقه	بو طریقه	۷۰	۶	محول	محلول
۳۰	۱۸	البته	الده	۷۲	۱۸	عد اولنه	عد اولنه جفی و
۳۱	۱۶	متعارفه دن	متعارفه دن	۷۳	۸	نهمی	نهمی ده
۳۲	۱۶	تجار و	تجار معتبرانی	۷۹	۴	اولنلرک	اولنلری
		معتبرانی		۸۱	۱۱	نیک و بدینی	نیک و بد
۳۴	۱۰	رؤیت	رؤیت	۸۳	۱۲	اولیاء الحق	اولیاء
۳۵	۱۳	ذوق و	ذوق حضورز	۸۴	۱۲	سحر آ	سحر آفرینکره
		حضورز				فرینکرز	
۳۷	۹	قلب ستمی	قلبی ستمی	۸۶	۱۰	ولایت	ولایات
۴۵	۱۶	شته	شسته	۸۹	۲	کید بیل	کید بیل جکفی
۴۸	۸	بور نار	نجل نار			جکفی	
۴۸	۱	کل رنکنه	کل رنکینه	۹۲	۱۸	آله جق	آله جق شیلر
۴۹	۱۰	نودفعه	بو دفعه				
۴۹	۱۲	نر روح	بر روح				
۵۰	۱۱	لمنشیته	لمنشته				

عریضه .	۱۳۹	غزل .	۹۸
غزل .	۱۵۰	مکتوب .	۹۸
غزل .	۱۵۱	مکتوب .	۹۹
غزل .	۱۵۲	غزل .	۹۹
نطق رسمی .	۱۵۳	عریضه .	۱۰۰
تحریرات .	۱۵۶	غزل .	۱۰۱
تحریرات .	۱۵۸	مکتوب .	۱۰۱
تحریرات .	۱۵۹	مکتوب .	۱۰۴
عریضه .	۱۶۱	تحریرات .	۱۰۵
تجدد .	۱۶۶	تلفرافنامه .	۱۰۶
عریضه .	۱۶۹	عریضه .	۱۰۷
مضبطه .	۱۷۰	مکتوب .	۱۰۹
مکتوب .	۱۷۳	مکتوب .	۱۱۰
بکتابشی دوریشانیله	۱۷۳	غزل .	۱۱۲
درگاه شریفی حقنده		طریزون مرکز متصر -	۱۱۳
برلایحه		فلغنه تحریرات .	
تعلیمات .	۱۸۱	غزل .	۱۲۸
خاتمه .	۱۸۵	عریضه .	۱۲۹
عریضه .	۱۸۶	عریضه .	۱۳۵

فهرست

مکتوب .	۴۹	صحیفه	
غزل .	۵۱	افاده مخصوصه .	۳
غزل .	۵۲	نطق رسمی .	۵
مکتوب .	۵۳	تحریرات عمومیه .	۷
غزل .	۵۴	تذکره صورتی .	۱۰
غزل .	۵۵	تذکره صورتی .	۱۱
غزل .	۵۶	تذکره صورتی .	۱۲
نطق رسمی .	۵۷	مکتوب خصوصی .	۱۴
تلفرافنامه .	۵۹	نطق .	۱۶
نطق رسمی .	۶۰	 جلیله سنه عریضه .	۱۸
عریضه .	۶۳	تحریرات عمومیه .	۲۰
عریضه .	۶۴	اردو قائم مقام لفظه تحریرات .	۲۳
عریضه .	۷۱	نطق .	۲۵
وداعنامه .	۷۴	نطق .	۲۷
بند مخصوص . (حق سوز	۷۸	مکتوب .	۳۴
آجی در)		غزل .	۳۶
مکتوب .	۸۳	غزل .	۳۷
مکتوب .	۸۴	مکتوب .	۳۰
مکتوب .	۸۵	غزل .	۴۰
نافعه نظارت جلیله سنه	۸۶	غزل .	۴۱
تحریرات .		مکتوب .	۴۲
عریضه .	۹۰	غزل .	۴۳
غزل .	۹۴	غزل .	۴۵
مکتوب .	۹۵	مکتوب .	۴۶
غزل .	۹۶	غزل .	۴۷
مکتوب .	۹۶	غزل .	۴۸

امانۂ اداره یہ باشلانہ قدن صکرہ کی سنہ لردہ دخی فیئات ذخیرہ:

حفظہ	کیل عتیق	شعیر	کیل عتیق
من غروش الی غروش	من غروش الی غروش	من غروش الی غروش	من غروش الی غروش
۲۵ الی ۳۰	۱۶ الی ۱۸	۹۶	
۲۴ الی ۲۸	۱۴ الی ۱۶	۹۷ چکر کدہ	
۱۵ الی ۲۰	۱۲ الی ۱۶	۹۸	
۹ الی ۱۲	۴ الی ۶	۹۹	
۷ الی ۱۰	۴ الی ۵	۳۰۰	

امانت سنہ لرینگ ال فیض و برکتی سنہ سی، ثبت دفتر ایدیلن
حاصلات عینیہ عشریہ نک جنس و مقداری دخی بروجه آتی

عرض اولنور:	کیل عتیق	۱۱۹۹
۴۹۴۱۰۳	حفظہ	۱۴۰۰
۳۱۷۷۸۱	شعیر	۱۷۱۲۸
۲۸۹۹	علف	۹۱۹۷۲۳
	قیہ عتیق	
۵۳۹۶۹	چودار	۱۰۴۷۷۴
۱۷۰۱	مصر	۲۱۷۶
۲۸۶۶۶	بورچاق	۱۰۴۹۷
۲۰۷۶	داری	۱۱۷۴۴۷



التزام سنه لرنده حاصل اولان جوباتك كيت ومقداری دخی
 یلنخس اولسیدی كرك قحطدن اول، كرك صكره کی سنه لر
 وباخصوص امانه اداره سنه لری واردات عشریه سنك مقدارنجہ
 گوریلن فرق وتفاوتك اسباب موجبہ سی دھا کوزل آکلاشیله -
 بیلیردی . مع مافیه تحقیقه کوره قحط سنه لرندن مقدم نفس
 آنقرده محصولات ارضیه نك باشلوجه سی اولان حنطه وشعیرك
 فیئاتی آتیده کوستریلن راده لرده ایمش :

حنطه	شعیر	کیل عتیق	من غروش الی غروش	سنه
کیل عتیق	کیل عتیق	من غروش الی غروش	من غروش الی غروش	سنه
۱۲ الی ۱۴	۵ الی ۶	۸۵	۶	۸۵
۱۲ الی ۱۵	۱۰ الی ۵	۸۶	۵	۸۶
۱۰ الی ۱۳	۴ الی ۵	۸۷	۵	۸۷
۰۸ الی ۱۰	۱۰ الی ۳	۸۸	۴	۸۸
قحطدن صكره اعشارك امانه اداره یه قالدیغی سنه لره كلنجہ یه				
قدر كذلك ذخیره نك فیئات مختلفه سی بوجه آتی ایمش :				

حنطه	شعیر	کیل عتیق	من غروش الی غروش	سنه
کیل عتیق	کیل عتیق	من غروش الی غروش	من غروش الی غروش	سنه
۱۴ الی ۱۷	۱۰ الی ۶	۹۲	۷	۹۲
۲۲ الی ۲۵	۱۳ الی ۱۷	۹۳	۱۷	۹۳
۱۰ الی ۱۵	۰۶ الی ۷	۹۴	۷	۹۴
۳۴ الی ۲۶	۰۶ الی ۷	۹۵	۷	۹۵
قائمہ زمانی				

داخل موازنه ایتکه لزوم کورنمه‌مش؛ فقط طقسان بردن اعشار
 واغنامک امانه اداره‌سنه باشلانیدنی تاریخه قدر اعشارک بش
 سنه‌ک احاله‌سیله اوبش سنه‌ده صاتیلان اغنامک عددی دخی
 بروجه آتی کوسترلمشدر.

اعشار	اغنام
غروش	عدد
۱۲۰۹۴۲۷۳	۰۸۰۶۵۲۹
۱۰۷۲۵۰۴۵	۱۶۹۲۴۷۷
۱۲۶۷۲۰۶۰	۱۵۳۳۱۵۴
۱۵۹۱۴۴۴۸	۱۹۳۰۰۲۲
۱۵۹۴۴۴۹۵	۲۲۴۰۵۲۵

انقره ولایتجه اعشار واغنامک امانه اداره‌لری طقسان آلتی
 سنه‌سندن باشلار. تاریخ مذکور دن اوچوز سنه‌سی غایتنه قدر
 اعشار واردات محققه‌سیله اوچوز برسنه‌سنه قدر اغنامک رؤس
 معدوده‌سی دخی بروجه آتی عرض اولنور:

اعشار	اغنام
غروش	عدد
۱۷۲۲۹۵۷۰	۲۰۶۳۵۲۹
۱۵۹۱۷۵۰۳	۲۰۵۳۱۶۰
۹۸۲۴۱۵۵	۲۱۹۸۱۲۷
۸۵۳۷۰۹۹	۲۵۳۶۴۴۴
۷۰۹۸۳۴۵	۲۶۱۷۷۵۵
	۲۸۸۸۹۷۶

[*] بوسنه‌نک واردات عشریه‌سی مقداری هنوز تحقق ایتمه‌مکله
 کوستریله‌مه‌مشدر.

لرزه ناك دهشت اولديغى بليۀ قحطك شدائد مخر به سنى تخفيف ايله
اندرون ولايتده ساكن ومتوطن اولان يوز بيكرجه اهالى صادقۀ نك
محافظۀ حياتى ده نقليات ايچون آنجق بويله برواسطۀ تسهيلۀ نك
ساية موفقيتوايۀ شاهانه ده وجوده كتر له سنه منحصر در.

بناءً عليه مقاصد سنۀ حضرت خلافتناهي يه موافقتي
بي اشتباه اولان بويله برخيرلى تشبثك بلطفه تعالى حيز آراي
حصول اولماسنى تسريع ايچون كال خشنودى ومثونيتله عرض
خدمته شتاب ايدن عموم اهالى ولايتك معروضات ومستديعات
واقعۀ سى، نزد عالیده قرين قبول واسعاف اوله جفنه هر كسك
امنيت واطمئنان تام ايله اميد وار اولديغى عرض وبيانۀ وساطت
كمترانه مدن طولايي چاكرلري دخى من غير حد افتخار ايلرم
باقى . . .

بدل اعشار	اغنام	عـدد	سنه
۱۳۶۷۸۲۲۵	۲۳۴۷۴۹۸	۲۳۴۷۴۹۸	۸۵
۱۸۶۱۷۷۷۲	۲۴۳۲۷۶۶	۲۴۳۲۷۶۶	۸۶
۱۸۹۳۲۰۵۴	۲۸۵۳۹۷۲	۲۸۵۳۹۷۲	۸۷
۱۵۴۴۹۳۶۶	۳۷۸۰۴۹۰	۳۷۸۰۴۹۰	۸۸

سكان طقوزده قحط ظهور ايدوب طقسان سنه سنه قدر
ايكى سنه دوام ايتمش اولديغدن بو ايكي سنه نك اعشار واغنامي

موازنه معروضه نك صحتی مؤید دها بردلیل اتیان وارانہ ایدہ۔
بیلیردی .

هر نه حال ایسه تفصیلات معروضه دن دخی مستبان
اوله جنی وجهله ولایتك مقدمات قحط و چكر كه كبی بلیات
متابعه مناسبتیه رخنه دار اولان ثروت عمومیه سی، له الحمد والمنه
اسکی حالی بولمش و بلکه چكمشدی. فقط او وقتلر قیه سی قرق
بشر، اللشر غروشه صاتیلان تفتك، شمدی اون اوج غروشه
قدر تنزل و تدنی ایتكله طوار صاحب لرینك ثروت و یساری
بك بیوك بر صدمه یه او غرامش اولدیغندن، و سائط نقلیه نك
فقدان مكملیتی جهتیله زراع طاقی دخی اداره ذاتیه لرندن پكد
فضله ذخیره یتشدرمكه رغبت ایتدكلرندن، ولایتك و سائط
نقلیه سی ذاتاً قلیل المقدار اولان دودلره و سائر یوك حیوانلرینه
منحصر قالدجه زراعت و تجارت محلیه نك بوندن زیاده ترقیسی
ناقابل اولدیغی عرض و ایضاح احتیاجندن مستغنی در .

ینه متفق علیهدر كه ایوم زراعتدن خالی بولنان بونجه اراضی
واسعه و صحاری متسعه نك اعمار و احیاسیه ثروت و معموریت
ملككتك استعداد طبعیسی درجه ده ازدیادی، مطلقا اوتهدنبری
دولتجه دخی متصور اولان شند و فرك انشاسنه محتاج و مقتدر در .
برده مطلوبیتی بالنسبه درجه ثانیه ده اولان استزاده ثروت و معمور
یتدن قطع نظر خدانكرده تكرر وقوعی خوفندن دائماً هر كسك

واردات عشریه سی آتیده محرر المقدار بدلات ایله مقطوعاً
طالبلرینه الزام واحاله اولمش اولدینی قیود مالیه دن وینه اودرت
سنه ظرفده ملتزم لری طرفدن داخل ولایتده کذلک زیرده
محرر المقدار اغنام صایلدینی، ملتزمین مومی الیه مک دفترلندن
آکلاشلشدر. [*]

اگرچه کیت مبايعتجه امانت سنه لرنده خیلی تنزلات کورلمکده
ایسه ده بوتنزل و تدنی، زراعتک تدنيسندن ایلری کلش برشی
دکلدر. بونک اسباب موجبہ سی، دیگر جهتلرده آراعتی لازم
کلور؛ یوقسه بوصوک سنه لرده زراعت پک زیاده ترقی ایتمه مش
ایسه ده قحط سنه لرندن اولکی حالندن ده اصلاً تنزل ایتمه مشدر.
هله عدد اغنام، یالکز سکسان سکر سنه سنک عدد اغنامی استشنا
ایدیلورسه قحط سنه لرندن اولکی مقداری تجاوز ایلرکه بوده
محصولات ارضیه نک سنین سابقه محصولاتندن مقدار و کمیته
تنزل و تدنی ایتمه مش اولماسی لازم کله جکنه دلیل اوله بیلیر.

بوولایتک محصولاتندن هر سنه ازمید، مدانیه، صامسون
و مرسین اسکله لرندن وقوع بولان اخراجاتک مقداری دخی محال
مذکوره کمرکلرنجه قابل تحقیقدر. اگر بوراسیده بیلنه بیلسه یدی

[*] عریضه نک بوراده بر موازنه حسابیه بی حاوی بولنان بر پارچه سی
طی ایدیلرک آخرینه ذیلا و [۱] اشارتلی رقم ایله مرقاً درج قلندینی
ارباب مطالعه یه بیان اولنور.

حکمنی آلان قحط ائالرنده خارجدن سهولتله ذخیره جلبی ممکن
اوله مامسندن ایلری کلدیکنده شبهه یوقدر .

مع مافیه شو کوردیکم قرای مندرسه، اوله قرون سابقه دن
قلمش آثار عتیقه دن اولمایوب کافه سی ازمئه اخیرده خراب
اولمش کاملاً قرای مسئله دن ایدوکی، مقبره لرینک احجار قائمه
وعلام سارهندن آکلاششدور.

بناءً علیه سایه عمرانوایه حضرت پادشاهیده ساحل دن داخله
طوغری بر شندوفر خطی تمید ایدیلورسه محال سارهندن
بر چوق مهاجرینک وروديله شو اراضی خاله اعمار واجبار
اولنه رق ثروت عمومیه نك تزایدینه مدار کلی اوله جنی کبی اهالی
موجوده دخی شمدیکندن چوق زیاده مستفید اولمقلا برابر
لدی الحاجه خارجدنده سهولتله جلب ارزاقه امکان مساعد
اوله جقدر. بوکا بناءً بعدازان تخریبات واقعه نك تحطری بيله
دهشترس افکار اولان بلیه طاقتفرسای قحط وغلادن خوف
وهراسه چندان محل قالمش اولور .

ولایتک سکسان طقوز وطقسان قحطندن اولکی حالیه
مذکور قحط سنه لرندن صکره کی حالتی کوسـترمک ایچون قیود
صحیحه ولایتدن مخرج بر موازنه یی دخی بروجه آتی عرض و بیان
ایتمه یی وجیه دن عد ایلرم. شویله که :

سکسان بش سنه سندن سکسان سکر سنه سنه قدر ولایتک

فقیر ایسه ده ینه بورادن کچه جک دمیر یولنه مقبضی آغا جلرک کافه سنی داخل ولایتده موجود اورمانلردن تدارک ایتک آساندر. بو آغا جلرک هپسی اوله مازسه ده لا اقل نصفنک اولسون معاونت اهالی ایله مجاناً و ممنوناً قطع و نقلی دخی رهین امکندر.

دمیر یولنک مملکته بخش ایده جکی فوائد و محسنات لآحصای تعداد، ایضاح و افحات قیلندن اولغله عبث و بی لزومدر. یالکیز شوراسنی عرضه اجتسار ایلم که ولایتک وسعت عظیمه سنه نسبتله اهالی موجوده نک آز اولدیغندن همان کز مملکه توکنیز برارده ده اولان اراضی واسعه منته سنک بلکه قرق قسمنده بر قسیمی بیله مزروع و معمور دکلدر. اثنای دورده طولاشدیغ محللرده یوز لرحه قرای مندرسه خرابه لری مصادف نظر تأسفم اولمشدر که بو کویلرک خراب و بیاب و اهالی سنک متفرق و نایاب اولماسی، سائر بعض محللرده اوله بیلدیکی کبی نه موقعلرینک وخامت هواسندن، نه ده طور اقلرینک کندیلرینی اداره یه کافی ثمره و یرمه مسندن ناشیدر.

مجرد وسائط نقلیه نک نقصانی و بلکه ده فقدانی جهته زیاده محصول آلدیغی سنه لر محصولک خارجه نقلی قابل اوله مامسیله چوریوب محو اولماسندن و بحکمة الله تعالی بو حوالچه همان یکریمی بش، اوتوز سنه ده بر کره ده شتمای وقوع اولمق عادت جاریه

اولان فرط صداقت و عبودیت و زمان عدالت نشان ظالانہ میرلرندہ
مردلو دولت و سعادتہ مظہر اولہ بیلہ جککری حقندہ کی امید
وامنیتلرندن ایلری کلدیکنہ اصلاً استباء یوقدر .

تحریر جدیددن آکلاشلدیغنه کورہ ولایتک ذکور وانات
نفوس موجودہ سی ۷۷۶۶۱۹ نفرہ بالغدر . بوندن ۳۹۷۱۸۲
ذکور و ۳۷۹۴۳۷ اناث و مجموعہ ۶۶۲۹۶۰ نفری مسلم
و ۱۱۳۶۵۹ غیر مسلمدر . شوسہ یوللری حقندہ مرعی اولان
اصول وقاعدہ یہ توفیقاً عمول نفوس ذکورک دخی مستتالری
چیققدن کرہ ۱۶۳۸۱۱ نفوس مکلفہ قاورکہ ہر سنہ الیشسر
زمانلری اولان مایس آیندہ یکرمیشر کون یولہ چالیشسرلر
سنوی ۳۲۷۶۲۲۰ کوندلک ایش کورباش اولور .

مقدما ایدیلان کشفلرندن آکلاشلدیغنه کورہ شمندوفکرک
کذراکھی، همان سراپا دوز اوودلرد مصادف اولوب داخل ولا-
یتدن کچہ جک اولان قسمنک مبدندن منہاسنہ قدر تونل آچق
یاخود طاع یارمق کبی عملیات جسیعیہ محتاج ہیچ برعارضہ
ارضیہ یہ تصادف ایدلیہ جکنہ باقیلورسہ نفوس مکلفہ مرقومہ
تقسیم عملیات قاعدہ محققہ سنہ توفیقاً اوج سنہ یکرمیشر کون
چالشدینی خالدہ قسم مذکورک عملیات ترابہ سنی بروجه مطلوب
وجودہ کتیرمہلری قویاً مأمولدر .

تراورس آناجلرینہ کلنجہ : واقعا اورمانجہ، انقرہ ولایتی پک

دها زیاده امید وار اوله رق فوائد و محسناتی اجلائی بدیهیاتدن
اولان برده میر یولنک دخی وجوده کتیرله سی حقنده کی نیات
محاسن غایات جناب پادشاهیدن استفاده لرینی تسریع ایچون
خالصانه عرض خدمته مسارعت ایشلردر .

شویله که ولایتی تشکیل ایدن الویه اربعه نك مرکز و ملحقاتنده
متوطن ملل مختلفه معتبرانی طرفندن بالتظیم عتبه علیای حضرت
ولی النعمته عرض و تقدیم قلنق اوزره چاکر لرینه اعطا اولنوب
طاقیه تقدیم حضور سامی آصفانه لری قلنان محضر لرده خاهه
گذار بیان اولدینی وجهله بو غیرتلی ، حمیتلی اهالی ، دهر یولنی
حیات مملکته مدار محض متفرد عدایتدکریچون آناطولی شندو -
فرینک ولایت داخلندن مرور ایده جک قسمنک عملیات ترابیه سی
اجرا ایتک کی بر خدمت و معاونت مفتخره نك ایفاسنه تعریفی
نا قابل بر شوق و خواهش فوق العاده ایله حاضر ایشلردر .

اهالی مومی الهمک عرض ایتدکری شو خدمت مفتخره ،
برکونه الحاح ملجی ثمره سی اولمایوب کندی آرزوی خالصانه
و ترقیجویانه لری اثریدر . حتی بو عبد عاجز ، انشای دوردده قری
اهالیسنه وارنجیه قدر پک چوق افراد و آحاد اهالیدن دخی
بلا سبق سؤال و بوبابده کی آرزو لرینی کمال ممنونیتله استماع
ایشلدرکه اهالینک بودرجه کوستردکری مهالکانه آرزو ، مجرد
متبوع مشروح مفخملری ولی نعمت بی منتر افندمز حضرت لرینه

عسر یضه

مولای متعال حضرت تبری استزاده حیات مملکتہ مدار اولان
کافہ فیوضات مدنیہ نیک اسباب حصولی عصر سعید حضرت
خلافتپناهیہ تعلیق بیورمش اولماسندندرکه الحق اوزون زمانلره
محتاج اولان نیجه آثار ترقی و عمران له الحمد دستیاری توجہات
مقدسہ ولی النعمتله آز برمدت ایچنده جلوه کر ساحہ تیسر
وامکان اولمشدر .

بو موفقیت فوق العادہ حضرت ظل الہی بی مشاہدہ ایله
منور ساز عیون افتخار اولان اصداقاء حد و پایانی اولمایان ترقیات
صحیحہ نیک دھا ایلرینی طلب واستحصالہ بالطبع خواهش نما اوله رق
یریر افکار ترقیجویانہ وتعالی پرورانه اویانمغه باشلامشدرکه بوده
له الحمد والمنة قوہ طالع فرخنده مطالع حضرت کیتی ستانی ایله
بردور صحیح ترقیہ کیرمش اولدایغمزہ بر دلیل علنی عد اولنمغه
سزادر .

ازجمله آناتولینک اورتہ قولنده واقع اولان انقرہ ولایتی که
وسعت اراضیجه عادتاً برملکه معادل وهربری هم زراعتہ همدہ
رعی حیواناتہ صالح وقابلدر . بوکون سایہ معموریتوایہ حضرت
خلافتپناہیدہ باشند باشہ مکمل شوسہ یوللره مالک اولمقلہ برابر
اهالی فاطنہ، مجرد موفقیات متابعتہ الظهور حضرت ملوکانه دن

کیملاک ید حفظنده بولندیغی کوستریله جک و درویشان مومی الیم
یا اختیارلریله، یاخود دیگر صورتله درگاه شریفی ترک ایتدیکه
وتبدل وقوع بولدقجه خاقلرینه بر موجب دفتر دور وتسلیمه
وشاید ضایعات وتلفات وقوعبولورسه تضیمه مجبور اوله جقدر.
اون برنجی ماده — بعدازین محبان ومنتسبان طریقت
طرفلرندن درگاه شریفه اهدا اولنه جق اشیا دخی دفتر مخصوصه
ذیلاً تلاوه ایدیله جک و حکومتده معلومات ویریله جکدر.

اون ایکنجی ماده — کرک شیخ افندی، کرک درویشان، اشبو
تعلیات احکامنه توفیق معاملهیه مجبور اولوب امر الهمی ورضای
پادشاهییه منافی واشبو تعلیات احکامنک خلاقی حال وحرکت
وقوعه کتیرنلر مخالفتلرینک درجه سینه کوره طرف حکومتدن
توبیخ وتمکیر اولنه جق وصلاح حاللرندن قطع امید اولنورسه
درگاه شریفدن طرد وتبعید ایدیله جکدر.

حاقمه

اشبو تعلیات احکامی طرف سامی حضرت شیخ الاسلامیدن
فسخ ایدلمدیکه مرعی الاجرا طوتیه جقدر.

اشبو تعلیاتک احکامی، مجلس مشایخ کرام قراریه طرف
اشرف حضرت شیخ الاسلامیدن مع التقدير تصدیق بیورلمشدر.



منضم اولمادجه يالکز کنديلار بئک رأى و اتفاقلريله آچه صرفه
مأذون اولمايه جقلرى کي اعضاى مومى اليهمدن لااقل درت
ذاتک رأى و موافقتنى استحصال ايتدجه شيخ افندى دخى هيچ
بريره بر آچه صرض ايده ميه جکدر.

يدنجى ماده — شيخ افندى طرف دولندن معين و مخصوص
اولان معاشندن فضله درگاه شريفک وارداتندن کندي امور
ذاتيه سچون بر آچه و برجه آله ميه جق و شايد آيرسه ضامن
اوله جقدر.

سکزنجى ماده — آچه صرفياتى برمنزال محرر قوميسيونک
رأى و موافقتنه متوقف اولدني کي درگاه شريفک حاصلات
عينه سندن و حيواناتدن و سارهنسندن بيع و فروختى لازم کلن
شيرک دخى بيعى کذلک قوميسيونک انضمام رأى و موافقتنه
محتاج اولوب قوميسيونک رأى و موافقتى منضم اولمادجه برشى
صاتيله ميه جقدر.

طقوزنجى ماده — درگاه شريفده اليوم موجود بولنان
ايشانک نسختين اوله رق بر دفترى ياپيلوب قوميسونجه تصديق
ايدلدکن صکره بر نسخه سى درگاه شريفده حفظ ايديله جک
ودیکر نسخه سى حکومت ويزيله جکدر.

اونجى ماده — اشبو دفترلرده ايشاي مذکوره جنسيه
واوصافيه قيد و تحرير اولنه جق وهانکي اولرده و درويشانندن

ونا امید اولمادجه وولایته بیلدیرمدکجه قدمای درویشانندن
اولوب الحاله هذه حسن حاللری مصدق اولان بابالری درکاه
شریفدن طرد و تبعید ایدهمیه جکدر .

دردنجی ماده — درکاه شریفده موجود قدمای درویشان
ایله شیخ افندی ییننده وقوع بولمش اولان اختلافک جداً
وحقیقهً مبذل حسن ائتلاف اولماسی واشبو وفاق واختلافک
الی ماشاءالله دوامی ایچون شمدهیه قدر اصل باعث نزاع اولان
درکاه شریفک دخل و خرجنه باقق و شیخ افدینک تحت ریاستده
اولق اوزره درکاه شریفده کائن آلتی اوك اڪ قدملی بابالرنندن
مركب بر قومیسون تشکیل قلنه رق امر اداره اشبو قومیسون
معرفتیه بالاتفاق تسویه اولنه جقدر .

بشنجی ماده — کرك واردات وقفیه دن، کرك نذوراتندن
حاصل اوله جق مبالغه، ایکی آناختارلی بر صندوقه وضع ایله
آناختارلرک بری شیخ افدینک، دیگر قومیسیون اعضاسندن
اڪ قدیملیسنک یدنده حفظ اولنه رق ایکی آناختار بریره کلدکجه
وبخصوص قومیسونی تشکیل ایدن قدمای درویشانک لاقل
نصفی حاضر و موجود اولمادجه صندوق مذکور آچیلهمیه جقدر .
آلتنجی ماده — درکاه شریفک امورینه آز و چوق آچقه
صرفی مطلقا اشبو قومیسونک رأی و موافقتنه متوقف اولوب
قومیسون اعضاسی ریسلری اولان شیخ افدینک اذن ورأی

صورت حرکتی مبین تعلیمات در که احکامی الی ماشاء الله جاری
اولمق اوزره بر صورتی عریضه مشترکه ایله حضور حضرت
شیخ الاسلامی به تقدیم اولنه جنی کبی بر نسخه مصدقه بی میدان
اونده و دیگر نسخه سی نزد حکومتده حفظ ایدیه جکدر .

برنجی ماده — حاجی بکتاش ولی (قدس سره العالی) افدمن
حضرتلری درگاه شریفلرینک احیاسی، نزد عالی حضرت
خلافتناهیده مطلوب و ملتزم اولماسیله درگاه مذکورده با اراده
سنیه پوست نشین اولان فضیلتلو شیخ یحیی افندی مقتضای مأموریتی
اوزره درگاه مذکورده آیین شریف نقشبندی بی بلامانع و مزاحم
اجرا ایدجک و موجود اولان درویشانه عقائد حق اسلامیه
واحادیث صحیحه نبویه دن دائماً مناسب بر درس اوقوته جقدر .

ایکنجی ماده — الحاله هذه درگاه شریفده احکام مرعیه
شرعیه و آداب طریقت علیه مغایر برکونه حال و حرکت وقوعی
مرئی و مشهود اولمادیغی کبی بوندن بویله ده فرد آفریده طرفندن
او مثللو احوال و حرکات وقوعنه میدان ویرلیه جک و کماکان
اذان شریف محمدی اوقونه رق بش وقت نماز جماعته ادا اولنه جقدر .
اوچنجی ماده — صرف مشیخته متعلق اولان امور و خصوص-

صاته درویشان مداخله ائمه جک و شیخ افندی دخی احکام
مرعیه شرعیه و آداب طریقت علیه مغایر بر حال و حرکتلرینی
گوروب کندیلرینی او حال حرکتدن و از کچیر مکدن مأیوس

ایدیله جك صندوقك ايكي آناختارندن برينی كندیلری آلمق ایسته مدکلرینی سویله مشلر. لکن بوصورت، مضبوطیت اداره نی ودفع نزاعی موجب و مستلزم اوله جغندن آنلرك بوافاده لری قبول اولغایه رق جمله جه شیخ افندی ایله بالمصاحفه شمدیکی حالدّه ظاهراً بارشدیرلمش و بو بابده شرفظه ور ایده جك اراده صائبه جناب ولی التعمیلرینه دکی ن قرار مذکور مرعی الاجرا طو تلماسی طرفینه تنبیه اولنه رق بمنه تعالی یارینکی کون درگاه شریفدن عودت و عزیمت عاجزانه مز مقرر بولمشدیر.

ینه امر و اراده جلیله جناب مشیختپناهیلری نه مرکزده شرفساح و صادر اولور ایسه آنک انفاذ واحراسنه مسارعت قلمق طبعی بولمغله اولبابده وهر حالده . . .

تعلیمات

اعزّه کرامدن حاجی بککاش ولی قدس سره العالی افندمن حضرتلرینک درگاه شریفلرنده پوست نشین اولان فضیلتلو شیخ محی افندی ایله درگاه مذکورده بولنان درویشان آرده سندد برمدتن بری حصوله کلن مبانیت واختلافک دفع وازاله سچون اشبو بیک اوچ یوز ایکی سنه هجریه سی شوال المکرمک آلتنجی جمعه ایرتسی کونی تیمناً تشکیلی قرارلشدیریلان اداره قومیسوننک

بو بابا لر دخی شیخ مومی الیهک مقصدما کنیدی لرینه کوندرمش
اولدینی دعوتنامه یی چاپی افندی نك نزدنده براقه رق وشیح افندی
مشيختی ترك ايله درگاهدن كيمك اوزره كنیدی لرندن بروجه پشین
برمقدار آچه ايله شهرى اون بشر ایره معاش ایسته مش . لکن
بوصورته کنیدی لرى موافقت ایدم مدکلرندن عودته مجبور اولدقلرینی
باتلغراف طرف عاجزانه مزه بیلدی ردرک ینه روم ایل جانبیه
کتشلردر .

الحاصل شیخ یحی افندی ايله درویشان آره سنددکی نزاع
واختلاف حادث، مجرد امور اداره جهندن منبعثدر . بناءً علیه
عموم نزدنده پك چرکین کورنمه سی و بالاخره درگاه شریفك
قائمانسنة نتیجه ویرمه سی طبیعی اولان شو حالك منع دواميله
برحسن اداره تأسیسی ایچون صورتی، اوراق مطویه میانسده
بوانان تعلیمات مخصوصه قله آلنه رق ینه مومی الیهک تحت ریاستنده
اولق اوزره قدمای درویشاندن آلتی ذاتدن مرکب برقه و یسیون
تشکیانه قرار ویرلشدر .

مشهودات و تحقیقات واقعه عاجزانه مزه کوره ایجاب حال
ومصلحته اوفق کورینان قرار مذکور، شفاهاً طرفینه لدی .
تبایغ کرچه درویشلر شیخ افندی نك شکایات واقعه سندن زیاده جه
ییش اولدقلری جهته «بلکه ایلروده شو وسیله ايله ینه علمهمزه
قیام ایدر» دیهرک درگاه شریفك حاصلات و وارداتی وضع

ایشته تفصیلات مبسوطه دن مستبان اوله جنی وجهله شیخ
یحیی افندی شمدیکی موجود درویشاندن حقی هیچ بر شکایت
درمیان ایدمه مش و شیخ مومی الیه وظیفه موعودد سنی ایفا
ایچون بحق هیچ بر مانعه و مشکله تصادف ایتمه مش اولدیغندن
«اجرای وظیفه یممانعت اولیور» دیدیکی طوغری دکدر.

قالدی که اوراق مطویه مطالعه سندن محاط علم عالی جناب
مشیح پناهیلری بیوریه جنی وجهله مقدا دده بابالق مقامنه
محمد علی بابایی درگاه شریفه کتیرنینه شیخ مومی الیه در. صکره
با اراده علیه مومی الیه محمد علی بابا، مقام مذکور دن قالدیرینجه
ینه «بالم اوی» دنیلن و درگاه شریفدن یوزاللی، ایکی یوز آدیم
مسافه قدر اوتده کان ولی مشارالیه ک دیگر بر زاویه سنده
مقیم اولان پریشان بابایی ده بابالق مقامنه کتیردرک برمدت او
مقامده بولنیدرقدن صکره نصلسه آنکله ده بوزیشه رق بابای
مومی الیه بی درگاه شریفدن طرد ایشدر.

برده، طقسان سکز تاریخیه مؤرخ اولوب چایی افدینک
ورقه جوابیه سنده مربوط بولنان عیناً برقطعه تحریراتک مطالعه.
سندن معلوم اوله جنی وجهله شیخ یحیی افندی برآرهلر روم
ایلیده کی بکشتی بابالردن مشهور علیش بابا الیه دیگر بعض
بابالری صورت مخصوصه ده درگاه شریفه دعوت ایتش و آنلرده
چکن رمضان شریفدن مقدمجه کلوب فقط نصلسه اویوشه مادقلردن

اولدینی اوزره شیخ یحیی افندی مشیخته تعیین بیورلدینی کوندن
شمدی به قدر آیین شریف نقشبندی نی یالکر برایکی دفعه اجرا
ایدوب آندن صکرده بردها اجرای آینه تقید ایتمهش و درویشانه
اصلاً درس اوقوتمامشدر.

درویشان ایسه ورقه جوابیه لرنده ده بیان ایتمش اولدقلری
وجهله: «شیخ افندی نه وقت آیین نقشبندی نی اجرا ایتک
ایسته مشده بز حاضر بولندق. بز نه وقت درس اوقوتمق
ایسته مشده بز دگله مدک» دیوزلر.

بوراسی، شیخ افندیدن شفاهاً صورلدقده «واقعا بونده قصور
ایتدم» جوانی ویرمش و بونکله برابر «درویشان هر نقدر او یله
سویلیورلر سه ده آنلرکینه مضمرلری بشقه در. حتی بنده مخصوصاً
طریقت بکتاشیه دن اقرار آلوب آنلرک سرلرینه واقف اولدم»
دیمشدر. طرف عاجزانه مزدن ده [هل شققت قلبه] حدیث شریفنی
تذکار ایله «بونلرک مادام که ظاهرده صلاح حاللری کور یله یور
«ماداد که درگاه شریفده محرمات و منهیاتدن برشیئه کیسه جرأت
«ایده میور و مادام که کندیلری ده هم اجرای آیین نقشبندی به
«وهمده درس اوقومغه طالب اولیور، سزده مقتضای وظیفه
«و مأموریت بکزر اولدینی اوزره اجرای آیین شریفه مواظبت
«و عقائدن و یا خود احادیث شریفه دن بر درس اوقومغه همت
«بیورمالیسکر» یولنده کنایسه اجرای نصح و پند ایدلمشدر.

زیاده سـور و مخصوصاً زیارتنه کلهړك خپلی هدایا و نذورات
گتیرلر ایتمش .

چلبی افندینك پدرمانده اییجه عقار و املاکی ده بولندیغندن
آنك وقت و حالى، دركاه شریفك شمديكى حالنن دها كوزلدر .
دركاه شریفه كلن زیارتجیلارك چوغی ده چابى مومى اليهك قوناغنده
مسافر اولورلر ایتمش .

دركاه شریفك (خان باغی) (دده باغی) نامیله دركاهه چاریك
ساعت مسافه ده واقع ایكى بیوجك باغی و بر مقدار اراضیسی
واردركه بولرده آز چوق برر مقدار حاصلات كتیریر .

قرای موقوفه اعشار بدلاتندن دركاه شریفك حصه
معینه سی ده ذخیره نك رایجنه كوره سنوی اوتوز قرق بیك
غروش قدر طوتار . مع مافیه دركاه شریفك مصارف دامه سنه
بو قدر ایراد کافی اولمادیغندن و دركاهك قیوسی عمومه كشاده
اولوب آینده ورونده اكسسز بولندلغندن مقدملری شو ایراد
مقن سنوینك برقاچ مثلی دخی صدقات و نذوراتدن حاصل
اولور ایتمش . لکن روایات موثوقه یه كوره شیخ یحیی انندی
بورانك مشیخته مأمور اولوب كلهلی اولكی قدر زوار كمدیكندن
صدقات و نذورات، فوق الغایه تناقص ایتمش . بناءً علیه دركاه
شریفك اداره سی خلیذیر اولمشدر .

تحقیقات واقعه ایله وبالذات كنديسك اعترافیه ثابت

چکیره دك منكر اتدن هيچ بر شمه استشمام ايددمدك.

درويشان، برسكوت وخاموشي ايچنده ليل ونهار خدمت
مخصوصه لرنده دائم وقائم اولوب اوستلري باشلري عادتاً
ايمره نيجهك صورتده پاك ونظيفدر.

بعض كورد يكمز سفلى بكتاشي بابالري كبي بونلرده، محرمات
ومنهايه انهماكه دلالت ايدر هيچ بر حال مشهود اولمايوب بالعكس
شعار اهل سنت اولان نور ايمان پوزلرنده لمعان ايدسيور.

بالذات شيخ افنديدن و سائر ددن وقوع بولان تحقيقات
عاجزانه مزه كوره شو كورد يكمز صلاح حال، يالكز بزم
در كاهده بولنديغمز زمانه مخصوص بر تقيه دن عبارت اولمايوب
بونلر، اوقات سائرده ده نمازه مداوم، مواظب و ظاهراً محرمات
ومنهايادن مجتنب ايمشله.

چلبى افندى يه كلنجه: مومى اليهك حاجى بكتاش قصبه سنده كى
بيوت سارديه نسبتله اولدجه مكلفجه برقوناغى واردر. كنديسى
هنوز اوتوز ياشنه وار مامش مزلف بردليقانى در. زى علامده
بولنور و تحقيقه كوره تحصيل علم شريف ايله اوقات كذار اولوب
شيخ يحيى افندى ايله درويشان آره سنده حدوث ايدن منازعات
معلومه دنبرى دركاه شريفه بيله اوغرا ديفى يوغيش.

آناتولينك بعض ولايات متجاوره سنده بولنان حاجى بكتاش
ولى محبانى، چلبى افندى نى اولاد عزيزدن اولمق حيثيته پك

طیانماز نوعندن اولماسیله و تعمیرات لازمه سنه دخی باقیله مامه سیله
ایچنه کیرلمسی تهله که دن غیر سالم بر صورتده مشرف خراب
اولمش اولدینی مع التأسف کورلمشدر .

بو حولیدن دخی بیوجک بر قپو ایله ولی مشارالیهک
تربه سی بولنان باغچه یه کبریلور . بوباغچه، بر مزارستان شکلی آلمش
و منتهاسنده ولی مشارالیهک و اولاد کرامندن بالی سلطانک مکلف
و معمور تر به لری مبنی در . ولی مشارالیهک تر به شریفلرینه
متصل اوستی قبالی بردارء نفیسه دخی واردزکه بوندده بر
چوق مزارلر موجود اولغله برابر جمله قبوسیه مقابر مذکور دنک
بولندقلری محل بر دیوار و مخصوص قپو ایله تفریق و درونی
گوزلجه تفریش ایدلمش اولدیغندن شمدی اورا جقده جماعت ایله
صلوات خسه ادا اولنور . مذکور تر به لریک یان و آرقه طرفلری
دخی غایت واسع باغچه لرله محاط جنت آسا بر محلدور .

درکاه شریف ایله مشتملاتنک درون و بیرونندکی نظافت
وطهارت، حقیقه امالی اماکن مبارکه ده نادر کورلمش درجه ده
اولماسیله درویشانک شو خدمتلی شایان تقدیر و استحساندر .

اوقات خسه ده اذان شریف محمدی قرائت اولنور و درکاهک
مخصوص امامی بولندیغندن موجود درویشانک کافه سی مسجد
بالمده جماعته نماز قنور .

درویشانک مساکنی اولان حجراتی برر برر کوزدن

طوران چلبی افدینک بو بابدہ کی معلومات و مشہوداتی تحریراً
سؤال ایلدک. جملہ سندن بشقہ بشقہ آلمان مذیل جوابلرلہ بعض
اوراق متفرعہ لفاً تقدیم حضور دقایق نشور جناب ولی
النعیمیری قلندی .

. افدینک ہر حالی محاط علم عالی اولماسیہ
آندن بحثہ حاجت کورلمز. یالکز درکاه شریف مذکور ایلہ
موجود درویشانک وچلبی افدینک احوال مشہودہ سنی عرض
وبیان ایلہ تحقیقات واجراآت واقعہ چاکرانہ مزی حکایہ
ابتدار ایلرز. شویلہ کہ :

درکاه شریف مذکورک طیش قبوسندن طیش حولیسنه
گیرلیدیکی صولنده اهل طریقک اصطلاحنجه آت اوی و صاغنده
درکاه شریفک مالی اولان بعض طوار و صغیرلرک آغلی موجوددر.
بو حولیدن کوچک برقبوایلہ ایکنجی بر حولی یه کیریلور. بو حولیدہ
دخی میدان اوی، کیلار اوی، اتمک اوی، آش اوی، مہمان اوی
نامیلہ اوچ دائرہ جک وارددرکہ بو اولرک ہربری برر بابانک تحت
ادارہ سندہدر. یانلرنده برر ایکشردہ درویشلری بولنور. میدان
اونده کی بابا، دیگر بابالرک ریسی و مقتداہی صاییلور. مذکور
اوطہلر معمورو آباداندر. یالکز بو ایکنجی حولینک جانب
یمینده جنتکان فردوس آشیان سلطان محمود خان عدلی حضرت تلرینک
بنا کردہ لری اولان جامع شریفک طاشلری صغوغہ صیجاغہ

بندہ کزی باب احساناً بلرندہ الی الابد اسیر ایتکلہ بویلہ بر بندہ
 لطفیدہ نک ذمت حمیتہ مترتب ، وظیفہ نہ ایسہ آنی مسیئراً
 ایفایہ حصر وجود و بذل موجود ایتک اوزرہ وجدانملہ تجدید
 عہد و میثاق ایلدم . باقی،



بکتاشی درویشانیلہ درکاه شریفی حتمندہ بر لایحہ

..... امثالاً بوکرہ حاجی بکتاشی ولی
 قدس سرہ العالی حضر تیرینک درکاه شریفہ کلدک . درکاه
 مذکورک خدمتہ وقف وجود ایتمش قرق قدر بکتاشی
 فقراسیلہ مکرمتلو شیخ یحیی افندی و چلبی افندی ایلہ ملاقات
 ایلدک . ورود عاجزانہ مزدن مقدم کرک فقرای مومی الیہمدن،
 گرک شیخ افندیدن شکایتی حاوی تاغراف و تحریراتلر دخی
 آلمشیدق . ذاتاً درویشان ایلہ شیخ یحیی افندی بینندہ شمدی یہ
 قدر دوام ایدن نزاع و اختلاف، یکی برشی اولمایوب مطالعہ
 گذار عاجزانہ مز اولان بعض اوراق مألرندن مستبان اولدیغہ
 کورہ بونزاع و اختلاف، شیخ مومی الیہک بورایہ ورودینی
 متعاقب ظہور ایتمشیدی . بناءً علیہ ایلرودہ تحویل لسان ایلہ
 شکایتک ماہیتی دکشدیرمکہ محل براغلامق ایچون ہر ایکی
 طرفک اسباب شکایاتی و باخصوص شمدی یہ قدر بی طرف

بوکون کنديلری ده، کنديلرندن کله جک ذريتلىرى ده حال
تهلکه ده بولان نجه نفوسک تأمین سلامتى ایچون بو قدر جک
مصارف شهریه نك دخى ضمیمه عاطفت سنیه اوله رق جانب
میردن تسویه سنه مساعدۀ سنیه شایان بیوریه جغده کیسه نك
اشتباهی یوقدر.

مصلحت ایسه ذاتاً قابل تأخیر و تأجیل اولمایوب نه قدر
تسریع و تعجیل ای دیایر سه اولقدر فائده بخش عموم اوله جغدن
لطفاً و مرحهً اجرای ایجابنه مساعدۀ سریعهً جناب نظارتیناهیلى
سزاوار بیورلىق نیاز مخصوصنه اجتناسار قلندى باقى،

فی ۲۵ ربیع الآخر ۱۲۹۹

مکتوب

سعادتلو . . . پاشا حضرتلىرى و عائله محترمه سی حقنده
واجبی ادا دن بشقه بر خدمتده بولخامش اولدیغم حالدۀ ینه
بر مقتضای علوجناب، قولکیزی التفات عالی عاطفتکستریلریله
کامیاب بیوردیکیز.

بولطف جلیله قارشى، عیمرم اولدقچه شکر و ثنا ایتسم
دخی ربه رقیتی بار منتدن تخلیصه امکان متصور دکدر.

حسن نظر بنده پروریلرینک حق عاجزانهمده دوام فیض
انعطافنه امید بخش اولان بو معامله کریمانه و عالیجنابانه لری،

حالبوکه معلولینک چوغی سواحدده اولوب بوسواحدده،
 جانب مبریدن موظف برطیب ایله بر اجزاجی دخی واریسهده
 اولا: بونلرک کندی باشلرینه طولاشملرندن هیچ برفانده حاصل
 اوله ماز. ثانیاً: بر مدتنبری اجزای موجوده لری توکنوب
 او جهته کندولری دخی اینه بولی قصبه سنده بسط بساط
 استراحت ایدهرک هیچ بر ایش کورمدکارینه بناء هم بونلری
 اوراده بویله ایشسرز طور دیروبده کندیلرینه بیهوده معاش
 ویرمه مک، همده کوندن کونه چوغالمقده و نیجه نفوس بشریه یی
 چورتمکده اولان علت ساریه مذکورنک سرعت اندفاعنه
 جدی و حقیقی بر چاره آرانمق اوزره مرکز ولایتده کی کبی
 اینه بولی قصبه سنده دخی بری ذکور، دیکری اناشه مخصوص
 اوله رق اوتوز بش یتاقلق ایکی خسته خانه انشایی اهم والزم
 گورینور.

بو خسته خانه لرک مصارف انشاییه سیله یتاق و لوازم سائر
 اثمانیچون تخمین قلنان قرق اللی بیگ غروش ایسه او
 خسته خانه لردن مستفید اوله حق قضالر دوائر بلدییه سندن
 تسویه اولنه بیایر. طیب ایله اجزاجی دخی ذاتاً موجوددر.
 اجزای لازمه طبیه ده، اوتدنبری طرف دولدن ویریه یور.
 بو حالدده خسته لرک مصارف لازمه سائره سی قالیورکه
 بوراده کینه قیاساً شهری ۲۳۹۷ بچق غروشه محتاجدر.

گوندن زیاده طور میان اطبانک کندیلرینه توصیه ایلدکلی تداییر
صحیه اعتنا و آلدقلی معالجاتی استعمال ایتدکاری و صحیحلی
سقیلرندن ممنوع اختلاط اولدقلی جهتله اطبانک بوکزیشدن
چندان استفاده اولنه مادیغی بالتجربه ثابت اولمشدیر .

بناءً علیه کچنده واردات بلیددن مرکز ولایتده بری
ذکوره، دیکری اناثه مخصوص اولمق اوزره اوتوز یتساقلق
ایکی خسته خانه انشا و طیب و اجزاجی ذاناً جانب میریدن
موظف اولدقلی کبی مذکور خسته خانه لک مصارف دامه سی
ایچون دخی کذلک مال صندوقدن شهری ۲۳۹۷ بچق غروش
صرفه بالاسیتیدان مساعدۀ علیه استحصال اولمش اولمغله
اطرافده کی معلولین اورایه جلب و جمع ایله اصول صحیه
توفیقاً تدای ایدلمکده و بشفاء الله تعالی فائده کیه سی کورلمکده در.
برچوق نفوس بشریه نک صحت و سلامتی تأمین ایدن اشب و اثر
خیرک وجوده کلیشی، محضاً جملاً موفقیات جلیله حضرت
پادشاهیدن اوله رق حقیقه شایان تشکر و محمدتدر.

شو قدر وارکه بو خسته خانه لرده اوتوز یتاقدن زیاده
بولندیر یله مادیغی کبی اوزاق محللرده اولان معلولین دخی بورایه
کله مز. بناءً علیه فائده حاصله دخی عدد مذکوره و محال
قریبه اهالیسنه مخصوص اوله رق سوا حلد بولنان معلولین
استفاده ایدمه مکده در.

وانسانیتی ضیالندیران، اعتقاد پاک و فکر تابناک حضرت
خلاقپناهیدن مقبوس برلمعه حقیقتدر.

شاید، مقبول طبع مشکلیسنان امت اولماسه دخی اومارمکه
ینه خلوص نیتله مأجورم.

باخصوص کوریه جک خطالم، صایله بیله جک قدر ایسه
بوده بنده کز ایچون بیوک برشرف و منفخرتدر.

عندالتدقیق طبع و نشره سزا کورلیدیکی حالمه علی الاصول
لازم کلن رخصتنامه رسمیک لطفاً اعطاسنه مساعدده بیورلمادی
عاطفت جلیله آصفانه لرندن مأمول ومستعدادر. باقی . . .

طربرزون ولایتنده امیرلر قریه سی ۶ ایلول ۳۰۰

(C O)

مضیمه

محاط علم عالی جناب نظارتپناهیلری بیورلیدیگی اوزره
قسطمونی ولایتک اکثر محالرنده و باخصوص سواحلنده بین
الاهالی تکثر ایدن فرنگی علتک اسباب اندفاعیه سی، دولتجه
آرانیله رق بوندن اقدام سیار طیبیلر واجزاجیلر تعین واعزام
بیورلمش ایدی.

آنحقی علت مذکوره ایله معلول اولانلرک اکثریسی قروی
اولوب آردصره کویارینه اوغرایه رق اوراده نهایت براییکی

مسلك جديد مزده — الى ماشاء الله — ثبات ايله عهده وفا مزي
اثباته چاليشه جغز.

عموم طرفدن كوره جگمز رغبت نسبتنده ده غيرتمزي
آرتيره جغمزده ايسه اشتباه بيورماسون.

انشاء الله تعالى صرف كويلولرك ده آكلايه بيله جككري برلسان
بسيط ومفيد ايله ياديكر بر نسخه دها چيقارمق وياخود اشبو
نسخه مزك حجمني بيولته رك بر حقيفه سني كويلولره خطاباً
يازيه حق بندلره تخصيص ايتك نيتنده يز.

سعيك الندن برشي قورتماز. چالیشانلری الله ده سور. عون
خدایه مستند اولان، خائب وخاسر اولماز.



عمریضه

اثر خامه عجزانه اولان شرح عقائد ترجمه سنك بعض
زوائدنی طرح، غوامضنی شرح صورتيله تلخیصی دخی سایه
موفقیتوایه حضرت پادشاهیده تیسر نمای حصول اوله رق
«نقد الکلام فی عقائد الاسلام» ناميله تسمیه قلمشدر.

محصول لیال تنهایی اولان اشبو کتاب فوائدنصاب، بوکره
حضور عالی نظارتیناهیله رینه تقدیم ايله شرفیاب اولیور.
کتاب مذکور، نور الهدی کی بتون عالم اسلامیت

اولنه جق و اغراض ذاتیه دن سالم اوله جق هر درلو حوادث و مباحثه، غزته مزك غیر رسمی قسمندہ کی صحیفه لری آچقدر.

محترم قلملرینی، بو خدمت ترقی پرورانه و وقف ایدن شرفلی محررلر مز ایسه اجرت نامیلده برشی قبول ایتیه یوب اشبو خدمت موجب المفخرتی بوجه فخری ایفا بیوره جقلرندن مطبعه مزك مصارف ضروریه سی چیققدن صکره کافه واردات صافیه سی اولجدهدہ بالمناسبه بیان و اعلان ایتش اولدیغمز وجهله مکاتب ابتدائیه خواجه یتشدرمک ایچون مرکز ولایتده تأسیس و کشادی مصمم اولان دارالمعلین مصارفه قارشولق طوتیله جقدر.

هیئت جدیدہ تحریریه مز دخی داخل اولدینی حالده مطبعه مزك و آچیله جق مکتبک اداره لری درعهده ایده جک، و ولایتزده معارف عمومیه نک کرچکدن انتشاری اسباب و وسائلنی جدأ تحری ایله ابراز آثار و ظنپوری به چالیشه جق بر قومیسونکده تشکیلی مقرر در.

غزته مزك اصلاحی و مطبعه مزك انتظامی ثمره سی اوله رق بویله بر مکتب عالی وجوده کتیرمکه جناب حق بزى موفق بیوررسه، سایه شاهانده مستغرق نعمتی اولدیغمز وطن عزیزه معناً و مادهً بر بیوک خدمت ایتش اولورز.

بز، تقدیر عمومی به مظهر اوله جغنده هیچ شبهه مز اولمایان

تأمین صوابی ایفا ایتمز لرسه، شو قصور همتلری حقا که، عفو
اولنماز برقباحت صایایر.

ضیای معرفتک بویله کونش کبی اقطار عالمی نورلره غرق
ایتدیکی برکونده، بزده طریق فیض ترقیه ~~کیروب~~ برآیم
اولسون ایلری آتماز سهق، بزده آهنگ عمومی ته تبعیتله حیات
سیاستیزی، نجات اسامیزی محافظه اغورنده کجهنی کوندوزه
قامماز سهق بونک ضررینی ینه بز چکه جکزر.

فضله اوله رق انظار اقران و اخلا فده ده منفور کورینه جکر!
شهریار معالی آثار منر افندمن حضر نلری صلاح دین
ودنیانی مترتب اولان ترقیات کمالیه مزی تسهیل ایده جک هر درلو
مساعداقی بی دریغ و احسان بیوریورلر.
بومساعداق سنیه دن بحق استفاده یولنی طو تیمانلره حقیقه
آجینیر!

ایشته بز، بوکوندن اعتباراً غزته مزی آثار قلمیه و افکار
منوره لریله قارئین کرامی کرچکدن مستفید ایده بیله جک بعض
ایادی اقتداره تودیع و مأمورین حکومت و اهالی مملکتی ایقاظ
ایده جک هر درلو حوادث و مباحثی سر بستجه درج ایده بیلک
اوزره صحیفه لر مزده بر قسم غیر رسمی دخی تعیین ایلدک.
معلومدرکه، مطبوعات، قانون داره سنده سر بستدر.

بناءً علیه حوادث و مباحث ممنوعه دن ماعدا صحتی تأمین

مفسوخ شورای مالیه‌نک سالف‌الذکر امر سامیه مغایر اولان
قرار مجبوثی بوجه ایله شایان قبول اوله‌ماز. باقی .

— ۵۰ —

تجدد [۰]

غبطه بخشای قرون سلف اولان عصر هایون حضرت
عبدالحمید خانی‌ده له‌الحمد والمنه هرشیده بر اثر تجدد، بر اثر
حیات مشاهده اولنیورکه، امید استقباله اک زیاده قوت و تجدد
اقباله اک زیاده امنیت و یرن اسباب ظاهردهن بری‌ده بودر.
ایمدی بویله بر دور تجددده، بزم زوایا کزین سکون
وعطالت اولماز روامی‌در؟

مساعی مجدانه سیله عدل و احسان. قواعدینی مجدانه
وبلکه موجدانه بر صورتده اساسگیر ثبوت و استقرار ایدن
پادشاه عرفان پناهمز افندمزك اثر عالیه‌نه اقتفا اتمه‌ینلر ایچون
خییت و خسران مقرر در.

بناء علیه ناشر مدنیت، عنوان جلیله بحق سزاوار اولان
غزته‌لرکه، هم جهان معرفتک ترجمان بلیغ‌البیانی، همده ناقل آثار
وافکاری اولدقلری ام فاضله‌نک برر مرآت صورتمای دانش
و عرفانی‌در، تجددات عصریه‌نک ایجابات والجا آتندن اولان
ترقیات فکریه‌یه لائق برلسان ممدوح‌البیان ایله قارئلرینه وظیفه
[۰] انقره غزته‌سنه درج ایدلمشیدی .

افدینک خزینہ جلیہ جہدہ تصدیق اصالتی لازم کلوردی .
 علی رضا افندی کبی اعشار ناظرلری ایچنده بیله عفت
 واهلیتجه امثالی نادر بولنان، والیوم ینه امور معتنا بهای عشریهده
 مستخدم اولان بر ذاتک مدیریت مذکوردهدن عزلی لایق دکل
 ایدی. زرده قالدی که بحق آلدینی معاشک نصفی استرداد
 اولسون .

چونکه سلفی . . . افدینک سبب عزلی، جهاه مساویسندن
 بری اولان یالکر معهود ساخته کارلق ماده سی دکل ایدی. اصل
 عزلی تعجیله سبب، سوء حال واداره سی ایدی که . . . سنجاغنک
 امور و معاملات عشریه سی بالکلیه سکتهدار ایتش ایدی.
 نته کیم معهود ساخته کارلق ماده سندن یقایی قورتاردقندن
 صکره دخی اعاده مأموریتی، اعشار امانتندن مصرانه طلب
 اولغشیکن خلف ذی شرفم بونی ینه . . . یه کوندرمکه بروجهله
 موافقت بیورماملار. ایشته دیکمه کوره اک صکره ینه امانت
 مشارالیهانک اصراری اوزرینه بالضروره بشقه بر سنجاغه
 کوندرمشلردر. حتی علی رضا افدینک برچوق آیلر . . .
 اعشار مدیریتنده قلماسنه دخی خلف چاکرانه مکده علی رضا
 افندی نی مدیریت مذکوردهده ابقا ایتک ایسته سی سبب
 اولمشدر .

آنکچون علی الاصول بر محکمه نظامیه دن حکم اولمادقجه

ایتمش . شوقدرکه خلفی علی رضا افندی ده امر سامی ایله اعطا بیوریلان مأذونیه استناداً بروجہ اصالت تعیین اولندیغی جهته بالطبع تام معاش آلمش . بناءً علیه تام آلدیغی معاشک نصفی استرداد ایچون ولایت مشارالیه یازلمش ایسه ده سلی
افدینک عزلیله علی رضا افدینک تعیینی سالف الذکر فی ۱۰ تموز ۹۸ تاریخلو تلغرافنامه سامینک ویریکی مأذونیه مستند ایدوکنندن « نصف معاشک استرداد ی لازم کلز » دیه مجلس اداره ولایتدن بامضبطه جواب ویرلمش که بوجواب پک طوغریدر .

فقط خزینۀ جلیله جه نعلسه بوجوابه قناعت بیورلیهرق مأخوذات واقعه سنک نصفی مومی الیه علی رضا افدینک کندو- سندن ده بشقه جه طاب بیورلمش . اوده بروجہ اصالت تعیین اولندیغدن وایفای وظیفه دایر یکنندن بحال معاش مأخوذ سنک نصفی رد ایتمی حقنده موجب مغدوریت اوله جنی جوابی ویرمش . نهایت بو عزل ونصب ، چاکرلرینک قسطنمونی ولایتی وایلیکنده وقوع بولمش دیو مومی الیه علی رضا افدینک آلدیغی معاشلرک نصفی بولنان ۵۹۲۵ غروشک طرف چاکرانه مدن تسویه سی مفسوخ شورای مالیه نک قراری وامانت مشارالیهانک افاده سیله اراده بیوریلهور .

مع هذا تفصیلات معروضه دن مستبان اوله جنی وجهله معامله واقعه ، امر ونظامه تمامیه موافق ومطابق اولوب علی رضا

سامی حضرت صدارتپناھینک بالادہ صحیفہ پیرای ترقیم اولان فقرہ جلیله سیلہ ولایتلرہ اعطا بیوریلان ماذونیت قطعہ و صریحہ یہ استناداً ولایت اعشار نظارتنک تقریری و فضلہ اولہرق مجالس ادارہ ولایتک تصویب و قراری اوزرینہ مجرد وقایہ مصلحت و صیانت، منافع خزینہ دولت مقصدیلہ مومی الہ . . . افندی مأموریتندن عزل الہ یرینہ الیوم جزائر بحر سفید ولایتی اعشار و اغنام نظارتی باش کاتبی اولان علی رضا افندی اصالةً تعیین و کیفیت ده بر موجب امر سامی، بامضبطہ نظارت جلیله اصفاندرینہ عرض اولنشدی، فقط مدیر معزول مومی الیہک اصل عزائی ایجاب ایدن سوء حال و ادارہ سندن بشقہ کندوسنہ برده ساخته کارلق اسناد ایدلمش اولدیغندن یالکز بوساختہ کارلق ماده سندن طولانی ده استجوابنہ لزوم کورینہ رک بعد العزل تحت استجوابہ آلتش ایدی .

مدیر مومی الیہک عزاندن تام ایکی آی صکرہ چاکر لری طربزون ولایتنہ تحویل مأموریت ایتدیکم جهتہ قسطنونیندن آیرلدم .

بونک اوزرینہ اوراجہ جریان ایدن معاملات تالیہدن و محاکمہنک نتیجہ سندن خبردار دکلم .

یالکز بودفعہ شرفوارد اولان تحریرات علیہ اصفانہ لرندن آکلا یورم کہ مدیر مومی الیہ ماده مجوٹ عنہادن تبریہ ذمت

ایسته حرفیاً نقل اولنان شوقرۀ جلیله، اعشار مأمورلرندن
 عزلی لازم کلنلرک اعشار نظارتی طرفندن ویریه جک تقریر
 اوزرینه یرلرینه درحال اهل و مناسبلرینک تعیینیه بعده خزینۀ
 جلیله جه معامله رسمیه سی اجرا اولتق اوزره نظارت جلیله
 اصفانه لرینه ده کیفیتک اشعاری خصوصی آمر و بناءً علیه عزلی
 لازم کلن مأمورین عشریه نک یالکز ولایت اعشار ناظرینک
 تقریری اوزرینه عزل و تبدیلری حقنדה هر درلو قیود مهمه دن
 عاری و غایت واضح مآذونیت واسعه یی حاویدر .

چا کرلری دخی قسطنمونی ولایتی والیلکنده بولندیم وقت
 ولایت مذکوره داخلنده کأن . . . سنجاغی اعشار و اغنام مدیری
 . . . افندی ایشنی کوچنی ترک ایله متصرفه وارنجیه قدر باجلمله
 هیئت لوا ایله اوغراشهرق و خود بخود برطاقم حرکات و معاملات
 غیر معقوله یه قالدیشهرق عادتاً لوانک امور اداره عشریه سنی کلیاً
 سکتهدار ایده جک حالرده و باخصوص بعض سوء استعماللرده
 بولندینی، کرک متصرفلغک، کرک مجلس اداره لوانک و حتی بالذات
 مدیر مومی الیهک اشعارات متوالیه لرندن آکلاشلغله ولایت
 اعشار مفتشی ثابت افندی لاجل التحقیق مخصوصاً . . . یه
 کوندلرلشدی . مفتش مومی الیهک اشعارات واقعیه سی دخی مدیر
 مومی الیهک مدیریت مذکوره ده بقاسنی مجویز ایتدیریه جک
 صورتده اولمغله سالف الذکر فی ۱۰ تموز ۹۸ تاریخلو تاخرافنامه

تفسیر و تأکیدن عبارت اولمغله اول وجهه ایفای معاملهیه هم
 علیه لری درکار بیورملق باینده .

انقره ۲۲ کانون اول ۳۰۰



عریضه

اعشار امانتک افاده سیله شرفسطیر بیوریلان فی ۲۶ تموز
 ۳۰۰ تاریخ و ۱۵۸ نومرولی تحریرات علیه جناب نظارتپناهیلری
 مال سامیمی، قرین ایقان چاکرانهم اولدی . فی ۱۰ تموز ۹۸
 تاریخنده ولایات شاهانهیه شرفسطیر بیوریلان تلغرافنامه سامی
 حضرت صدارتپناهیده حرفیاً شو فقره جلیله مندرجدر .

« بالجمله وارداتک حسن اداره و محافظه سی مکلفیت ومسؤ-
 لیتی، برنجی درجه ده ولایتیه عاندر . اموال عشریه ایسه
 « واردات دولتک قسم اعظمی اولق واعشار مأمورلری والی
 « ومتصرفارک معیت مأمورلرندن بولحق ملاسه سیله اعشار ایشنه
 « ومأمورلرینک انتخابتنه متادیا نظارت و دقتله ایچنرندن عزلی لازم
 « کلنلرک اعشار نظارتی طرفندن ویریه جک تقریر اوزرینه درحال
 « اهل ومناسبلرینک تعینی وحسب الایجاب بجایشی ایجاب ایدنلرک
 « اجرای مأموریتلریله خزینه جه معامله رتیمه سی اجرا اولحق
 « اوزره مالیه نظارتنده اشعاری . »

برقطعه جدول عمومیسنک سریعاً تنظیم ایتدیریلوب ولایتہ کوندرلسی لازم کلیر .

کذلک اول و آخر اجرا قلنان تبلیغات عمومیہ دن معلوم عالیلری اولمش اولہ جنی وجهہ یالکز اعشاردن آلہ حق سبع وربعک ثلثانی منافع صندوقلرینہ وثائی ایلہ مسقفات ویرکوسنک یوزده آلتیسی نسبتده آلہ حق حصہ اعانہ، تماماً معارفک فضلہ مصارفہ عائد اولوب اشبو معارف عائداتنک دخی ربعی درسعادت مکاتب مختلطہ سی مصارفیچون معارف نظارت جلیہ سنہ تقدیم قلنہ حق ودیکر اوچ ربعی ولایت ولوا مرکز لرنده تأسیسی مقتضای ارادہ سنیہ دن اولان مکاتب اعدادیہ مصارفیچون آیقونیلہ حق وبوندن بشقہ برہ بر آچہ بیلہ صرف ایدلیہ جکدر .

نظارت مشارالیا وزنہ سنہ عائد ربعک، هر آی نہایتندہ تنظیم اولنہ حق موضع حساب پوصلہ سیلہ برابر ارسالی وکوندردلچکہ ولایتہ ده معلومات اعطاسی لازم کلوب منافع صندوقلرینک حصہ مصیبلری دخی بوبادہ شورای دولتچہ دردست تنظیم اولان نظامنامہ جدیدک نشر واعلانہ دکن قضا مال صندوقلرنده امانہ حفظ ایتدیریلہ جک وبوندن ده هیچ بر محلہ بر آچہ بیلہ صرف ایدلیہ جکدر .

تفصیلات مبسوطہ، اولجہ تعمیماً تبلیغ قلنان اوامر علیہنک

بومثللو مأمورین موقتہ نك تعین واستخدامی غیرى جائزدر .
 بوبابده ایسه شمدی یه قدر بویله بر مخاربه جریان ایتدیکنه ، امر
 ومأذونیت آلتدینغه دائر ولا یته برکونه قیده ظفریاب اولنه مادیغندن
 مأمورین ومستخدمین مرقومه معایش مجوٹ عنہالرینك امور
 نافعہ تخصیصاتندن دخی تسویہ سنه بالضروره موافقت اولنه ماز .
 باقى، ... انقره ۱۹ کانون اول ۳۰۰



تحریرات

منافع صندوقلری ایچون ۹۹ سنه سنده آلتان عشرالعشرک
 یرینه ۱۳۰۰ سنه مالیه سندن اعتباراً اعشارک سبعلیه سبک ربی
 آلتوب، ثلثانک مذکور صندوقلره وثلتک معارفک فضلہ مصارفه
 قارشولق اتخاذاى حقنده مقدا باب عالیدن آلتان اوامر سامیه
 تعمیماً الویة ملحقه متصرفین کرامنه تبلیغ وبوبابده کلن زیری
 جدوللی ایضاحنامه دخی ارسال اولنمش ایدی .
 بوکره محاسبه ولایتدن ویریلن مذکره مآلنه نظراً اعشارک
 سبعلیه سبک ربی یرینه یوزده ایکی آلتخده اولدینی آکلاشلشدرد .
 بوایسه اراده علیه مخالف ومسئولیتی مستلزم ایدوکندن نسبت
 مقررہ مذکورده دن زنهار فضلہ برشی آلدیرلماسی وشمدی یه قدر
 وقوعبولان فضلہ تحصیلاتک سوء استعماله اوغرا دلما ماسی ایچون

تحریرات

مجلس اداره لوانك في ۵ تشرين ثانی ۳۰۰ تاریخلی مضبوطه سی
مطالعه گذار عاجزانه م اولدی .

کچن سنه سوق مأمورلغنده وسائر خدمتلرده قوللانش
اولان بعض کیمسه لرك طقوز بیک بوقدر غروش استحقاقلری،
طریق عملیاتندن استشنا ایدیلن محلات، عمله مکلفه سندن بدل
نقدی اخذیله آندنی؟ یوقسه امور نافعہ تخصیصاتندنی؟ نره دن
تسویه سی لازم کله جکی حقنده استفسار رأی اولنیور .

اولا — اوامر ونظامات موجوده ایجابجه عمله مکلفه نك
همه حال تسویه طریق عملیاتنده استخدای لازم کلیر . ایچلرنده
بدلاً خدمت ایتک ایسته نیلر اولورسه، آنلرك دخی بدل ایشلرینه
گرك مأمورین حکومتك، كرك مهده سلك مداخله یه حق
وصلاحتاری یوقدر . او مقوله لر، کندی طرفلرندن بدل شخصی
طوته رق عملیات طریقندن حصه مصیبه لرینی او واسطه ایله
یادیرمغه مجبوردرلر . بناءً علیه عمله مکلفه نك بر قسندن بویله
بدل آچه سی اخذیله لزومی، لزومسنر قوللانیله جق یول مأمورلری
معاشلرینه تخصیص واعطاسی قطعاً جائز اوله ماز .

ثانیاً — کیفیت لزومی ولایت واسطه سیله نافعہ نظارت
جلیله سنه بیادیر یلهر ك اورادن امر ومأذونیت استحصال اولمادجه

مواصلتله مستعیناً و مستنداً بتوفیق الله تعالى رؤیت امور موکوله
بدأ و مباشرت اولمشدر.

له الحمد رفقای کرامک کافه سی افکار خیریه حضرت
خلافتیناهییه واقف و آگاه ذوات فطانتسماتدن اولدقلری
جهتله تلقی و صایای عادیه احتیاجندن مستغنی درلر.
بناءً علیه او یولده کلمات زائده اتیانیه بیهوده تکثیر سواد
بی لزوم عد ایلرم.

بند کزک رفقای کرامدن بالخاصه رجا ایده جکم برشی
وار ایسه اوده مجرد احیای وطنه منحصر اولان مقصد مقدس
حضرت ولی النعمتک تسهیل حصولی حقنده جمله مزک ایفاسنه
بورجلو اولدغیمز خدمت صادقانه و وظیفه خالصانه جه معاونت
مخصوصه و دایمه لرینی اقبالخواه بی اشتباهلرندن دریغ بیورمامقدن
عبارتدرکه بوکاده مظهریتمی، مشهود و مستوع اولان محاسن
اخلاق کریمانه لری تأمین کفایت ایدر.

همان جناب حق، جمله مزری امرالمه پسندن اصلاً منفک اولمایان
رضای پاک حضرت خلافتیناهییه موافق و احیای وطن مقصد
مقدسنه متعلق آثار و خدمات ابرازینه موفق بیورماسی دعاسنک
ایفاسیله اعلان مأموریت عاجزانه می حاوی اشتبوحریرات عمومیه
کسطیر و تسیر قلندی باقی. انقره ۱۲ کانون اول ۳۰۰

پادشاه رحیم و شفیق مز افند مز حضرت تلرینک یکانه مقصد مقدس
هایونلری، بین الاهالی اجرای عدل و داد ایله تعمیر بلاد و ترفیه
عباد قضیه سیدرکه حکومتلرکده علت غائبه تأسی بودر.


معارف و معابرک تعمیر و تنظیمی، تجارت و زراعتک توسیعی
گی مسائل مهمه، هپ بواصلک فرعیدر.

ایمدی بو مقصد مقدسه خدمت، هم واجبه ذمت، هم
دارینده موجب نجات و سلامتدر. عکسی ده باعث خسران
وندامتدر.

نصاب عقله مالک اولانلر شبهه یوق که، شق اولی اختیار
ایدرلر.

بناء علیه عموماً مأمورین ولایت وارکان مملکتی بو فکر
و مقصوده متحد بوله جغمی و جمله سندن مظهر معاونت کامله
اوله جغمی فطانت مسئله لرندن مأمول ایلم.

همان جناب حق، حیب اکرمی حرمتیه عمر و شوکت
شاهانه یی مزداد و جمله مزه توفیق الهیسنی دائماً دلیل سیل
رشاد بیورسون، آمین.



تحریرات

عواطف جلیله حضرت پادشاهیدن انقره ولایتی والیلکی
عهده عاجزی به توجیه و احسان بیورلمغله بوکره مرکز ولایتیه

آنکچون شاید مساعیزک مشکور اولمادیغنی کورسه کبيله،
بوندن اصلا متأثر و مأیوس اولماملی یز.

زیرا خالقک عمومنی خشنود ایتیهی آرزو ایتک، محالی
تمنی دیمکدرکه عبدر.

بزم خلقه، حقه قارشی بورجلو اولدیغمز وظیفهینی ایضا
ایده بیلدیکمزدن وایده جکمزدن وجداناً امین اولماز کافی در.
باخصوص قلب انور هایونلری، مشرق انوار الهامات
اولان پادشاه حقائق آگاه افدمز حضرتلرینک نظر دقت
شاهانه لرندن هیچ بر مأمورک هیچ برحالی ستر و خفی دکلدر.

بناءً علیه وظیفه شناس بر مأمور مقدم و مستقیم ایچون کیم
نه دیرسه دیسون، شوکتآب افدمز حضرتلری آنی نظر مرحمت
شاهانه لرندن اسقاط بیورمازلر.

گذران سن، کثرت تجارب، انسانه بیلدیکنی اوکر ددر،
فکرینی تنویر ایدر.

علو همتله خلوص نیت دخی صاحبنه جالب توفیقات
و موجب نجات اولور.

بوسبيله در که، بن دخی عجزمی اعتراف ایله برابر بوراده
هر یردن زیاده دولت و مملکته حسن خدمتله طرف اشرف حضرت
ولی نعمته جمله دن دعوات خیریه استیجابنه موفق اوله جنمی
الطاف الهیه دن امید ایلرم.

زیرا بزم متبوع مشروع مفخممز، ولی نعمت بی منتز، شوکتلو سلطان غازی عبد الحمید خان ثانی افندمن حضرتلرینک عنوان منشور خلافتناهیلی، ظل الله فی العالمدر. بناءً علیه مجموع مساعیز، استحصال رضای خلافتناهی، به مصروف اولمالیدر.

رضای پاک خلافتناهی، عدل واحسان قواعدینی جامع اولان شریعت مطهریه تمسکله استحصال اولنور.

شرع وقانون، کفین میزان اعتدالدر.

دنیا، عبادہ اعمالمز آنکله طاریلیر.

بناءً علیه یدمین همترده، شریعتی، یدیسار دقتزده، قانونی طوتهرق هرفعل وحرکتز آکا تطبیق ایتلی یز. بوفکر ونیتله ایشه باشلایانلره جناب حقدده توفیقنی رفیق ایدر.

توفیق الهی، رفیق طریق اولنجه منزل مقصوده وصول، آسان اولور.

الحاصل صلاح دین ودنیا، یه فوز وظفر ایستین، بو دأرۀ منجیه دن اصلا خروج ایتمز.

ایشته بزه الزم اولانده بوراسیدر.

بووظیفه یی ایفادن صکره محصول مساعیزک عندالناس مشکور اولوب اولماسی مساویدر.

نطق رسمی [۸]

افندیلر!

حکومتک علویتنی تصویر ایدیه بیله جک «حکومت» دن
عالی برکله اولسه یدی، اوکله «حکومت» ه علم اولوردی.
حکومت، نفسنده بودرجه متعالیدر.

بونکله برابر ارباب حکومتک وظائفی دخی حکومتک علویتی
نسبتنده مهم وعالیدر.

تقدیر علویتندن عاجز اولدیمز اشو حکومت سنیه، حکومت
مسروعه حضرت خلافتناهیدرکه حکم سماوی ایله ده مؤیددر.

واقعا حاکم علی الاطلاق جناب اللهدر. لکن بزم حکمدار
عالی تبارمز، هم معزز برپادشاه، همده خلیفه اللهدر.

بوجهتله درکه، ذات علیالری کبی، حکومت کبرالری ده عالی
ومقدسدر.

ایشته شمدی اوقونان امرعالی، اوילה برپادشاه جامع المعالی نک
حکم شریفیدرکه، مضمون منیفه اتباعه، دیناً و سیاستاً مجبورز.

چونکه طرف الهیدن اطاعت اولی الامر ایله مأمورز.
محققدرکه، اقصادی مطالب اولان رضاءالله، رضای پاک

خلافتناهیدن بشقه برشی دکلدر.

[۸] ۸ ربیع الاول و ۱۴ کانون اول ۱۳۰۰ تاریخنده انقره ده ایراد
اولمشدر.

آخر ظهور خط ایله اولمش خلپذیر
 اول حسن دلفروزکه پرتونشار ایدی
 بلکه اولور وصالک ایله شمدی کامیاب
 سری ده کیم تحسر ایله زار زار ایدی

غزل

فدانسین، نونهال حسن و آنسین آفت جانسین
 کل عاشق، بلبل عاشقدر سکا براوز که جانانسین
 کلوب رقتاره دنیایی پر آشوب ایلدک کتدک
 یمانسین، بی امانسین، شوخ قان، شور دورانسین
 یرک واردر کوکلده، دیده ده کرچه کورنمزسین
 عیان ایچره نهانسین، بربری زاد ملکشانسین
 بنی بزمکده محروم تماشای جمال ایتمه!
 کوکل پروانهوش شمع رخ تابانکه یانسین
 صبا زلف پریشان طوقنسه ای پری! شاه
 اولور پر شرجه دیر «حیفاینه کاکل پریشانسین!»
 عجب خار الم می ایتدی سری کوکلک آزرده
 نیچون بلبل کبی صبح و مسا معتاد افغانسین

نه وار ایلرسه دشمن فتنه دهر ایله استظهار
 سنک کهف الامان حق کبی پشت و پناهک وار
 طیانسون وارسون اعدای کلاک اهل تزویره
 سنک ده التجا کاهک، الهک، پادشاهک وار
 او آهندل نصل عادل کواه ایستر دها یلم
 رخ زردک، قان آغلار کوزلرک، آتشی آهک وار
 اک ادنی پایه سی باق! عرش اعلا دن ده اعلا در
 کوکل دیرلر سرای سینده ده بر تختگاهک وار
 کوکلدن، دیده دن، زردنسه آرتق سری فهم ایتدم
 حریم لی مع الله وارر بر کیزی راهک وار

غزل

اول نگاه نازک عجب دلشکار ایدی
 آهو کوز کده سحر حلال آشکار ایدی
 نور سیاهی نهیدی رخکده؛ دکلدی خال
 دور قمرده بنجه او برفته کار ایدی.
 ایکلر طورردی رهگذر کده بیك اهل درد
 تیغ تغافلکله جهان دلفسکار ایدی
 ناکام ایدی بنم کبی کام دل ایستین
 اغیار نابکار، فقط کامکار ایدی

بو حسابجه مذکور ترتیب جدید مصرفی عموماً مصارف تعشیریہ
 ایچون معین اولان حد نظامیه دن بیلہ یوزده بریحق آزدرد.
 باخصوص اشبو دائمی موظف تحصیلدار لر، اغنام رسومی ده
 تحصیل ایدوب رسوم مذکورده ایچون بشقه تحصیلدار لر
 استخدامنه لزوم قالمایه جقدر. شو حالده اغنام رسومنک تحصیلی
 ایچون هر سنه صرف ایدیان مبالغ دخی کار قاله جغنی خاطره
 قیلندن اوله رق مجرد امره امثالاً عرض اولنور.
 رد و قبولی منوط رأی رزین اصابتقرین جناب نظارت پناهیلریدر
 باقی، ... قسطنمونی فی ۲۰ نیسان ۸۹

غزل

نہ در بواضطراب قلب؟ حمد اولسک رفاہک وار
 وجودک یپرادی رسہک نابجا بالہ کنہاک وار
 نیچون مایوس اولورسک بویله بیجا حالکہ شکر ایت!
 جہانده برسه خصمک بلکہ بیکده خیر خواہک وار
 عدو ممکنیدر باش قالدیرہ پیش جلالکده
 جہانی لرزدہ ناک دہشت ایلر تیر آہک وار
 معین و ناصری طوغریلرک اللہدر شکسز
 اینانمزسہک دیمک عدل خدادہ اشتباہک وار

خارجنده طوطیه جقه سده ، اُمورین حکومتک تحت نظارت
و اداره سنده اولق اوزره قوماندلرینی نه ضبطیه ضابطانه
ویرملی . آنلری استخدام خصوصنده سائر ضبطیه افرادندن
تفریق ائتمه ملیدر .

بروجه بالا اعتراف اولنان نقصانیله برابر خاطره کلن
شو صورتک اصول حاضرده رجحانی ، مجلس اداره و لایحه ده
مصدقدر . هرایکی طرفک معاملاتنی سخته دار ائتمه جک صورتده
محاسبه ولایت واعشار نظارتی معرفتیه یاپیلان ترتیب جدید
پوصله سی لفا تقدیم قلندی .

اشبو پوصله نك ذیلنده کی میزاندن آکلاشدیغنه کوره الیوم
ولایتده مستخدم بالجمله اعشار و اغنام مأمورلرینک مخصصات
سنویه سی برملیون آتی یوز طقسان سکز بیک بشیوز قرق یدی
غروشددر .

شو عرض اولنان ترتیب جدید ایچون تخصیصنه لزوم
کورینان ، بالغ ایسه برملیون آتی یوز اون ایکی بیک یدی یوز
قرق غروشه بالغ اولوب عند الموازنه تخصیصات قدیمه دن
سکسان بش بیک سکز یوز یدی غروش نقصاندر که ولایت
واردات عشریه سنک مقدار مخمن سنویسی بولنان اون سکز
ملیون سکز یوز یکر می یدی بیک غروشک یوزده سکز بیخی
نسبتنده دیمکدر .

اعشار مأمور لرله صرف معاملات تعشیریه ایچون معیتلرنده
قاله جق کاتبارک موسم تعشیرک غیری وقتلرده بوش طور مالری
جائز اوله مایه جغندن اولوقت بونلر دخی معاملات تحصیلده
مأمورین حکومته معاونت ایده بیلورلر.

فقط بونلرک شو معاونتی، فوق العاده برشی دیمک اولوب
مأمورین حکومت، اشبو اعشار مأمورین و کتبه سی ایچون
« خالی وقتلرنده بزه معاونت ایتدیلرده آنکچون ایشمز کپرو
قالدی » دیر لر سه اصلا مستوع و ملتفت اولما ایدر.

برده ایوم موجود و مستخدم اولان عساکر ضبطیه نک
عددی صرف کندولرینه عائد اولان وظیفه یی بیه ایفایه کافی
اولمادیغندن اعشارک تحصیلاتی ایچون مطلقاً آروجه تحصیلدارلر
استخدامی لابد و لازمدر.

آنجق بالاده دخی بالمناسبه عرض و بیان اولندیغی وجهله
تحصیلدارلر، تحصیلدار قیافتده اولدجه اهالی بونلری هیچه
صایه رق بناءً علیه مطلوب کبی ایش کوره مزلر. بو حال، فعلاً
و تجربهً ثابت اولمش بر حقیقه تدرکه انکاری قابل دکلدر.

او جهتله هم اعشار، همده رسوم اغنامی تحصیل ایچون
هر قضانک وسعت و جسامته کوره تعینی الزم اولان تحصیلدارلره
برر مقدار مناسب معاش تخصیص ایدیلرک کندولرینی ضبطیه
زی و قیافته قویمالی. بو معاشری مصارف ضبطیه بودجه سی

سبب ده بودرکه طلب بیوربلان جدولار و قتیله آله میور.
 ایشه اعشار مأمورلرندن وظیفه تحصیل، آئوب حکومت
 مأمورلرینه نقل ایدلیدیکی کی تحصیلاتک معاملات قیدیسی
 دخی بالطبع قضا مال مدیرلریله لوا محاسبه جیلرینه انتقال
 ایدهرک اعشار مأمورلرینک ایشی زیاده سیله خفیله شه جکدر.
 بونک ایچون قضا اعشار مأمورلریله لوا اعشار مدیرلری که
 شمدی قرایی طولاشغه پک آز وقت بوله بیلورلر اول حالده
 گشت و کذاره دها زیاده اختلاس وقت ایده جکدر. بوجهته ارباب
 غیرت و حمیتدن آدملر اولوبده اشبو وظیفه تفتیشی لایقیله ایفا
 ایدرلرسه شمدیکی قدر اختلاسات و سوء استعمالات وقوعه
 میدان ویرمه مش اولورلر.

فقط بو حالده قضا ولوالرده کی اعشار کتبه سنکده ایشلری
 آزالوب مال مدیرلریله محاسبه جیلرک ایسه ذاتاً حددن آشقین
 طاشقین اولان مشاغل حاضره یومیه لری فوق العاده آرته جقدر.
 بونک ایچون الیوم قضالرده موجود و مستخدم اولان اعشار
 باش کاتبلرینی قضا مال مدیرلری رفاقتنه ویرمکله برابر مجدداً
 دها برر کاتب و یروب اعشار اداره لرینه قالان سائر معاملات
 قیودیّه عشریه نی رؤیت و تسویه مأمور ایتلی. لوا مرکز لرنده ده
 اعشار واغنام مدیریتلرنده مستخدم ایکنجی کاتبلرله اوچر یوز
 الیشر غروشلی دها برر کاتب لوا محاسبه قملرینه ویرمیلدر.

شویله که اعشار مأمورلری یالکز تحریر و تعشیر وظیفه سیله
مکلف طوتیله رق امر تحصیل منحصراً و کلیاً ناحیه مدیرلری
وقضا قائم مقاملری ایله لوا متصرفلرینه حواله ایتلیدر .
اعشار مأمورلری اعشاری تحریر ایتدجه بلا تأخیر دفتر -
لرینی تابع اولدقلری حکومت ویرملی و معاملات تحصیلیه اصلا
قارشمالیدر .

اعشار مأمورلری یالکز تعشیر دفترلرینی یاپوب بونلری
قاعدۀ قدیمه سی وجهله اعشار واغنام مأمورلری لوا اعشار
واغنام مدیرلرینه، آنلرده ولایت اعشار واغنام ناظرینه، ناظر
دخی اعشار واغنام امانت بهیه سنه کوندروب تحصیلات واقعۀک
قیود یومیه سنی قضا مال مدیرلریله لوا محاسبه جیلری طوتملی .
هر آی اعشار واغنامه مخصوص تحصیلات جدوللرینی دخی
مال مدیرلریله لوا محاسبه جیلری یاپوب لازم ایسه لوا اعشار
واغنام مدیرلری و ولایت اعشار واغنام ناظری واسطه سیله،
و واسطه یه لزوم یوغیسه ولایتک تحریر ایتله امانت مشارالیه یه
تقدیم ایدله لیدر .

معلومدرکه اعشار مأمورلرینی اک زیاده اشغال واصل وظیفه -
لرینی ده اشکال ایدن شی، معاملات یومیه تحصیلیه قیدلری اولوب
نظارت جلیله لرینی جداً تأمین ایدمیلریم که ایوم بو معاملات،
هیچ بر قضا ده و بلکه لوالرده بیله یوالله و تمامیه جریان ایتیمور .

نقط معلومدرکه بونکده تعمیمی برآز وقته محتاج اولوب
شمدی امر واراده بیورلسه دخی بوسنه ایچون اجرایی قابل
دکدر.

بونکله برابر خزینۀ جلیله، ارکچ شواصول محاسن شمولی
قبول و تعمیم بیوره جغنده اصلاً اشتباه یوقدر؛ چونکه بوندن
بسیط، بوندن مفید بر اصول اداره ممکن و متصور اوله ماز.
باخصوص قسطنمونی ولایتک هر طرفی بو اصول مضبوطه نک
اجرا سنه مستعد و مساعددر.

بو حالده تعشیر مصارفندن دخی خزینۀ دولت سنوی کلیتو
بر مبالغ استفاده ایش و مأمورین حکومتک بلکه پوزده آلتش
درجه سنده مشاغل حاضرده سی آزاله رق آنلرده سار ایشلرده ده
ای باقغه وقت بولش اولورکه بوده جداً نظر دقت و اعتنایه آنغه
شایاندر.

واقعا بوجه آتی ده بر صورت متبادر خاطر اولیور؛ لکن
بوده یالکز تحمیل وظیفه سنی منحصراً مأمورین حکومته تحمیل
ایدرك اعشارك معاملات تحصیلیه سنجه اصول حاضرده موجود
اولان تشتت اداره نی منعندن بشقه برشیئۀ خدمت ایده مز.

مقصود اصلی ایسه امر تعشیرده کی سوء استعمالیده منع ایتکدر.
مع مافیه هیچ دکله بو صورتک قبولی تقدیرنده جایت اعشار ماده
معتنایه اولسون فی الجمله تأمین و توشیق ایدلمش اولور.

ایشی، اون دفعه ده اون معشر ویا تحصیلدار کوره مز. اکثر خاتم مز. جاهلدر. نصلسه ضبطیه قیافتده اولنلرده بشقه بر نفوذ و مهابت گوردکلری ایچونمی؛ نهدن ایسه ضبطیه لره انقیاده تحصیلدارلردن زیاده در. تحصیلاتک اسباب مانعه سندن بریده بودر دنیله بیلور. تحصیلدارلر یانلرینه ضبطیه آمادجه چوق دفعه بر ایش گورده ماملری دخی افاده عاجزانه مک صدقه دلیدر.

آنکچون تحصیلدارلری ضبطیه لردن فرقسز برزی وقیافته قویمادجه تحصیلدارلردن ضبطیه لر قدر استفاده غیر ممکن کبی در. تفصیلات مبسوطه تحریرات علیه نظارت پناهیلرند مجوٹ عنها اولان صورت متصوره ثانیه نک دخی حصول مقصدی تأمینہ عدم کفایتی ایچون دلیل دیگر ایرادینه حاجت بر اقامشدر. بناءً علیه بوباده بر شق ثالث دوشونمک لازم کلوب لدی التذکر اسلم طریق اولمق اوزره ولایت اعشار و اغنام نظارت نک مذکره ملفوفه سنده کوستریلن مقطوع صورتی خاطر لره تبادر ایتمشدر.

اعشار حاصلات نک بدله تحویله اراضی اوزرینه طرح و توزیعی صورت نک که اوچ سنه دنبرو نفس قسطمونی قضا سنده نمونه اتخاذ ایدلمشدر. حسن اداره به مقارنتی شرطیه کرک منع سوء استعمالات، کرک سرعت تحصیلاتجه صور تعشیریه نک کافه سنه رجحانی فعلاً و ماده ثابتدر.

بناءً علیه مأمورین عشریه — که وظیفه تحصیل ایله ده مکلفدرلر — قائمقاملر، متصرفلر و کبی مأمورین حکومتک معیتلری دیمکدر. علی الاکثر تحصیله متعلق ایشلرینی منحصرأ مأمورین حکومته کورددرمک ایستدکلرندن بالطبع آرهلرنده بینونت واختلاف حاصل اولیور.

مأمورین حکومته صورلدجه اعشار مأمورلرینه واعشار مأمورلری صیقشدجه ده مأمورین حکومته عطف قصور ایدرلر. شو صورتله هر ایکی طرفده کندولرینی بحق معذور کوسترمکه چالشدقلرندن صکره ایشی براقوبده بونلردن هانکی طرفک شایان مؤاخذه اولدیغنی تدقیق و تحقیق ایله اوغراشتق لازم کلییور. ایشته ظن عاجزانه حجه اشبوتشتت اداره، پک چوق ایشلری سکتهدار ایدیور. اوسبیدن ناشی حکومتک معاونت فعلیه سندن بالکلیه استغنا قابل اولمایان اموردده توحید اداره، مطلق الوجوب حکمنده در.

زیرا نظارت مشترکه تحتده اولان مأمورین ایله سائرلری آرهدندن شوتضاد افکاری قالدیرمغه حکم قانوندن زیاده حسن اخلاق لازمدر. بوده هر قوله میسر دکلددر. سوزک طوغریسی بودر.

شوراسی ده وارکه اهالیز، اوله معشر تحصیلدار سوزیه پکده قولاق آسماز. بردفعه ده بر ضبطیه نفرینک کوره بیله جکی

ایمدی ادارهٔ اعشارک روحی بومقوله جزئی معاشلی کوچک
 مأمورلرک النده اولدجه اولا امر تعشیری سوء استعمالدن و حقوق
 صحیحہ خزینہنی ایادی کتم واختلاسدن قورتارمق اصلاً قابل
 اوله ماز .

نتہکم : بونجه سنهلردن برو بونجه ولایتلرده جریان ایدن
 معاملات، اشبو افادهٔ عاجزانه مک صدق و صحتته دلالت ایدر.
 ثانیاً شمدیکی حالده تحصیل وظیفه سیاه مکلف طوتیلان
 معشر و محررلر، بووظیفهنی ایفا ایدیورلر ظن اولنورسه اوده
 طوغری دکلدر .

چونکه آنلر بووظیفهنی ایفا ایتسهلر و یاخود ایده بیلسهلر
 و مافوقلرنده کی مأمورین عشریه دخی شو وظیفهنی تماماً ایفا
 ایتدیرمکه چالشه لردی هریرده نقدی وعینی حاصلات عشریه دن
 بو قدر بقایا قالمزدی .

محقق بیلنملی درکه کوچک بیوک مأمورین عشریه دن هیچ
 بریسی عادتاً کندوسنی وظیفهٔ تحصیل ایله مکلف بیله طانیماور .
 واقعا مأمورین مومی الهم بووظیفه لرینی انکار ایتیمورلر سده
 هیچ بریسنک او وظیفهنی تمامیه ایفا ایتدیکي کوریه میور .

بدیهیدرکه حکومتک معاونت فعلیه سی منضم اولمادجه بومثللو
 استعمال نفوذ وقوته محتاج اولان ایشلردن هیچ بریسی تمشیت
 پذیر حصول اوله ماز .

آنچون اول باول تعشير و تحريردہ وقوع بولان سوء استعمالی منع ايله خزینہ جليلہ نك حقوق مشروعه سنی ايدی كتم واختلاسدن قورتارمغه برچاره آرامق لازم كلوركه بوحالده تحصيل ماده سی ايكنجی درجه ده قالور.

زیرا کوریلورکه معشر و محررلرک آرد صره میدانہ چیقابیلان سوء استعماللرینی تحقیق ايله محاکمه لرینی اجرائیه مأمورین و مجالس موجوده، عادتاً وقت یتشدیرد مدیکندن اکثراً ایشلری اوزایوب کیدیور.

سوء استعماللری میدانہ چیقمیانلرک دخی یاپدقلری یانلرنده قالور. آردده ایسه هم ضغای اهالی وهم خزینہ دولت متضرر اوله رق اعشارک اصول اداره حاضرده سی یالکز بعض مرتکب کوچک مأمورلرک ایشنه یرایور.

ایشته بوبداهت درجه سنده بر حقیقتدرکه انکاری غیر قابل فقط اصول حاضرده نك بقاسی تقدیرنده اصلاحی ده مشکلدر. زیرا کرک شدیکی کبی موقت اولسون کرک اشبو تحریرات دولتلرنده کوستریلان صورت ثانیه ده کی کبی دائمی اولسون استخدامنه لزوم کورینان جزئی معاشلی یوزلرجه معشر و محررلرک هیچ بریسی ارتکابه میل ایتمز وطریق غیر مشروعه کیتز دیه کیسه تأمین ایدمهز.

حالبوکه اصل روح اداره، بونلرک یدنده در.

اولدینی بیان بیوریلان ایکی صورتدین برنجیسی که : بعدما معشر و محررلر، عینی و نقدی اعشارک تحصیل و وظیفه سیله مکلف طو تلیوب و وظیفه لرینی یالکز محصولاتک اصلنی و عشرینی ثبت ایدرک دفترلرینی بلا تأخیر اعشار اداره لرینه اعطایه حصر ایله اشبو دفترلر موجدیجه تحصیلات ایتمک ایچون هر قضایه عدد قراسیله دأره سنک وسعت و جسامتنه کوره اعشار و اغنام رسومی تحصیلات عینیه و نقدیه سندن یوزده مناسب مقدار عائدات ویرمک اوزره لزومی قدر سواری تحصیلدارلری تعیین اولغاسی صورتیدر. بادی نظرده تسریع تحصیلدن عبارت اولان مقصدک حصولنی تأمین کفایت ایدرکی کورینورسده ده تجارب فعلیه، بو صورتکده مقصد اصلینک حصولنه عدم کفایتی اثبات ایدر. چونکه اعشار اداره سی باشلوجه ایکی درلو سوء استعماله اوغرایور.

اولا : معشر و محررلر، حاصلاتی طوغری تعشیر و تحریر ایتيورلر؛ صکرده ده تحصیلاتنه اعتنا ایتیب عشرک ایفاسنی زراعتک ید اختیارینه براقیورلر، و قتیله آرامیورلر. اهالی ده همان علی الاکثر فقرا اولدیغندن یدلرنده کی ذخیره یی آز مدت ظرفنده صرف واستهلاک ایدیورلر. حتی دکل یدلرنده قالان عشری تماماً ویره. بیلسونلر، بالاخره آج و محتاج اولدقلرندن بحثله دأماً حکومتدن استعانه ایدرک ذخیره مستحصله نکده برقتنی تعویضاً آلیورلر.

کیسه لره، چاکر کمینه لرینک بو دفعه مصالح اسکانیه واصلاحات
انضباطیه ایله امور تحصیلیه باقمق ایچون ولایت اسکان مهاجرین
مأموری واعشار مفتشی و محریر میزی افندیار بنده لرینی استصحاباً
بعض ملحقات ولایتی دوره چیقده یغمی متعاقب مذکور اصول
متخذة سالمه یی اخلال ایچون فصل تشبثات مفسد تکارانده
بولندقلری و پک غریب اوله رق بو ایشده . . . مأمور لرندن دخی
بعضلرینک ایشه قاریشه سندن نه کونه استفادیه قالدقلری
وبرده اصول سالمه مذکور دنک تفصیلاتی، صورتلری لفاً عرض
وتقدیم قلنان اوراق مطالعه سندن بالاطراف محاط علم کائنات
شمول جناب نظارت پناهیلری بیوریلور باقی.

فی ۱۶ تشرین اول سنه ۱۲۹۵

عریضه

واردات عشریه نك تأمین حسن اداره سی حقنדה استفسار
مطالعه یی حاوی تسطیر بیوریلان فی ۲۴ مارت سنه ۹۸ تاریخ
و ۵۱ نومرولی تحریرات علیه جناب نظارت پناهیلری وبالحواله
ولایت اعشار واغنام نظارت سندن ویریان مذکوره، مجلس اداره
ولایتده مطالعه اولندی.

اشبو تحریرات علیه ده اعشار واغنام امانت بهیه سنجه متصور

والجائات موقعه ایله متناسب و حال و مصلحت و قانون دولته موافق و مناسب بر صورت اداره قرارلشدیریلوب موجب جنبه قله آلتان قرارنامه نك بر نسخه سیینه نظارت مشارالیهایه تقدیم ایدلدی. صورت مقررده، اورانك ده تحت تصویب و تصدیقنه آلدیرلدقدن صکره کیفیت هم اداره ایچون انتخاب و تعیین اولنان مأمورلرده، همده مطبوع ورقه لرله و وسائط سائر ایله عموم اهالی قریه اعلان و تفهیم قلندی.

تعریفنامه مذکورك مندرجاتی بوبابده مؤسس اولان نظامات سینهیه موافق و خزینة جلیله نك ده، اهالینك ده حقوق مشروعه. لرینی کافل اولقله برابر بو صورتده هم تعشیر هم تحصیل ایشلرینك ایکسیدده بردن اجرا قلنش اوله جغندن طقسان سنه سندن بری حالا سورینوب کیدن بقایا کی اهالی ذمتده جبه واحد قالمه جغه هرکسجه امنیت و هله حققرینه راضی اولان اهالیچه بو قراردن طولانی صحیحاً فوق الغایه ممنونیت و محظوظیت حاصل اولمشیدی. بوکاده، نفس طربزونه مربوط بر ایکی ناحیه دن بشقه طربزون سنجاغك هرجهتده بواصول معدلت شمول مظهرکال حسن قبول اولوب موجب جنبه امرتعشیرك صورتیاب حصول اولماسی دلیل کافیدر.

حالبویه ایکن منافع شخصیهرلرینی شرعاً و عقلاً و تجربه مضررتی ثابت اولان تخمین مجرد اصولنك دوامنده آرایان بعض

بیان ایتدیکم وجهله اشبواصول مضره نك ثمره سیئه سی اوله رق تاریخ مذکوره ده کچن سنه لر اعشار مالندن اهالی ذمتده اون درت ملیون کسور غروش نقد ایله درت بش یوز بیك کیل آستانه و آلتی یدی یوز بیك قیه ذخیره و حبوبات متنوعه وار ایدی که زمان چا کرانه مده وقوعبولان اقدامات فوق العاده ایله بقایای مذکوره نك چوغنی تحصیل اولندی.

ایشته چا کرکینه لری، طرزونه مواصلته برابر صحیحاً موجب حیف واسف اولان شو حالده واقف اولوب تاریخی کوستریان عریضه مذکوره مدن اول و صکره دخی متعدد عریضه وتلغرافلره وبرکرده مجلس اداره ولایت مضبطه سیله ذخیره عشریه دن خیلینک نظامیه آنباریله دردنجی اردوی هایون مرتباته و ماعداسنک فروختیه اثمان حاصله سنک ینه تخصیصات عسکریه حوالاته و باخصوص مالیه خزینه جلیله سنک بعض مستقرضانه قارشولق طوتلدیغی امری آلدی. چونکه اسکی اداره کبی اداره اولنورسه بونلردن هیچ برینک تمامیه اجرایی یعنی حقوق عشریه و قتیله دسترس اولنه میه جنی جهته کما هو المطلوب عیناً ذخیره اعطاسی ده حوالات مهمه مذکوره نك تسویه و ایفاسی ده قابل اوله میه جقدی. بونک ایچون ولایت اعشار مفتشی عزتواحمد مختار افندی دخی حاضر اولدیغی حالده مجلس اداره ولایتجه عریض و عمیق تذکر و تدقیقندن صکره ایجابات

دیه‌رک و یا کویه وارد قلمروند بر قاج کشی طوپلایوب هر کسک
نقدر محصولی اولدیغنی آنردن تحقیق و یا خود محصولک موضوع
اولدیغنی محالری کشف ایدیه‌رک بویله بر تخمین عادی ایله اکتفا
ایدر کیدرلردی.

بوکشف و تخمین معامله‌سی دخی خیلی زمان سورده‌رک
اعشار مأمورلری یا به‌جق‌لری دفترلری، حتی سنه‌سی ایچنده
یا یوب حکومت محلیه ویره مزلردی.

سکرده حکومت مأمورلری بو دفترلر موجب‌جه خلقدن
حقوق عشریه‌یی طوپلامغه باشلار سده چونکه بو حوالیده
ذخیره‌ذاتاً قیمتلیجه اولدیغندن مأمورلر عشری آراینجه قدر فقرای
اهالی النده، آووجنده نه وارسه یا یمیش و یا صاتمیش بولنوردی.
بناءً علیه سنه‌دن سنه‌یه وارذات عشریه‌دن اهالی ذمتده
اداسی مشکل بر چوق بقایا تراکم ایدر قالیردی.

سکره اهالی مرقومه ذخیره عشریه‌یی عیناً اوده‌م‌کدن
صحیحاً اظهار عجز ایله سنه‌سی کچدکدن سکره آتی بدل تحویله،
حکومتی مجبور ایدر.

ذخیره مذکوره بر کره بدله تحویل اولندی می؛ آرتق سنین
سابقه بقایاسی صره‌سنه کچیه‌رک اونودولور کیدردی.

شویله که: فی ۱ مایس سنه ۹۵ تاریخیه مورخاً مالیه
نظارت جلیله‌سنه تقدیم ایتیش اولدیغ عریضه مفصله‌ده دخی

قوننامسی نهدن نشأت ایلدیکی امرنامه ریاستپناهیلرنده محرر
اسئه جمله سندنذر. ایددی بوراسی رفاقت عاجزانه مله صامسونه
کلن عزتلو دفتردار افندیدن صورلدقده « سبینی بیله مم؛ فقط
اراده سی استحصال اولنماش اولدیغیچون سلفلرم موازنه یه
ادخال اتمه مش اولدقلرینی محاسبه قلمی افندیلری سولیلوردی »
جوابی ویرمشد. باقی . . .

۲۸ مارت سنه ۹۹

صامسون

عریضه

طربزون ولایتک واردات عشریه سی کچن طقسان و طقسان
اوج ودرت سنه لری دخی بوسنه کی کبی امانه اداره اولنمشیدی.
آنحق بواداره، ولایات سائرده معروف اولان واعشار
تعلیماتنده کوستریلن صور تعشیره دن هیچ برینه ممائل و مشابه
اولمایوب اوپله بام بشقه بر صورت اداره ایدی که بواداره مطلقا
بیا زراعت ضررینی، یاخود خزینه حلیله نک خسارینی مؤدی
ایدوکندن اولامشروع دکلدی. ثانیاً: امر تحصیلی تصعب ایدز
وبلکه درجه استحاله یه واردیرردی.

چونکه موسم تعشیرک حلولنده تعیین اولنان تخمیلر اکثریا
محصولات ترلادن قالدقدن صکره یا اوسنه اککش اولان
ترلارک باشنه کیدوب « بوتولاده شو قدر شی حاصل اولدی »

اورایه مخصوص یکی بر یول کشادلی بخته کلنجه اولاً :
 محققدرکه ناحیه مذکوره اهالیسی خوپه ساحلنه اینه بیلک
 ایچون یالکز باشلرینه یکرمی بو قدر ساعتک بر یول کشادینه
 مقتدر اوله مازلر.

ثانیاً : مقتدر اوله بیلسلر بیله داخلیه نظارت جلیله سندن
 شرفوارد اولوب صورت مخرجه سی لفاً تقدیم قلنان ۱۴ شباط
 ۹۸ تاریخلو تحزیرات علیه ده مصرح اولدینی وجهله حدوددن
 یکرمی بو قدر ساعت بروده واقع ریزه ساحلندن بیله داخله
 بویله اوزونجه بر یول دکل، حتی قریه لر بینده یاسیله جق طرق
 خصوصیه عادیه نك دخی آناتولی استحکامات قومیسو نیله قبل
 الحابره آچلامسی مقررات باب عالیدن در. بوجهتله حدود باشنده
 اولان خوپه دن ینه داخله کی حدوده منتهی اولق اوزره بویله
 بر یولک کشادی جهت عسکریه دن قطعاً تجویز بیورلماز.

ثالثاً : وقف ناحیه سنک اوتیه طرفنده واقع و ارضروم
 ولایتیه تابع اسپر قضاسی ناحیه مذکوره یه پک قریب ویولی ده
 دوزدر. بناءً علیه موقعاً اورایه مناسبت تامه سی درکار
 ایکن مجرد بر قاج کیسه نك خاطر یچون تکلیفات عظیمه اختیار یله
 ساحلندن داخله یول آچمقده برکونه محسنات تصور ایده میورم.
 ناحیه مذکوره درت سنه مقدم تشکیل قلندینی و معاشات
 و مصارفاتی محلنجه تسویه اولدینی حالده شمده یه قدر موازنه لره

حقیقتی میدانه قویان قلدرکه بوقلمك بیانانده اصلاً ماینت
یوقدر. ماینت واقعه تحقیقسنز، تأملسنز وحتی نتیجهسنز اوله رق
برطاقم اشعارات بیروده ایله اذهان عالیہنی تغلیط ایدن قلدرکه
بونكده مسئولیتی صاحبنه راجعدر.

کچن سنه جواباً شرفستایر بیورلمش اولان فی ۴ جمادی
الآخر سنه ۹۹ تاریخلو امرنامه اصفانه لری دخی یالکز لازستان
متصرفلغنه تبلیغ ایدیلوب بوبابده ارضروم ولایتله اصلاً مخابره
ایلمدیکی طربزونه مواصلت چاکرانه مدن صکره بالمناسبه اجرا
ایدیان تحقیقاتدن آکلاشلشدرد. بناءً علیه درحال لازستان
متصرفلغندن تأکیداً استعلام اولندیکی کبی ارضروم ولایتكده
بوبابده کی رأی ومطالعہ سی استفسار اوله رق مذکور متصرفلغندن
کلن جواب، لفاً تقدیم قلندی.

ارضروم ولایتی دخی ایجاب ایدن لرله مخابره ایتکده اولدیغندن
نتیجہ سی یاقینده بیلدی ره جکنی جواباً بانلغراف اشعار اینشدر.
لازستان متصرفلغنك مذکور جوابنامه ملفوفنده ده آلتی
اوسته بکزه مز برعجابلك مشاهده بیوریله جقدرد.

مع مافیه رأی قاصرانه مه قاورسه بوبابده نه ارضروم
ولایتله مخابره حجت واردرد، نه ده تحقیق ایچون طرفیندن
مأمورکوندرمك لازمدر. چونکه صیفاً وشتاء ناحیه مذکوریه
گیدوب کله جك یول اولمادیکی معلومدر.

شو تفصیلاتدن مستبان اوله جنی وجهله ناحیه مذکورہنک اداره سنجه بر طاقم مشکلات اولدینی حالدہ لازستان سنجاغندہ ابقای مربوطیتی، مجرد تحدید حدوددن صکرہ ناحیہ ایله مرکز لوا اولان ریزہ آرسندہ طرق موصلہ قالدینی بیلنہ مه مسندن واول وقت والی بولنان ذات طرفدن بالتحقیق بیلدیرلمه مسندن نشأت ایتش اوله جغندہ شہہ یوقدر.

مؤخرأ تحویل ارتباطی خصوصنک عرض وانهاسی دخی برمنوال مشروح طرف عاجزیدن اجرا قلزان تحقیقات ایله تبیین ایدن مشکلات معروضہ یه مستنددر.

دها صکرہ مربوطیت اصلیه سنک ابقاسی حقندہ ساف عاجزی زمانندن وقوع بولان انہایه کلنجہ: بودہ ناحیہ مذکورہنک هیچ بر قید ونظارت تحتندہ اولیہ رق صورت مستقلہ ده کی اداره اولتما سندن مستفید اولان بعض ارباب مرامک افادات ومستدعیات واقعہ لری معلل بالاغراض ایدوکنی آکلامامقدہ وایجاب حال ومصلحتی دوشونہ مه مکدن ایلرو کلش اوله جنی ظن اولنور.

برده «بو حاللر» بو مرکزدن بیلدیرلمکده وبرقلدن کچمکده اولدینی حالدہ بومباینک وقوعنه سبب نہدر» دیوحقلی برسؤال ایراد بیورلمشدر.

واقعا بو حاللری بیلدیرن مرکز برایسہ ده قلم بردکلدر. اول امرده حقیقت حالی عرض وتصویر ایدن قلم، شمدیدہ او

معاملات جاریه محلیه به بالطبع مرکز لوا مطلع اوله ماز.
 حتی ناحیه مذکوره اهالیسندن کامل آغا نامنده بریسی،
 اون بش قدر حیدوده رئیس اوله رق دایما تجاوز حدود ایله
 روسیه لولرد ایقاع مظالم و تعدیاته جرأت ایلدیکندن بونلرک
 منع و تأدینی، طربزونده مقیم روسیه قونسلوسی ولایتدن
 التماس ایتش و اشخاص مرقومه نك اشبو حرکات شقاوتکارانه لری
 ارضروم قوماندانانغدن دخی بالاستخبار کذلک ولایتیه معلومات
 ویرلمشدر. روسیه سفارتی ده تجاوزات واقعه دن طولانی باب عالییه
 شکایت ایدوب خارجیه نظارت جلیله سندن بو بایده اول و اخر
 مؤکد امر لر کیش اولمغله موجبجه لازستان متصرفلغنه اجرا
 قلنان تبلیغات اوزرینه بالتحقیق تین ایده جک حاله کوره
 ایجابنک اجرا سچون بوکرده ینه باطوم طریقیه وقفه برضبطیه
 ضابطی اعزام اولنه جنی متصرفلقدن جواباً بیلدیرلمشدرکه بو
 دخی ناحیه مذکور دنک اداره سنجه درکار اولان مشکلاتک
 درجه سنی تعینه کفایت ایدر.

چونکه اشقیانک در دستي ایچون مرکز لوادن عسکر سوقه
 لزوم کورنسه، بونلرده باطوم طریقیه کیتک و طوطیه جق اشقیای
 دخی ینه باطوم طریقیه کتورلمک لازم کلورکه بویله بر قوه
 مسلحه نك حدود ایچندن کلوب کچمسنه روسیه حکومتک هیچ
 بروقت مساعدده ایتیه جکی وایتسه بیله بو صورتک محذوردن
 سالم اوله میه جنی بدیدر.

بولندینی مرکز لوایه بعد مسافه سی قرق بوقدر ساعتدر. بونکله برابر لازستانک هیچ برجهتدن ناحیه مذکوره یه کیدر پیاده یولی بیله یوقدر. موسم صیفده یالکز اوچ درت آی قدر خوپه قضا سندن دره تپه آشهرق پیاده آدم لر ناحیه مذکوره یه کیدوب کله بیلورسده سنه نك باقی سکر آینده اوجهدندن ده هیچ بر وجهه مرور و عبور قابل دکلدر.

بناءً علیه باطومده کی دولت علیه شهیندر خانه سی واسطه سیله روسیه حکومتدن استحصال ایدملکده اولان برر آیلق موقت مرور تذکره سیله برضبطیه من سلاحسز اوله رق روسیه یه متروک محالیر ایچندن کچوب متصرف لوا ایله ناحیه مدیرینک اوراق مخبره سنی نقل و ایصال ایدر.

متصرف فاقله مدیرلک آره سینده بولنان بشقه واسطه مخبره مفقود اولوب اموال محلیه تحصیلاتک و باخصرص محاکمه سی لازم کلن ارباب جرم و جنایتک مرکز لوایه جایی متعذر در. بناءً علیه تحصیلات واقعه یی علی الاکثر اورانه بولندیریلان وارضروم قوماندانانغه تابع اولان عساکر شاهانه آیلورسده ظن چا کرانه مه کوره شمعی یه قدر دردستجه بر حسابی بیله گوریله بیلدی کی یوقدر.

چونکه برمنوال معروض اورایه کیدوب کلمک، مطابقا روسیه حدودی ایچندن کچمه که متوقف و بود، کلنتی موجب ایدو کندن

مخابرات جاریه سابقه‌دن معلوم اولمش اوله جنی وجهله
اشبو امرنامه‌ده موضوع بحث اولان وقف ناحیه‌سی لیوانه
قضاسنه مربوط ایکن تحدید حدود صره‌سنده بزم طرفده قالان
قرای معلومه‌دن متشکل درکه مقدم‌لری طوغریدن طوغری‌یه
قضای مذکور قائم‌مقام‌لری طرفندن اداره اولنوردی.

مؤخرأ بوکویار بزم طرفده وقضانک دیکر قسم کلیسیله
مرکزی اولان آراتوین قصبه‌سی، روسیه‌لو جانبنده‌قالنجه لازستان
سنجاغی‌نک اقسام باقیه‌سندن تفریق ایدلمه‌رک ینه لازستان
سنجاغی نامیله تشکیل ایدیلن لوایه مربوطیت قدیمه‌سی ابقا
اولندی. وفی ۲۲ کانون‌ثانی‌سنه ۹۴ تاریخنده باتاغراقامه‌سامی
ویریلان امر اوزرینه اورایه مدیر ومأمورین لازمه‌سائر
تعین قلندی.

ایشته ناحیه مذکوره بو صورتله تشکل ایده‌رک متعاقبأ
چاکرلری طربزون ولایتنه مأمور اولوب کلدکدن بر مدت
صکرده دور طریقیه لازستان سنجاغنه کیدوب اداره سنجه اولان
مشکلاتی بالذات تحقیق ایلدیکمدن ارضروم ولایتنه تحویل
مربوطیتی لزومنی عرض ایتشدم.

چونکه معروضات مقدمه‌ بندکانه‌مده کورلمش اوله جنی
وجهله ناحیه مذکوره ارضروم ولایتیه لازستان سنجاغی فصل
ایدن سلسله جبالک اوته طرفنده واقع اولوب الیوم مربوط

واشبو تحریر اتمزك لدى الحاجه افندی مومی الیهمایه ارانه سیله برابر
مجلس اداره ولایتده و صکره طوپلانه جق اولان مجلس عمومیده
علناً قرائتی خصوصنه هم فی ۷ نیشان سنه ۹۹

غزل

چیق ایله عرض دیدار، باغ آب و تاب کورسون
چشم سپهر دوار، بر آفتاب کورسون
ایشته خیال جانان، چشمده منطبع در
بهزاد مجز آثار، نقش بر آب کورسون
بینی دکل، الفدر؛ اوستده مد در ابرو
مصحفی روی دلدار؛ عالم کتاب کورسون
قالدر رسوم نازی، معناد ایدین نیازی
دنیاده یار واغیار، بر انقلاب کورسون
هیچ طورمه سری ایله! سوز درونی تشریح
عمرنده رند میخوار، لخت کباب کورسون

عریضه

شورای دولت داخله دأر دسی قرار یله شرفستایر بیوریلان
فی ۱۵ مارت سنه ۹۹ تاریخ وبر نومرولو امرنامه عالی جناب
ریاستنهایری هامه پیرای تعظیم اولدی.

اولدیغ حالده اولوقت اسلامی، خرستیانی عموماً «ایسترز» دیسونلر وکندی رضای اختیاریلرله قلمه آلدقلر مضبطه لری مهرله سونلرده صکرده بویله برشیلر ظهور ایدنجه تکرار آنلرک آرای صابئه لرینه مراجعت ایتمه رک مقررات سابقه نك خودبخود فسحنی طرفنه کتمک نصل مناسب اوله بیلور؛ چونکه بومثللو امور عامه ایچون هیچ بروقت، هیچ بریرده احاد ناسه مراجعت اولماز. دایما اصحاب رأیدن اولان اشراف ومعتبران مملکته مراجعت اولنور. باخصوص که شو مجلس عمومی بی تشکیل ایدن ذواتدن بر چوغی بالاده سویلنلرکی وجهله اهالی مملکتک ذاتاً منتخبلی اولوب بومثللو امور عامه ایچون اهالی طرفندنه بر نوع وکالتی حاز ایدیلر.

بناءً علیه تکرار مجلس عمومی مذکور هیئت محترمه سنی جلب ایله بالاستشاره آنلرکده رأیلری منضم اولدقجه مقررات سابقه نك فسحنی جائز ومناسب اوله ماز. شوقدروارکه روم وارمنی ملتلی نامنه ویریلن ورقه لری امضا ایدنلر ایچنده مقدما مجلس عمومینکده قرارینی امضا ایتیش کیسه لر وار ایسه اولوقت ایشک رنکی دکی شیر. بونک ایچون اول امرده مذکور ورقه لک اصللری ویاخود او ورقه لری امضا ایتیش اولنلرک اسامیسنی مبین پوصله سی حرمتلو متروپولید و مرخصه افندیلردن رسماً ایستیله رک و آله رق بعده اجرای ایجابی ضمنده کیفیتک طرف عاجزی به اشعاری

بنده کرده «سز طالب اولورسه کز بن ده آییرم؛ فقط سز طالب
 «اولدجه بن آییرم. زیرا بائیکز حکومت، معارف ضرر صنده
 «رضی ضرر تباندی مسلمانلردن ابری طریز دربار.» جوابی
 ویردم. بونک اوزرینه: «ایله ایسه حرمتلو مرخصه افندی
 «ایله کوروشه یم ده ینه ویره جگمز قراری سزه خبر ویرم»
 یولنده اداره کلام ایدوب کیتش ایدی. آندن صکره بردها
 کندوسیه مکتبه دار سوز اولدی.

ایشته مکتب حقنده شمعی به قدر جریان ایدن مذاکرات
 ومباحثات بوندن عبارتدر. بنده کز سایه احسانوایه حضرت
 ولی النعمده ایچنده متعیش اولدیغ مملکته الیدن کلدیکی مرتبه
 برخدمت ایتک ایستدم. لکن مادامکه اهالی بو خدمتی تقدیر
 ایتیمور و تقدیر ایتدکدن بشقه کویا حکومت، کیسه به دانشقسنزین
 خود بخود ویردیکی برقرار ایله ظم ایدیور کبی بر صورتده تلقی
 ایلور بنده کرده قرار واقعی فسخده اصلاً تردد ایتام. یالکر مجلس
 عمومینک برنجی وایکنجی اجتماعلرنده «بر رأی مخالف اولورسه
 «بنده بوتصوردن واز کچرم. یاپه جغمز ایشی اتفاق آرا ایله یامق
 «ایسترم. اکثریت آرایه اعتبار ایتام؛ زیرا اقلیتده قاله حق مخالفلر
 «مطلقا کندی رأیلرینی یوروتمک ایچون صکره بویله محضرلر،
 «ورقه لر یاپدیرمغه قالیقشورلر. بوا یسه ای برشی دکلدرد. عموماً
 «ایسترسه کز بویله بر مکتب یاپم. ایسته مزسه کز یاپیم» دیمش

«کوره روملردن بعضیلرینک اساس اعتراضی اتمکه دکل، مکتبک
 «عمومی اولمسنده ایمش؛ یعنی روملر چوجقلرینی اسلامارله برلکده
 «مکتبه کوندرمک ایسته میورلر مش ده بوسوزلر هپ بوندن تولد
 «ایدیورمش. مقصود بو ایسه آچیقدن سویله نلی ایدی. اول
 «حالدده نفوس موجوده نك مقدارى نسبتده عادات مقرر ددن
 «روملرک حصه سی تفریق ایدیله بیلوردی ده بولقر دیلرده حاجت
 «قالمازدی! فقط حکومت، مذهب و ملت تفریق ایتیه رك بالجمله
 «اولاد وطنه بر نظر ابوتله باقدیغیچون بن بادی امرده شایه اتی
 «تقسیم ایسه لم ده، هر ملت ایچونه آیری آیری مکتب بایلم دیه من
 «ایدم.» جوانی ویردم.

بویولده برچوق مداوله افکار اولندقدن صکره متره پولید
 افندی: «اگر سزک ابتدادن بوکا موافقت ایده جککزی بیلش
 «اولیدم بولقر دیلرک بریسه میدان ویرمزدم؛ چونکه طربزونده
 «بولنان روم مکتبی (لیسه) مقامنده اولوب مکتب سلطانیدن
 «آشاغی دکلدر. بلکه آندن ده ایلری در. بو مکتبدن چیقان
 «چوجقلر (آقاده می) دن بشقه یره کیده مز. شوقدرکه روملرکده،
 «ارمنیلرکده دها برقیز مکتبته احتیاج شیدیلری واردر. اگر
 «اتمک عاداتندن بزم حصه مزه اصابت ایدن مبالغی تفریق واعطا
 «ایدرسه کز بن ده روملرک (لرکی) دیدکلری بناسنی آلوب در حال
 «برقیز مکتبته محویل. ایلرم» دیمش.

اولدیغنی و کندولری مکتب کیرک علیهنده دکل ، بلکه لهنده اولوب اولجه ویردکلی قراردن دونیه جکلرینی رقت انکیز بر لسان ایله یمین ایدهرک سویلدیلر .

بنده کرده «واقعا بویله برسوز ایشتم و تعجبه ایتدم؛ چونکه «مکتبک کشادنن فائده مند اوله جق اولنلر سزک اولادکدر . «بنم نفسه عائد بر فائده سی یوقدر . مادامکه ایسته میه جکدیکز اشنای «مذکرده سویلی ایدیکز . ایشه متفقاً قرار ویرلدکن و رسماً «اعلان ایله برابر اجرا آنده مباشرت اولندقدن صکره ال آلتدن «بویله محضرلر ترتیب ایتک حقیقه عیشر؛ فقط مادامکه سز ، «بزم بو محضر ایشنده مدخل و معلوماتمز یوقدر دیورسکر بنده «ایناندم . ذاتاً سزدن بویله بر مناسبتسزک مأمول ایتهم» دیدم . بر آراق حرمتلو متروپولید افسدی نزد عاجزی یه کله رک بعض آفاقی مصاحبه دن صکره سوز مکتبه انتقال ایلدی .

شویله که :

اولا : اتمکک فیئانه ضم ایدیلن ایکی پاره ، فقرایه آغر کلیور . مکتبک عائدات لازمه سی املاک ویرکوسنه ویاخود بشقه برشیئه ضم اولنسه دهاکوزل اولور کچی برسوز سویلدی . بنده کرده «املاک ویرکوسنه ویاخود بشقه برشیئه ضم قابل «دکدر . بونکله برابر اتمک ضم ایدیلن ایکی پاره چوق برشی «اولمایوب عاداتا حس اولنماز درجه ده برشیدر . بنم مستوعاته

صورتده و مقداری حدکفایه‌ده‌در. بونکله برابر استیفاسنک کمال
یسر و سهولتی جمله طرفندن تصدیق اولنه‌رق برمنوال محرر اداره
قومیسونی ایفای وظیفه‌یه باشلادی. صکره قلایحی زاده حاجی
عثمان افندینک و آبانوس زاده علی آغانک تحریکله قواق میدانی
مخلمه‌سی مختاری راسم افندی طرفندن مقررات واقعه‌نک علیه‌نه
محضر تنظیم ایدلمکده و بر یونانی ایله روملره دیگر بر ورقه
مهرلترلمکده اولدینی سوزی بین‌الناس دوران ایتکه باشلادی.
بو حال ایسه بنده کزجه فوق‌العاده موجب استغراب اولدی.

چونکه مجلس عمومینک برنجی وایکنجی اجتماعنده «یالکز
بر رأی مخالف بولنورسه اکثریته باقیه‌رق تصور و قرار واقعی
فسخ ایدهرم» دیمشکن، و مجلس عمومیده مومی‌الیهما حاجی عثمان
افندی ایله علی آغاده، روم معتبرانک کافه‌سی‌ده حاضر و موجود
اولوب قرار واقعی آنلرده تصویب ایله قرارنامه‌لری مهرله‌مشیکن
شمدی کویا حکومت فنا بر ایشه اولک آباق اولمش کبی حقیقت
حالدن و جریان ایدن مذاکراتدن بی‌خبر اولان ساده دلان اهالی‌بی
تحریک ایله بویله محضر یاپدرمغه قاقیشملری صحیح ایسه عبث
و عیبدر دیه نزد عاجزانه‌مه کلان بعض ذواته سویلدم.

بسببلی آنلرده حاجی عثمان افندی ایله علی آغایه خبر
ویردیلرکه برکون ایکسی‌ده بشقه بشقه اوله‌رق نزد عاجزی‌یه
کلوب شو محضر کیفیتدن کندولرینک اصلا و قطعاً خبر و معلوماتلری

اتمکک فیئاته ضم اولنان ایکشر پاره بی صورت متظمه ده هفته بهفته طوپلامغه باشلادی. باروت بیعیسی فضله سی اوله رق طرف حکومتدن دخی شباط آینده قومیسون صندغه یکر می بیك غروش تسلیم اولندی؛ یالکر لکم نرخی اولمدینی و طربزونده هرکس حیوان ذبح و فروخته مأذون بولندینی ایچون موجود، معروف قصابلر «لحه نرخی ویرلر، ویاخود قصابلق اشخاص معدوده به منحصر طولر ایسه لکم بهر قیه سینه ضم اولنه حق بش پاردنک ایفاسی مشکدر» دیدیلر.

بونده قصابلرک حق لریده وار ایدی. بناءً علیه قصابلرک بر صورت حسنه ده تحت انضباطه آلتیسی آرزو اولندی. مجلس اداره ولایتده بالدفعات مذاکرات جریان ایتش ایسه ده بر صورت مرضیه ویریه مدی. بناءً علیه لکم عادات مقرر دسنگ هنوز استیفا سینه مباشرت اولنما مشدر.

غریبدرکه بوراسی؛ یعنی لمدن هنور برشی آلتغه باشلانماش ایکن ایکی رئیس روحانینک ویردکلری ورقلرده بولمدن آلتان عاداتک دخی اهالی به آغر کلدیکندن بحث اولنیور! !

باری «اهالی به آغر کله جک» دنیلسه؛ دها معقول بر تعبیر استعمال اولنمش اولوردی.

نه ایسه مکتب کیر عمومینک لزوم و محسناتی و مصارف دائمه سیچون بولنان قارشولغک آغر لغی اصلا حس اولنیه حق

مذکورہ نك صورت استیفا سچون محلہ مختار لری طرفدن اخذ وکالت مادہ سی نابجادر دیدیلر.

آنجق متروپولید افندی ایله بلدیہ رئیس مصطفی افدینك شوافاده لری بنده كرك نظر دقتی جلب ایدرك تكرار تكرار «بو «مكتب، بوملكتك اولادی ایچون یاییله جقدر. عمومكر خلوص «نیتله ایستروبو بایده اتفاق ایدرسه كز اولور. اكر ایسته مز و اتفاق «ایتمزه كز اولماز. ایستدیككز و اتفاق ایستدیككز حالدده حكومت «دخی بونك تیسرئمای حسن حصول اولسی ایچون معاونت «لازمه نی دریغ ایتمز. ایشته بنم صوك سوزم بودر» دیوب و هیئت آردسندن چیقوب او طهمه کلدیم.

بومحاوره اوزرینه حضار مجلس عریض و عمیق مذاکره دن صکره «اساساً قرار کیر اولان بویله بر مصاحت خیرییه نك ترك و تأخیری قطعاً غیر جائزدر. پروغرامك محتاج تعدیل اولان یرلری و ارسه صکره تعدیل اولنور» دیهرك رئیس روحانیلركده بلدیہ رئیسكده الحاصل جمله نك اتفاقیله كذاك غیاب عاجزانه مده اداره دائمه قومیسونیون اعضا و رئیسك انتخاباتی اجرا اولندی. حتی رأی پوصله لرینی طوپلایانلردن بریسی ده حرمتلو متروپولید افندی ایدوکی مؤخرأ طرف شناورییه خبر ویرلمشدر.

ایشته اداره قومیسونیونكده انتخاباتی بو وجهله اجرا اولندقدن صکره قومیسونیون ایفای وظیفه یه مباشرت ایدرك

«ایدیله جك بشر وایکیشر پاره دن حاصل اوله جق مبالغی قارشولق
 «طوتمق اوزره طربزونده بر مکتب کیر عمو مینک تأسیس وکشادینه
 «اتحاد آرا ایله قرار کیر اولدقدن وینه اتحاد آرا ایله تشکیل ایدیلن
 «قومیسون عائدات مذکورده نك صورت استیفاسنی مین لایحه یی ده
 «یاپوب ویردکن صکره پروغرام مسئله سیچون تشبثات حاضرده نك
 «ترك و تعطیلی مناسب اوله ماز» دینمش ایدی .

برده بو ایکنجی اجتماعده مجلس بلدی ریسی رفعتلو مصطفی
 افندی دخی «برکرده محله مختارلرینه ده سورسه ک که عجا بو خصوصه
 بزى توکیل ایدینورلرمی؟» یولنده بر سوز سویلدی .

فقط حضار مجلس بالاتفاق بو رأی جرح ایدره ك حاضر
 بالمجلس بولسان مجلس بلدی هیئتی عموماً اهلئ مملکتک منتخبی
 اولدینی کبی کذاک مرکز ولایتده انتخاب اهالی ایله متشکل نه
 قدر مجالس و محاکم وار ایسه جمله سنک هیئتلری و مملکتک علماسی،
 اشرافی، معتبران تجاری و باخصوص ملل ثلثه غیر مسئله نك رؤسای
 روحانیه سی کاملاً موجود در . بناءً علیه حضار موجوده مومی الیهم
 برده محله مختارلری طرفدن بشقه جه توکیل اولنغه احتیاج مس
 ایتیه جکی درکاردر . فرض محال اوله رق بویله بر توکیله لزوم
 کورونسه بیله بو، ده ایشه قرار ویرمزدن اول لازم ایدی .
 یوقسه اساساً مکتب مذکورک کشادینه وعائدات مذکورده نك
 تحصیلنه قرار ویردکن صکره پروغرام ایچون، یاخود عائدات

دیورز؛ فقط ملتز، مکتب پروغرامی نه در؟ جوہلمز اورادہ
 نہ اوکر نہ ہکار در؟ دیہ صورادرلرسہ نہ دیہ جکمز یلیورز.
 بناءً علیہ اول امرددہ مکتب پروغرامنی آکلامق ایستز»
 دیدی. حالوکہ اولکی اجتماعدہ اشو مکتب کیر عمومی ایچون
 «مکتب سلطانینک پروغرامی عیناً قبول اولنسون» دینشدی.
 بودفعہ دخی طرف عاجزیدن افادہ سابقہ تکرار ایلہ برابر
 «ایجاب ایدرسہ مکتب سلطانی پروغرامنک احتیاجات حاضرہ
 «مملکتہ کوردہ تعدیل دخی ممکندر. پروغرام کوریلور درسارجہ
 «وسائر جہ محتاج تعدیل برشی وار ایسہ تعدیل اولنور. شوقدر
 «وارکہ پروغرامنک اساسی مجهول دکلدر. دولتجہ وھر کسجہ
 «معلومدر. بناءً علیہ پروغراجہ احتراز ایدہ جک بر جہت یوقدر.
 «مع مافیہ اگر مکتب بالبحسورہ یاغور بشقہ بر قابہ افراغ اولنسونہ
 «دنیلورسہ، بودہ بحث دیگر در. باخصوص اولکی اجتماعدہ:
 «نابہ ایچیکز نہ بریکز اساساً مخالف رأیہ بولنورسہ بہرہ ہو
 «نصرردہ بالکلمہ صرف نظر ایہرم دیمشدم. بوسوزی ینہ تکرار
 «ایلہ برابر اگر اعتراض یالکز پروغرام حقندہ ایسہ اوراسی
 «قولایدر. پروغرامی دیلہ دیکمز قالبہ افراغ ایدہ یلیورز. فقط
 «بودہ اولکی اجتماعدہ سویلنہ جک برسوز ایدی. اولکی اجتماعدہ
 «ایسہ پروغرامی مکتب سلطانینک پروغرامنہ موافق اولمق
 «ومصارف لازمہ سنہ بر منوال محررات واتمکک فیثانہ ضم

ایچون درت می؟ اوچ می؟ ایکی؟ نه قدر تحصیلدار استخدامی مناسب اوله جغنه دار بعض سوز کچدکن صکره لایحه مذکو - ردنک مندرجاتی بلا تعدیل اتفاق ایله قبول اولندی .

ثانیاً : مکتبک امور انشاییه و مصارف دائمه سنه نظارت ایتک اوزره تشکیلی لازم کلان قومسیون اعضا و رئیسک صورت انتخابی مذاکره اولتهرق مذکور هیئتک نصفی مسلم و نصف دیکری غیر مسلم اولیق اوزره آلتی ذاتدن وهانکی ملتدن اولورسه اولسون بررئسدن مرکب اولمی و فقط امر انتخابک رأی خفی اصولی اوزره اجرا اولنمی و بو انتخابه مأموریندن مجلسده موجود اولان ذوات رأی ویرمیوب امر انتخابک منحصراً یرلی معتبرانی طرفندن اجرا اولنسیله برابر کرک اعضانک و کرک رئیسک مطلقاً یرلیدن بولنمی حقیقه طرف عاجزیدن بیان اولنان ملاحظه، عموم طرنندن بالقبول امر انتخاب بوصورتیه اجرا قلندی .

حتی هرکمک یازدینی رأی پوصاله لری صکره دن ینه هیئتجه برظرف دروننه قونیه لرق و اوزری مهرانه رک حکومت ویرمکله ایوم نزد والای متصرفیلرنده محفوظ اولسه کرکدر .

یالکز بواجتماع ثانیده روم متره پولیدی حرمتلو غریبوریوس افندی : « بز بویله بر مکتب کیر عمومینک تأسیس و کشادینه قرار ویرسیورز و بومکتبه هرملتک اولادی کیتسون اوقوسون

یالکز رئیس روحانیلر کمدی . کندولرینی دعوته کیدنلر،
مومی الیهمک کینی بوله مدیلر، کیی اوکون بشقه ایشی اولدیغندن
کله میه جکنی سویلادی.

حالبوکه برنجی اجتماعده دخی بیان اولنمش اولدینی وجهه
بو مصلحت منهنک تمشیتدیر حصول اولسی محضا جمله نك
اتفاق واتحاد آراسنه متوقفدر. شاید برکیسه مخالفت ایده جك
اولورسه بالآخر ایشه تفرقه دوشهرک بر حسن نتیجه حاصل
اوله میه جغندن؛ و نتیجه سی مشکوک اولان برایشه کیرشک دخی
معقول اولدیغندن رؤسای مومی الیهمک کله ماری شناید بش
اون کون مقدمکی اجتماعده ویردکلری رأی صوابدن نکول
وعدول ایتدکلرینه مبتنی ایسه باری بیهوده مذاکرات ایله
اشتغال ایدله مک اوزره سائر مدعوین محترمه ساعتلرجه منتظر
اولدقلری حالد اصلا مذاکره کیرشیه رک مذاکرات تالیه نك
اجراسی فردایه بالتعلیق رؤسای مومی الیهم رأی وفیکرلری نه
ایسه آچیقندن آچیغه بیان ایتلریچون طرف والای متصرفیلرندن
باتذکره رسمیه دعوت اولندیلر.

فرداسی مجلس عمومی تشکیل ایدن ذوات محترمه نك
کافه سی کلدیلر.

بو اجتماعده دخی اولاً — سالف الذکر اون سکر ذوات
منتخبه نك لایحه سی اوقوندی . یالکز مکتب عائداتنک تحصیلی

اولئق اوزره طربزونده بر مکتب کیر عمومینک تأسیس و کشادینه
وبو مکتبک کرک مصارف انشائی و کرک اداره دائمی سی ایچون
نفس طربزون فرونلرنده طبخ و فروخت اولنان اتمکک نرخ
فیئاته ایکیشر و لمک بهر قیه سنه بشر پاره ضم ایله بوندن حاصل
اوله حق مبالغک قارشولق اخذینه، وضامم مذکور دنک صورت
اخذ و استیفاسنی بالندا کره قرارلش دیر مق و لایحه سنی قلمه آلق
اوزره حضار موجوده دن و صرف یرو معتبرانندن اون سکر
ذات بالانتخاب بونلردن مرکب دیگر بر قومیسون تشکیله غیاب
عاجزانه مدد اتفاق آرا ایله قرار ویرلش و بشقه بشقه قلمه آلنان
ایکی قطعه قرار نامه یی جمله سی ینه غیاب عاجزانه مدد بالطوع
والرضا مهرلش ایدی.

اشبو قرار اولی متعاقب ذکر اولنان اون سکر ذات دخی
فضیلتلو مفتی افندینک تحت ریاستنده اوله رق محکمه استیفاف
ولایت اعضاسندن عزتلو پرتو افندینک خانه سنده مکرراً بالاجتماع
مذکور ایکیشر و بشر پاردنک نه یولده استیفاف اولغسی لازم کله.
جکئی عریض و عمیق مذاکره دن صکره اولباید و یردکلری
قراری مین بر مضبطه قلمه آلوب ذات والای متصرفیلرینه کتیر دیلر.
بونک اوزرینه حکومت تکرار مجلس عمومی یی دعوت ایدی.
و بودفعه دخی اسلام و خرسیان مدعوینک کافه سی یوم و وقت
معینه طوبالاندی.

محترمه سی و بعض مأمورین سائرہ دخی داخل ایدی . پوصله
موجبجه ذوات مومی الیهم دعوت اولندی .

معارف عمومیه نك محتاج تعریف اولیان فوائد عمومیه سنه
و طر بزون کبی بر بلده جسیه ایچون بویله بر مکتب کیر عمومینك
وجوب وجودینه ، و بونك مصارف لازمه دائمه سنی تأمین ایده جك
ایرادك صورت تدارکنه دار اوزونجه بر نطق ایراد ایلدم .

یتمش سکسان قدر اولان ذوات موجوده له الحمد هنوز
بر حیات اولدقلرندن جمله سنك البته خاطر نشانی اولمق کر کدرکه
بو مثللو تصورات عظیمه نك حصولی ، مجرد اتفاق عمومییه
متوقفدر . بناءً علیه هر شیده اکثریت آرا معتبر ایکن بو مصلحت
خیریه ده شاید جمله سی اتفاق ایتمزده یالکز بر ذات مخالف رأیده
بولنه جق اولورسه بو تصور دن صرف نظر ایده جکمی ، و چونکه
بونك حصولنده بنم تقسمجه هیچ نفع وفائده وعدم حصولی
تقدیرنده بر ضرر متصور اولمدیغم جهته هر نهیه قرار ویریلورسه
برشی دیمه جکمی علناً و مکرراً سویلدکن صکره مداوله افکار
خصوصنده دها زیاده حر و سربست بر اقق ایچون کندم بشقه
اوطیه چکیلوب هیئت حاضره نی یالکز بر اقدم .

هیئت مومی الیها دخی بر خیلی مذکر اتدن صکره مکتب
سلطانینك دولتجه و هر ملتجه قبول اولتمش اولان پروغرامنه
موافق اولمق و سکنه مملکتدن هر صنفك اولادی مجاناً قبول

بناءً عليه بزرده سایه احسانوايه حضرت پادشاهيده هواي
 نسيسني تنفسله تفریح ذات وتمديد حیات ايتمکده اولديغمنز
 شوکوزل مملکتک فطرة غایت ذکی اولان اولادینی اوج سعاده
 ارتقا ايتديره جک بر خدمت خيريه دلالت ايتمینی وجيبه ذمت
 بيلهرک بر مکتب کبير عمومینک کشادی حقنده کی آرزوی صمیمی
 عاجزانده می، اولاً مملکتک اسلام و خرسیان معتبرانندن بر خیلی
 ذوات کرامه بالمناصبه آچدیغمنده جمله سندن اثر حسن تلقی
 کور مامله ارای عمومیه مراجعتی تنسیب ایلدم.

برکون، معارف پرور لکله مشهر اولان مجلس اداره ولایت
 اعضاسندن آرنالود زاده عزتلو احمد افندی نزد عاجزی یه کلدی.
 شو مصلحت خيریه ایچون بر مجلس عمومی نک عقدینی تصور
 ایلدی کمي سویلدم «پک مناسبدر» دیدی. او کون مجلس اداره
 ولایتکده یوم اجتماعی ایدی.

«اویله ایسه مجلسه کیدلده آرقداشلرله سویلشکر؛ آنارده
 مناسب کورورلرسه مجلس عمومی یه دعوت اولغمنی لازم کلان
 ذواتک پوسله سنی یاپسونلرده چاغردلم» دیدیم.

احمد افندی دخی افاده واقعه می هیئت مجلسه تبلیع ایله
 بالاستشاره ذوات مناسبه نک پوصله سی یاپلیدی که بو پوصله ده
 عموم اسلام و خرسیان معتبرانندن بشقه مجلس اداره و محکمه
 استیناف ولایتله محکمه بدایت و تجارت و مجلس بلدی هیأت

چونکه معلوم عالیری اولدینی اوزره افق غربدن اقطار شرقیه طوغری منتشر اولان انوار ترقیات کونا کون، هرکسک نظر دقتی آچش اولدیغندن او ترقیاتک مابه الحصولی اولان معارف عمومیه نك ممالك محروسه جناب ملوکانه ده تعمیم انتشاری ایچون هر یرده هر درلو وسائل و وسائله مراجعت اوانه رق عصر معارف عصر حضرت پادشاهیده کوچک بیوک پک چوق مکتبلر کشاد ایدلمشدر. آنجق محتاج اولدیغمر درجه نی بولمق دکل، حتی او درجه یه بیله هنوز تقرب ایدمده یکنمز جهته و طنیرور اولان مأمورین دولت و افکار منوره انتخابندن بولنان معتبران مملکت، معارف عمومیه نك تعمینی سائر اصلاحات و اجراءات اساسیه نك کافه سنه تقدیم ایدرلر.

حتی سیواس ولایت جلیله سی والیسی دولتلو رفعت پاشا حضرتلری دخی عموماً و بش سنه متادیا چفت باشنه یکر میشر قیه بغدادی اکدیروب حاصلات واقعه سنک قری مکاتب عمومیه سنک تنظیم و اصلاح اداره سی مصارفه حصر و تخصیص حقننده کی تصورلری مجلس خاص و کلاجه تصویب و استحسان بیوریلهرق ولایات سائر جهده بوصورتک، و یا خود هر موقعک حکم و ایجابنه کوره دیگر صور مناسبه نك اتخاذ و اجراسیله مکاتب عمومیه نك تنظیم و اصلاح اداره سنه بالاستیدان اراده کرامتاده حضرت خلافتناهی شرف تعلق بیورمش اولدینی معلوم سعادت لریدر.

طربزون مرکز متصرفلغنه تحریرات [۰]

طربزونده تأسیس و کشادی اتفاق عمومی ایله قرارگیر اولان
مکتب کیرک مصارف لازمه دائمه سیچون، كذلك اتفاق عمومی ایله
اتمک فیئانسه ضم ایدیلن ایکی پاره کویا فقرایه آغر کلدیکندن
وبویله بر مکتبه لزوم کورلمدیکندن بحاله قرار مذکورک فسخی
حقنده بعض افادینی حاوی قواق میدانی محله سندن قوزین زاده
راسم افندینک، وروم متروپولیدی ایله ارمنی مرخصه سی حرمتلو
افندیلرک حکومه ویردکلی ورقه لر اولباده کی تحریرات علیه لریله
بالورود مطالعه کذار عاجزانه م اولدی وینه لفاً افاده قلندی.

مذکور ورقه لر ۲۴ و ۲۶ و ۲۷ شباط سنه ۹۸ تاریخلریله
مورخ اولوب ثنورلری ایسه مارتک اواخرینه قدر طربزونده
بولسدیغم حالد بونلرک برآیدن زیاده تأخیریه اورادن حرکت
عاجزانه مدن صکره حکومت ویرلمسی و اوچنده ده پک عجیب
برلسان قوللانسی و باخصوص مرقوم راسم افندینک ورقه سنده
ذوات معروفه و معتبره دن کیسه نک مهری اولمدیغی کی حرمتلو
متروپولید و مرخصه افندیلرک ملتلی نامنه اوله رق ویردکلی
ورقه لرک دخی امضالری یازلاماش اولسی حقیقهً هم تأسفمی
وهده تجبمی موجب اولمشدر.

[۰] صاموندن یازلمشدر.

بر وجدان خالصک تحفه عزیزی مقامنده اولان تشکرات
مخصوصه مک حسن تلقیسی مرچودر. الباقی هو الله.



غزل

نقاب زلفکی رفع ایت رخ چون ماهی کورسونلر
او رخسار اوزره نور شم وجه اللهی کورسونلر
نه وار قالدیرسهك احسانکله ستر «لن ترانی» یی
جمال پاک بی امثال و بی اشباهی کورسونلر
قورولسون بزم وحدت، دوره چیقسون جام لاهوتی
کلوب عاشقارک بر کره رسم راهی کورسونلر
کوکل کیم محو محویتله ایرمش سر توحیده
نصل ضبط ایلور ملک فنا فی اللهی کورسونلر
دم کلبانکی هم فیض «نفخت فییه من روحی»
فم قدسی زبان عارف باللهی کورسونلر
اوروب بر نعره جانسوز «یا حق» ماسوایی یاق!
نه در تاثیر آتشتاب برق آهی کورسونلر
اولور اولمازمی یارین مظهر غفرانی اللهک
حضور عزتنده سری اواهی کورسونلر



حین ترجمه فکری مترجمی تردد و اشتباهه دوشورمش ایدی .
 بناءً علیه شیخ القرا و مفتی بده فضیلتلو اسماعیل افندی به
 مراجعت مجبور اولدم . مفتی مشارالیه خط دستیله محرر
 اولوب لفاً صوب والای عارفانه لرینه ارسال ایلدیکم ورقه مطا -
 له سندن معلوم اوله جنی وجه ایله (طیف) دخی قراآت مشهو -
 رده دن اولوب (طائف) عاصمک قراآت ، حفصک روایتی ایدوکی
 امهات کتب قراآته مسطور ایش .

دیمک که حضرت مفسر ، بوباده عاصمک قراآته سائر قراآت
 مشهوره بی ترجیح ایش ، بناءً علیه لفظ مذکور (طیف)
 رسمنده یازمشدر دیو مترجم حقیر دخی عن قصد آکا ایلیمه مشدر .
 حتی اول آیت جلیله نک مصادف اولدینی صحیفه ذیلنده
 « طیف ، حیف وزنده ... » دهرک لفظ مذکورک هم وزنی
 همده معنای لغویسی کوسترلمشدر .

(وقل رب اعوذ بک) نظم جلیلنده (رب) کلمه سنک کتابتدن
 سقوطی ایسه سائر برچوق یا کلشدر کی سهو مرتب اثری ایدوکی
 ادنی ملاحظه ایله معلوم اولور .

هر حالده کتابمک دقت تامه ایله مطالعه بیورلمقده اولدینی
 کوسترن شو اخطار و اشعار فضیلت شعاریلری بنده کری جداً
 متتدار ایلدی .

عالی ذوات کرامک وجودینی ایشتمکله کرچکدن مالک نصاب
افتخار اولدیله.

هله بالخاصه شرف خطاب دولترینه نائلیته کامیاب اولان
بو عبد عاجز، بوسبتون مفتون حسن خصال وکمال اصفانه لری
اوله رق الی الابد پرستار صدقشعارلری اولمهی وجدانیله عهد
وميثاق ایلدی.

همان جناب حق احیای وطن اوغرنده آمال وافکار
حضرت ولی النعمته موافق خدمته جمله مزی موفق بیورسون
دعاسیله ختمزن مقاله شکر ومحمدت اولورم . . . باقی . . .



مکتوب

(سرقران) ک قیمتی آرتیران مطالعه مدققانه لری، مخلص خالص
الجنانلرینی حائر نصاب مفتخرت ایتشدرد.

حفظ قرآن، شرفه نائل اوله مدیغم جهتله مقام استشهادده
ایراد ایدیلان آیات بیناتک نقلنده سهو وخطادن ادعای برائت
ایده مه مکملکم طبعی در. مع هذا فخر المفسرين حضرت فخرالدینک
قرائت عاصم، روایت حفص اوزره یازلمش اولان مصاحف
شریفه ده کی رسم معهوده مغایر اوله رق (واذا مسهم طائف...)
آیت جلیله سنده (طائف) کله سنی (طیف) رسنده قید وتحریر
بیورمش اولسی، وبوقیدک بر ایکی یرده تکرر ایتمش بولنمی

هجرت اهالی بختہ کلنجہ: کوشخانہ متصرفلغدن بالاستعلام
جواباً وارد اولوب لفاً تقدیم قلنان تلغرافنامہ مآلندن دخی
مستبان اوله جنی وجهله روایت واقعہ پک مبالغہ لی اولوب
فامیلیالریله هجرت ایدنلر، طوی اوتوز نفسدن وماعداسی ینہ
عودت ایتک اوزره هر سنہ روسیہ یه کیدن عملہ کروهندن
عبارتدرکہ بوده اوراجہ اسکی عادتدر. باقی، . . .

طربزون فی ۱۹ حزیران سنہ ۹۵



مکتوب

... تاریخلو عنایتنامہ عالیٰ معالیٰ پرورلری شباطک آلتیسندہ
ہامہ پیرای تعظیم وجداً وحقیقہٴ مستلزم من وفخر عظیم اولدی.
بتون جهان عثمانی ایچون بحق سزاوار افتخار اولان علویت
فکریہ وحیت ملیہٴ آصفانہ لریٰ حسن تصویرده خامہٴ بدایع نمای
اعجازکارانہ لریٰ، اولہ بر قدرت خارقہٴ العادات ابراز ایتشدرکہ
هر حرفی بر روح مجسم کویا کی آمال ومقاصد سنیہٴ حضرت
خلافتپناہی ناطق اولان بو عنایتنامہ حقایق مشحونی مطالعہ
شرفہ نائل اولانلر تمثال علویت دیسہم ینہ ادای حق تعبیر
ایتمش اولہ میہ جغم. جناب بلند القاب داورانہ لریٰ غائبانہ عاشق
پرستشکار وارکان دولتمز ایچندہ بویله محب معالیٰ، صاحب فکر

مبتلا اولدقلری صبی خزینہ دولت دخی بیوک بر منبع صحیح
ثروتدن محروم اولمغه بوبابده نه قدر تأسف اولنسه سزادر .

آنحقی بومعدنلرک عملیاتی ترک وتعطیل اولنهلی اوتوز قرق
سنهیی متجاوز اولوب اولوقت نسلکه دولتک امریله تعطیل
ایدلمش ایسه شمدی تکرار ایشلدلمسی دخی ینه دولتک امر
واراده سنه متوقف ایدوکی حائر تبه بدهات وولایته عائد وظیفه
یالکر او امر وارادینی انفاذ واجرادن عبارتدر .

یوقسه چاکر لر نهجده معلومدرکه تاریخچه مثبت اولدیغی اوزره
قرون عدیده دن بروکلمش کچمش اولان ملل قدیمه دن هربری
اشبو منابع ثروتدن منافع کلیه استحصال ایتمش اولدقلری حالده
انتشار معارف سایه سنده بومثللو معادنن آز مصرف وکمال
سهولته دها چوق استفاده ایتنهک یوللری کشف اولنمش اولان
بویله بردور ترقیده خزان مذکور دنک تحت التراب قالمسیله
اوستنده ساکن اولنلرک ترک دار و دیاره مجبور اوله جق صورتده
دوچار فقر واضطراب اولمسی تحایف توارینجده بزم ایچون مطلقا
بر یاد جمیل براقسه کر کدر .

مع مافیه وظیفه سی بومثللو معادنک اعمال واستعمالی اسباب
ووسائلی استکماله منحصر اولان معادن نظارت بهیه سی ، بوکا
بر چاره عاجل بوله مزسه بوبابده ولایتک بیان بیوریلان تأسفه
اشتراکدن بشقه الدن برشی کلز .

مأمورینک شوا یکی شقدن خیرلوسنی اختیار ایله احیای وطنه متعلق مقاصد سنیه ولی النعمته توفیق حرکت و احتیاجات عصر وزمانه کوره آثار مبروره ابرازلرینه همت بیوره جقلرینه امیدم واثقدر.


عریضه

... ده بولنان ... دن ایکی بیک کشینک مع فاملیا روسیه ممالکنه هجرت ایتدکلری کبی دها پک چوق کسانک متبی هجرت بولندقلرینه و بولنرک بوصورتله عزیمتلی معدن عملیاتجه اولکی درجه ده ایش بوله میهرق ضرورته دوچار اولملرندن نشأت ایلدیکنه دائر طرزونده مقیم ... قونسولوس وکیلنک سفارته یازدیغی تحریرات صورت مترجه سنک لفیله شرفتسطیر بیوریلان ... تاریخ و ... نومرولی امرنامه عالی جناب نظارت پناهیلرنده معادن موجوده نیک کرمی عملیاتنه عدم اهتمامدن منبعث برطاقم موانعک دفعیه بولنردن بروجه مطلوب استفاده یه محالرنجه هنوز برچاره بولنه مامسی، موجب تأسف اولقله برابر اشبو هجرت ماده سی صحیح ایسه مضرتی جهتیله منعی اسباب سریعه سنک صورت حکیمانه ده استکمالی اراده وفرمان بیورلمشدر.

معدنرک تعطیل عملیاتندن طولانی مدار معیشتلی اکا منحصر اولان کوشخانه اهایسنک فوق الغایه بر فقر و ضرورته

افدینک ویاخود دیگر بر بنده لړینک اعزامنه مساعده بیوریلور
ایسه بزم ایچون حقیقه موجب مفخرت اولور.

طریق مذکوردن ولایت جلیله لړینه عائد قسمک دخی رسم
کشادی نه وقت اجرا اولنه جنی لطفاً امر و اشعار ایله برابر
قبول بیوریلورسه بورادنده او یله بر مأمورک اعزامیله کسب
شرف ایدلک آرزوی خالصانه سنده بولند یغمی دخی علاوة
عرض ایلرم. باقی،...



تلغرافنامه

عواطف جهان شمول حضرت پادشاهیدن طربزون ولایتی
والیلکی بوکره دخی عهدۀ ثنآوری به توجیه بیورلغله مرکز
ولایت موصلت و مستعیناً بتوفیقہ تعالی تمشیت امور موکوله به
مباشرت اولنشد.

رفقای کرامه ایلک تبلیغاتم، ترقیات صحیحہ مملکتہ و او
صورتله رضای پاک الہی و مطلوب خاص خلافتنہا ہی بی تحصیلہ
وسیله مستقلہ اولان احکام شرع و قانونہ متابعتله وظائف مقدسه
مزک تمامی ایفا سنه حصر نظر سعی ودقتی توصیه و تأکیددن
عبارتدر. بومسلک مستقیمہ حرکت ایدن، نائل مأمول و دائماً
مرغوب و مقبول اوله جنی کی عکسنی اعتیاد ایدنلر دخی موفقیت
حسنه دن محرومیتله مدخول اولمق طبعیدر. بناءً علیہ صنوف

ولایتناهیلری، موهبہ سبحانیہ اولان علو افکارک ایجاباتنددر.
همان جناب حق، سایه ولی النعمتده دها نیجه آثار خبریه موفق
بیورسون. باقی، ...



تحریرات [۱۰]

سایه موفقیتوایه حضرت پادشاهیده اضافه توجهات علیه
آصفانه لریله ولایت جلیله لری حدودینه قدر اردو یولنک عملیاتی
ختم پذیر اولدی. اشبو شهر جاری رومینک اون بشنجی جمعه
ایرتسی کونی بعض ذوات محترمه ایله برابر حدود باشنه قدر
بالعزیمه اورادن ساحله انیله رک طریقک اجرای رسم کشادی
قرارلشدیرلمشدر.

بناء علیه تقدیر عالی آصفانه لرینی جلب ایده جک صورتده
بذل مساعی فوق العاده ایله پک آز کون ایچنده اکمال ایدیلان
بومعتنا یولی، بزمه برابر سراپا کوزدن کچیرمک واجرا اولنه جق
رسم کشادده حاضر بولنق اوزره حدوده قریب محله بولندیغی
استخبار اولنان ولایت جلیله لری مکتوبیحسی سعادتلو احمد شوق

[۱۰] اشبو تحریرات ۱۳ ایلول سنه ۳۰۰ تاریخنده اردو قضاسی
داخلنده کائن امیرل موقعندن قضای مذکور جوارنده کائن حمیدیه
قضاسنده بولنان سیواس والیسی سابق دولتلو رفعت پاشا حضرتلرینه
یازلمشدر.

شبم دکل بو تابش نظاره دن مکر
تر دوکدی صجدم کور یجک کل، یناغنی

ماه بزم آرا دکل کوک قبه سن تنویر ایدن
نار عشق آفاقی ایتدی غالباً سوزان بوشب

کلزار غمک قصر صفاسی تمزدر
کوز کوز کورینان یاره دکل، روز نمزدر
شوریده هزار نغم آموز بقایز
کیم جنت فردوس رخک کلشنمزدرد
بیهوده فغان ایلیور باغده بلبل
عشقکله اوده دم چکیور نیز نمزدر

مکتوب

مجرد هم سامیه ترقی پرورانه لری اثری اوله رق بوکره
زیور دستگاه انتشار اولان ولایت جلیله لری رسمی غزته سنک
ایلك نسخه نفیسه سی، اولبابده کی عنایتنامه عالی ولایتناهیله
برابر شرفوارد اولوب بوراجده اوقویانلری جداً مستفید ایلدی.
هرزده سایه انداز اجلال اولسه لر، حالی تعمیر واستقبالی
تأمین وتقریر ایده جک بومثللو آثار ترقی ابرازینه موفقیت سامیه

کیتدی کمده وسط شهرده بویله بر مکتب عالی انشاسنه الویرشلی
هیچ بر وسعتلی عرصه کوره مدم. بشقه لری ده کوسترمدی.
اولسیدی کوسترلردی.

بویله بر بنای عالی بیوت و مساکن آردسنه صوقق، نصل
تجویز اولنه بیلیر؟

همده مجلس اداره لوا انتخاب موقع جصوصنده مصیب
اولسیدی، مملکتک عقلاسی مطلقا اخطارات لازمهده قصور
ایتمزلردی. مسافر مأمورلردن عبارت اولان درت مهر صاحب لرینک
ایسه بو مثللو مکاتب عالیهنک نصل مواقعده انشاسی لازم
کله جکنی بیه مدکری سیاق افاده لرندن آکلاشیله یور. بناءً علیه
مجلس اداره لوانک ولایتجهده تصویب اولنان قرار واقعی وجه
ایله انشاآته مداومت، و قطع سر رشته اعتراضه همت بیورناسی
لازم کلیر. باقی، . . .

.....

آه آور آلسه ینه دادینی مظلوملرک

آهدر تسلیت خاطری مغموملرک

صجه دک حالنه پروانه نک آغلار سیزلر

بکزر عاشقلرینه شفقتی وار موملرک

طربزون شاعرینی سری نه ممکن تقلید

بشقه در شیوه کفتاری بو مخدوملرک



بومثللو مواد ایچون مجالس اداره نك رأی وقرارلری کافی در.
آریجه مجلس عمومی عقدینه مجبوریت رسمیه یوقدر. مجالس اداره
لوا هیئت منتخبه سی، عموم اهالی لوانك وکیلاری دیمکدر.

مادام که مکتب مذکورك جرید میداننده انشایی مجلس
اداره لواجه قرارگیر اولمش وبوقرار ولایت، ولایتندنده نظارته
یازلمش، قربانلر کسیله رك، دعالر اوقونه رق تمل آتمش، انشا آنده
باشلانمش در، شمعی « اوراسی مناسب دکل ایش! مملکتك ایچنده
بر عرصه آله لمده مکتبی اوراده بنا ایدم!» دیمك، عبث و بیهوده در.
اجرا ات حکومت، ملعبه صیدان دکلدر.

مادام که جرید میدانی مکتب انشاسنه الویرشلی یر دکل ایش!
شمعی بوکا اعتراض ایدنلر دها ابتدای امرده بیان مطالعه ایله
حکومتی ایقاظ ایتلی دکلیدیلر! او وقت نیچون سکوت ایتمشلر؟
معترضلر، اول وقت سکوتلریله مجلس اداره لوانك حسن -
انتخابده کی اصابتی تصدیق ایتمش اولدیلر.

ایشته بزم مملکتده بومثللو تأسیسات نافعه نك مطلوب درجه ده
ایلریله مه مسی، هپ بوکی احوال دن نشأت ایدر. چونکه بریمزك
یاپدیغی او بریمز بوزار. باخصوص بومکتبه دوام ایده جك شاكر -
دانك قسم کلیسی لیلی اوله جقدر. بومثللو لیلی مکتبلر، هر یرده
مملکتك بر آز خارجنده یاتلق و درت طرفی اچیق و واسع
میدانلق اولتی عادتدر؛ لازمدر. بنده کز ایسه دوراً قیصریه

سه مده مطالب دنیویه سی اولدینی حالدہ آنلری ده تمهیل و تسویه
 علو همت مکارم منقبت افاضلر وریلری کافل و کافیدر. بناءً علیه
 آکادائر بسط مقدمات نیازکارانه یه احتیاج کوردمدم. برصادق
 و قدیم بنده کزک معروضات خالصانه سی، نزد دولترنده ملتفت
 و مستوع اولور امید واثقیله تصدیعه اجتسار ایلدم. باقی، ...

.....

غزل

باده کیم سیالہ ابریزدر هر قطره سی
 همعیار ناقد تبریزدر هر قطره سی
 جرعه نوشی منت ایتمز چرخ دونک ماهنه
 چشمه خورشید پرتوریزدر هر قطره سی
 برید بیضادن آلم جام فیض عشق کیم
 نور نخل طور آتشیخیزدر هر قطره سی
 اول میک سیراب ذوقیدر کوکلر کیم مدام
 نشوؤ جان بخش ایله لبریزدر هر قطره سی
 سری الحق بشقه در کیفیت صهبای عشق
 تلخدر اما که شوق انکیزدر هر قطره سی

.....

مکتوب

مکتب اعدادی حقنده کی تحریرات خصوصیه لری ملفوفاتیله
 برابر مطالعه کذار عاجزانه م اولدی .

پر نکته بر کتاب لندر شمائی
 بر نسخه نفیسه عبر تمأل ، رخ
 قدرت بولیدی کورمکه بر کره کنیدی
 بندن بتر اولور ایدی آشفته حال ، رخ
 خورشید بی زوالیدر اوج ملاحک
 تاب نظرله بولمده سری کمال ، رخ

عریضه

ارباب عرفانه محبت آصفانه لری بر کمال اولدیغنی بیلدیکم ایچون
 حقیقت، استانبولده بیله مثلی نادر بولنان بر ذات معارفستاقی
 افدمزه عرض وتوصیه ایتمک ایسترم. کچن سنه انقریه کلیرکن
 بو ذات شریف ایله مرزیفونه ملحق برقریهده راست کله ملاقات
 ایتمشدم. « لیلۃ القدر خیر من الف شهر » مصداق عالیشانجه کرچکدن
 بیک کجهیه بدل اوله رق اوقریهده کچیرمش اولدیغ برلیله مبارکه نیک
 ذوق رو حانیسی، حالا دماغ جانده باقی وکوکلم او صحبت روح پرورک
 حسرتکش ومشتاقی در. بو ذات، مرزیفونک الک ایلری کلیر بر
 خاندانه منسوب علمدان، شعرادن دده زاده فضیلتلو محمد حلمی
 اقدی داعیلریدرکه صحبتدن حقیقه استفاده واستلذاذ اولنور
 بر فاضل بی نظیردر.

فاضل مومی الیهک دنیاچه براملی اولوب اولدیغنی بیله مز-

فتح باب موالاته برر سبب عادى در. يوقسه بر قلب سليك اخ
 كرىمى حقهده صاقلاديني حسيات خالصانه يه حرف وصوت نصل
 ترجمان اوله بيلير، خامه سحر آفرين بيان، رازدان جنان، حس
 وجدان ايله همزبان دكل. «در مقامى حرف ميگويم كه دم نامحر مست»
 اويله ايسه تمايلات وجدانيه مك شرح وبياتى، ينه وجدان
 خالدن عرفان پناهيلرينه حواله ايله اكتفا اولادر. الباقي هو الله

مكتوب

برلسان صادقدن صدور ايدن ذكر جميلكر، سامعه نواز اوله لي
 كوكلده برحس محبت پيدا اولمش ايدى. لطفنامه كزله ابراز
 بيوريلان مآثر حب وولاء، او حس محبتى دوبالا ايدرك بوكون
 سرتسر قلمرو دل وجانده حكمفرما اولان اودر. شو حسيات
 مخالصتكارانه يي محافظه بابنده كوكله رابطه بند عهد وميثاق اولدم.
 معامله متقابله دن ذاتاً امينم.



غزل

تاب نگهله اولدى كل آل آل، رخ
 صامه دل هزاره ايدر رنك وآل، رخ
 ظاهر در آنده نور تجلى ذو الجلال
 اولمش ازله مظهر سر جمال، رخ

غزل

بر نظر ایله کللره ، بر رخ آل آلی کور
 صفحهٔ این و آندہ ، قدرت لایزالی کور
 خالی دکل بونکتہ دن، جان کوزین آچده خالی کور
 کعبہ عارفینده نقش رخ بلالی کور
 سویله او شارلاتانلره ، هندسه طاصلايانلره
 وار نظر ایت قووانلره ، نخلہده کی کمالی کور
 باق نظر حکیم ایله ، زلف و جین دلبرہ
 نور هلالی هالہده ، هالہده یا هلالی کور
 چیقدی یوزہ سپاہ خط، سری سوزمده یوق غلط
 کشور حسن و آندہ ، قورقولان اختلالی کور

.....

مکتوب

استاد پیامبر خصلت !

بصر حسی مشاهدۂ مشہد السرور جمالکزلہ ہنوز قریر
 اولہ مامش ایسہده بصر بصیرت، مطالعۂ مطلع النور کمالکردن
 بہرہ مند تنویر اولہ لی اول قدر قدیمدرکہ تدقیق اولنسه زمان
 تودد مزک مبدأ صحیحی، بزم السنہ کی تعارف ارواح اولدینی تحقق
 ایدر. تقدیم ایتدیکم کتاب ایله آلدیغ جواب مستطاب، مجرد

اولد قجه بنده کړی دائماً صف اولده قائم مقام احترام کوره جککری
تأمین ایلرم .

شمدی یه قدر مطالعه سیله شیرین مذاق اولدیغم آثار ادبا ایچنده
ذائقه جانی اک زیاده حلاوتیاب ایدن، «سزک اشعار آبدار کزدر»
دیسهم اعلان حقیقت ایتیش اولورم .

دامن درمیان غیرت اوله رق ادبایه میدان او قویان سزک کبی
غیرتوران عرفانی سزاوار تبریک کورنلرک برنجیلکنی قزانمقله
نه قدر مفتخر ایسه بومیدانلرده آت اویناتمغه چیقانلرک چوغنی
آز زمان ایچنده مغلوب قفور کورمکله ده حقیقه متأثرم . زمام
استقبال مودوع دست اهتماملری اولان ارباب شبا بده آثار قفور
کورمک قدر محبان وطنی داغدار تأثر ایده جک نه وار؛ هیچ !
معلومدرکه قولنده، فعلنده ابراز ثبات ایدنلر، اجتنای ثمرات
مساعی ایله کامیاب اولورلر .

انشاالله سز بو عز مکزده ثبات ایله اوفرقة ناجیه نك سر آمدا-
نندن اولدیغکری فعلاً اثبات ایدرسکر .

المحرره

سویش جدولنی کورسون ایدنلر شبهه

ملتقى الابحر ایدر بری ثباتی کشینک

..... الباقی هو الله



مصلحت نیست مرا سیر ازین آب حیات
ضاعف الله به کل زمان عطشی
الباقی هو الله

.....

غزل

زلف وجین تابان، لیل و نهاره بکزر
خط عذار جانان، ابر بهاره بکزر
بر نیم تبسمیه، تسخیر ایدر جهانی
اول غمزۀ ستمدان، بردلشکاره بکزر
چاغلار آقار دمام، آغلار بو حاله آدم
کویا که چشم کریان، بر چشمه ساره بکزر
لاله کبی ایدرمی داغ درون اظهار
تو تمزینار اوپنهان، عاشق چناره بکزر
آفاقه عکس ایدر هپ، بانک حزین یارب
سری اوشاه خوبان، شهرت شعاره بکزر

.....

مکتوب

روح الکمال، بدیع المقال افندمر
خامۀ معجز آثار کزده بر شرف ابدی قزاندیران قوۀ طبع
بدایع نثار کزی ذوق آشنایان ادب، پرستشکارانه تعظیبه شتابان

مکتوب

نیجه لاهوتی ادا شیوه لرله زینتیاب اولان او روحپرور
نامه کز، خیلی دمدرکه مالشکاه نکاه انتباه اولدی.

مداد خامه کز سواد عین الحوردنمی؟ یوقسه شامه آفتاب
کبی براوزگه نوردنمی مرکبدر نه درکه؟ کلمات مکتوبه کزی کورر
کورمز، کوزم، کوکم، عقلم، فکرم انجذابات ولهرسان معنی ایچنده
محو وتباه اولدی.

جوابک تأخیرینه ده سبب وعلت، بوبهت وحیرت دکلیدر!
یا هو! او معجز اثر قلمکز، الهی کوزلرکز قدر نه ده دلربا
ایمش! بر نقش دلپذیر یله بیك جان ودلی اسیر، بر رشحه قدسی
صفیریله تشنکان معرفتی دلسیر ایدر.

شیر وشکر کبی نظم ونثر کرده مترج اولان لطف خیال عجم
ایله حسن مأل عرب، حقا که حیرتده عقل وشعور بدایع پرستان
ادبدر.

بوفیض لایزالی، هانکی چشمه سار ارشادک رشحات افضالی
اولدیغی ده بیایرم.

ایشته او «ینوع الفضل والیقین» دن سزک کبی سیرابساز
ماء الحیات عرفان اولان بر منیب خداپرست، بویله جام سرشار
بدست، اشراب عهد الست ایله یاران قدیمینی ده مست ایلر.

مستتبع اولمقده اولدیغندن بوکاده سریعاً چاره آرانمالیدر. بونکله
برابر اورمان قوریجیلرینک مطلقاً عددینی چوغالتیق لازم کایرکه
بویابده اولان ملاحظات قاصرانه می ده بمنه تعالی مرکز ولایت عودت
چاکرانه مدن صکره ان شاء الله تعالی مرجع مخصوصه عرض ایلمرم.
.....

غزل

کورمک دیلرسه کیسه ، بردن شب ونهاری
سیر ایلسون رخنده ، بوزلف مشکباری
اولسه اگر خرامان ، اول سروسیم اندام
قویمز کوکلده آرام ، رفقار دلشکاری
نرکسی کورمامش لر ، صحرا نشینی یوقسه ؟
آهویه بکزه دنلر ، چشم سیاه یاری
کل دالنه قونارکن ، لاله قدح صونارکن
ایلرینه نه حکمت ؟ بلبل هزار زاری
پیرمغان آیاقده ، طوتسه اونو جوانی
الدن کیدردی فی الحال ، صوفینک اختیاری
شمدی خموش بلبل ، اکامده مستتر کل
وقت بهار کلسون ، دیکله سن آه وزاری
سری بوهفت یتتی ، هرکیم ایدرسه تنظیر
مصر کالک اولدر ، سلطان کامکاری



نه چوق کرم وعطاسی اولدینی معروف و مشهور اولدیغیچون
عرض و بیان احتیاجندن مستغیدر.

بو قدر عطایای قدرتک کیمی، تحت التراب طور ییور. کیمی ده
قیریه قیریه و یانه یانه محو و نایاب اولوب کیدیور.

یازق که بونجه خزان ثروتک اوستنده ساکن اولانلر، عادتا
محافظه حیات ایده جک قدر مدار معیشت تدارکندن عاجز
قالدق لیچون بالمجبوریه ترک دار و دیار ایدیور.

چونکه وقیله معدنلر ایشلرکن برچوق خلق یالکز معدن
عملیاتنه حصر مساعی ايله بشقه حرفت و صنعتی آیشمه مدقلرندن
برمدتنبری عملیات مذکوره نك تعطیلی سببیه ایشسر قالب
شمدی روسیه هجرتیه مجبور اولیور.

بناءً علیه بو ولایتده کی معدنلرک ایشلمسی ماده سی، صحیحاً
دولتجه فوق الغایه نظر دقت و اعتنایه آلتخه شایاندر.

هله اورمانلره بتون بتون یازق اولیور.

اولجه دخی مقام جلیل حضرت وکالتپناهیلرینه عرض ایتمش
اولدیغیم وجهله شمدیکی اورمان مأمورلری یالکز قبصه لده اوتو-
روب صاتیغه کلان کراسته لردن رسوم معتاده یی آلمقدن بشقه ایشلری
یوغیش کی چوغنک اورمانلرک ستمه بیله اوغرا دینی یوقدر.

ولایاتده اورمان اداره سی بو حالدیه قالیرسه اورمان مأمور-
لرینک استخدامی دولتجه فائده یی دکل، بالعکس کلی ضرری

دائماً باب عالینک پیش نظر تدقیق و تقدیرنده بولند یغچون چالیشقان اولیان مأمورک — نه دیرسه دیسون — افاداتی، متشخک ینه کندودن منقول اولان کراماتی قیلندن اولمش اولور .

اوجهتله بلطفه تعالی سایه توفیقوایه حضرت پادشاهیده مجرد اضافه توجہات جلیله داور اعظمیلریله طربزون ولایتک اداره عمومیه سنجه حال حاضری حال سابقندن نه درجه فرقلی اولدیغنی — ولوکه حکایه طریقیله اولسون — سویله مکی حقیقه بی لزوم کوردیکمدن اسالاس اولان تزاید عمران مملکتہ متعلق خصوصاته نقل کلام ایلدم .

واردات دولتک منبعی اولان ثروت عمومیه یی آرتیره جق برنجی واسطه، یوللردرکه طربزون ولایتی هرشیدن زیاده آکا محتاجدر .

بناء علیه شمذیلک کرمسوندن قره حصار شرقیه منتهی اولان طریقک کشادینی اهم والزم کوردیکمدن اولبابده بعض افاده یی حاوی نافعہ نظارت جلیله سنه یازدیغم تحریرات مخصوصه نک برصورتی لفا تقدیم ایله طریق مذکورک اهمیتی تقدیرعالی جناب وکالتپناهیلرینه عرض ایلرم .

ولایتجه ایکنجی واوچنجی درجه ده نظر اعتنایه آلنه جق معدنلرله اورمانلردرکه فیاض قدرتک اوجهتدن طولایی بوولایتہ

غیرت و حیثیت و وابسته در. آنجق بوصفتلری جامع بولنان ولاتک مساعیسی دخی تمامیه ثمره دار اوله یئلک ایچون مطلقا هر برینک عهده کفایتنه حواله بیوریلان ولایتک اداره سیاه متناسب، مأذونیت و اقتداری حازر اولسی اعتقاد چا کرانه حجه لابد و لازمدر.

ایشته تجارب واقعئ کترانه م ایجابجه ولایاتده کرچکدن بر حسن اداره تأسیسی ایچون شرط اعظم اوله رق بونی بولیورم. آنجق ولاته شمدی ده اعطا واحسان بیورلمش اولان مأذونیت و اقتدار، حسن استعمال اولنجه هیچ دکلسه بعض طرفلرجه بادی اشتکا اولمقده اولان سوء استعمالاتی دفعه کافی اولدیغنی اعتراف ایدرم.

شو قدر وارکه اخلاق عمومیه جه غیر مکر اولان تغییرات عظیه سببیه توسطوغری برمسلك اتخاذ ایدوب ایفای حق وظیفه خصوصنده زیاده چالیشان بروالی، مطلقا برچوق موانع و مشکلاته تصادف ایلر. کوردیکی ایشه، حصر ایتدیکی زمان ایله، اوموانع و مشکلاتی دفع ایچون اوغراشدینی اوقات موازنه ایدلسه همان همان تقابل ایده کلدیکی نزد کترانه مده کذلک تجربه فعلیه ایله ثابتدر.

بوحالک عکسیده بویله در.

مع مافیه ایفای حق وظیفه به بذل ماحصل اقتدار ایدنلرله ایتمیانلرک درجات مساعیسی کوستره جک آنجق فعلیاتدر. بوده

ماعداسی ده ان شاء الله تعالی طقسان آلتی ویدی سنه لری
 ایچنده اجرا واکال اولنه حق عملیات ایچون لازمدر.
 برده بومصرفك كافه سنی طربزون ولایتنه تحمیل ایتك
 مناسب اوله میه جغندن سیواس ولایت جلیله سی دخی کندی
 حصه سنه اصابت ایدن مصرفی ایفاء وکذا او حصه یه عائد عملیاتی
 اجرا ایتلیدر.

مع مافیه ینه رأی و اراده علیه نظارت پناهیلری نه مرکزده
 شرفساح اولورسه اصابت آنده اولمق قویا مأمول بولنغین اولبابده

عسر یضه

—

..... تاریخلو تلغرافنامه سامی جناب وکالت پناهیلرینک
 فقره جلیله اخیره سنده، ولایتک محتاج اولدینی اصلاحاته دار
 عرض و بیان معلومات و مطالعات اولنسی امر و فرمان بیورلمشدر.
 اشبو مساعدت جلیله دن بالاستفاده اولبابده کی بعض ملاحظات
 قاصرانه می بوجه آتی تمیزگاه دقایق اکتناه داور اعظمیلرینه
 عرض و انهایه مسارعیت ایلرم.

نزد عالی جناب وکالت پناهیلرنده بدیهیدر که اداره ولایاتجه
 مطلوب عالی اولان اصلاحاتک مدار محض حصولی، اوللا
 والیرک، بعده درجه درجه مأمورین سارده نک اهلیت، کفایت،

همده، خلغمز، مملکته ثروت و معموریتک آنجق یول ایله
 کیده بیله جکنی چوقدن آکلامش، بناءً علیه «تک همان لازم اولان
 یولر یاپلسونده بز مجانا ایشله مکه راضی یز» دیمکه باشلامشدر .
 ایدمی خلقک تسویه طرق ایچون بودرجه ابراز ایتدیکی
 آرزو وهوسدن بالاستفاده عملیات لازمه نک اجرا سیچون دولته ده
 بر آز فداکارلق ایدملیدر .

افاده چا کرانه م، عموم یولر حقنده ایسه ده تقدیم الهم علی
 المهم قاعده سنه رعایه شمذیک سائر یولره تقدیمه شایان اولان
 قره حصار طریقنک ملطفا تأخیر ایدلامسنی بالخاصه نیاز ورجا
 ایلم .

چونکه بویول توسیع تجارتیه فوق العاده خدمت ایده جکی
 کبی، یک مهم بر طریق عسکری دخی اوله جغنده شبهه یوقدر .
 بناءً علیه طریق مذکورک یابیش ویایله جق قسملریله اکمالی
 ایچون محتاج اولدینی عملیات ومصارفاتک مقدارنی مین ولایت
 باش مهندسی موسیو ریود طرفدن تنظیم اولنان پوصله لفا
 تقدیم قلندی .

اشبو پوصله ده کوستریلان مصارفاتک مقداری استکثار
 بیورلسون .

مصارف مذکورده دن بوسنه ایچون یالکز یوز یوز الی بیک
 غروش کافیدر .

و طریق مذکور کشادی، حائده ایسه تجارتک شمدیکندن قاج
 قات زیاده ترقی ایده جکی لایق و تمامیه معلوم اولسه اکمال طریق
 ایچون دولت هر درلو فداکارلغی کوزه آلدیره جغنده شبهه یوغیدی.
 مع مافیه چاکرلری طریق مذکورک ترک و تعطیلی، منافع و محسنات
 مادیه و معنویه سنک مجهولیتندن ایلری کلدیکنده قائل اوله مم.
 چونکه معلوم اولسه اولای او یوله بدأ اولنزدی.
 بونک ترک و تعطیلی مطلقاً بعض عوارضه منی اولسه
 کر کدر.

آنجق بز، اگر بوکبی عوارض طبعیه و ضروریه نك الجا آتیه
 تابع اولور سهق مملکتزده مؤسسات نافعه دن هیچ بر شیئه موفق
 اوله میز.

حدّم اولیه رق بو سوزی اک صادق بر وطنپرور صفتیه
 سویلیورم.

چونکه ولی نعمت بیتمز شوکتلو پادشاهمز افندمز حضر تلرینک
 نخبه افکار و آمال شاهانه لری ده بومر کرده دائر ایدوکنی اینی
 بیلورم.

اهالی، کندی ثروت و سامانلرینک تزایدینه خدمت ایده جک
 بوکبی عملیات نافعه ده نیچون بدناً و مجاناً خدمت ایتمسون.
 شبهه یوق که نظام قدیمی موجب جه اهالی، عملیات طرق ایله
 مکلف اولمز سه هیچ بر یول یاییله مز.

ودلالت ایتک ایستیانلر هب خائب و خاسر اولیور .
اورمان و معدنلرک کثرتی جهتیله طربزون ولایتی، ممالک
شاهانهک اک زنکینلرندن معدود اولدینی حالده مجرد یولسراق
سببیه بونلردنده همان هیچ استفاده اولنه میور .

جزئی مصرفله کلی فائده حصولی مأمول اولان تأسیسات
نافعهیه، شمدییه قدر بوراجه لایقیله اهمیت ویرلمه مشدر . بوندن
طولای هر وقت یالکیز اجانبیدن طویدیلغمز سرزاشلره قارشو
آرتق سویلیه جک سوز بولنه میور .

سلطنت سنیهنک تزاید وارداته اک زیاده محتاج اولدینی بر
زمانده دخی بومثللو منابع صحیحه ثروتدن استفاده یولی آرانیلوب
بولنمزسه آتیسچون انسانه یأس کلامک قابل دکدر .
بوملاحظات قاصرانه می اولجهده مقام عالی نظارتپناهیلرینه
عرض ایتمشیدم .

شمدیده ذات عالی جناب نظارتپناهیلرندن جملهک پک
بیوک امیدلری اولدیلغمچون بو وجهله تکرار تصدیعه جرأت
ایلدم .

کره سوندن قره حصار شرقیه کیدن یوله، بوندن برقاق سنه
مقدم ایکی طرفدن باشلانوب عملیاتی ایجه ایلرولمش اولدینی
حالده مؤخرأ سببمز ترک و تعطیل ایلدی .
کره سونک الحاله هنده فصل برموقع معتنای تجارت اولدینی

نفع ناس ایله خیر ناس اولمقده دخی ابراز آثار کمال ، ورفقای
حکومتک برنقصانی ده اولسه ، تدابیر صائبه حکیمانه سیله درحال
آنی اکمال ایدر. والسلام علی من رفعه الله بفضله واحسانه .

.....

نافعه نظارت جلیله سنه تحریرات

ممالک محروسه شاهانه ایچنده هیچ یولی یوق برملکت وارسه
اوده طربزون ولایتیدر دیه بیلیرم .

اندرون ولایتده معهود ارضروم طریقتدن ماعدا شوسه
کبی عربیه یولی دکل، عملیات بشریه ایله وجوده کلش دوز کونجه
عادی بر حیوان یولی بیله یوقدر .

قصبه لردن کویلرد، بر قصبه دن دیگر قصبه یه وهله ولایت
والویه متجاورده کتکه مجبور اولانلر، دره تپه آشهرق بر درجه
زحمت و مشکلاته دوچار اولورلرکه کوزله کورلمدجه تعریفی قابل
دکلدر .

باخصوص طغیان میاد اشناسنده کوپریسنزلکدن طولای
یولجیلر هانکی جهنده بولنورسه محصور کبی اوراده توقفه مجبور
اولور .

بوسیدن ناشی مملکته یول ایله کلکه محتاج اولان ثروت
ومعموریه خلقمزم متحسر، و تزايد عمران مملکته خدمت

تحریرات حکمت بینا تکرده وجد آور، بر لذت روح پرور بولد -
یغمدن آنی حرز جان ایلدم
.....

مکتوب

صیت فضیلتی اقطار عالمه منتشر اولان بر تحریر متجرك عن
خطابی، قدر آشیایان ادبه کوره حقیقت ! پك قیمتدار، واضافات
شرف سوریدن تجرید نفس ایدنجه بویله بر لطفه نائلیت، هر کس
ایچون مدار افتخار درر .

ایشته محرر حروف، بوکون او یله بر نعمتک متنعمی بولنیورکه
شکری ادا ایچون ازدیاد عمر وعافیت فضا ئلپناهی لرینه دعا ایدر .
هنوز شرف لقای والالرینه نائل اوله مامش ایسه مدده عظیم
قدر ومنزلت فضیلت شعار یلرینی محصول قریحه عرفانکز اولان نامه
بدایع نمای بلاغت اشتمالکزدن، وسائر آثار مسموعه کمالکزدن
بالاستدلال یقیناً طانیمشدر .

بناءً علیه جناب فضیلت مأ بکرك شو آراق قیصریه کبی
ولایتک اک مهم برلوی معتناسنده سجاده پیرای شریعت غرّا
اوللرینی کندجه اعظم اسباب موفقیت و بختیاری عد ایلرم .
ذات علیالرینه مانند بر حاکم حکمت شناس، شبهه یوق که،

کورسه ادهم، ایتدیکم کثرتده وحدت اختیار
عالم تجریدی ای سری فراغ ایلر بکا
الباقی هوالله.

.....

مکتوب

قیمتدار قلمکزله بوکون یالکز دولت علیه عثمانیه دکل، بلکه
هیئت عمومیۀ اسلامییه ایتدیککز خدمتی عالمده تقدیر ایتین
وار ایسه قطعاً عرض ایلرم که، یاغافل، یا متغافلدر.

حقا که، مداد خامه کزک هر قطره سی، میزان عدل حقمده
برغازینک قلیچندن آقان قان ایله برابردر.

اک مکمل، اک منتظم براردو قوماندانی دخی بوکون بلکه
خدمت قلمیه کزه معادل برظفیری تأمین ایدمز.

خامه سحر آفرینکز، بوشرف وشانی قزانديران ایسه، شبهه
یوق که، مقصد کزک علویت وقدسیتی در.

عند اهل انصافده او اقتدارلی، شعشعه لی قلمکزک عنوانی
«خادم منافع وطندر.» نه کوزل بر عنوان مطمئن در.

بنده کزه، اوته دنبری بدایع آثار خامه کزک پرستشکارلرندن
اولمغه جداً مفتخرم. بوسبيله درکه ۱۱ کانون ثانی ۳۰۰ تاریخلو

مکتوب

دست ارشاد کرده خامه، خامه دکل، او بر میزاب ماء الحیات در که،
 هر نه زمان حدیقه قرطاس بیان اوزره جریانہ باشلاسه (فاحینابه
 الارض بعد موتها) سر سجانینسی اظهار وعیان ایدر .
 تأثیر نطق بلیغتری تصویر ایچون عبد راقم الحروف،
 دم کلبانکی هم فیض « نفخت فیہ من روحی »
 فم قدسی زبان عارف باللہی کورسونلر . .
 بیتنی ارتجالاً انشاد ایلدی .

مکتوب رشاد تپناہیلری که، روح الروح توصیفنه سزادر؛
 خزان زده یأس وقتور اولان زمین دل خزینہ حقا کہ، باعث
 فیض وقتوح اولدی .
 مجاورت وزیارت حضرات اولیاء الحق موجب سعادت
 دین و دنیا در .

تعلیم و ارشاد کزہ دائماً عرض احتیاج و هر شیده قول،
 صادق کزله احتیاج ایلرم .

جناب حق، یو بعد عاجزی عالم اسباب ایچنده بولندیر مامش
 اولسیدی، اختیار تجرید ایله آستان عرفان کزک ملازم غیر مفارقی
 اولوردم .

مع مافیہ تأثیر پند و ارشاد کزله ینہ دیرم که :

تقدیرنده ایسه او، و آنک ترجان افکاری مثابه سنده اولان غزته
مأمورلرک نیک و بد ایدرلرینی فعل و حرکتلرینه اوزاقدن
نظر انداز تماشا اولنلره نسبتله ای بیلک لازم کلور .

زیراینه تکرار ایدرلرکه مأمورلرک کفایت وعدم کفایتی
وایی ویا کوتو حرکتی، اوزاقدن استماع ونظرله دکل بلکه یقیندن
تجربه فعلیه ایله ثابت اولور .

بوده پک بدیهی برشیدرکه هرکس افعالنه کورده مکافات
ومجازات کورمیوبده محسن، ترغیب، مسی، ترهیب ایدلیهرک
ایکیسی دخی نظر حکومتده مساوی طوتیلورسه حسن سلوک
اصحابنک حسب الحیه فتورینی موجب اولمسه بیله رغبتی ده
آرتیره مامق ونقط مهممل ومسیثلرک رهفته بدل جسارتی آرتیرمق
طیعیدر .

ایمدی حکمت حکومت، بونی اقتضا ایدرکه محسن، تقدیر
وتحسین، مسی، تقبیح وتلجین اولنه .

ایشته نظام عالم بو ایکی شیهه قائمدر .

شمیدیکی حالدهده بونک ایچون غزته دن اعلی واسطه اوله مز.
اولیه ایسه بز دخی صورت حال و حرکتی بو آینه عبرتنامه
کوزمکن قوجونانلرک وهم وتعریضلرینه تبعیتله اتخاذ والتزام
ایلدیکمز مسلك صحیح ومستقیم تبدیل ایدهمیز والسلام .

.....

ستایش و سرزنش، ایکی فائدہ عظیمہ مبنی تجویز اولمشد۔
 آنلرکده بریسی ترغیب، دیگرى ترهیدر۔ بوايسه بدیهیات
 اولیه دندرکه بر آدم کندی کندینی نه ترغیب ایده بیلور، نه ده
 ترهیب۔

بو ترغیب و ترهیب، مطلقاً طرف آخردن واقع اولمق لازم
 کلور۔ بو حالدہ ولایت غزته لری، والیلردن ماعدا مأمورین
 و مستخدمین ولایتی مناسبی وجهله ترغیب ده، ترهیب ده ایده بیلور۔
 همده ایتلی در۔ نته کم شمدی بزده بومسلک صحیحی التزام ایتمشزدر۔
 اوت! ولایت غزته لری بو وظیفه نی ایفاده مطبوعات سارردن
 زیاده حقلیدرلر۔

چونکه ولایت مأمورین محلیه نیک و بدینی، هر حالی
 خارجدہ کیلردن البته ای بیله جکدر۔ بیله مزسه عیدر۔ آنکیچون
 مأمورین محلیه، ولایت غزته لردن دها طوغری، دها صادق
 مزکی و ناصح اوله مز۔

زیرا بر آدمک مکتسبات علیہ سی امتحان ایله ده معلوم
 اوله بیلور۔ آنجق نظریات ایله عملیات آردسندہ وجودی اصلا
 قابل انکار اولیان فرقی عظیم حسیله ایش باشندہ فعلاً تجربه
 اولمخدجه۔ ولوکه نظریاتجه دیلومه صاحبی اولسون۔ مأمورینک
 کفایت مطلقه لری بلور اوله مز۔

ایمدی تجربه فعلیه که امتحانلرک اک صحیحیدر؛ کیمک پیش نظر

افکارینی ترجمه و تحریر در بشقه بر شیئه خدمت ایده میه جکوری و نه
 یازار لرسه والیرک لساندن یازمش اوله جقاری اول قدر بدیهیدر
 که او مقوله مدایج باردی کولنج حاله قویان دخی ایشته بو بدهتدر.
 ولانک لایق ستایش بر فعل و حرکتلری وارسه دیمک که
 مکلف اولدقلری وظیفه بی ایفا بیورمشلر؛ بوده عادتاً بر بورجدر.
 عقول سلیمه اصحابی ایسه بورجلرینی اوده مکه کندی
 کندیلرینه او کونمکی عیب صایارلر.

والیرکده افعال و حرکاتی وارسون افکار عمومییه ترجمانلق
 خدمتی در عهده ایدن مطبوعات سائر محاکمه ایتسون.

باخصوص بو محاکمه بی باب عالینک تمیزگاه حقایق اکتناهنه
 حواله ایتمک اولی کورینور. همده مدح مجرد فائده ویره مز.
 نهای حقیقییه استحقاق، فعل و اثرله اولور. میدانده لایق
 ستایش بر فعل و اثر اولینجه استانبولده یکی قپو مداحلری
 کبی بیک ستایشی کیمسه بر پارهیه آماز.

ولایت غزنه لری ایسه کافه اجراءات و تشبثات محلیه بی نقل
 و حکایه طریقیله درج و نشره مآذون اولوب بناء علیه ولایه کرام
 حضراتنک دخی مساعی مصر و فله لری ایشته بو واسطه ایله افکار
 عمومیه نک تقدیر جهان پسندانه سنه عرض ایدلمش اوله جغندن
 ستایش مطلوب ایسه اوده شو حالده دهها بلوغ دهها مؤثر بر صورتده
 حصول پذیر اولور.

زیرا امور معلومه دندر که ولایت غزنه لرینک علی الاطلاق

قالبنه نقل و اتحال ایدر لر سه شبهه یوق که مقدس بورجلری
ایفاده اهما ایتمش اولور لر .

خوشه کتسون کتمسون وقوعات صحیحه محلیه نی کتم ایتمک
ویا خود اوزا قده اولنلرک اغفال ایچون رنک دیکرده کوسترمکه
چالشمق ولایت غزته لریچون خادم منافعی اولدقلری مملکته قارشو
عقوی غیر جائز بر قباحت و — تعبیر مجاز ایسه — بیوک بر
اهانت دکلیدر ؟

اوله ایسه غزته مزطوغری به طوغری، اکری به اکری
دیمکله نیچون شایان مؤاخذه کورلسون ؟

غزته لرک مندرجاتجه اصل آرا نه جق شی طوغریلق
ویغرضلق اولوب آکا دائر کیمسه نک بر دیه جکی وار ایسه
بیورسون. ایشته غزته مزک صحیفه لری معترضلرک ادب ووظیفه
دائر سنده وقوعبوله جق اعتراضاته ده آچیقدر .

ناموسلریله یشایان مأمورین دولت ایچون اجل مکافات
واشد مجازات لسان مطبوعات ایله صورت محقه ویغرضانه ده
و قوعبوله جق ستایش و سرزنشدرکه ولایت غزته لری مطبوعات
سائر دن زیاده بو وظیفه اصلیه نی حسن استعمال و دائما خدمه
حکومه ده اهالی محلیه یه ده ارا نه مثال واجب الامثال ایتلیدر .

هله ولایت غزته لری نک بالخاصه و بالالتزام والی لری مدح
و ستایش ایدیشلری قدر عالمده کولنج شی اوله ماز .

زیرا ولایت غزته لری یازان قلملر منسوب اولدقلری ولاتک

بند مخصوص [°]

(حق سوز آجی در)

احتمالکه غزته مزك شمديكي مسلكنه اعتراض ايد نلرده بولنور. لكن

حق سوزه كيم نه ديه بيلور .

مئلدر ديرلر كه « حق سوزه آقان صولر بيله طورر » .

غزته نه در .

ستایشنامه مأورین می .

حاشا .

هجونامه می .

خير .

یا نه در .

مرآت عبرتنامی عالم و خادم افکار ام در .

اویله ایسه عموماً اوراق حوادث و خصوصاً ولایت غزته -

لری پك بیوك، پك مقدس بروظيفه درعهده ایتش اولدقلری

حالدده حیفاکه بعضیسی بروظيفه لرینی سوء استعمال و اك مقدس

بورجلرینی ایفاده دائماً تسکسل واهمال ایتدکلری کوريله یور .

هله ولایت غزته لری وقوعات صحیحه محلیسه دن قارئلرینی

خبردار ایتمیوبده یالکیز مأورین ولایتی لزومسز مدح وستایشه

حصر مقال و یاخود پایتخته چیقان غزته لرك مندرجاتی قالبی

[*] قسطمونی غزته سنه درج اولمشیدی .

معارفه کلنجه ولایت انجمن معارفک همت مخصوصه سیله مرکز ولایتده آچیلان مکاتب ابتدائیه حقیقه خیلی ایلرولمشد. ثمرانی هنوز اقتطاف اولنمغه باشلایان بو شجره عالیهنک محافظه نشوونماسیله ارتقاع و اتساعنه آبیاری مساعی حیتمندانه کز کفایت ایدر.

سینوبده انشاسنه تشبث اولنان حبسخانه عموی انسانیتیه خدمت ایده جک بر تأسیس نفیس اولمغله بو خیرلی تشبثک دخی قوهده براغلمامسیچون اجرای ایجابی تحریدن کیروطورلماسنی بالخاصه مأمورین عدلیه دن رجا ایدرم.

قدر و شانی عالی و نیجه ولایات مهمهده علی التوالی والی اولان خلف ذی شرفم که وکلای سلطنت سینه نک پک ممتاز لرندندر، حیات مملکته متعلق موادی البته بو عبد عاجزدن ای بیلدکاری، وای دوشوندکاری جهته بزم شو اوافق تفک تشبثاتمزی بالکلیه اونوتدیره حق صورتده آثار جدیده عمران و عرفان ابرازینه همت بیوره جقلرینه عموم ایله برابر بنده کزکده امیدم واثقدر.

هان جناب حق جمله مزی موفق بالخیر بیورسون آمین.



مملکتک استکمال سعادت حالتہ چالیشکز. چالیشکزکہ آلہک دہ
پادشاہک دہ رضاسی بونککہ حاصلدر.

بیلیرسکزکہ عمومک رفاهیت وسعادتی مملکتک ازدیاد
ثروت و معموریتہ منوطدر.

یکدیگرندن قابل انفکاک اولیہ حق صورتدہ یکوجود اولان
دولت و ملتک منافع مشترکسی ایشته شورشتہ اتحادایله مربوطدر.
بیلیرسکزکہ شوکتلو پادشاہمزرک نخبہ آمال هایونلری احیای
وطن جہتہ معطوفدر.

آنکچون مقام جلیل خلافتہ عبودیت و صداقت ادعا سنده
بولنان مأمورینک مساعیسی دخی آمال خیریہ شاہانہک
حیزاری حصول اولسنہ مصروف اولمق لازم کلیر.

سایہ ولی النعمتدہ اون بو قدر آی امتداد ایدن مأموریت
عاجزانہ مدہ باشلوجه بعض مهم ایشلره تشبث اولنمشدی کہ بونلردن
اکثری قسمآپذیرای حسن ختام اولمشدر.

برنجیسی اینہ بولیدہ لیان مقدمہ سی اولہ رق باشلانان اسکله،
ایکنجیسی هنوز تمامیلہ فعلہ چیقہ میان صنایعخانہ در. بونلرک
تصور اولندیغی وجهلہ اکالنه چالشمق خیرخواهان دولتک
وجیبہ ذمتدر. اوچنجیسی سیدہ معلوم اولان یوللر در کہ بونلردندہ
اینہ بولی طریق همان بتمش و بوی آباد طریق دخی غیور و مقدم
مأمورلرک غیرت و اقدامیلہ سایہ عمرانوایہ حضرت پادشاہیدہ
بتمکہ یاقلا شمش کیدر.

بر چوق مزیات انسانیہ نک ظرف مستقری اولان مکارم
اخلاق حقا که بو بلده طیبه خلقنک خصائصندندر .

یکجه تلمکده عمومی بر عائله حکمنده اولان بو قوم نجیبیدن
مفارقت کی رئیس عائله ایچون بیوک بر الم درون تصور اولنه مزه
ایشته بو عبد عاجز بو کون او یله بر المک تاثیرات شدیدہ سی
آلتنده بولنیور .

اطرافه منتشر اولان شعاع باصرہم که سزه محزونانه ایفای
رسم وداع ایدیور .

کویا کوکلمده فوران ایدن بر نائره تحسیرک انعکاسیدر که
دریچه چشممندن فرجه یاب ظهور اولوب التماع ایدیور .

حاصل کلام حکم قدر بنده کزی سزدن آیریور .
فقط کوکلی پنجه سختگیر اجل بیله دست تعلقکزدن
آیره ماز . البت امینسکز که جوهر نفیس محبتکزی ری محفظه جاندر .
یاد محبتکزی او صورتده محفوظدر که ملک الموت بیله آکا
دستدراز تعرض اوله ماز .

سزی آرقداشلر مه ، آرقداشلر می سزه ، جمله کزی ده آلهه
امانت ایدیورم .

ای رفقای کرام !


تمشیت امور ولایتجه سزدن کورمش اولدیغم معاونتدن
طولایی جمله کزه منتدارانه عرض تشکر ایلرم .

نیجه زمانلردن بری نان ونعمتیه پرورده اولدیغکزی شو

منتج و ایجاب حال و مصالحته توفیقاً کوستریلان تعدیلات و آرزو
ایدیلان تشکیلاتک قبول و اجرایی ثمرات نافعہ فی موجب
اولہ جغتہ بالبداهہ حکم ایدیلہ جکندن امینم .

تعدیلات و تشکیلات معروضہ اساساً قرین تصویب و قبول
عالی بیورلدینی خالدہ بوقضا و ناحیہ لردہ الیوم موجود
و مستخدم اولان مأمورلر ایچنبدہ اہلیت و کفایت صاحبی
کیمسہ لر وار ایسہ آنلرک ابقا ، و دیگر محاللر ایچون من غیر حد
طرف چا کرانہ مدن انتخاب اولنہ جق مناسبلرینک مجدداً تعینی
عرض و انہا اولنمق اوزرہ کیفیتک طرف عاجزی یہ ارادہ
و اشعار بیورلمسی مسترحمدر . باقی ہر خالدہ

طربزون فی ۸ حا سنہ ۹۶ و فی ۱۷ نیسان سنہ ۹۵



وداعنامہ

جناب مالک الملک شوکتلو پادشاہمزہ باغشلاسون . بوکوزل
مملکتی سومش اولدیغم قدر دنیادہ بریرہ محبت ایتدم دیسم
جائزدر . حسیات قلبیہ مہ ترجمانلق ایدن لساندن خلاف حقیقت
بر سوز صدور ایتیمہ جکنہ امینسکنز .

و شاملدر . چونکه حق الانصاف اوله رق بو ولايتك نه تقسیماتی ، نه ده تخصیصاتی ايجاب حال و مصاحته متناسب بر قاعده صحیحیه توفیق ایدلماش . بناءً عليه عموماً تصحیحات و تعديلات کلیهیه محتاج بولنمش اولدیغنی ظن عاجزانه مه کوره بورایه کلان ولایه ایچنده دولتلو یوسف پاشا حضرتلری دخی اك زیاده تصدیق و تقدیر بیورانلردن ایدوکنه مبنی بمنه تعالی ایلروده صرہ سی دوشدکجه بو بابده اولان ملاحظات و مطالعات قاصرا . نه می عرض و بیاندن کورو طور میه جغم . لکن تقدیم الاهم علی المهم قاعده سنه اتباعاً شمديك کویا قائم مقامله اداره اولنورکن ناحیه لردنده دون بر حالده قالان بعض قضالك تخصیصات حالیه سنی جانلاندر مق و حالاً ، مصلحة قائم مقاملق اتخاذینه احتیاج صحیح ایله محتاج ایکن الیوم مدیر لکله اداره اولنان بعض نواحی بی قضایه تحویل ایتک لابد و لازمدر . بناءً عليه مذکور قضا و ناحیه لر تخصیصات حالیه لریله مجدداً تخصیصی ايجاب ایده جك معاشاتك و هر برینك حاوی اولدیغنی قرانك عددیله واردات عمومیه سنك مقدارینی مبین تنظیم ایدی لان جدول لفاً تقدیم قلندی .

جدول مذکورده مرقم تخصیصات حالیه مقدارینه عطف نظر دقت بیوریانجه و باخصوص بعض مهم مأموریتلرك بر آچه بیله معاشی اولدیغنی کوریلنجه بو حال حاضرک بقاسی بالاده عرض اولدیغنی وجهله کرچکدن پك چوق مضرت ملکیه نی

واستقامت بکله مکه حقمر اولمق ایچون کندولرینک نصل اخلاق
فاضله صاحبی اولملری لازم کله جکنی و او یله سنک ایسه عصر مزده
وجودی یوق درجه سنده اندر ایدوکنی دوشونملی ز .

بناءً علیه اولاً هر مأموریت ایچون او مأموریتیه تعیین
اولنه حق آدمی عائله سی خلقیله برابر اداره یه کافی معاش تخصیص
بیورلماز ایسه ایشه یرار پک آز مأمور بولنه جغندن هر آن یار
و اغیارک بحق شکایاتی موجب اولان سوء استعمالات و مغایر
مرضی حالاته بر وقت نهایت و یر یله مز .

چا کرلری بوصوک سنه لرده بر چوق اسباب معلومه دن ناشی
خزینۀ دولتک اوغرا دیغی بحران مالی نی بیلمیانلردن اولدیغ
ایچون شو صروده تزیید مصارفه یول آچقدن حسب الصداقة
احتراز ایتمک لکم لازم کله جکنی و بلسکده واجب ایدوکنی اعتراف
ایلم . بونکله برابر قلت معاشدن ناشی قابلیتسز مأمورلرک استخدا مندن
و بنابرین امور اداره نک عدم انتظامندن دولتجه وقوعه کلان
ضررلری حساب و تخمین ایدنجه هر ایشه فی الجمله اهل
و مقتدر مأمورلر بوله بیلمک و مصالح دولت و مملکتی آرزوی
عالیه موافق بر یولده کوردیرمک ایچون اختیاری لازم کلان
مصارف زائده مصارف مشمره قسمندن عد اولنه جقدر . بونک
ضمننده حصوله کله جک منافع کلیه نک شم دیکی حالده وقوعه کلان
ضرر لرله اصلان سبت قبول ایتمز بر درجه یه واره جنی امید و اتقده یم .
اشبو افاده عاجزانم ولایتک هر شعبۀ اداره سنه عام

ایشته شمدی به قدر بوکا دائر بر شی عرض و آنها ایده میشم
مجرد حجابدن ایلری گلش اولغله بو باده معفو و معذور
طوتیه جغمی امید ایلرم باقی

۲۶ کانون ثانی سنه ۳۰۰



عریضه

—

اکثر محالرده امور و مصالح حکومتک بر مجرای غیر مستقیمده
جریاننه، بعض مأمورلرک طریق نا مشروعیه میلاننه، خزینۀ
دولتدن مخصوص اولان معاشلرک قلتی دخی فی الجمله سبب اولمقده
اولدینی قضایای مسلمه دندر.

زیرا بر عائله نی اداره یه کافی اولیان مقدار معاشه قناعتله
ایچه غائله لی بر مأموریتی درعهده ایدن آدم مطلقا شو ایکی
حالدن خالی دکلدر. یا درایت و کفایتی معاشی نسبتنده بر عاجزدرکه
بو، اهل و مقتدر اولان مرتکبدن ده دوندرو یا خود معیشتنی
او مأموریت سایه سنده و فقط بر صورت غیر مشروعده تأمینه
سعی ایدنلردن اوله جغی رونموندر. بونک آرتق اوچنچی بر
احتمالی یوقدر.

ایمدی معاشسز بر مأموریتی قبول ایدنلردن حسن خدمت

امكانه نزل كدر. چونكه بر قاچ سنه دن برو دوام ایدن رواج سنك
سبيله كرك اعشار مالندن، كرك معارف عائداتندن موجود
ذخيرلر على الاكثر صاتيحه ميوه انبارلرده طور مقده اولمائه
بو حال دوام ايدرسه مكاتبك انشاسي ده انشاسندن صكره مصارف
لازمه دائمه سنك وقت وزمانيله تسويه وايقاسي ده بالطبع كسب
مشكلات ايدر. مع مافيه جناب، محول الحلول والاحوال خلوص
نيتله باشلانان بويله بر امر خيري ازهر جهت تسهيل و تيسير
بيوره جنی آزاده قيد اشكالدر.

معارف عائدات جديده سي حقنده كلان اوامر عليه شمدي يه
قدر بوراجه حسن تفهم وتلقى ايديله ميه رك اولبايده بك ياكلش
معامله لر جريان ايده كلمه شدرد. بونك امكان تحتده كي تحصيلات
اصلا اعتنا اولنميوه در سعادته عائد ربعه محسوباً بك آز ارسالات
وقوع بولمسي دخي هپ بوقاريش قلدن ناشيدر.

حتى سنه نك ختامه بر آي قالمش اولديغي حالده ايلك تقسيطده
دفعه استحصالی مقتضای اراده عليه دن اولان ويكوفی سكسان
بو قدر بيك غروشه واران مسققات ويركوسى عائداتندن يالكز
اوتوز غروش تحصيل واستيفا اولنه بيلمش اولديغي غرائبدن
اولمق اوزره عرض ايلرم.

مع مافيه چاكرلري انقرديه كلوركز بوبابده الويه ملحقه
متصرفين كرامنه ازسرنو تبليغات وانحه ومكرره ايفاسيله اصلاح
معاملات وتسريع تحصيلات اسبابنك استكمالنه مسارعت ايلدم.

ایتمک استدکاری جواباً بیلدیرلمش . بویکی اوسته طربزوندن
انقرده کلمک اوزره بولنمشدر .

بو اوسته لر کلنجه کرک مرکز و مایحققات و لایحه، کرک ینه
طربزونجه اصول و نظامنه توفیقاً علناً بالمناقصه تقرر ایدجک
فی ایله و شرفسایح اوله حق اراده جلیله آصفانه لری موجبجه
بمنه تعالی حلول بهارده مکتبک انشاسنه مباشرت اولنمسی مقرر دره .
تملرک حفری ایله متعهدک طاشخانه لردن چیقاره جنی
طاشلری موقع انشاآته نقلی حکومت عائد اوله جنی کی مقتضی
کرچی دخی حکومت ویرجک و یالکز دیوارلرک انشاسی متهمده
عائد اوله بقدر . مقتضی کرچی ده حکومت کذلک بالمناقصه مبايعه
ایده جکدر . لازم اوله حق کراسته نکده کراسته چیقان قضا لردن
بالمناقصه مبايعه سی و بعده احشاب ایشلرینک دخی بالمناقصه تقرر
ایده جک فیثاتله متعهدینه احاله سی و الحاصل جامنه چارچیوه سنه
وارنجه یه قدر کافه مالزمه سنک بویله بشقه بشقه اجرای مناقصه سی
مقرر در . بعونه تعالی سایه موفقیتوایه حضرت خلافتپناهیده
اضافه توجهات جناب نظارتپناهیلرله مصلحتک حسن اتمام
واجرا سنه بالخاصه طرف چا کرانه مدن نظارت اولنه حق ومع مافیه
طربزونده یاپلدیغی کی بوراده ده معتبران اهالیدن و سائر دن
مربک یر قومیسون مخصوص دخی تشکیل قاننه بقدر .

یالکز بوراجه الک زیاده جای تردد و ملاحظه بر جهت
وارکه اوده عائدات معارفک سرعت و سهولتله الده ایدله سنده کی

بوراده دخی بر مکتب رشدی عسکرینک کشادی مطلق
الوجوب حکمنده در . بونک اجرای ایجابنه مساعده بیورلمسی
صورت مخصوصه ذات علیای حضرت سرعسکریدن نیاز
واسترحام اولنه جقدر .

بناءً علیه شواسترحام چا کرانه مه مساعده بیوریلورده بوره دهده
اوله بر مکتب آچیلیرسه او مکتبک معلمری طربزونده کیلر کبی
جزئی بر ضم معاش ایله مکتب اعدادیده دخی معلمک ایده بیله -
جکلرندن طولغون معاشرله خارجدن زیاده معلم جنبه حاجت
قلماز واول حالده مصر فیه حاصل اوله حق تصرف سببیه لیلی
صنفنه مجاناً قبول اولنه بیله جک شا کر دانک عددی چوغالیر .

مکتبک صورت انشاسی بحثه کلنجه : انقردهده بویه عالی بر
بنایی دکل، مطلوبه موافق اولمق شرطیه اک عادی بر بنا بیله
یابه بیله جک مهارتلی اوسته لر بولنمدیغندن صنعتلرنده کی حذاقت
و مهارتلی مسلم اولان طربزون اوسته لرینه مراجعت لازم
کیلر . بناءً علیه طربزونده یاپلمقده اولان مکتبک شرائط معلومه
مناقصه سنک عینی شرطلره انقره مکتب اعدادیسی بناسنک
دخی اجرای مناقصه سی باتلغراف طربزونه اشعار اولنمش ؛
بورادن ویریلان ایضاحاته قناعتله دفعه پی سورده رک مناقصه
قپوسنی آچان اولمش لکن بناده استعمال اولنه حق طاشلری
کورمدکجه ایلر و سنه واره میه جقلری اوراده کی اوسته لر بیان ایتمشله .
ایچلرندن ایکی نفری مخصوصاً بورایه کلوب طاشلری معاینه

خانہ لری نہ کیدہ منز. بناءً علیہ لیلی صنفہ زنکین اولسون فقیر
اولسون شهرلی چو جقلرینک مجاناً قبولی قطعاً منع ایدیلہ رک
صنف مذکور ماحقات لواندن کلہ جک وکیجه لری خانہ لری نہ
عودت ایدہ میہ جک شاگردانہ منحصر طو تلمایدر.

عائدتک مقدارینہ کورہ لیلی صنفہ قاج شاگرد آئہ بیلہ جک نی
شمیدندن ده تخمین و تعیین ایتک ممکناتدن ایسه ده مکتبک معلمین
و مستخدمینہ و یریلہ جک معاشلرک کمیتی قطعاً تعیین ایتدکجه
و آرتہ جق پاردہ نک مقداری بیانمدکجه و بابدہ بر حساب صحیح عرض
ایدیلہ منز. چونکہ طربزونده مکمل بر مکتب رشدی عسکری
ایله منتظمجه دیگر مکتبلر بولندیغندن او مکتبلرک معلملری اوراده
یا پانمقدہ اولان مکتب اعدادی درس لرینی دخی جزئی بر معاش ایله
تدریس ایتہ بی ذاتاً تعهد ایتمش اولدقلرندن اوراسی چون بویله بر
حساب یا پیلہ بیلمش ایدی. بوراده ایسه معلملرک کافہ سنی مطلقاً
خارجدن کتیرتمک لازم کلوب کچنده تعمیماً ولایاتہ ارسال
بیوریلان پوصله ده محرر المقدار معاشلرله در سعادندن اقتدار لیجه
معلملرک کلہ بیله جکلرینی چاکر کینہ لری اصلاً امید ایددم.
بوسیدن ناشی لیلی صنفہ نہایت قاج چو جق آئہ بیلہ جک نی ده
شمیدندن کسیدرہ مم.

شو قدر کہ جمعیت اسلامیہ نقطۂ نظرندن باغیا بر سه بوراسی
حقیقۂ اناطولینک پک مهم و معتنا بر موقعی صایا بیلہ جکندن
طربزونده، قسطنمونیده و سائر بعض بلاد مهمه ده اولدینی کی


آنه حق چو جقار همان هیج بر شی استفاده ایدهمیه جکلر،
یاخود معلم افندیلر پروغرامک خارجنه چیقه رق و مکتبی،
مکتب اعدادی حالندن چیقاردرق عادی بر مکتب حالنه قویه جقاردر،
ایندی ایلروده اوپله آرزو اولنماز برقاریشقلق وقوعنه میدان
ویرمکن ایسه ینه مقصود اصلی اولان مکتبک نامنی ده،
پروغرامنی ده محافظه ایتمکله برابر کنیدیسنه لازم اوله جق
شا کردانی کنیدیسی یتشدریمک اوزره مکتب داخلنده شویله بر
احتیاط صنفی تشکیل ایدمک البته اولی و انسبدر. بو تقدیرجه
و بر مصرفله هم مکمل بر مکتب رشدی، همده مکمل بر مکتب
اعدادی وجوده کتیرلمش و تعمم انتشار معارف حقنده کی یکانه
مقصد مقدس حضرت پادشاهییه دها زیاده خدمت ایدلمش
اولور. الویه ملحق، مرکز لرنده یاپیله جق مکاتب اعدادیه
حقنده ده فکر و مطالعه چا کرانهم بو مرکزده دائر اولوب
صورت معروضه نک رهین تصویب واستحسان اوله جغنی امیدایلرم.
برده استفاده یی تعمیم ایچون ممکن مرتبه ایلی صنفنه زیاده جه
شا کرد آله بیلیمک اوزره مصارف دائمه سائردهن ممکن مرتبه قصر
و تصرفله عائداتک چوغنی ایلی صنفنک مصرفنه تخصیص ایتمک
لازم کله جکی بدیهیدر؛ چونکه بریلی صنفی آچیلمازسه مکتبک
کشاندنن یالکز نفس انقرده سا کن و متوطن اولنلرک اولادی
مستفید اوله جقار. کویلرده وباخصوص قضالرده کی اها اینک اولادی
اصلا استفاده ایدهمز، زیر آتلیر شهریلر کی کوندز کلوب کیجه

مکتبه آنه جق چو جق بولنه ماز . بناءً علیه طر بزون مکتبی
ایچون اورادن متجاسر تقدیمی اولدیغ پروغرامده کوسترلیدیکی
وجهله بورانک مکتب اعدادیسی ایچون دخی مطلقا بر احتیاط
صنفی کشادی لازم کلیر . آنجق طر بزونجه احتیاط صنفک کرک
مدتی، کرک درس لری معارفک اوراده کی درجه انبساط
وانتشارینه کوره تعیین ایدلشدور . بوراده ایسه معارف نسبت
قبول ایتمز درجه ده پک کوری ایدو کندن احتیاط صنفک ده
کرک مدتی، کرک درس لرینی احتیاجات حاضره محلیه نسبتنده
تعیین ایتمدکجه استفاده قابل اوله ماز .

ایشته بوسیدن ناشی قولکیز دیرم که : مکتبک نامی ینه «مکتب
اعدادی» اولسون . صنف لری، درس لری دخی آکا کوره ترتیب
اولسون . فقط سایه موفقیتوایه حضرت پادشاهیده دیکر
مکتبلر دخی اصلاح اولنوبده او مکتبلر معلومات لازمه ابتدائیه یی
حائز شا کرد یتش دیرمکه باشلا نجه یه قدر بو مکتب اعدادی
کندینه لازم اوله جق شا کردانی ینه کند یسی یتش دیرمکه بیلیمک
اوزره مکمل بر احتیاط صنفی کشاد ایتلی . بوضفه مخصوص ایرجه بر
درس پروغرامی تنظیم اولنه رق شم دیک آنه جق شا کردان لا اقل
درت سنه بو صنفده دوام ایله معلومات لازمه ابتدائیه یی اوراده
تحصیل و تکمیل ایتد کدن صکره مافوقنده کی مکتب اعدادینک
صنف لرینه نقل ایتلیدر . بو بویله اولما زسه مکتبک کشادنده یا مرتب
درس جدولی موجب نجه تعلم و تدرسه مستعد شا کرد بولنه میه جغندن

اوزرینه من غیر حد افدمزه عرض ایده جکی بر سوز وار ایسه
 اوده بوقول صادقدن عبارتدر. بو منلو ارباب استحقاق حقنده
 بی دریغ و سزاوار بیوریلان الطاف جلیله اهلپروریلرندن
 افسدی مومی الیه داعیلرینک ازسر نو حصه مند اوله جفی
 بی اشتباهدر باقی.

۹ جمادی الاخره سنه ۳۰۲ وفی ۱۴ مارت سنه ۳۰۱



عریضه



خریطه سیله کشفنامه سی بامضبطه تقدیم قلنان انقره مکتب
 اعدادیسی حقنده کی ملاحظات مخصوصه چا کرانه م دخی بروجه
 آتی عرض اولنور. شویله که بوراده معارف جدیده هنوز منبسط
 و منتشر اوله مدیغندن موجود مکاتب ابتدائیه اسکی حالده ورشدیه
 مکتبی دخی اونسبتده اولوب بناء علیه بوراده نه دفعه مکتب
 اعدادییه آله بیله جک معلوماتلی شا کرد ونه ده مکتب اعدادی
 پروغرامنده کوستریلان درس لری اوقوته بیله جک معلم بولنه بیلیر
 آنکچون رأی و مطالعه چا کرانه مه قالیرسه مکتبک پروغرامنجه
 بعض تعدیلات اجرایی لابد و لازم اولوب اول حالده مصارف
 لازمه سی ده آکا کوره ترتیب و تخمین ایدیلیر. شویله که :
 یارین مکتبک بناسی ختام بولسه ده رسماً کشادی اجرا اولنسه

رفقای کرامله اهایء مملکتی بوفکر ترقی پرورانه ده متحد
بوله جغمی و جمه سندن معاونت کامله یه مظهر اوله جغمی امید
ایلرم .

همان جناب حق حبیب اکرم حرمته جمه مزى موفق بالخیر
بیورسون .



عریضه

—

مدت عریفه سنك انقضاسنه مبنی بو کره در سعاده عودت ایدن
انقره ولایتی مرکز ناہی سابق فضیلتلو عمر خلوصی افسدی
داعیلرینك حضور فائض آثور ولی النعمیلرنده علم و فضل
وتقواسندن بحث اتمه بی معلومی اعلام قیلندن و بناءً علیه
تصدیعات بیهوده دن عد ایلرم .

بندۀ دیرینه لرینك افسدی مومی الیه ایله رفاقت عاجزانه م
ایلك دفعه اوله رق بوراده وقوع بولمش و بورفاقتك مدتی ده پك
آز سورمش ایسه ده كرك بو آز مدت ظرفنده بالذات وقوع بولان
مشهودات، كرك نقاادن وقوع بولان مسموعات کترانه مه نظراً
باب والای جناب مشیختپناهی لری الحق افتخاره سزا بر وجود
کامل دها یتشدیرمش اولمسندن طولایی شایان تبریکدر .
ایشته بو عبد عاجزك شهوداً و سماعاً حاصل ایتدیکی وقوف

برده بیلملی یز که عصر من عصر ترقیدر؛ زمان وقوف
و عطالت دکلدر .

منهاج سعادت او کمزده آجیق طورییور . بر آدیم ایلری
آتان قزانیر .

بو خصوصده دخی متبوع مشروع و معظم من اقدم
حضر تلرینک اثر سعادتلرینه اقتفا ایتمک حصول مقصده کفایت ایدر .
نه موطلویز که بلااستثنا عموم تبعه صادق سنی مسعود و بختیار
ایده جک اسباب و وسائلی تحری واستکمالدن بشقه برشی دوشو .
نیمان شوکتلو غازی عبدالحمید خان اقدم من حضر تلی کبی
بر شهنشاه معدلت کستر عهد سعید سلطنتی ادراک ایدک .

بویله بر شهریار علی تبارک اغورنده هر وطن پرور فدای
جان ایدر .

احوال مملکته کلنجه ، قدرت فاطره نک بو خاک پا که بخش ایتدیکی
منابع ثروت اولقدر چوقدر که اها لیمزک بر قاج مثلنی بختیار ایده بیلیر .
انشاء الله تعالی معارف و معابرک تعمیم و تنظیمی بو منبعلردن
حقیله استفاده منی تأمین ایده جکدر .

چونکه معارف فیکر انسانی تربیه و معابر ثروت و سامانی
تمیه ایدر .

ایشته شو اسباب سعادتق تحصیل و تکمیله چالیشانلر وطنلرینه
صحیحاً بیوک خدمت و آمال و افکار حضرت ولی النعمته موافق
حرکت ایتمش اولورلر .

عثمانیان اولان اناطولی قطعه سی اها لیبی حقنده حسن نظر
هایونلری برکال اولدیغی سزه کال ممنونیتله تبشیر ایلرم .

پادشاهمزه ک احیای وطن جهتنه مصروف اولان جلائل
هم شاهانه لری بزم تقدیر و تعیین ایده بیله جگمزد درجه لردن
چوق عالیدر .

بو بابده کی او امر سنیة خلافتناهی لری نی انفاذ واجرا ایچون
بو عبد صادق لری نی ولایتکزه لطفاً والی تعیین بیوردیلر .
درعهده ایتدی کم وظیفه مقدسه نک اهمیتله متناسب اقتداره
مالک اولمادیغی اعتراف ایدرم .

بونکله برابر بر نقطه استناد وار که اوده توفیق الهیدر .
توفیق الهی شرع وقانون احکامندن اصلا منفک اولیان
امر و رضای خلافتناهی یه توفیق حرکت و حسن نیته مقارن
اولان علو همتله قزانیلیر .

بزمده ذاتاً بوندن بشقه خط حرکتمز یوقدر .
آنکچون امید ایلرم که امور مزده توفیقات الهیه یه مظهر
اولورز . چونکه فیاض قدرت ایچون بخل و امساک اصلا متصور
دکلدر . اراده کلیه الهیه عبدک اراده جزئی سینه ناظر در .
بزی سر منزل سعادت و سلامته ایلته جک بر شهره مستقیمه
سلوک ایلرایسه هادی السبل اولان الله ذو الجلال دخی هدایت
و عنایت الهیه نی کندی مزه رهبر نجات ایدر .
اما بونک عکسیده بالعکسدر .

والیساکی بوکره دخی عهدۀ نساوری به توجیه بیورلمغله مرکز
ولایتہ مواصلت و مستعیناً بتوفیقہ تعالی تمشیت امور موکولہ بہ
مباشرت اولنمشدر. رفقای کرامہ ایلاک تبایغاتم، ترقیات صحیحہ
مملکتہ و اوصورتلہ رضای پاک الہی و مطلوب خاص خلافتناہی بی
تحصیلہ وسیلہ مستقلہ اولان احکام شرع و قانونہ متابعتلہ وظائف
مقدسہ مزک تمامی ایفاسنہ حصر نظر سعی ودقتی توصیہ و تأکیدن
عبارتدر. بومساک مستقیمدہ حرکت ایدن نائل مأمول و دائماً
مرغوب و مقبول اولہ جنی کی عکسنی اعتیاد ایدنلردخی موفقیت
حسنہ دن محرومیتلہ مدخول اولمق طیبعدر. بناء علیہ صنوف
مأمورینک شو ایکی شقدن خیرلوسنی اختیار ایلہ احیای وطنہ
متعلق مقاصد سنیہ ولی نعمتہ توفیق حرکت و احتیاجات عصر
و زمانہ کورہ آثار مبرورہ ابرازینہ ہمت بیورہ جقلرینہ امیدم
وانقدر. فی ۲ کانون ثانی سنہ ۱۲۹۸

نطق رسمی [°]

جناب حق وجود مقدس ملوکانہ لرینی بو ملک و ملتہ
باغشلاسون.

ولی نعمت بی منتمز شو کتما ب افند من حضر تلرینک مہدظہور


[*] قسطنیونیدہ ایراد اولنمشدر. فی ۲۵ کانون ثانی سنہ ۹۷.

هانیا بنم سلفم، هانیا او محبوب قلوب اولان یوسف پاشا؟...
 بر زمان اوده شوراجقده سزه بویله خطابت ایدیوردی .
 بوکون ایسه اواسان فاطق بر جسم جامد حاله کیرمش،
 بلکه اجزاسی بیله انحلالپذیر فنا اولمشدر .
 اوف ! انسان، حقیقت نهده ظلوم وجهول ایمش !...
 افندیلر !

موت مدهشددر، لکن بو عالمده آندن زیاده عبرت آله حق
 شیلرده وارددر .
 بیلیرسکز که الله ذوالجلال محول الحول والاحوالدر .
 ایشته او عزیز اولان الله بوکون بر جلوۀ عبرت آمیزی
 سزه کوستریبور .

عدالت بر میزانددر که الله بیله عملمزی انکله طاریور . بر
 کفہ سی مکافاة، او بری مجازاتدر هر کس دیله دیکی جانبی اختیار
 ایده بیلیر .

مقدمکی مأموریتده دخی همان عموم طرفندن کوردیکم
 حرمت و محبتی آرتیره حق و معارنت خیرخواهانه کزله اولا الله
 ذوالجلالی، ثانیاً پادشاه کریم الحصالی جمله مزدن راضی و خشنود
 ایده جک خدمات حسنه یه موفقیتمی الطاف سبحانیه و مددکاری
 روحانیت نبویه دن امید واستدعا ایلرم .



تلغرافنامه

عواطف جهانشمول حضرت پادشاهیدن طربزون ولایتی

افندیلر !

ایشته کور بیور سکز که جناب الله طوغریلری عزیز ایدیور .
حب معالی ایله مجبول اولان انسان نفسنک ذلیل اولدیغنی
ایسترمی ؟

البته ایسته مز .

اوله ایسه هیچ بر وقت طوغریلقدن آرمادلیز که دائماً
عزیز اوله لم . زیرا شوکتلو پادشاهمز دائماً طوغری کیدنی
طوغری سویلیانی سور .

افندیلر !

وقتک نزا کتنی ، ولایتک اهمیتنی ولی نعمتک عاطفتنی تقدیر
ایدکز . تقدیر ایدکز که سزی ده تقدیر ایدنلر بولنسون . زیرا
فرصت بلوط کبی در که اصلاقراری یوقدر . هنر آنی قاجیر مامقدر .
فیاض قدرتک ملکمز ، خلقمز بخش ایتدیکی استعداد ترقینی
ضایع ایتمک قدر بر خسران عظیم تصور اولنه مز .

قدرتلو پادشاهمز بو استعداد خدا دادن تامامیله استفاده کزی
تأمین و تسهیل ایده جک مساعدات سنیه لرینی دریغ بیور میور .
او پادشاه حکمتپناه که عموم تبعه سنی بلا استشنا اولادی
کبی سویور .

برده دوشونکز که بو عالم فانیدر ، کیمسه یه مال اولماز .
ایمدی روامی که بر غرض نفسانی ایچون انسان آخرتخنده
خراب ایتسون ؟

نطق رسمی [*]

—

شو اوقونان امر عالی — که عظمتلو پادشاهمزك پك معزز
بر مثال واجب الامتثالیدر — بزه شرع و قانون احکامنه متابعتی
امر ایدیور. شرع و قانون ایسه معلومدر که محضا حق اظهار،
مظلومی استظهار ایچون وضع اولنمشدر.

ایمدی اظهار حق استظهار مظلوم خصوصالرنده بکا اک
زیاده یاردم ایدهنك، یانمده اک زیاده سویلی اولمسی طبعیدر.
ولی نعمت بینتمز شوکتآب افندمزك بو عبد صادقلرینی
ایکنجی دفعه اوله رق ولایتکزه مأمور بیورملری آتجق سزك
صلاح حالکزه خدمت ایچوندر.


صلاح امت ایسه معلومدر که اتفاق کله ایله حاصلدر. نزاع
و تفرقه سبب اولنلر حقلده خلقکده نظرنده مردود و منفوردر.
زیرا هر خیری بسيله یان و فاقدر؛ هر شری ده طو غوران نفاقددر.
ایشته جبل متین و فاقه طو تنق ایچون بن سزه الیمی
اوزادیورم، اللهه، پادشاهه، اطاعتی، قانونه حرمتی، وطنه
محبتی اولنلر، بنمله ال اله ویرر.

بو الدن الینی کری چکن مطلقا خائب و خاسر اولور. زیرا
اللهک ید قدرتی جمله مزك اللری اوستنده در.

[*] ۲۰ کانون ثانی سنه ۹۸ تاریخنده طربزونده ایراد اولنمشدر.

ایدنبجه عالم معنایه سری فیکرم عروج
امین وحی خدا همراکاب اولوب کیدیور

۱۲۹۹




غزل

—

آیت نور او قونور مصحف رخسارنده
سیخن دلکشی اعجازده قرآنه یقین
صورتی اوزره خدا آدمی خلق ایتدیکنه
کورمه دن مادر خک کلیور انسانه یقین
ایلر اظهار بزه سر فنا فی اللهی
صائمه بیهوده اولور شعله یه پروانه یقین
نیجه شاعرله کور شد مسوده سری بریسن
بولدم روحی آگاه کبی جانہ یقین

۲۸ شباط ۹۷



روی نکاردنمی آور رنکی ساغړك
یوقسه بو آل ورنکی ده سری سن ایلك

۹ شباط ۹۷



غزل

—

کیرن بوقالبه صانمه مناب اولوب کیدیور
کلان بو دهر دنی یه مصاب اولوب کیدیور
یقار اساسنی سیل حوادث ایام
بنای محکم عالم، خراب اولوب کیدیور
تلونات شئون جهانہ الدائمہ
ثمر، شجر، بشر، آخر تراب اولوب کیدیور
کوررمیسک نیجه یوکسلدی دودی آهمزك
بهار حسننه یارك سحاب اولوب کیدیور
شراب عشویه طویمز نکاه مخموری
بزمده کوکلز اما کباب اولوب کیدیور
دکلدر اشك دمادم، اریده جوهر جان
آقار آیاغنه اول سروك آب اولوب کیدیور

افدمز! قدر ادبانی ینه ادیب اولنلر بیلیر . بناء علیه
بنده کز عالم مطبوعاتی جداً شرفلندیرن آثار عالیۀ ادبیہ کزی
تقدیردن ده عاجزم . شو قدر که هر کوزلک کوزلکخی سچمکه،
بناءً علیه آنی سومکه حس طبیعی دخی کافیدر .

ایشته بنده کزده مجرد شو حس طبیعی سائقه سیله در که نفایس
آثار ادبیہ کزک کرچکدن مفتونی اولدیغم ایچون او کوزل کوزل
اثرلری ده، کوزل مؤثرینی ده دائماً تقدیس ایلرم . باقی اخوت .
فی ۲۴ تشرین اول سنه ۳۰۰



غزل

—

ویرانه کولکی نظرکه شن ایلدک
بر بدر تامسک که شی روشن ایلدک
رشک رخکله لاله لک بغری خون ایدی
سن غالباً بو کون سفر کلشن ایلدک
تیر نگاه عاشق ایله زخم دار اولور
آندمی رویکه خطکی جوشن ایلدک
دخت رزک آیاغن اوپر پیر میکده
ساقی چوق ارلری سن اسیر زن ایلدک

سری تیه عشق حقه صامه سرکردان بنی
خضر همدم دائماً توفیق رهبر در بکا

۱۲۸۱

مکتوب [۰]

ادیب معانی آفرین افندمن
مکتوبکز که اسلوب شناسی پسندینه کمالرده حیران
اولور؛ انوار ذکا کبی پرستشگاه نگاه امعان اولدی .
حقمده ابراز بیوریلان مآثر توجه و محبتک اهمیتی نسبتده
قیمتم یوق که بنی صحیحاً متدار ایدن بولطفکزه قارشی ایفای
تشکره لب جنبان اجتسار اولهیم .
ترتیب بیوره جفکز مجموعه منشآت که بر نمونه ادبیات،
مزیت عالیه سنی حائر اولسه کرکدر؛ آثار پریشانمندن هاکیسی
قونسه مجموعه نک رونق ادیبسنی قیرمقدن، بوزمقدن بشقه نهیه
یارار؛ آنکچون بویله حدانشاسانه برحرکته بیلهرک نصل جرات
ایده بیلیرم؟ دیمک که معذورم . اویله ایسه شبهه یوق که معفوم .

[۰] انوار ذکا محررینه یازلشدرد .

یانسون الهی جان ودلی تاب نظر ددن
تابشده مهر و ماهی رخ یاره بکنزدن

۱۲۸۵



غزل

—

طاق ابروی بتان محراب و منبر در بکا
بانک مستان نعره الله اکبر در بکا
دیرو مسجد ایکیمی غنمدده یکساندر بنم
کعبته العلیا مجرد وجه دلبر در بکا
عالم بالاده سیر ایلر سروش فیکرتم
عرش و فرش و لامکان جمله مسخر در بکا
بر پری پیکر اولور هر دمده آنده جلوه کر
صانکه مرآت دلم دیر مصور در بکا
مشتی اولدم ینه بر آفتاب نازه کیم
زلفی چنبر، خالی اختر، روی خاور در بکا
کر دراهن توتیای چشم جان ایتسم نوله
ذره خالک دری اکسیر احمر در بکا

تغافلکه کوکل شرحه شرحه در
 هجران دمنده صامه که یوق انسراهمز

غزل

کون چراغنده باقک الله بر قالمز فروغ
 کون یوزین طوتدجقه مهر عالم آزادن یکا
 سن آقوب کیتدکچه اول دامن چکوب سرکشنور
 آقمه ای اشک روان اول سروبالادن یکا
 سن کورردک جوشش اشک دمام نیدوکن
 ای کوزم نوری یولک دوشسه بو دریادن یکا
 ناله واحسرتا در عکس ایدن صامه کان
 کل قولاق طوت سودیکم سری شیدادن یکا
 ایشته حالم کور ایلت یاره پیام حسرتم
 کر کچرسن ای صباکوی دلارادن یکا

۱۲۸۵

سر تا بیای مولری اولسون دیکن دیکن
 مژکانی او تازه کلک خاره بکزه دن

نه در مطلق دیرایدی که : یارؤیا ایچند خلیا، یا خلیا ایچند
رؤبا. فتمیر ایسه اوپله بر حاله دوش اولدم که : نرقنامه بلاغت
پیرالینی آلتجه هم دلنشین، هم آتشین الفاظنده مندیج اولان
عظمت شانندن بر مدت کنیدی دهشتلی بر بهت و حیرت
استیلا ایلدی .

زیرا بو نظر ربا اولان طرز نوظهور ، حقا که حیرتده
عقل و شعور ایدی .

الحال ریادن عاری، و مرتجلاً لساندن صادر و جاری
اولان شونی عرض ایتکم ایسترم که : ای فنون شعر و انشانک
عارف دقایقدهانی !

لمنشیته

لایق سکا باش اکسه بدیع همدانی یوق ذاتک عارفانده نه نانی نه مدانی
قدری بیلنیر هر زرده اولسه ادیبک تقدیر ایدر آنی هم عالی هم ادانی
والسلام وجعلت الکلام بثنائک مسکی الختام

۲۹ ایلول ۹۵

حاشیه

عزتلو رضوان بک افندی او غلمزک تغافلنه قارشى بنده کزک
شو اسکی بر بیتمی کندیلرینه قرائت بیورمکزی رجا ایلرم .

قالیپسولر دخی الحق اولور حیران کفتاری
 کمالات سخنده خواجه سی منتور در کویا
 کورنلر ناکهان اول دختر پا کیزه بی سری
 صانیرلر شکل انسانده ملک یا حوردر کویا

۱۲۸۴

کافی بکا بیلمک بنی هییچ بیامسون عالم
 زیرا بیوک آفتدر او، شهرت نه لازم

مکتوب [۰]

بدایع آثار لطافت نثارینه حیران اولدیغم خامه سحر آفرینلری
 نو دفعه ینه بر معجز ادای نو پیدا ایله اهتزازنمای بیدای معنا
 اولمشدرکه نکار شپذیر دلبندی اولان هر حرف رنگین، کویا
 نر روح مجسم، کویا ومظروف حروف اولان نکت و مضامین،
 صانکه بر قطره مداد ایچنده دریا.

لکن « او ماهیلر که دریا ایچره در دریایی بیلملرلر »
 حتی بر شاعر معجز بیانه صورله که : ایا بودلکش تماشای

[۰] کره سوندن طریزون عدلیه مفتشی اسبقی قدری افندی
 حضرتلرینه بازلشدر *

ممکنی که سری ده اوله رؤیته طاقت
سن دیده خورشیده ببله خیره رسانسک

۱۲۸۴

البت ترحم ایلر، بو حال پر ملاله
منظور یار اولورسه، ای سری! عرضخالک

۱۲۸۰

غزل

رخ زیبای پرتابک مجسم نور در گویا
تجلیزار عاشق نور نار طور در گویا
تجلی، جمالکله کوکل سرمست حیرتدر
اگرچه صورت ظاهرده آندن دوردر گویا
دکلدر موی کیسو سرپیلن رخسار آل اوزره
کل رنکنه قابلو فروء سمور در گویا
دکل شب، روز روشن سنسز ای مپاره چشممده
ظلام وحشت اندر وحشت دیجوردر گویا
قدوم نو عروس زیور اندود خیالکله
بو شب دلخانه تاریکمز پرسوردر گویا

بو ایسه قیمتی؛ جهانی، بلکه جوهر جانی، دگر بر بختیار-
لقدر که ادای شکری واجیدر.

بناءً علیه شو شرف عالمبایه نائلیت عاجزانه مدن طولایی
اولا جناب موفق الاموره لازمه حمد و ثنایی ایفا و ثنایا واسطه
العقد خلان، و امامه سبحة اخوان اولان جناب ماهر مظاهر،
وعین الاعیان مظاهره عرض منتهای بی انتها ایلرم. باقی نماند
هر که نخواهد بقای نو

۲۳ حزیران ۹۸



غزل

—

کر چه کوزلم صورت ظاهرده نهانسک
اما که هپ اعیان مظاهرده عیانسک
حق بوکه پریلرده ده یوق سنده کی عشوه
سن صورت انسانده مکر حور جنانسک
بر مویچه زلفککه دکر یکی دنیا
بو حسن ایله حقه بدل جان وجهانسک
جانان دیر ایکن جائمه قصد ابتدک آ کافر
بیلدم سنی فتنان جهان، آفت جانسک

مکتوب [۵]

تنظیرندن خامهٔ سحر آفرین حسانی بیلہ عاجز براقہ جق
درجہ دہ علوی بر فکر منورک ترجان بیانی اولان نامہ منظوم
بلاغت نشانی کہ ہر یتی بر درشہوار معنادر ؛ درج دل
صادقہ دن بشقہ صاقلایہ جق بر محفظہ مؤتمن می اولور ؟

آنکچون جدوجہدایہ سراپا حفظ وازبر، وجودت قریحہ
ادیانہ لرینہ تحسین خوان اولہ رق برکیجہ بلکہ اذان صبحہ دک
بانک ساپاشی ہم آہنک اللہ اکبر ایلدم .

سیدالادبا، عنوانی کترین وصف کتابہ شانی اولان بر
مرشد کاملک مرید ماهر وتلمیذ متبحرنندن بو مثللو اثر فیض
معنوی متعاقب الورود، ولطف خطابری بوشکل دلکش اوزرہ
دائمًا نقشبند شہود اولسہ چوقیدر ؟

فیض نظری خاکی آلتون ایتک شانندن اولان بر آفتاب
ارشادک ہواداری، بنم کبی ذرہ دکل، ذرہ دہ کمر اولسہ ،
ینہ اقتباس نور شہود ایلہ نزد اولی الابصار دہ البتہ مغبوط
ومحسود اولور .

[۵] قسطنطنیہ رشادتلو شیخ سید احمد حجابی افندی حضرتلرینک
تلیندی و خلیفہ سی ماهر افندی یہ یازلمشدر .

غزل

—

اوپ لب جانانی آغز کدن عذوبت داملاسون
هر سوز کدن دمبدم شهد لطافت داملاسون
وارمیدر؟ عالمده بر مهپاره جانانم کبی
رخلرندن آن بان نور صباحت داملاسون
بسته لعل شکر بارنده در آب حیات
چشمه سار خضر دن ایسترسه شربت داملاسون
تاب میله کله کرم ایت ساقی کاجهره بی
آتشین رخساردن خوی نزاکت داملاسون
سری دمدر یاره نقل ماجری ایت سنینه
خون ناحق غمزه سندن بی نهایت داملاسون

۱۲۸۵

—

سوزلمش شاهباز غمزه فتانی کوردکی؟
وارایسه سری اول مرغ دل ناکامه کوزدیکمش

—

ذاتی کرک یوز آقانی یوقسه نه ایلسهک
اولماز سیاهی ازی شته آب ایله



ظاهرده نهان، جان کبی جانانز اما
 اعیان مظاهرده عیان وجهی کاهی
 سر تا بقدم نور مجسمسک افندم
 تشبیه ایدم کون یوزکه کوکده کی ماهی
 لازم دکل عاشق لر که خط هایون
 کافی بزه جان ویرمکه بر امر شفاهی
 جامه بریجک لعل نمکریزی طوقنسه
 می ایچمه نک اولماز ایدی والله کناهی
 هر بر غزلم بویله نو اسلوب اوله مزدی
 اوصافک اکر اولمسه غیر متنهای
 مجنون کبی لاقید اولور ارباب عجب
 عاقللره در سری او امرله نواهی

۲۰ کانون ثانی ۱۲۹۵

—

کوکل بر آینه در کیم هر آینه آنده
 جمال حضرت سلطان لم یزل کورینور



حقیقت! حسن بیانی، سحر حلالی؟ نه در که آکا حسان
 دخی مفتون و حیران اولور .
 آثار ادبیه سنک هر بری بدایع فطرتک کمال اعجاز، واعجاز
 کالنه برر ناطق برهان اولور .
 مؤلفاتنک هر هانکیسنه نظر حکیم ایله باقلسه مبدع بدیع
 الاسلوبنک وجود کاملنه معلم اول، مدانی دکل، ثانی اوله مز
 دنی .

مسلك موجودانه سیاه بحق سرفراز ادبای روم اولان بوذات
 بزرگوارک معاصر لری بیله جناب بیهمتاسیله مباحه ایده بیلیر .
 نه موطلو سزده که مخبره طریقله ده فتح باب موالاته ایتدیگز .
 بویله بر ادیب کاملک عن خطابی، ذوق سلیم صاحبنه کوره
 همخاصیت راح روح افزادر که نشوؤ دائمه سی عین حیاتدر .
 بناء علیه آله جعکیز جوابک صورتی ارسال ایله آندن بنده .
 کزی ده حصه مند فخر مزید و مستفید بیورمکز اخص متمنیاتدر .
 باقی اخوت و محبت .
 ۳۱ کانون ثانی ۹۵



غزل

ظالم لره مهل اولمسه مطلوب الهمی
 بر دمدہ یبقار عالمی مظلوم لرك آهی

بر راست روش ارده می یوقدر دیه جکسک
 هپ خلق جهان پیرو کردونمی نه در بو ؟
 بر کون اولور ایت ینه ساحلرس مقصود
 فلک دلمز یأس ایله مشحونمی نه در بو ؟
 آه ایلسه عالم ینار ادنی شررندن
 سرینک عجب سینهمی کانونمی نه در بو ؟
 بابل کبی اولدک ینه ای خامه طربزا
 بیلیم اثر فیض طربزونمی نه در بو ؟
 ۴۱ کانون ثانی ۹۵

—
 قیمتی برکذاری دگی نکاهنک ؟
 قلبه بو شره لر سبب انشراح اولور.

مکتوب [°]

عزیزم !

یاد جمیلی، شرقد، غریبه مظهر احترام اولان کمالک جمال
 کالنه سماع ایله عاشق اولانلرک بری ده بنم.

[°] طوبخانه مکتوبی میزی عزتلو حسن رامز افندی به یازلمشدر.

غزل

—

سودا زده زلفك ایش ای صاچی لی-لا!
 زنجیره اورك کولکی مجنونمی نه در بو؟
 طورماز آقار اغلار غم ایله دیده دمام
 فواره پر خونمی یا جیحونمی نه در بو؟
 تسخیر ایدر علویلری، خاکیلری چشمک
 افسانه می سویلشدیکی افسونمی نه در بو؟
 حوریلری رقصه کتیرر نازلی خرامک
 طوبامی یاخود قامت موزونمی نه در بو؟
 صف بسته بو مژگان جگر دوز ایله قصدک
 ای غمزه هلا کو کبی شبخونمی نه در بو؟
 فم نقطه وحدتمی حقیقتده؟ پک اعلی!
 یا حرف مجازیده عجب نونمی نه در بو؟
 جام جمی لبریز نشاط ایلیان آیا؟
 صهبامی یا عکس لب کلکونمی نه در بو؟
 آه ایلیور آهسته ایشتم او پری بی
 کندی کبی بر آفته مفتونمی نه در بو؟

غزل

—

هر برنده بر کوکل بند ایلمکی مقصدك
 حلقه حلقه پیچ پیچ اولمش اوکیسولر نه در؟
 طوغری سویله! عطارشاهیلمی سوردك باشكه
 سنبل زلفكده یا ای کل! بو خوشبولر نه در؟
 سحری کلسون سندن اوکرسون فسونکاران دهر
 غمزده فتانکه نسبتله جادولر نه در؟
 اولمیدك سن کونش یا مرکز عالم کبی
 دائم اطرافکده سیر ایدن بو مهرولر نه در؟
 درد هجرانکله اولدی شویله چشمم اشکبار
 کیم آکا نسبت آقار صولر نه در جولر نه در؟
 سن دیمز میدك که سنسز کشت کلشن ایلیم
 الده کل، آغزکده مل، باشکده شبولر نه در؟
 درکه شوقکده سریء شکسته خاطرک
 سودیکم، باق! ایتدیکی بو هایلر هولر نه در؟



کرچه مشاغل ولایت، طاقتفرسادر؛ اما مراسلات اخلا،
ینه بشقه معنا در .

برید خیالکیز کوزمدن؛ امید وصالکیز کوکلدن چیقمز.
مکتوب مسرتبخشالرنده کی وعد ملاقات، دل مهجور
و محرومی سیرابساز ماء الحیاة التفات ایتدی .

سن کیم کله سک مجله بر یرمی بولماز؟

باش اوزره یرک وار

آه کرچه نامز والی در؛ لیکن آوزرمزه انبوه اندوهک
تواردی علی التوالی در .

متاع کمیاب معالی، بازار عالمده نهده غالی ایمن؟

..... کتبات زمانی آرادینی کی، بنده کیزده
وقتیله پرزیرینده (پرزیرین) ایله اوچدیغمز هوالرد، سوردیکمز
صفالره شمدی الله بیایر تحسیر ایدیورم .

اما نه چاره؟ بوده آرزوی عودت شباب، و سرابده
جستجوی آب قیلندن تمنی محال در. باقی بقای توجه و محبت
قلیه لری اخص ما آرب مافی البالدر .

فی ۲۵ کانون ثانی ۱۲۹۵

نی ومی لازم و ملزوم کیدر نیلملی
نی میسز، براقه لم کل نیه میلی سری

مکتوب [*]

بر ماضی مسعودك یاد جمیلنی اخطار ایدن عنایتنامه عالیبری
شرفورودنده، ذوق و مسرتدن منبعث، حسیات عالییه ایله قلب
صادق بر حیات جاودانی، بر ذوق روحانییه ظرف اولمشدر که
آنی شرح و تفسیرده، صوت و حرف نامساعد اولغله بومعامله
قلیه و کیفیت روحانیه نك کشف و تمیزی ینه وجدان سریره دان
سامیلرینه حواله اولنور.

بوفانی دنیاده مواخاتیه مباحاته و ذاتیه عقدموالاته ایتدیکم
بر یار صادق مخاطبات روحپرورانه سندن کسب لذت و صفا
ایتمه جك قدر خاملنی، بنده کزه نصل روا کوریورسکز که
نیجه زماندنبری شرف خطابکزدن محرومیمی، حائر عن وصول
اولیان بر جوابمه ابتنا ایله عتاب ایدیورسکز.

عزیزم! سنکله کچن برده، بیک عالم و آدم فدا اولسون.
سزی کوکمدن چیقاره بیله جك دولت دنیا بدن جدا اولسون.

[*] اسبق طربزون مرکز متصرفی اولان سعادتلو انیس افندییه
یازمشیدی.

بن که اولدم مطرب درگاه مولانای روم
سری زلف حور عین تار رباب اولمز بکا

۱۲۸۱

بلکه او غافله سبب انتباه اولور
بیچاره عاشقک ایشی هب آه وواه اولور



غزل

ذره خاک رهی مهر در خشان کورینور
ریزه سنکی کوزمه لعل بدخشان کورینور
سنک خارا قدر ایختمه ده قلب ستمی
کر چه ظاهرده لب لعلی درافشان کورینور
ینه دوران قره سودایه می اوغراتدی دلی
کا کل یارکبی حالی پریشان کورینور
نه قدر محو وجود ایتسه ده پروانه ینه
شعله پوش اولمه ده کیزلی هوس شان کورینور
حق ویره اولسه طوفانزده اقلیم وجود
سرینک چشمه چشمان خروشان کورینور

کا کل کبی سری نه وار اولسه قدمه پریشان

سودازده شوخ دلارای کزیدز

محقق بیل که کریدک :

ریزدسنکی کوزمه لعل بدخشان کورینور

یا سنک کبی بر ادیب لیب ایله وطن نیچون افنخار ایتسون؟

یشا او غلم یشا! بر کون کله جک که وطن سنک قدرکی

بیله جک، و نامکی تقدیس واعلا ایده حکدر. باقی اخوت و محبت.

فی ۱۵ مارت ۱۲۹۸



غزل

—

مهر عشقم برده ظلمت، حجاب اولمز بکا

ابر زلفک ای صاحی لایلا! نقاب اولمز بکا

نیلیم ساقی! خمار آلود اولان جام می

باده لعلاک کبی، رنگین شراب اولمز بکا

مجلس وصلنده جانانک نه لازم گفتکو؟

غمزده پرکوکی فصل الخطاب اولمز بکا

بر شه معنی اسیر حبیدر دل کیم آنک

آستان همتدن سد باب اولمز بکا

خطبهٔ بلیغهٔ اعجاز اثر دند بالانتر بر تأثیر لطیف روحانی بی حاوی
اولان نامهٔ نامی، کرامی، خیر خواه بی اشتباهکزرک زیب دست
احترامی اولدی .

جداً اعتراف ایدرم که بویله بر ترانهٔ دلنشین، چوقدنبری
صماخ جانہ واصل، بلکه بودمه کلنجه شو زمزمهٔ ذوق آور
ادبی کی کوکلده هیچ بر شیدن بو مرتبه سرور و انبساط حاصل
اوله مامشیدی .

راقم الحروف کی، یکر می بوقدر ییلدنبری مهجور دارودیار
اولان بر غریب صادقہ کوره اولاد وطنک ترقیات کمالی بومثللو
مخاطبات روح پرورانه لرندن استدلال واستبشار ایله صفاتنمق
طبیعی در .

اوغلم! شاهد کلجمال وطندن کرچه دورز؛ لکن ینہ
معناً نائل ذوق و حضورز؛ زیرا حب وطنله مأمورز .

محبت حقیقیه ایسه رافع الحجب ومستلزم الحضور در .
بو مثللو مخاطبات ادیبانه دخی تجلیء شهود معنوی ایچون
حتماکه نور علی نور در .

اوت اوغلم! محبت وطنیه م بر درجه رصانتکیر رسوخ
واستقرار درکه آره مزده کی بعد مسافه آنی کوکلدن آیره مز .

لوح دلدن کریدک تصویر بی مثالی پنجه سختکیر اجل بیله
سیلوب چیقاره مز .

الحاصل رد و قبوله دائر هر نه دینله جکسه هپسی تمایلات
عمومیه بی بیلدیره جک شیلر در که بنمده اصل او کرمک
استدیکم جهت بودر .

فقط هر کس بو باده کی رأی و فکری نی علناً سویلیوبده
مقابلنده کینی تعریضه مجبور ایدرسه مذاکره و قوعنی اصلا
آرزو ایتدیکم مشاجره بی منتج اولور .

او سیدن ناشی شفاهاً هیچ بر سوز سویلنامسنی و هر کس
رأی و فکری نه ایسه حاضرلنن ورقبارله یازوب شو صند ققغزک
ایچنه آتمسنی بتکرار رجا ایلرم .

جمله کزک فطانت و رؤیت مسلمه کزدن قویاً امیدایلرم که
مغایر مرضی هیچ بر حال و حرکت و قوعبولقمسزین شو مصلحت
خیره قرین حسن ختام اولور .

اخوانیات

مکتوب [۰]

بابل خوش نوانک رونق صباح نوبهاری تقدیس ایچون
نهال کل اوستندن مصطبه نشینان چنصفه صفایه ابلاغ ایتدیکی

[۰] حالا طربزون غزته سی محرری اولان قنیده لی علی راشد
افندی به یازلمشدر .

ذوات موجوده دن بشقه مملکت مزده کیمسه یوق دکلدرد. لکن مدعو اولانلر سکسان طقسان ذاتدن زیاده در. آرتق بوندن زیاده سیده زیاده در.

بوجعیتک آراسی افکار عمومیه اهلینک ترجائی مثابه سنده طوتیه بیلور. باخصوص بن بوجعیتی مقام جلیل مشیختدن رای عاجزانه مه تفویض بیوریلان حق ترجیحه بالاختیار تشریک ایچون عقد ایادیکم جهتله خارجدده قالانلر «بزی ده نیچون چاغرمدیکز» دیه مزلر.

چونکه بر مجبوریت رسمیه تحتده دکم. مراد عاجزانه م علما و اشراف ومعتبرانک اکثریت اوزره تمایلات وجدانیه لری هانکی طرفده اولدیغنی آ کلامقدر. بونی آ کلامق ایچونده بوجعیتی کافی کوردرد. ائیدی جمله کزدن شونی رجا ایدردم که بعض یرلرده، بعض دفعه وقوع بولدینی کبی مذاکره، مشاجره دینی منتج اولماق ایچون هیچ بریکز رای وفکر کزی علناً بیان ایتمیکز. رای وفکر کز هر نه ایسه شراوطه ددی ماصه اوزرنده بولسان ورقباردره یازوب مهور صندقچیز ایچنه آیکز. صکره آجاز باقارزده اکثریت آرا نه طرفده اولدیغنی آ کلارز.

«خاتونیه مدرسی حتمنده کی اسکی انتخابز کافیدرد. بشقه انتخابه حاجت یوقدر.» دیان وارسه بوده بر رأیدر.
«بوجعیت آزدرد، دها فلان وفلانی ده چاغرمایدرد.» دیلورسه بوده بر رأیدر.

مومی الیهک تعین بیورلمسنی ذات حضرت مشیختپناهیدن استرحام
ایدیورلر .

شیخ الاسلام افندی حضرتلری ده امر نامه لرنده اکر مسود
ابراهیم افندی مفتیایکه تعین اولنمز سه طربزونجه پک چوق صداع
و مشکلاتی موجب اوله جغنی تحقیق واستخبار بیوردقلرندن
مذکور ایکی عرضحالی نظر دقته آلهرق بو بایده کی رأی
ومطالعه عاجزانهم نه ایسه بیلدیرلمسنی امر بیوریورلر .

بو امر حکمنجه شمدی بن احدهای ترجیحده مختار
ایسه مده شبههم یوقدر که هر هانکیسنی ترجیح ایتسم ینه طرف
مخالفی شکایت باشلايه جقدر .

واقعا نصل اولسه بو ملاحظه ینه وارد اولور . شو قدر که
بو دفعه دخی یازده جغم جواب بر اکثریت مطلقه نک آراسنه مستند
اولورسه آرتق اقلیتده قانلرک شکایات وافاداتی اهمیتدن ساقط
اولور . همده مصلحت مشورت اصول مشروعه سنه تمامیه
توفیق ایدلمش بولنور .

بناء علیه مملکتتمزک علماسنی، اشرافی، تجار و معتبرانی دعوتله
اکثریتک تمایلاتی آکلامق ایستدم . تا که ترجیحده بر خطایتمیم .
اشته افندیلر ! سزی بو مصلحت خیریه ایچون بورایه جمع ایتدم .
صانیرم که مملکتتمزک علمای کرامندن، اشرافندن، تجارت محکمه
سند اسملری مقید اولان معتبران تجاردن دعوت اولنماش کیسه
یوقدر . دعوت اولنوبده کیانلر وارایسه آتی بیهیم . بونکله برابر

دکدر. او سبیدن ناشی بنده کز ددبوا انتخابی صواب کوردم. یوقسه امر انتخابه بر کونه غرض و فساد قار شمامشدر. اولیه فساد و غرض قار شمش اولیدی؛ اک اول اعتراض ایدن بنده کز اولوردم. ایمدی، ایکسندن هانکیسنی ترجیح بیور رسه کز آئی تعیین ایتک رأی عالیکزه منوطدر.» دیدم.

بونک اوزرینه آرتق حافظ محمد افندیکن مفتیک منشوری کلور امیدنده ایکن برده ینه بر امرنامه مشیختپناهی ایله طربزون علما و اشرافی طرفندن مبعوث اولمق اوزره بر چوق مهرلو ایکی عرضحال کلدی. بونلردن اشراف نامنه اولان عرضحال در سعادتده یاپلمش و علما نامنه اولان دخی بورادن کوندرلمشدر. در سعادتده یازیلان عرضحاله متولی زاده، آلای بکی زاده، آرنود زاده کبی معتبر ذاتلرکده امضالری وار ایسه ده دها بشقه بیلمدیکم آدملرکده امضالری کوریه یور.

طربزوندن کیدن عرضحاله دخی نقیب الاشراف افندی پدرمز و مدرسیندن درویش افندی، سعید افندی، کامل افندی و سائر ذوات متعارفدن بعض علمانک مهر و امضالری وارا یسه ده بونلرک درجه سنده اولیا نلرکده مهرلری واردر.

بو ایکی عرضحاله مهری اولان ذاتلر «اوتوز سنه دنبری مفتی افندیلره مسودلک ایدن اسکی مفتی مرحومک یکنی ابراهیم افندی، علمای سائردهن الیق و احقدر.» دیومفتیلکه افندی

مجبور ایدم. فقط کلان امرده یالکیزاجرا ایدیلان انتخابه غرض
 و فساد قارشدینی بیان بیوریلوب انتخابک تجدیدی بو سیدن ناشی
 اراده بیورلمش ایدی. حالبوکه او انتخابه غرض و فساد قارشمیدیغنی
 بن پک اعلی بیلیردم. آنکچون اولکی انتخابی ایدن ذواتی بر دها
 چاغروب صورسه ایدم ینه اولکی سوزلرینی تکرار ایده جکلیرنده
 شبهه یوغیدی. ذوات. مومی الهمدن بشقه لرینی چاغروب دیگر بر
 مجلس انتخاب عقد ایتسه ایدم اولوقت دخی یا حامی زاده و یا خود
 بشقه سی اکثریت قزائقم محتمل ایدی که او حالدہ مقدا جریان
 ایدن انتخابه غرض و فساد قارشمش اولدینی ظنی تأیید ایده جکدی.
 مفتی تعییننده ایسه مطلقا بویله آرای عمومییه مراجعت ایچون
 بر قانون و نظام مخصوص یوقدر. شیخ الاسلام افندی حضر نلری
 صفات مطلوبه یی حائر اولنلردن کیمی مراد بیوردرلر سه آتی
 ترجیح و تعیینده مختار درلر.

بناء علیه بنده کندولرینه یازدیغم جوابده «حامی زاده محمد
 افندی یی بزده اوللا ترجیح ایتمشیدک. فقط افندمن بونک ایچون
 انتخابنامه تنظیم و تقدیمی اراده بیوردیکیز. مفتی انتخابنده ایسه
 اهالیدن نه قدر آدم چاغربلوب صورلمق لازم کله جکنسه دائر
 البته بر امر و نظام یوقدر. او جهتله بنده کزده یالکیز مجالس و محاکم
 موجوده اعضای مسلمه سنک آراسنه مراجعتله اکتفا ایتمشیدم.
 آنلرده اکثریتله خاتونیه مدرسنی انتخاب ایلدیلمر. خاتونیه
 مدرسی ایسه علم و فضیلت و سائر جهتجه حامی زاده دن دون

مناسب بر ذاتی انتخاب ایتملرینی سویلدم . اعضای مجتمعه دن اون آتی ذات خاتونیه مدرسی حافظ محمد افندی بی انتخاب ایدوب حامی زاده اقلیتده قالدی .

بزم حاکم افندی ایله برلکده ده اول حامی زاده بی ترجیح ایدیشمز ایسه ، اولجه بیان ایتدیکم ملاحظه یه منبی ایدی . یعنی مملکت مزده حامی زاده دن بشقه مناسبی یوقدر معناسنه منبی دکلدی . انکچون آرای اعضایه لدی المراجعہ حافظ محمد افندی اکثریتی قزاقچه ، ینہ دوش و ندم که حافظ محمد افندی ده حقیقه مفتی لکه اهل و مقتدر و صفات مطلوبه بی حائر بر ذاتدر . اولسه اولسه مشغولیت تدریس یه سی مجلسه مداومه فی الجمله مانع اولور دیه خاطرہ کلور . مع مافیہ بوده انتخاب مذکور فسخه مدار عد اولنه بیلہ جک اسباب دن دکلدر . بناءً علیه بنده اکثریتله وقوعه بولان اشبو انتخابی بالتصدیق یاپیلان انتخاب نامه بی مقام مشیخت علیایه تقدیم ایلدم .

بوکا جواباً آلدیغم امر نامه ده حامی زاده محمد افندی علماً ، درایه پک چوق اقرانسه فائق اولدینی باب والای فتواجه ده معلوم ایکن ، اجرا ایدیلان انتخابده کندیسنک ایکی رأیدن زیاده رأی قزاق نامش اولسی مطلقاً امر انتخابه غرض و فساد قارشمسندن نشأت ایتمش اوله جفی بیانیه انتخابک تجدیدی اراده بیورلمش ایدی . ایشته بن اولوقت اعضای مجالس و محاکمه حصر ایتیه رک بویله بر جمعیت عمومیه عقیده یکیدن رأی طوپلامغه حسب الامر

آنکچون مفتی افندیلر جامع الجہتین اولمق لازم کلور .
 حمد اولسون طربزونده بوصفتلری حائز ایجه علما واردر .
 فقط بونلرک هپسی بردن مفتی اوله مزی ! . . .
 بونلردن مناسبی ترجیح ایتک اقتضا ایدر دیو کچنده حاکم
 افندی حضر تلی ایله برلکده دوشوندک دیدک که « علمای کرامک
 اکثریسی درس ایله مشغولدرلر . مفتی افندیلر ایسه مجالس اداره نک
 اک ایلرو کلور اعضای طبیعه سندنلر که همه حال هر اجتماعده
 حاضر بولنوب آرای صائبه لرندن استفاده ایدلک اهم و الزمدر .
 » مشغولیتلری زیاده اولنلر ایسه بویله صورت دائمه ده مجلس
 اداره ده بولنه مزلر . حتی فائق افندی مرحوم بیله چوق دفته
 مجلس اداره ده بر مصلحت مهمه نک مذاکره سی ختام بولمقسزین
 کندولری مجلسی ترک ایله درسه کیمکه مجبور اولیوردی .
 « بناءً علیه هم صفات مطلوبه یی حائز اولمق، همده بویله
 بر مشغولیت دائمه سی بولنماق اوزره مناسب بر ذات آرادق . کبار
 مدرسیندن حامی زاده محمد افندی خاطر مزه کلدی . تمام بو ذات
 مفتیلکه اهلدر . دیهرک باتلغراف مقام جلیل مشیخت علیابه عرض
 ایلدک . بونک اوزرینه جواباً آدیغمز تلغراف نامه ده افندی مومی
 الیهک انتخاب نامه سیله مضبطه سنک تنظیم و تقدیمی اراده بیورلدی .
 اولوقت مجرد ایشی دغدغه یه دوشور مامک ایچون یالکز مجالس
 و محاکم موجوده اعضای مسلمه سنک افکار و آراسنه مراجعتی
 تنسیب ایدرک اعضای مومی الیهمی جمع ایله لاعلی التعین مفتیلکه

بختیار عد ایدرك ولی نعمت بیتممز. شوکتلو پادشاهمز اقدمز
 حضر تلرینه دعا ایدرم.
 بیورکز! یولمز آچیقدر.



نطق [°]



آفندیلر!

سبب اجتماعمزی سزه آکلاتیم:
 حق رحمت ایلسون، فائق افندینک وفاتی اوزرینه طربزونه
 بر مفتی تعیینی لازم کلدی.
 معلومکزدرد که هریرده وباخصوص بویه مرکز ولایت
 اولان بر محله مفتی اوله جق ذاتک هم متشرع و متفق اولمسی،
 همد قوانین و نظامات دولته و مقتضیات زمانیه واقف بولنمسی
 شرطدر.

چونکه مفتی، متشرع و متفق اولمزسه خدمت افتادن
 مقصود اصلی اولان فائده جلیله فوت اولور.
 قوانین و نظامات دولته و مقتضیات زمانیه واقف اولمزسه
 اعضای طبیعییه صرهمسند مجلس ادارهده بولنمسندن دولت
 و ملت مستفید اولمز.

[°] ۱۶ نیسان سنه ۹۷ تاریخیه ایراد اولنمشدر.

زیادده سی یاپیله میان بو اوزون یولی بز سایه شاهانه ده شور صوک
ایکی سنه ده یالکیز یوز یکر می بو قدر کون چالشمقاه کشاد واکمال
ایتمشز در .

گذرکاهی سراپا یوکسک طاغله، یالچین قیالده، جسیم اورمانله
مصادف اولان بو یولک موقعاً متانتنی، صعوبتنی، بونکله برابر
عمله مکلفه مزک عدداً قلتی بیان اهل انصاف، بو اقدام وغیره
البته ستایشخوان اولور .

بو ایسه بشقه بر شی دکل، مجرد توفیق الہی وین توجه
حضرت خلافتناهی اثریدر .

اھالیمزک بویولده مشهود اولان فداکارانه سعی و غیرتنی
باخصوص مأمورین و متحیزان قضانک فوق العاده همت و خدمتی
حکومت سنیه نامنه اوله رق لسان شکران ایله علناً تقدیر ایلم .
قائم مقام پاشا ! مأمور افندیلر !

سزی تبریک ایدرم . ایکی ولایت جسیمه یی مسعود ایدہ جک
بیوک بر مجرای تجارت آچدیکز .

سیواس کنی نجه بلاد معموره داخله یی ساحلمزه تقریب
ایتدیکز !

عالم مدنیت متتدار سعیکز در .

وار اولک .

غیرت و حمیت شخصلرنده تجسم ایتش اولان بویله بر هیئت
محترمه ریاستنده بولنمق شرفه نائلیمدن طولای بن دخی کندیمی

نطق [*]

افندیلر !

معلومکز در که وقت مرهونی حلول ایتدکجه بوعالمده هیج
برشی تیسر نمای حصول اوله مز .

ایشته عثمانیلیری دخی بحق بختیار ایده جک نه قدر اسباب
و وسائل ثروت وسعادت وار ایسه کافه سنی جناب حق عهدسعید
حضرت عبدالحمید خانی ایچون صاقلامشدر .

واقعا جلوس همایون حضرت پادشاهیدنبری ممالک عثمانیه نک
عمران وسامانی قابلیت اصلیه سیله متناسب اوله رزق فوق العاده
بر سرعتله ترقی ایتدکده در که بونی هرکس تصدیق ایدر .
ازجمله بو کون سایه شاهانه ده رسم کشادینی اجرا
ایتدیکمز شو طریق کبیر و مهمی صدق افاده مه دلیل اولمق
اوزره سزه ارانه ایده بیلیرم .

طولی طقسان کیلومترویه قریب اولان برطریق نه وقت
باشلانیدیغنی تخطر ایدرمیسکز ؟

تام اون بش ییلدر !

حال بوکه کچن سنه یه کلنجه یه قدر بش آلتی کیلومترودن

[*] ۸ ذی الحجه ۳۰۱ و ۱۷ ایلول ۳۰۰ تاریخنده اردو

طریقنک کشادنده ایراد اولنمشدر .

کذاک ایفای وظائفده تکاسلاری ولایتجه معلوم اولان
 مأمورلرک کندی حقلرنده حسن شهادتی حاوی اهایلیدن
 طوپلادقلری اوراقک دخی اصلاً و قطعاً فائدهسی یوقدر .
 مأمورین دولتک مدوحیت و مقبولیتی آنجق وظائف موکو-
 له لرینی مرضی عالییه مطابق صورتده حسن ایفایه دقت و مسا-
 رعت و مقدوحیت و مسئولیتی دخی آنک عکسنه حرکتله حاصل
 اولور که بوده دائماً ولایتک پیش نظر تدقیقنده اولوب بناءً علیه
 نه وظیفه سنی حسن ایفا ایدن مأمورلر حقنده غرضدن منبعث
 اولان شکایتلرک آنلره ضرری، نه ده تکاسلاری و سائر سوء
 حاللری ولایتجه مثبت و معلوم اولنلره اهالی طرفندن بیلور
 بیلمز وقوع بولان حسن شهادتلرک فائدهسی اوله بیلور .
 ایشته بوراسی همیشه پیش نظر اعتبار و اعتناده طوتیلهرق
 آکا کوره حرکت ایدرسه کز هر صورتله امین و مستریح
 اولورسکسز. کوندردیک کز اوراق عدم لزومنه مبنی لفاً اعاده
 قلندی .

فی ۱۳ مایس سنه ۹۵

و مرتبلیرنک تأدینه ولائجه قطعاً قرار ویریلهرک کیفیت تعمیماً
 ملحقاته بیلدیرلدیکی کبی باب عالی جانب سامیسنه ده عرض و بیان
 حال اولنمش اولملغه جمله نك معلومی اولوق اوزره اعلان کیفیته
 ابتدار قلندی .

فی ۷ مایس سنه ۹۵



اردو قائم مقاملغنه تحریرات

لغرض بعض طرفدن علیهمکزده شکایتلر وقوعه کلمکه
 باشلادیغندن بخلله مقدا حسن خدمات و مساعیکزی تقدیراً
 اهالی جانبندن ویرلمش اولان اوراق صورتلرینک کوندرلدیکنه
 دائر فی ۲۸ نیسان و فی ۵ مایس سنه ۹۵ تاریخلو ایکی قطعه
 تحریرات بهیه لری آندی .

محقق اوله رق معلومکز اولمایدیر که کیمک حقنده اولورسه
 اولسون بر ماده مخصوصه تعین ایدلمیه رک و شاکی، مخبر هر کیم
 ایسه اسمنی تصریح ایتیه رک وقوعه بوله حق شکایتلر ولائجه اصلا
 و قطعاً مسموع و ملتفت اولیبوب ماده مخصوصه تعین ایلدیکی
 حالده ده اوماده بلحا که اصولاً ثابت اولمدجه آنک ده ذره قدر
 حکم و تأثیری اوله مز .

میدان علانیتہ حقیقہ رق و حقی اولدیغی برایش ایچون سایه
 عدالتوایه حضرت پادشاهیده ایمسهدن خوف واحتراز ایتیه رک
 افاده و ادعاسی نه ایسه آچیتدن آچیغه طوس طوغری سویله ملیدر .
 هله مأمورین حکومت ایچون حقننده حسن شهادتی حاوی
 خاقه محضر لر ترتیب ایتدیر مک کی برکو چککک تصور اولنه من .
 چونکه هر مأمور قاتون دولتک تعیین ایتدیکی وظائف
 مخصوصه ایله مکلف اولوب او وظائفه توفیق حرکت و رضای
 عالی حضرت پادشاهی به موافق صورتده ایفای حسن خدمت
 ایدرسه نزد عالی و اعلایده البته مدوح و مقبول . وعکسی حالنده
 بالطبع مقذوح و مسئول اولور .

آلرک نیک و بد حالیرینی ده دایما نظارت و تفتیشلری آلتنده
 بولندقلری مرجعاری خارجده کلردن البته اینی بیلور .

بناءً علیه وظیفه سنی تمامیه ایفا و مغایر رضای عالی حالاندن
 انفا ایدنلر ایچون ارباب مرامک تزویرات و تصنیعاتی بر وجهله
 ضرر ویرمیه جکی کی وظیفه سی ایفا و حرکات غیر مرضیه دن
 اتقا ایتدیکی مرجعجه مثبت و معلوم اولنلرده بیلور بیلور
 حقننده حسن شهادت ایدن خلقک محضرلری اصلاً و قطعاً
 فائده بخش اوله من .

بو سبیدن ناشی شکر و شکایت دأر یاییلان و یازیلان اومقوله
 مزور محضر لر ، ورقه لر ، مکتوبلر و تلغرافلرک عدم قبولسه

کیمسه نك له وعلینه ترتیب ایدی لان عرض و محضر لرک چوغنده کی
مهرلری مرتب لری جیبلرنده طاشیه رق ایستد کجه تصنیع ایلد کاری
اوراق اشته کائییه باصمقده و کیمی دخی او قومق یازمقدن بی
بهره اولان ساده دلان اهلاییه ضمنتده بر ضرر و فساد اولیان
بشقه بر مصاحته دائر ایدوکنی بیان ایتیمی اوزرینه اویچاره لر
دخی حقیقت حالی بیلیمه رک، و بعضلری بیلورلر سده بر آدم
حقنده بش اون وحتی ایسترسه بشیوز کشینک یالکیز «شویله
بویله در» دیمسیله مواد معروضه هر نه ایسه بالتحقیق درجه ثبوت
ایصال ایدلد کجه مشتکی عنه اولان کیمسه حقنده آنک هیچ بر
ضرری اوله میوب بلکه بالعکس کندیلرینه مضر اوله جغنی درک
و تفرس ایتیه رک علی العمیا مهرله مکده اولد قلی حکومت سنیه جه
بدهات درجه سنده معلوم و ثابت ایدوکندن مأمورین حکومت
واحاد اهلای مملکتک له وعلینه اوله رق ترتیب ایدی لان بو مثالو
ورقه لرک نظر حکومتده ذره جه قدر و اعتبار و اهمیتی یوقدر.

حکومت سنیه هر کسک فریاد داد خواهی و تظلمنی استماع
ایله محافظه حقوق عبادیه هر آن حاضر و آماده و باخصوص
سایه عدالتوایه حضرت پادشاهیده بلا واسطه اصحاب دعاوینک
مصالحی رؤیت ایچون محاکم عمومیه دائما مفتوح و کشاده ایدوکنه
بناءً خلقی تربیه سزلکه آلیش دیران و فساد اخلاقه یاردمی اولان
اومقوله محضر لر ترتیبی تکلفنه، و بر طاقم نجھول امضالرله پرده
آرقه سندن لقردی سویله مکه حاجت اولیوب مدعی و مخبر کیم ایسه

تحریرات عمومیہ

—

یازق کہ ذکای فطریلری غبطہ بخشای اہالی سائرہ اولان
 بو حوالی خاقی، برچوق فرق متضادیہ متفرق اولدقلرندن
 ایچلرندن — حتی اسم و شهرتلیری بیلہ حکومتجہ مضبوط و معلوم
 اولان — بعضلری محض فساد اخلاق اثری اولہ رق کړک
 یکدیگرلری، کړک مأمورین حکومت عالینده انواع عزویات
 ومفتریان حاوی «مخبر صادق» و «مخبر مستقیم» و «عموم
 اہالی» و «عموم اہالی وکیلی» کبی امضالرلہ بر طاقم عرضحالر،
 تلغرافلر، مکتوبلر تصنیع و ترتیب ایلہ مقامات عالیہ و ولایتہ تقدیم
 ایتک ودها جسورلری بویلہ بر نقاب ایلہ احتیجاب ایتمکده لزوم
 کورمیه رک و محق وعدل صورتندہ کورینه رک کندیلرینی میدان
 علانیته قویمقدہ و حقلرندہ شکایت ایتدکلری اشخاصک وجودلری
 بلکمده واجب الازالہ ایدوکنی ادعا ایلمکده ایسهلرده اکثریا
 مجازات ترهیدیہنی استلزام ایدہ جک صورتدہ دکل، حتی رسماً
 سؤال و جوابی بیلہ ایجاب ایدہ جک یولده ادارئہ مقال و بیسان حالدن
 عاجز اولوب مرام و مقصدلری مجرد خلا فکیرلری اولان طرفی لسانہ
 ویر مکله — ولو کہ موقه اولسون — ناموس و حیثیتی اخلال ایتک کبی بر
 غرض فاسدہ خدمت و متابعتدن عبارت ایدوکی و هله اہالی نامنہ اولہ رق

شاهانه لیرینی مهبط انوار فیض و سرور، وعهد عدل ملوکانه لرنده معابد و مساجد اسلامیه نی اقامه مراسم دین مبین ایله برقات دها مزین و معمور بیورسون.


مقدمه صامسونده وقوعه اولان حریق کبیرده محترق اولوب خاقان فردوس آشیان عبدالعزیز خان حضر تلرینک نام عالی لیرینه اوله رق انشاسنه بدأ ایدیلان اولو جامعک تخصیصات مرتبه سی کفایت ایتما مکه هنوز اکملی میسر وله مامشیکن نوکیره جانبیک سنجانی متصرف لاحقی سعادتلو رشید پاشا حضر تلرینک تشویقات همکارانه سیاه متحیزان مأمورین محلیه بر آفاق معاش لیرینی ترک واعطا واهالینک اصحاب ثروت و یساری دخی آنلرک بو اثر بنه اقتنا ایدرک دفته طوپلانیلان یوز بیک غریش اعانه ایله سایه موفقیت وایه حضرت پادشاهیده همان انمام انشاسنه بدأ و مباشرت و بوسایله جمیله ایله دخی جهه طرفندن دعوات مفروضه حضرت ظل اللهی زیور زبان مصادقت اولندیمنه دائر لواء مذکور اداره مجلسندن ورود ایدن مضبوطه نك لفاً تقدیمه کرک پاشای مشارالیه، کرک آکا پیرو اولان سائر ارباب همت و جهتک اشبو سعی جمیل پیامبر پسندان لری تقریر عالییه عرض اولنور باقی هر حالده

فی ۲۰ مارت سنه ۹۶

آتی یوز بر قدر ییادر؛ عثمانلیر اشبو دور حضرت عبدالحمید خانی
کبی بر دور مسعود ترقی کورمه مشلردر.
بر دلیل مزده بو کون سایه شاهانه لرنده تأسیسیله مفتخر
اولدیغمز شو مکتب عالیدر.

بو بر مکتبدر که قبولری - جنس و ملت، دین و مذهب
تفریق ایتمه رک - عموماً اولاد وطنه آچیق طوتیه جقدر.
ان شاء الله شو کتמأب افندمز حضر تلرینک سایه ملوکانه لرنده
اشبو مکسب فیضدن نیجه ارباب قابایت واستعداد یتشه جکدر که
بر زمان ده مقدس وطنمز آنلرله افتخار ایده جکدر.

آنکچون بن دخی یوز بمی محراب ملکوته چویره رک مسبب
الاسباب و مسهل الصعاب اولان الله ذوالجلاله عظیم شکر لر
ایدرم که سایه سامی ولى النعمته نفی عمومه شامل بویه بر
تأسیس نفیس علمینک برنجی طاشنی قویغنه بو عاجز قولنی موفق
بیور مشدر.



..... جلیله سنه عریضه



جناب رب عزت، مشید ارکان دین و دولت اولان ولی نعمت
بیتمنز شهریار تقوی شعار افندمز حضر تلرینک بیت المعمور قلب

بوکون بزده اوپله بر موج طوفانخیز ترقی اوکنده بولنیورزکه
توفیق الهی وسائقه نفوذ پادشاهی ايله بزى ایسترایسته من ایلری
سوروب کوتوره جکدر .

آنکچون ینه تکرار ایدرم که استقبالمز امیندر .
افندیلر !

معلومکز در که وطن، اولاد وطن ایچون سویلیر .
اولاد وطنه ایدیله جک الک بیوک خدمت ایشه آنلره سعادت
دنیویه و اخروییه قزانديره جق بر قزانجه دلالت ایتکدن
عبارتدر که اوده تحصیل علم و معرفتدر .
تحصیل علم و معرفت، دارالتعلیمه محتاجدر که بونلرده پادشاه
دل آگاه افدمن حضرتلرینک سایه شاهانه لرنده چوغالیور .
ینه او سایه مقدسده در که ملکمزده سائر ترقیات نافعه مدنیه
دخی شمندوفر خیزینه مشابه بر سر عتله ایلری کیده یور . سوزم
طوغریدر .

هله ماضیه بر نظر رجعی عطف اولنسون .
عصر حاضر حضرت پادشاهینک ترقیاتيله اسکی حاملز موازنه
بیورلسون .

اول وقت شو سوزمک عین حقیقت اولدیغی تردسز تسایم
اولنور .

اوت ! محقق بیاملی یز که دولت علیه نک تاریخ تاسسندبری که

نطق [°]

افدیله !

سزی تبشیر ایدرم . استقبالمز امیندر .

علو همت ، خلوص نیته مقارن اولورسه هانکی مشکل وارکه اقتحام
اولنه مسون .

واقعا بعضا بر بلوط پارچه سی ده کونشه حائل اوله بیایر !
لکن ممکن دکل آنک ضیاسنی محو ایده مز . آن اولور که یینه
پرتوریز انجلا اولور .
حقیقت ده اوילה در .

بلوطك كونشه حیولتی قیلندن اوله رق بعضا روی حقیقته ده
موقت پرده چکن بولنور ! اما ممکن دکل آتی ستر ایده مز .
زمان اولور که یینه پرده برانداز ورونما اولور .
ایشته بوکون اوילה بر حقیقت وامید ، کونشك پارلاق
ضیالری کوزلرمزی قماشدیروب طورییور .


مدنیت و معرفت دنیلان عطایای قدرت دخی سیل خر و شانه
بکز که آکا هیچ برشی سدره اوله مز . قارشوسنه کلانی — طاغ
قدر قوی ده اولسه — خس و خاشاک کبی سیلر سپورر .

[°] طریزون مکتب اعدادیسنک تأسیسنده ایراد اولمشدر ، فی ۱۸
ذی الحجّه سنه ۱۳۰۱ و فی ۲۷ ایلول سنه ۱۳۰۰

لکن قورقارم که او شرفی اقبالحواه بی اشتباهکنز اولان
بو عبد عاجز قزانهمیه جقدر .

ایشته بنم ایچون جای اسف آنجق بوراسیدر .
اما نه چاره؟! جناب حق هر قولنه بر مظهریت ویرمشدر که
آنی بشقه بی بیك چالیشسه اکتسابه موفق اوله مز .
آنکچون بنده تصوراتمی فعله چیقارمغه پرده کش حیولات
اولنره دکل؛ کندی بخت وطالعه کوسه رک محول الحول والاحوال
اولان الله ذوالجلالک دیگر خیرلی ایشاره اولسون بی موفق
بیورمسنی؛ وانوار معارف و مدنیتهک اشراقات جهان آراسی،
حتی قبالی کوزلری بیله آچوب هر کسک ادراک معالی یه شتاب،
و بو منفرد واسطه منجیه ایله سعادت دارینی اکتساب ایلدیکی
بر زمانده حالا کراخواب غفلتدن باشنی قالدیر میان اخوان دینمزی
بر آن اول او یاندرمسنی تمنی واستدما ایلم
باقی عبرت

۱۸ نیشان سنه ۳۰۰



مکتوب خصوصی [°]

مشرتک تلغرافنامه عالیلری قلمبده کی حسیات معارفیویانه نی
یکیدن تحریک ایله برابر کوزلرمدن اشک تأثر آقتدی .
یابن بدبختم ، یاخود وطنکیز بختیار دکلدیر که بو کون مات
اسلامیه نك اعظم احتیاجندن اولان معارف نافعنه نك ترقیسنه
خدمت ایده جک هر نه یه تشبث ایتش ایسه هم حتی هم بنی ، همده
معارفی سونلر طرفندن بیله انواع موانعه تصادف ایدرک تصورات
و تشبثات خالصانه و خیر خواهانه کاملاً نتیجه سز قالمشدر .
بو حالی وطنکیز بختیار سز لغندن زیاده کنددی بدبختلغمه
حمل ایده بیلیرم .

چونکه قرآن کریمده بر کلام معجز اثر وارددر : جناب رب
العالمین بیورمش که « ایحسب الانسان ان یترک سدی » .
ایمدی امین اولیکیز که سزک بو کوزل وطنکیزی و عقل
و ذکاجه نادر الامثال اولان اولاد وطنکیزی ده چوق زمانلر
بویله باشی بوش بر اقامزلر .

انشاء الله یقینده بر کون کله جک که شو بنم تصورات خیریه م
طوعاً و کرهاً حیز آرای حسن حصول اوله جقدر .

[°] کرده سوندن طریزونه بعض ذواته یازلمشدر .

طریق المناوبه اعضای مجلسك خانه لرنده اجتماع ایله تعمیم انتشار معارف خصوصنده ایچه مساعی مشکوره ابراز ایده بیامش ایسه ده صکره لری هر نصلسه اجتماعات و مذاکرات لازمه ده مجلس اولکی قدر دوام و اهتمام کو ستره مدیکندن الیوم مجلس مذکورک وجود و عدمی مساوی بر حالده کیدر .

سعادت حال ملک و ملتک اصل و اساسی ایسه انتشار معارف و علوم قضیه خیریه سی اولوب ذات شو کتسمات حضرت پادشاهینک نخبه آمال و افکار معالی آثار جناب خلافت پناهیلری دخی الک زیاده بوجهته معطوف و مصروف و بو حوالی خلقی دخی له الحمد فوق العاده آثار فطانت و ذکا ایله موصوف ایدوکنه ؛ و او جهته سابق کی فضیلتلو نائب افندی حضر تلرینک تحت ریاست علیه لرنده اوله رق شو مقصد مقدسک تسریع و تسهیل حصولنه بحق خدمت ایده جک یکی بر مجلس معارف هیئتسک تشکیلی مطلق الوجوب حکمنده کورندیکنه بناءً ذات معارفسماتلری کی بر فضلک آراء صائبه سندن استفاده آرزوسیه مجلس مذکور اعضاخی خدمت فخریه سنی لطفاً قبول بیوره جقلری امید واثقیله ترقیم رجانامه یه ابتدار قلندی باقی اراده افندمکدر .

بوانجمنده ذات حمیتساتلری کی احتیاجات عصر و زمانه واقف
اولان افکار منوره اصحابنک وجودی جمعیه شرف و یره جکندن
انجمنک رسم افتتاحیه رئیسینی انتخاب و اوقات اجتماعنی تعیین ایتمک
اوزره بمنه تعالی اوکمزده کی جمعه کونی قبل الصلاة حکومت دائره
سندده کائن مجلس اداره ولایتیه مخصوص اوطه نی تشریف
بیورملری رجا اولنور.

مقدمه سی خلوص نیتله باشلانان هر شی بعونه تعالی دائماً
حسن موفقیتله نتیجه پذیر اولور.
آنکچون بزده جناب حقک توفیقات و تسهیلات الهیه سنه
مظهریتله مساعی مصروفه مزک ثمراتی طوپلایه بیله جکمز
شمیدن امیدوار اوله بیلیرز اقدام.



تذکره صورتی [*]

—

مملکت مزده ترقی معارف اسبابنک استحصالیچون کچن
سنه مرکز ولایتده بر مجلس تشکیل ایدلمشیدی.
مجلس مذکور برمدت کرک حکومت دائره سندده، کرک علی

[*] ۳۰ مارت سنه ۹۷ تاریخنده طربزونده مجدداً تشکیل اولنوب
الیوم دوام ایدن معارف قومیسینی اعضاسنه یازلمشدر.

بو شرفی جمعیتک اعضا سندن عد بیورر سه کز حقیقهٔ مفتخر
و متشکر اولورم .

همان ذوات مومی الهمی نزد عالیرینه دعوت و سلام
مخصوص عاجزانه مله اشبو مأموریت خیریه لرینی تبلیغه همت
و توفیقات الهیه استناداً ایشه مباشرت بیورملری مرجو در .
جناب حق ابناء وطنک دین و دنیا لرینی معمور ایده جک
خیرلو آتارک وجوده کتیرلمسئه موفق بیورسون آمین . باقی امر
و اراده اقدام حضر تلرینکدر .



تذکره صورتی [*]



اولاد وطنک تعلیم و تربیه سنی تسهیل و تعمیم کبی نفع
و فائده سی امر دین و دنیا یه عام و شامل اولان بر سعادت سرمدیه نک
واسطهٔ حصولی اولمق انسان ایچون نه بیوک شرف و افتخار در .
ایشته ولایتز ارکانندن بویله بر شرفه نائلیت آرزو سنده اولان
ارباب دانش و عرفانی جمع ایله الیمزدن کله بیله جک خدمتی جدأ
ایفایه چالشمغی تصمیم ایدرک بر انجمن معارف تشکیاتی تنسیب ایلدم .

[*] فی ۲۷ شباط سنه ۹۷ تاریخنده قسطنطنیده مأمورین
و اشرافدن بعض ذواته یازلمشدر .

تذکره صورتی [۴]

—

حضور عرفان موفور لرنده معارف عمومیه نك منافعدن بحث
ایتمك، بر مرد بصیره وجود شمس منیره دائر دلیل ایرادینه قالقی شمع
قیلندن اوله رق عبث و بی لزومدر. بناء علیه ذات کالاتما تیری
کبی بر نحریر کاملک امور معارفه کرک معلومات نافعہ، کرک
تدابیر واقعہ سندن ولایتز حلقنک عموماً مستفید، و بو وسیله ایله
مکاتب رسمیه و عمومیه نك سایه معارفوایه حضرت پادشاهیده
مظهر انضباط و انتظام جدید اولمی ایچون بو کره تحت ریاست
اکملانه لرنده اوله رق بر معارف قومیسوننک تشکیلی نزد عاجزیده
بالتنسیب اعضالق ایچون شمعدیلک خاطره کلوب انتخاب ایدیلان
ذواتک اسامیسنی مبین پوصله لفاً بعث و تسریب قلندی.

مومی الیهمک جمله سی ابنای وطنلرینک لامعه معارفه تنویر
افکار ایتلرینی جداً و حقیقه آرزو ایدر معارف پرور و حمتکستر
ذاتلر اولق حسیله مذاکرات واقعده آراء صائبه لرندن بحق
استفاده اولنور امیدندیم.

قلت بضاعه و کثرت مشاغل ایله برابر بو عبد عاجزی دخی

[۴] اشبو تذکره ۱۲۹۶ ذی الحجه سنده طربزون سرکر نائی

فاضل مشهور مصطفی حمدی افندی مرحومه یازلشدر.

تحتنده جریان ايتديكي حالده اکثر محللرده بر ماده مهمه و غير مهمه
ايچون مقام ولايتدن اوچ درت دفعه و بلکه دهها زياده اشعار
و استشعار وقوع بولمدجه ملحقاادن جواب آلمق قابل اوله ميورکه
بو حال دخي آمر ايله مأمور آره سنده کي ارتباط طيبي و قانوني بي
تماماً اخلال؛ و امور اجرائيه بي دوچار عقدۀ تأخير و اشکال
ايلديکندن استجوابي متضمن اولان محررات و خصوصيله تلغرافناه
مهلهر جوابلرينک اعطاسنده و تبليغ اولنه حق او امرک انفاذ و اجرا
سنده ممکن اوله بيلديکي قدر التزام سرعت و استعجال ايدلمک بغايت
مطلوب و ملتزمدر.

شوراسيده محقق بيلنمليدرکه عصر مزده سعادت و سلامت
عموميه آنجق فعليه منحصراً؛ و يار و اغيار هپ بوکا ناظر و منتظر درلر.
بناءً عليه بي درپي نشر اولنان او امر عليه و قوانين عدليه احکامي
قويات دائر دسنده براغلامليدرکه بويابده کي مقاصد سنیه حضرت
ولي النعمته بزده وسعمن قدر خدمت و مهما ممکن اداء شکر
نعمت ايتمش اولهلم.

الحاصل عون و عنايت باري ايله طرف عاجزیدن ولايتک
امورکليه و جزئيه سنده ايفاي حق نظارت اولنه جنبي کي رفقای
کرام دخي امور مأموره لرنجه دائماً ابراز مآثر کار آکاهی
و رؤيتله درعهده ايتمش اولدقلري وظائف مهمه بي تماميله ايفايه
همت بيوره جقلريني قوياً اميد ايلرم باقي

في ۱۸ ربيع الاول سنه ۹۶ و في ۲۹ مارت سنه ۹۵



ظلّ اللهی اولان ترقیات مدنیّه و معموریت مایکینک تمامی حصولی
تقریر امنیت و نشر عدالت و ابسته در . بین الام حکومتلرک
علت غائیة تشکلی دخی بودر .

ایمدی حکم قضا و قدر اوله رق بو صوک سنه لرده دوچار
اولدیغمز مصائب طاقتفرسادن عبرت آلان ارباب انتباهه خفی
دکلدرکه حالیزی تعمیر و استقبالیزی تأمین ایده جک چاره منفرد ،
شو ایکی مقصد مقدس پادشاهینک تسهیل حصولنه مستند در .
بونلر معاملات حکومتده اصل دیمک اولوب هیچ بر وقت پیش
نظر دقت و اعتدال دور ایدلما لیدر .

یعنی امنیت عمومیّه بی اخلاص و معادلت سنیّه مغایر حاله
تصدی وضعفایه تعدی ایدنلرک شدیداً و سریعاً منع و زجری
مأمورین دولت اوزرینه واجیدر .

سائر مواد مهمه دخی بوکا متفرع اولوب جمله دن بریسی
و بلکه ده کافه حسنیات مدنیّه و ککالات انسانیّه نک متوقف علیهی
اولق حسیله برنجیسی تعمم انتشار معارفه خدمت ، و شو آراق
خزینة جلیله نک مصادف اولدیغی بحران مالی بی فی الجمله تخفیف
ایچون اموال امیریّه بی اسلا خاطر و ککله باقیه رق یرلو یرندن
سریعاً تحصیل و جبايته مسارعت ایتکدرکه واجبه ذمت اولان
بو خصوصه بحق اعتنا و دقت صحیحاً جالب ممدوحیت و خلاقی
حال و حرکت موجب مقدوحیت اوله جغنده اشتباه یوقدر .

برده معلوم اولدیغی وجهله کافه معاملات حکومت مخبره

عند پادشاهیده و حد ذاتنده شرع و قانوندن اعز و اقدس
بر شی یوقدر .

حکم شرع و قانونه متابعت ایدنلر، جمیع زمانده ممدوح و
مقبول؛ و خلاقی حرکته بولنانلر دائماً مقدوح و مدخول اولورلر.
آرقداش و وطنداش لریمک جمله سنی بوفکرده کندمله متحد
بوله جغمی و ان شاء الله تعالی دولت و مملکتیه عائدیک چوق آثار
نافعه یه موفقیتله طرف انرف حضرت پادشاهی ایچون جمله دن
خیرلی دعالر آلدیره جغمی امید ایلرم .
همان جناب حق حیب اکرمی حرمتیه موفق بالخیر
بیورسون آمین .



تحریرات عمومیه



عواطف سنیة حضرت پادشاهیدن طربزون ولایتی و الیلکی
بوکره عهدۀ عاجزی یه توجیه بیورلمغله مرکز ولایتیه مواصلت
و مستعیناً بتوفیق الله تعالی رؤیت و تمشیت امور موکوله یه بدأ
و مباشرت اولندی .

بیانه حاجت اولمدیغی اوزره نخبه آمال و مقاصد سنیة حضرت

ولی نعمت بیتمز پادشاهمز افسدمن حضرتلری عصر -
مزده عدل و احسان قواعدینی ، مجدداً دکل ؛ عادتا موجدانه
دینیه جک بر صورتده تأسیس و تقریر بیوردیلر .

عدل مجسم ؛ و روح جسم عالم اطلاقنه سزا اولان بویله بر
پادشاه رحیمک امرینه فصل امتثال اولماز ؟

بن امور موکوله محجه بر وقت بو خط حرکتدن ایرلمیه جغ ؛
همده آیرلق فصل ممکن اوله بیلور ؟

امینم که رفقای کرام دخی بو بایده آراء صائبه و معاونت
کریمانه لریله بنی تقویه بیوررلر .

هله اهالی ، وظنرور اولان طوغری مأمورلردن بروقت
معاونتلرینی دریغ ایتمزلر .

چونکه الله دخی طوغرییه معیندر .

جنس و ملت تفریق ایتیه رک اهالینک هر صنفی قانون
نظرنده مساویدر .

حضور قانونده اقویایله ضعفایله برابر در .

بنم ایسه بلکهده ضعیفایه رفقم اوفر در .

انسان ایچون دنیاده اویقوسمز طور مق قابل اولهیدی
اویقو زمانی دخی عباداللهک مصالحنی رؤیته حصر ایدردم .

حکومت قبونری هر کس ایچون هر زمان آچیقدر .

حتی کیجه یاریسی بیله ایسته یین طرفره مراجعت ایده بیلور .

مکتوب بایسریشیا

نطق رسمی [*]

بزجه هر سعادتک مدار منفردی شمدی قرائت اولنان شو
امر عالیده مندرج، ارادات و ارشادات سنیة حضرت پادشاهی به
امثالدن عبارتدر .

جناب الله موفق بالخير ایتک ایستدیکی قولدریچون توفیقات
الهیة سنک اسباب حصولی ده برابر خلق ایدر که او اسبابدن
بری ده یرلیغ بلیغ الہی وتبلیغ رسالتپناھیدن صکره اولی الامرک
امرینه اطاعتدر .

بو مثالہ امثال ایدنلریچون عدم موفقیت اصلا ممکن
و متصور دکلدر .

حتی بوکا مبیدر که «انسان ایچون برامرده موفق بالخير
اولماق مطلقا یاسوء نبت و یا قصور همتدن نشأت ایدر» دیرلر .

[*] فی ۱۲ ربیع الاول سنه ۱۲۹۶ و فی ۲۶ مارت سنه ۱۲۹۵
تاریخنده طرزونده اراد اولمشدر .

در سعادت و ولایات شاهانه جه منافی تعمیم اولنه -
مامش ایدی .

عاجز لری بو یولده آثار نافعہ نك نشرینه واسطه
اولغه آرزو کش اولدیم و قدر شناسلغی عین افتخار
بیلدیکم ایچون ایکنجی طبعی در عهده ایلدم . بونك
ارزیرینه ارسالنه عنایت بیوردقلری سائر بعض مسوده -
لرک ضمیمه « مکتوبات سری پاشا » عنوانیله طبع
و موقع استفاده یه وضع اولنمشدی .

مکتوبات سری پاشانك مطالعه سندن هر کسك
مستفید و متلذذ اوله جقلری عاجز لرجه بی اشتباه اولغه
اوته دنبر و نشر ایلدیکم آثار میاننده مشارالیه حضر تلرینك
بو اثر بدیع لرینك بو کرده اوچنجی دفعه اوله رق طبع
و نشرینه واسطه و نائل اولیشیم باشقه جه موجب مفخرت
و محظوظیت چا کرانه م اولمشدر .

صاحب و ناشری
کتابچی آراکل



افادۀ مخصوصه

محررات رسمیه. مؤلفات ادبیه و مخبرات سیاسیه ده
مسلك جدیدی، و قلم بدایع بدیدی ایلہ نام و شانی شهرت
بخش عالم ادبیات اولان دولتلو سری پاشا حضر تلرینک
فکراً و ادباً انموزج ارباب قلم و معارف بولنان آثار جلیله
نافعه لری جمله سنددر.

مندرجاتی، مؤثر و متعدد نطقلری، عمیق مطالعه -
لری، دقیق ملاحظه لری، ادیبانه و حکیمانه یازلمش بعض
مکتوبلری، عریضه لری؛ الحاصل ولایات شاهانه نک
اصلاحات مادیه و معنویه سنجه هربری برر نمونه امتثال
اولمغه شایان بر طاقم محررات و مخبرات رسمیه. مکتو -
بات خصوصیه و مواد سائرۀ مهمه نی حاویدر.

شو اثر عالیقدر لری، ایلک دفعه اوله رق طربزون
ولایت جلیله سی مطبعه سنده طبع ایدلمش اولد یغندن

1

253

1015355

1015356

مکتوب بایرستان


والی ولایت دیاربکر



صاحب وناشری

کتابچی آراکل

معارف نظارت جلیله سنک رخصتیله اوچنجی دفعه اوله رق
طبع اولنمشدر. رخصتنامه نومروسی ۹۱۹



استانبول

مطبعة نشان بربریان

۱۳۰۹

Serial Page: McIntyre

I. 12. 1-24

Page 1.

Para

224 ✓

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PI Sirri Pasa, Sinitli
240 'le'ubati-i Sirri Pasa
S52Z53
1901

